




5193

PROPERTY  
of the




BOYLSTON,  
Medical Library  
CAMBRIDGE.

*Callender 82*



6  
6  
22





Digitized by the Internet Archive  
in 2011 with funding from  
Open Knowledge Commons and Harvard Medical School









MAXIMILIANI STOLL

IN UNIVERSITATE VINDOBONENSI

MEDICINAE CLINICAE.

P. P. O.

PARS SEXTA

RATIONIS

ME DENDI

POST EJUS OBITUM EDIDIT ET PRAEFATUS EST

IOSEPHUS EYEREL.

VIENNAE AUSTRIAE

EX TYPIS JOH. PAULI RAUSCH.

MDCCXCI

ALPHABETICAL

LIST OF THE

MEMBERS OF THE

AMERICAN

ASSOCIATION

OF THE

LIBRARY

OF THE

AMERICAN

ASSOCIATION

OF THE

LIBRARY

OF THE

AMERICAN

ASSOCIATION

OF THE

LIBRARY

OF THE

AMERICAN

ASSOCIATION

OF THE

LIBRARY

OF THE



---

---

## PRÆFATIO

**M**agna animi voluptate meam,  
qualemcunque in pervulgandis *Stol-*  
*lii* scriptis operam, eruditis Medi-  
cis ita placuisse video, ut hæc eti-  
am viri optimi *Analecta*, quæ mo-  
do sum traditurus, eadem ab æquis

lec-

lectoribus benevolentia fore accepta, confidam.

*Primum* autem horum *analectorum* Volumen *quinque* constat sectionibus; quarum *prior aphorismos*, seu præcepta medendi continet, quæ ex *Baglivio & Ballonio* potissimum, in privatos sibi usus decerpserat, adpersis hinc inde notulis.

*Secunda* sectio de methodo examinandi ægros agit. *Tertia*, medicinam in casibus inopinatis aphoristica dictione comprehendit. *Quarta* sectio, quædam ad medicinam forensam pertinentia pertractat. *Quinta*, brevem de herniis doctrinam exhibet.



hibet. *Sexta* sectio observationes de colica pictonum sistit, quæ in collectione observationum, a *celeberrimo Mohrenheim* a) aliquot abhinc annis editarum, comparuerunt, nunc autem primum *latino sermone* exhibentur. *Septima* denique sectio *sparsa*, ad ægrorum lectos exposita, continet.

*Alterum volumen* in sectiones tres est divisum. Harum *prima* ephemerides ab anno 1781 usque ad Aprilem ann 1782. continuat. *Sectio secunda* numerosas continet cadaverum sectiones, brevi ut plurimum addita  
epi-

a) Wienerische Beiträge I. Band, Wien 1782.



epicrisi ; atque ob hanc ipsam alteram sectionem , quæ ægrorum in *Nosocomio Trinitatis* defunctorum extispicia proponit , tum etiam ob ephemerides continuatas , atque observationes de colica pictonum in eodem nosocomio consignatas, **ANALECTA** hæc Tomi VI & VII. **RATIONIS MEDENDI** titulum non immerito præseferre arbitrabar.

*Tertia sectio* Adversaria varii argumenti continebit. Index rerum in utroque volumine contentarum copiosus imponet finem.

---



# CONSPECTUS

## MATERIARUM VOLUMINIS I.

---

### SECTIO I.

**A**phorismi, seu præcepta medendi generalia ex variis auctoribus collecta.

### SECTIO II.

De methodo examinandi ægros.

SEC.

SECTIO III.

Medicina in casibus improvisis.

SECTIO IV.

Quædam ad medicinam forensam pertinentia.

SECTIO V.

De Herniis.

SECTIO IV.

Observationes de colica Pictonum.

SECTIO VII.

Sparsa ad ægrorum lectos exposita.

PRÆ-



# SECTIO I.

---

## A P H O R I S M I

SIVE

PRÆCEPTA MEDENDI GENERALIA

EX PLURIBUS CASIBUS PARTICULARIBUS

ABSTRACTA, EX VARIIS AUCTORIBUS

COLLECTA.

SECTION I

---

AS HONORARY

MEMBER OF THE

AMERICAN SOCIETY OF

SCIENTISTS

AND

ARTISTS

OF THE

UNITED STATES

OF AMERICA

AND

THE

ROYAL SOCIETY

OF LONDON

AND

THE



§. 1.

**D**espumatio morbosæ materiæ, sive, quod idem est, crisis morbi, definito febris tempore fieri solet.

§. 2.

Crises in morbo acuto imparibus ut plurimum diebus salutariter fiunt; quæ paribus, fere lethaliter.

§. 3.

Chronici paribus fere tum diebus, tum mensibus terminantur.

§. 4.

Datur consensus quidam inter tibias & pectus.

A 2

Inter

Inter pudenda & pectus arcani quidam observantur consensus.

§. 5.

Ulcera, cauteria, aliaque tiliarum mala, intempestive aut imprudenter sanata in perniciosos pectoris morbos desinunt.

§. 6.

In morbis pectoris diuretica & pediluvia utilia sunt. Purgantia autem generaliter noxia.

§. 7.

Omnes pleuriticos sanatos vidimus, quibus in interiora auris dolor & exinde suppuratio supervenerunt,

§. 8.

Febres intermittentes, nullis nec digerentibus, nec solventibus, nec febrifugis cedentes remediis, facta venæ sectione in salvatella, frequenter sanantur felicissime,

§. 9.

A dolore forti ad testes irruente tussis sicca solvitur.

§. 10.

Cum testis intumescit a tussi, memoriam renovat societatis pectoris, mammarum, genituræ, vocisque.

§. 11.



## §. 11.

Si testium inflammationi tussis superveniat, inflammatio solvetur, & contra.

## §. 12.

Hydrocele discussa supervenit hydrops pectoris.

## §. 13.

Præire & subsequi sternutamenta in morbis pulmonum, malum.

## §. 14.

Infantes optimæ sanitatis, vegetique ceteris paribus facillime & sæpe inadvertenter dentiunt. Debiles vero, laxi, sive ob morbum aliquem prægressum, sive ob innatam debilitatem, difficillime dentiunt.

## §. 15.

Pulsus senum sæpe intermittit, accedente febrili morbo intermissio cessat, at fracto morbo redit pulsus intermittens, sanitatis proxime adfuturæ signum indubium. Hinc ex tali pulsu nil mali suspicetur medicus.

## §. 16.

Ubi diathesis inflammatoria, ibi venæ sectio conducit, sed nocet purgatio. Ergo in *argina inflammatoria*; item in *apoplexia sanguinea* nunquam purgandum, sed



vena secanda. Vidi hujus aphorismi veritatem in multis casibus tum meis, tum aliorum, nunquam enim purgatio profuit, nocuit autem semper.

„Corpora laxa, tumida, quæque aut sunt aut fuerunt chlorotica, subinde valde febri citant: dolor capitis magnus, lingua humida, glutinosum os, sitis aut nulla, aut exigua. inappetentia, urina flava valde, mucosa; sanantur cremore tartari leniter alvum movente, & oxymelle. Deinde vero firmandum corpus roborantibus. *Hydrops calidus* eodem modo curari debet. Rarissime venæ sectio prodest.“ *Stoll.*

§. 17.

Ventriculi dolor post potum Caffèe in homine robusto, plethorico a turgore vasorum ventriculi oritur. Juvat venæ sectio non autem sic dicta stomachica.

Adest in hoc casu præter dolorem ventriculi etiam dolor capitis, aut vertigo. Præter plethoram universalem adest particularis ventriculi; subinde etiam intestinorum, tunc autem dolores colici, vel colica hæmorrhoidalis dicta, balneo tepido, emollientissimis decoctis, refrigerantibus & hirudinibus ano applicatis curanda.

In

In sputo sanguinis menstrua nocent adstringentia; profunt emollientia, alvum lubricantia, & hirudo ad anum. Item subinde movenda alvus est, per magnesiā nitri, quæ alvum sollicitando motum humorum versus venas hæmorrhoidales determinat. Diæta vegetabilis.

## §. 18.

Si pleuritis sit ab apparatu humorum in primis viis, purgandum est.

## §. 19.

In pleuritide maligna & epidemica camphora cum *fervido* decocto rad. imperat. angelic. tussilag. fol. scabios. & tussilag.

## §. 20.

Temperamentum puerorum pituitosum, improvise, sine manifesta causa orta gravia symptomata, & apoplexia puerorum extremitatibus frigidis, pulsus valde exilis, qui fere semper signum est vermium, frequens contrectatio abdominis manibus, tormina, improvise mania, singultus &c. signa sunt vermium. In tali casu nil potentius, quam statim dare cum brodio gr. XII, merc. dulc. & gr. V. Scamon. Sulph. in adultis. In pueris vero minoretur dosi, vel potius detur



mercurius crudus in brodio ad magnitudinem pisi. Nam exit ad miraculum.

§. 21.

Subito excitari ex somno cum trepidatione in infantibus, præcipue, est apud mulierculas signum vermium; hoc item tamen etiam contingit in eruptione exanthematum.

§. 22.

Lumbrici frequenter absconduntur in cavitatibus intestini colon, ad quas cum interdum difficulter perveniant medicamenta, ideo non mirandum, si non raro ex optimis medicamentis non semper optimos habeamus successus.

§. 23.

Vermes subinde subito non solum pueros enecant & infantes, sed etiam adultos.

§. 24.

Anthelminticum Georgii Batei Angliæ archiatri referente *Baglivio* est sequens.

R. Mercur. crud. recte purgat. ℥j.

Aquæ graminis

— — portulac. aā ℥ijj.

relinque per duas horas mercurium, macerando ac sæpe & fortiter agitando. Decanta aquam & cola.

§. 25.

## §. 25.

Si circa quartum, cum jamjam erumpunt variolæ, caput impetunt cum magno calore, anxietate, motibus tendinum subfulgoriis &c. statim imperavit Baglivius cucurbitulas scarificatas scapulis; & momento omnia symptomata conquere.

## §. 26.

Si sanguis ad caput impetum faciat in variolis (idem fors in aliis morbis acutis inflammatoriis magis conveniret, quam vesicantia, aut etiam epispastica,) tensionesque in hypochondriis adsint, plantis manuum atque pedum spongas decoctis emollientibus tepidis turgidas apponi jussit *Baglivius*, magno cum symptomatum levamine.

## §. 27.

In pueris semper de duobus suspicandum, de lumbricis videlicet, & de variolis. ideo nunquam febris, antequam duotresve dies elapsi sint, determinanda.

## §. 28.

Dolor dorsi acutissimus, nonnulli motus convulsivi, rufis, oculi humidi, febrim ex genere variolosarum futuram denotant.



## §. 29.

Qui in variolis maxime sputant, raro moriuntur, nullumque sputatorem in variolis mortuum vidit Walschmidius.

## §. 30.

Adultiores ætate, nisi recte tractentur in variolis, sæpe moriuntur phrenitici uti observavit *Baglivius*.

## §. 31.

Ad foveas variolarum delendas optimum asserit *Baglivius* remedium fieri ex alio amygdalarum dulcium. ℥ij. Spermat. cer. ℥jjj. Ol. Still Rhodii gt. jv. M. f. Unguent.

## §. 32.

Contrahuntur sæpe hypochondria in acutis versus diaphragma, ob id inflammatorum, vel convulsivica oscillatione laborans: & semper malum est.

## §. 33.

Pulsatio in præcordiis cum signis ariditatis in lingua, vel aliis partibus, delirium significat.

## §. 34.

Si lumbis dolentibus veniat dolor ventriculi, futuras denuntiat hæmorrhoides.

## §. 35.

Si in morborum, præsertim acutorum initiis, hypochondria tument aut dolent, sanguinem in supernis partibus expecta.

## §. 36.

Nolite terreri, si aliquando videatis pus in morbis; nam non semper pus est, sed succus nutritius, qui ob intermissam exercitationem consuetam, vel ob victum copiosum in venis redundat; unde in forma puris tunc effluit per urinam, secessum &c, teste *Avicenna*, quare non semper alba materies signum est ulcerum; quod serio notandum.

## §. 37.

Datur etiam hydrops inter musculos abdominis, quando nempe serum non in ejus cavitate, sed inter externos abdominis musculos fluctuat, & ventrem elevat in magnum tumorem ruptis, laxatis, vel erosissimis talium partium vasis lymphaticis. *Hippocrates* ejus primus meminit, dum ait, *Spatia musculorum sero & flatu replentur.* *Walschmidius* in sua praxi nonnulla quoque de eodem monet, ex ore præceptoris sui habita.

## §. 38.



## §. 38.

Hydropicis desperatis, si facies evadat plumbea, mors ostia pulsat.

## §. 39.

Qui natura sunt stomacho debiles, & difficulter cibos coquunt, luridos & conspurcatos dentes habeant, cum aliquali oris foetore, sunt magis proclives ad somnum quam ad vigilias; hebetes sunt visu, remota non bene vident objecta; a quovis copioso ciborum usu facile læduntur.

## §. 40.

Potus caffee iis mirabiliter prodest, & apud me (ita Baglivius) pro secreto habetur. Continuo moerent aut dolore capitis laborant, & ob id impatientes sunt.

## §. 41.

Ex auctoritate & præcepto magni *Hippocratis* non solum febres obnoxiae sunt viribus & potestati dierum criticorum, sed quam plures etiam alii morbi, ulcera, ophthalmiae, dysenteriae, vulnera cum febre. Typhos febris, eodem teste, sex mensibus judicatur.

## §. 42.

Si secundo die exacerbatis omnibus accidentibus, ruat æger in pejus, morietur  
tur



tur quarto ; si quarto , morietur sexto.  
Hippoc.

## §. 43.

Crises ad articulos naturā peculiari quadam lege sibi soli nota promover ac perficit, & nos cum impropriis remediis, nil aliud efficimus, quam eam a debita crisi, cujus nos rationem ignoramus, divertimus, factaque metastasi ad interiora, brevi jugulatur æger. Id sæpe verum observavi (Baglivius) quando tumores pedum, dolores, ac tumores rheumatici articulorum in impuris corporibus per diuretica, aut purgantia repetita a medicis curari solent in iis præ ceteris, quorum stomachus infelix est, debilis ac relaxatus, ut in quam plurimis in urbe est — Stomacho in his prospice. Victum optimum impera & vinis, vindemiarum tempore more nostro, medicatis, toto anno utere & sanabuntur.

## §. 44.

Causam morbi præscire, dies criticos religiose observare, paucis uti remediis; cocta materia humores educere, dummodo non turgeant, quod si turgeant, statim purgandum; qui hæc in acutis noverit, quam feliciter curaverit!

## §. 45.

## §. 45.

Plures remediorum usus necat quam vis et impetus morbi.

## §. 46.

Pleuritis et pulmonia habent suos criticos *tertium, quintum, septimum, nonum undecimum et decimum quartum.*

## §. 47.

Crises humoris meri et sinceri pessimae. Sanguis merus per tussim, bilis merra per alvum etc.

## §. 48.

Crises humoris pauci, ut stillae sanguinis, pauci vomitus, pauci secessus, pessimae; fiunt ab exolutione vel oppressione partis.

## §. 49.

Morbi acuti usque ad vigentesimum moventur per quaternarios; a vigentesimo ad quadragintesimum per septenarios; a quadragintesimo ad centesimum. In chronicis per menses et annos.

## §. 50.

Si quis sine causa, noctu multum sudat, repletionem significat. Id.

## §. 51.

Febres aestate non tandem fiunt ex nimio fructuum esu, et ex calore solis, quan-



quantum ob frequenter impeditam transpirationem.

Tussiculae cum sputatione abscessum circa aures submovent. Ideo gargarisma ex malvatico vino, quod mihi (Baglivius) familiare est, in paroditibus juvat: et ea quae sputum movent, pariter profunt, nam emungunt excretoria glandularum oris vasa, a quorum concreta lymphæ nascuntur parotides.

§. 52.

Parotides rubrae, et nimium dolorosae, si sint participes, si expertes suppurationis, periculosae, praesertim si alvus non fluat biliosa. Alvus libera in quibuscunque capitis mortis semper mirabilis, semper utilis.

§. 53.

Parotis, licet ad suppurationem etiam veniat, si tamen non adsint signa coctionis in urina vel alvus multum non fluat, malum.

§. 54.

Si crudo adhuc existente morbo cum gravibus symptomatis, parotis veniat, et ob metum graviorum expectari non potest. suppuratio, candenti ferro statim urenda,

et



et ita procuranda statim suppuratio, et exitus. Maligno humori ne mora raptum faciat ad caput et vicinas partes, ac suffocet. *Wallenius* hanc methodum saepe felicem expertus est, uti et *Baglivius*.

§. 55.

Surditas alvum sistit, et alvi profluvium; surditatem, solvit etiam sanguis e naribus.

§. 56.

Surditas in acutis post septimum diem cum aliis bonis signis, reconvalescentiae indicia praebet.

§. 57.

Quibus in febribus ardentibus aures obsurdescunt, his non soluta febre necesse est delirare. Solvit autem inter alia sanguinis e naribus eruptio, aut alvus biliosa.

§. 58.

Aurium morbi nunquam spernendi; solent enim nonnunquam esse acutissimi et post biduum jugulant. Ita *Halicarnassensis* aeger *Hippocratis* dolore auris correptus vehementissimo, postridie obiit aphonus.

Acu

Acutissimi sunt ob apostema auris quod tunc fit; et si fit ex interna parte tympani, malum; pus enim difficulter expurgatur exterius, hinc malum, et pereunt; contra, si ab externa tympani parte inflammatio fiat, in qua expurgatum pus facile prolabitur extra, et partem liberat, atque vicinum parti cerebrum etiam liberat.

## §. 60.

Pariter rubris et supra modum tinctis existentibus urinis, cave cane pejus et angue, ne chinam chinae praescribas, siue sint acutae, siue sint intermittentes febres. Nam *acutae* adhibita china transeunt in inflammationes periculosos; intermittentes vero fiunt continuae graves, periculosae et chronicae. At si cum talibus urinis lingua sit viscida, sicca; calor acris per totum corpus viscera intenta, cum hypochondriorum calore, quae singula significant incipientem viscerum inflammatoriam crispaturam, et oscillationem morbosam, ab exaltatis salibus pendentem; in tali casu sanguinis missio etiam repetita, pro ratione accidentium supervenientium, confetre poterit, ad praecavenda deliria, capitis dolores variasque hujus generis acutas affectiones.

B

§. 61.



## §. 61.

Urinae turbidae, quales jumentorum, semper mala capitis minantur in acutis.

Urina, quae supprimitur in acutis ante rigorem, bonum; critica enim est: quae post rigorem subsistit, convulsivica et letalis.

## §. 62.

Idem dicendum est de haemorrhagia, quae ut bona sit et critica, rigori succedere debet, non antecedere eundem.

## §. 63.

Urinae, quae in acutis Iderepente et immerito coquuntur, malae; quidquid enim immerito coquitur in acutis, malum est.

## §. 64.

Urinae variae in acutis longitudinem significant.

## §. 65.

Ex urina rubra et nimium tincta non semper desumenda est indicatio sanguinem mittendi: nam non semper caloris signum est, ut supra notavimus. In viscerum vera inflammatione urina per saepe est alba, et tamen vena secanda, si morbus postulaverit.

## §. 66.



## §. 66.

Saepe observavi in iis, quibus obstructions sunt in primis viis, cum maximo humorum in mesenterio crudorum apparatu, urinam diminute procedere, et aliquando supprimi; quia humorum hujusmodi in mesenterio haerentium causa, lymphae cursus in lymphaticis viscerum turbatur, et impeditur. Diuretica quantacumque et cujuscunque activitatis dederis, urinam non educes, limo magis supprimes; purgantia repetita ex pilulis de hiera cum agarico etc: et lenia hujusmodi purgantia educendo mesenterii impuritates, pro modulo quo tales educuntur impuritates, urinae quoque cursus aperitur, et aegri sanantur. *Idem ego vix non semper observavi in febribus biliosis hungarorum. Stoll.*

## §. 67.

Pulsus intermittens in una pulsatione pessimus in acutis, et inflammatoriis febribus, praesertim si alia vigeant gravia accidentia. Non ita malus, si morbis pectoris superveniat, in quibus familiaris est, aut in morbis senum, aut in plethoricis, aut in pueris dormientibus, in quibus om-

B 2

nibus

nibus intermittentia fere cum familiaris sit, non ita pernicioſa aestimanda.

§. 68.

Diutius et ſalubrius vivunt, qui naturaliter pulſum habent exiguum, quam qui magnum et vehementem. Salubrius quoque, qui pallidulo faciei colore ſunt, quam qui rubicundo nimium et fere igneo: et quo magis roſea et rubicunda eſt facies in ſanis hominibus, eo magis ſuſpecta ſunt ſua bona. Periculoſiſſimis roſei homines morbis ſubjiciuntur, levi de cauſa aegrotant, facile inflammantur. Longam vitam non habent, et ſi habeant, haemorrhoidibus, calculis, doloribusque articulorum erit labefactata.

§. 69.

Quando dolores alicubi ferociunt, ſtatim pulſus parvi fiunt et exiles. In ſtomachi morbis parvi etiam fiunt. Quique naturaliter ſunt ſtomacho debiles, exiguum fere perpetuo pulſum gerunt; quod ad rite prognosticandum in acutis, maxime juvat praescire.

§. 70.

Si quando in acutis et malignis febribus pulſum tangis, aeger retrahit manum velut



elut tremulam, pessimum est, et pauci evadunt; ita Baglivius saepe observavit in nosocomijs.

## §. 71.

In senibus pulsus est varius et mutabilis naturaliter, ideo ne terreat te in iis curandis. Mutabilis quoque est in pueris copia vermium laborantibus, et in stomachi affectionibus cum ingente repletione, et apparatu primarum viarum.

## §. 72.

Si quando in acutis et aliquando in chronicis post longam inappetentiam derepente ingens excitetur appetitus, nulla praecedente bona crisi, aut alio bono signo, postridie mortem praedicito.

## §. 73.

Homines diu inappetentes in gravem morbum brevi incidunt.

## §. 74.

Si post curatos morbos inappetentia remaneat, recidivam praedicito.

## §. 75.

Bonus appetitus bonam viscerum naturalium oeconomiam denotat, unde semper bene sperandum. Nec lubricus sis in



promittendo curationem felici eventu, nisi fundamentum habeas in bona appetentia.

## §. 76.

Cephalalgiam tollit expurgatio per nares, et sputa crassa odore carentia. Quinetiam eam solvit ulcusculorum ubertas, nonnunquam et somnus et alvi profluvium.

## §. 77.

Si dolor capitis ante febrim invadat, atque si gravis, continuus et posteriorem capitis regionem occupat, periculum est, ne caput idiopathice laboret, ac per essentiam; si vero post aliquot, licet breves ab incepta febre dies, superveniat dolor, per consensum fit, id est febris symptoma est, et occupat partem capitis anteriorem, ut saepe observavi (Baglivius); in summa gravis est, si statim cum febre incipiat, et quotidie crescat, vel in eodem gradu persistat.

## §. 78.

Coma non turbulentum, sed placitum, licet duraverit diu ebriorum instar, non est malum, sed sedat et arcet majora mala, delirium scilicet, dolores capitis, et in pueris febrem.

## §. 79.

In morbis capitis indicium ad salutem vel ad mortem sumas ex urina: si alba sit et tenuis, malum.

## §. 80.

Alvus stricta semper exacerbat capitis morbos. Pediluvia semper bona. Alvus lubrica, bona.

## §. 81.

In faciei et faucium morbis cauteria valde juvant in brachiis; arteriotome in capite, secretum magnum in desperatis capitis doloribus est.

## §. 82.

Hirudines ano adplicatae capitis morbos sublevant: et hypochondriorum mala ex acrimonia, impetu, et difficili circuitu sanguinis in eis.

## §. 83.

*Hippocratis* liber de morbis, mire describit quam plures capitis morbos ab aliis autoribus non descriptos, quos utile est videre.

## §. 84.

Potus nimius caffèe capitis morbos producit; vigiliam, tremorem, calorem etc. Attamen potus Caffee est secretum infallibile

bile ad tollendum capitis dolorem postmeridianum, qui vitio stomachi male digerentis, nonnullas post prandium horas venit. Aliquibus enim, idem etiam *Baglivio* ipsi contigit, tribus post prandium horis dolores capitis, gravitas, moeror molesti sint, quibus potus caffè eodem tempore mirifice prodest.

## §. 85.

Chocolatae usus, prout observatione didicit *Baglivius*, ad roborandam sanguinis massam, ejusque vim, tonum et succum ejusdem nutritium deperditum restituendum, prostratos a coitu spiritus restaurandos maximopere juvat. Nocet sanguineis, inflamabilibus.

## §. 86.

Ut valent oculi, sic et homo.

## §. 87.

Erectum sedere velle in acutis, malum; pessimum in pulmonicis, pulmone inflammato, docente *Hippocrate*, quod frequenter verum expertus est *Baglivius*.

## §. 88.

Cuicunque hydropico ascitico facies repente plumbea evadit, mors ostia pulsat.

## §. 89.



## §. 89.

Facies nimis colorata, et praeter rationem rubra, et fucci plena, suspecta est ista bonitas; nam praesentis morbi sunt signum, aut futuri praesagium. Fit enim illa rubicunda facies ab humorum redundantia, et illorum quodam veluti strangulatu, praesertim circa pulmones.

## §. 90.

In chronicis morbis, si facies naturalis sit, et boni coloris, nunquam crede adesse obstructiones in visceribus. Si mutata sit a naturali, id obstructionum signum, et turbatae oeconomiae naturalis est.

## §. 91.

Omnis rubor faciei vel sanguinis copiam vel internam phlegmonem, vel calidam intemperiem vel visceris corruptionem denotat. Alvus dura esse solet iis, qui nimium facie rubent.

## §. 92.

Rigor bonus et criticus est ille, qui cum urinae pepasmo sive coctione, significatur, quique solvit febrim et symptomata mitigat, rigoremque sequitur sudor, vomitus, vel alia evacuatio. Malus contra, qui frequenter adparet, nam semel

adparere debet, qui criticus est; malus quoque, si vires inde languant, nam indicat naturae debilitatem, et frustraneum ejus conatum; malum enim est, quod frustra movetur, si quidem raptum ad caput facit, et diaphragma.

§. 93.

Omnis rigor fere semper in lumbis incipit primo, deinde per dorsum ad caput fertur, isque rigor a lumbis fere semper in febris est. Si vero aliunde quis frigeat, abscessu latente rigebit. In phthisico ex peripneumonia male curata observavi, sensum frigoris, et aurae afflantis frigidae ad latus thoracis sinistrum, qua parte id ex ulcere laborabat interno. Idem aeger latus totum, et crus illius partis sibi facilius frigere agebat, eumque se sensum habere, ac si quis follem certae cuidam parti lateris sinistri adplicaret, auramque frigidam admitteret.

§. 94.

Rigor qui antecedit urinae suppressionem et haemorrhagiam, salutaris, qui vero iisdem succedit, malus.

§. 95.

Aliquando in febribus continuis frequens est rigor seu horrescentia. Putant medici,



medici, id fieri ab abscessu latente. Sed falso; nam producitur a magna humorum cacochymia et apparatu, quae a febrili calore in motum acta, dum hinc exinde ad exteriora discurrit, partes vellicando, horrorem facit. Omnes enim cacochymi, dum nimium incalescunt, horrent. Ita si cacochymus soli exponatur, paulo post horret et febrit.

## §. 96.

Quibus in febribus rigor accedit, febris solvitur, et ideo, quando in febribus continuus est; nam significat morbum mutari, ejusque acutiem esse remissam, ut saepissime observo in praxi mea.

## §. 97.

Rigor symptomaticus aut suppurationis internae signum est, aut translationis materiae in caput, aut principium materiae superatae a morbo.

## §. 98.

Frequens horror in sanis, signum est cruditatis aut cacochymiae; in febribus vero motus morbi, aut suppurationis in ea parte, unde excitatur.

## §. 99



## §. 99.

Flatuosa ventris intumescencia, siue hydrops ficcus ventris non gignitur a vapore detento intra viscerum et abdominis claustra, ut vulgo putant. — — adsunt fibrae viscerum et partium abdominis intensae nimium, crispatae et exsiccatae, valdeque elasticae. Inde ingens distentio solidi. — Fibras autem exsiccat, crispat, convelit materies acris, salina, piperina, mordicans; hinc ficciditas et distensio. Ventositatem flatuosam salvit phlebotomia. Sanatur per balnea et humectantia. Hydrops ficcus, siue flatuosus *Hippocratis* tunc dicitur, quando adest alvi ficcitas cum foecibus stercori caprino similibus; nec non adsunt tormina, et dolores magni circa umbilicum et lumbos, febris, sitis, tussis sicca. Pessima stranguria in hoc malo fit ab hectica intestinorum intemperie, sequitur alios morbos, potissimum acutos. Cathartica perniciosissima sunt. Usus nitratorum, serum lactis, lac asinum; et generaliter omnia humectantia intus, forisque juvant.

## §. 100.

In iis, qui hydrope sicco moriuntur, observantur glandulae mesenterii aridae, exsicca-

siccatae & tabefactae; unde causa mali morbus acutissimus, & difficillimus, citoque interimit; alvus & urina statim supprimuntur; & nihil magis perniciosius remediorum copia & farragine — *videtur morbus hic, sive hydrops siccus esse inflammatio intestinorum, præcipue tenuium, vel forte etiam colica hæmorrhoidalis, quæ in inflammatoriam abit.* Stoll.

## §. 101.

Quibus tormina & circa umbilicum dolores fortes, desinunt in hydropem siccum.

## §. 102.

Criticus ac bonus icterus est, qui coctione indicatur, qui febris finem affert die critico, nec relinquit hypochondrii duritiem post se, & cum urinis ac dejectionibus naturaliter coloratis existit.

## §. 103.

Icteri nunquam spernendi, nam sub larva ac persona icteri sæpe magni, periculosi, ac repentini morbi absconduntur; & sæpissime moriuntur derepente icterici, ut ait *Dodonaus*.

## §. 104.

Icterus febribus superveniens semper timendus, raro enim sunt sine malignitate.

Si



Si sint signa coctionis, & appareat circa septimum, bonus est; est enim criticus: si signa cruditatis, & si circa quartum malus est, & symptomaticus, & si febris non remittat, letalis, vel gravium morborum nuncius.

§. 105.

Hystericis, calculosis, colicis, & in fine intermittentium facile superveniunt icteri.

§. 106.

Icterus semel curatus, denuo aut pluries recidivans, a calculo vesicæ felleæ est.

§. 107.

Qui calculo renum pereunt, circa finem convulsionibus aut delirio pereunt, ut in nonnullis observavit *Baglivius*.

§. 108.

Infantibus tertio aut quarto a partu die oritur icterus, fitque ex retentione meconii in intestinis, unde etiam oriuntur epilepsiæ.

§. 109.

Spiritus salis ammoniaci acidus quamplures sanavit icteros. Absynthium ponticum jusculo incoctum *Baglivio* familiare fuit. Carduus benedictus, marrubium, chelido-



lidonium majus. Paronichia folio rutaceo pro secreto laudatur a *Boile*.

## §. 110.

In curatione icteri tota medici prudentia dirigi debet in investigando, an pendeat a bile viscida, vappida, amurcosa & inertī circa jecur impacta; an vero a bile acri, tenui, ignea, inflammabili. pro quorum diversitate humorum toto cœlo diversa esse debet curatio.

## §. 111.

Signa viscidæ bilis sunt lingua alba, humida, inappetentia extrema, debilitas virium, pauca vel nulla febris, flatu ingentes post pastum: causæ, quæ præcesserunt, & temperamentum, ad congerendas visciditates, apta ad id esse debent.

## §. 112.

Acris contra tenuisque bilis signa sunt sitis cum aliqua linguæ siccitate, ardor, calorque hypochondriorum, aliqua in pulsu mutatio, tensiones hypochondriorum, sic cum temperamentum cum macie ægroti; causæ quæ præcesserunt, calidæ fuerunt; vina generosa, aromata, saccharata &c. Icterus a visciditate curat veluti pro secreto aqua Tetucii. quæ salina est. Si febris

non

non adsit, dat potionem purgantem ex hac aqua aliisque indicatis compositam.

§. 113.

Si nimium fuerit amurcosa bilis, per duas aut tres vices haec purgatio alternis diebus repeti debet. Deinde veniendum ad serum lactis cum marrubio bullitum, et singulo mane calide dandum. Et si magna fuerit viscidae nigraeque bilis copia, addi poterit cum sero in maceratione drachma una hellebori nigri, vel cochlear syrupi cacheltici Fernelii [cum helleboro, qui syrupus magnarum est virium in chronicis: et demum omni bile expurgata ad chalibeata et roborantia veniendum. Sequens vinum medicatum Baglivium nunquam fefellit. R. Limaturae ferri non rubig. peria ligat.  $\mathfrak{z}\beta$ . Fol. fennae mundator.  $\mathfrak{z}\text{xvi}$ . Epithimi incis. et rhabarb. elect. incis.  $\mathfrak{aa}$   $\mathfrak{z}\text{ijj}$ . Absynth. pont. Centaur. min  $\mathfrak{aa}$  M.  $\text{jj}$ . Bacc. juniperi cont. Mj. specierum trium santal. et spec. diarrhod  $\mathfrak{abb}$ .  $\mathfrak{aa}$   $\mathfrak{Scrup}\text{.ijj}$ . Vini albi veteris non admodum generosi  $\mathfrak{lv}\text{ij}$ . Macere biduo ad cineres fervidas, deinde cola per manicam Hippocratis, ut vinum optime clarificetur; de quo capiat  $\mathfrak{z}\text{ijj}$ . mane bihorio ante prandium per quindecim dies aut pluries; singulis



gulis diebus vel alternis, prout magis vel minus purgaverit. Hoc vinum medicatum maxime etiam confert in scirrhis, et obstructionibus viscerum, potissimum ubi visciditas regnat, nec multa febris adest.

## §. 114.

Contrario modo procedendum in ictero, quando a tenui, acri, et inflammabili producitur, atque in fibris jecoris, partiumque vicinarum oscillatoriam parit convulsionem. Utendum enim erit tunc radicibus temperantibus, aperientibus, ut fragarum, graminis, Indibaccarum etc. cum ferro lactis bullitis. Succiperientes potus aquarum acidularum, quae bilem diluunt, coercent, et viam ei praebent per urinam aut per secessum; acidulas in ictero a pluribus laudatas vidit *Baglivius*.

## §. 115.

Quibuscunque in febribus ante septimum icteri fiunt, malo sunt loco. Hippocr. 6. Aph. 42. Icterus ante septimum diem infidiosus. At septimo, nono, undecimo, decimoquarto, prorumpens salutaris, dummodo non adsint hypochondria indurata, sin autem adsint, anceps est. *Hippocr.* Coac. 127.

## C

## §. 116.



## §. 116.

Exigua sanguinis stillicidia omnia prava; in acutis nil paucum criticum; prava sunt, nisi indicent futuram hæmorrhagiam copiosam die critico, quod dignoscitur ex urinae coctione eodem die stillicidii.

## §. 117.

Rigor, qui post hæmorrhagiam venit, quam jure naturae præcedere debet, ut bonus sit, signo & causa funestus.

## §. 118.

In morbis longis exigua stillicidia supervenientia, lethalia.

## §. 119.

Hæmorrhagiæ quartanæ, seu quarti diei copiosæ, malæ, aut morbi longi indices sunt.

## §. 120.

Sanguinis eruptio quartanas non solvit, neque morbos, qui per alvi egestionem sanari solent.

## §. 121.

Febres ardentes in juvenibus sanantur per hæmorrhagiam; in senibus per dysenteriam.

## §. 122.

## §. 122.

Pestifera est omnis, quæ non juvat, hæmorrhagia; Nam labescit natura, defraudata ibi, ubi levamen expectabat.

## §. 123.

Vomitum sanguinis ex suppressione mensium, mulierculis familiarem, non esse timendum asserit *Baglivius*.

## §. 124.

Signa, quando sanguis vomitu reiectus venit ex hypochondriis, potissimum jecore, sunt: palpitatio hypochondrii, dolor, ardor, tensio; signa obstructionum, color subflavus, viridis in facie, aut reliqua cute, palpitatio celiacæ, aut umbilici: vomunt sanguinem nigrum non vero spumantem. Motus sanguinis ab hypochondrio venientis manifesto percipitur, et sursum ascendere manu percipitur, quod in suo ægrotante observavit *Ballonius*; juvenibus familiaris est hic exitus loco hæmorrhagiæ. In huiusmodi sanguinis vomitu ex jecore adstringentia non juvant: sed primæ viæ a colluvie purgandæ, quæ visciditate sua obstructionem in vicinis locis pariendo sanguinem ad superiora regurgitare faciunt; purgandæ autem decoctis aperientibus & sol-

ventibus cum tamarindis, mirobalanis &c. deinde chalybeatis. perficienda curatio. (inuit hic morbum nigrum Hippocratis a Tissoto sæpius visum, descriptumque in epistola latina ad cel. Zimmermannum. Estque vomitus cruentus, vel & alvus cruenta grumosa, ex ruptis vasis venosis potissimum, iisque varicosis. Varix rupta, et sanguinem ad primas vias effundens omnium horum symptomatum causa est Stoll.)

## §. 125.

In spuito & exitu sanguinis per os, ne dentur statim stringentia: nam nisi prius usu rerum mellitarum, hordeatarum, abstergentium purgaveris, pulmones ea sanguine, qui extravasatus est, et moram trahit in pulmonibus, in suppurationem definit, ac phthisin.

## §. 126.

Doloris acerbitas versa in gravitatem, leipothymia, febris nocturna major, rigor derepente citatus, qui ante non erat, sunt signa phymatis purulenti interni.

## §. 127.

Vomicæ omnes, seu empyemata partium, cognoscuntur per rigores & febres de novo supervenientes. Sola pulmonis recon-



recondita est, & clanculum serpit absque dictis signis, imò tunc cognoscitur, quando repente manifestata, hominem ad mortem brevi deducit, ut *Willisus* & *Tulpius* præ ceteris hoc animadverterunt.

## §. 128.

Abscessus ad aures & pedes boni in vomica pulmonum.

## §. 129.

Dolores furæ, sive cruris intolerabiles, nullis cedentes remediis, oriuntur a pure per partium spatia in crus ab hepate transmissio: *Bauhinus* & *Hollerius* id observarunt.

Hepatitis *Hippocrates* de internis affectionibus his verbis describit. Dolor acutissimus in jecore ad nothas costas, humerum & claviculam, suffocatio fortis; dolet, dum tangitur jecur, febris, rigor & horror, vomitus bilis, color cutis sublividus. Cibi torquent, & urunt ventrem, progrediente morbo remittunt, sed dolor derepente suffocat ægrum, potissimum circa septimum diem, in quibus desinit morbus, & si eos effugerit, sanatur. Balnea, lac, serum & diæta sanant morbum.

## §. 130.

Jecinoris inflammatio aliquando similis pleuritide, & medicos frequenter decipit similitudo. Differunt tamen, nam in hepatitis dolor infra est — — gravativus est, non pungitivus; respiratio non multum læditur, color faciei citrinus, tussis sicca sine sputo, pulsus non durus. Fæces liquidæ & subcruentæ. Contraria sunt in pleuritide.

## §. 131.

Si inflammatio jecoris sit in parte gibba, urgent symptomata pleuritica; si in ejus cava, stomachica urgent.

## §. 132.

Si ex usu nitri fixi copiosa sequatur urina, bonum in hepatitis: nitrata in hepatitis, & omnibus inflammationibus fere specifica sunt. Ideo serum lactis juvat in inflammationibus, quia abundat nitro plantarum.

## §. 133.

Qui quotidie scribendo vitam ducunt, phthisici moriuntur, & phthisis incipit raudine molesta, ac nullis cedente remediis, donec tandem fere post annum phthisici moriantur — — — quotidiana experientia certum



certum est, studiis nimium applicatos, & scribendi studio deditos in phthisin facile desinere. — — Varii pulmonum morbi oriuntur in studiosis.

## §. 134.

Bona respiratio in variolis est unum ex optimis signis, licet alia sint gravia ut centies observatur, ita Baglivius. Cum bona respiratione semper bene spera in variolis.

## §. 135.

Spiritus magnus multo tempore durans, delirium significat.

Difficultas omnis respirandi terrifica est, quando excusationem non habet, aut perturbationes criticae aut crisis ipsius.

## §. 136.

Ut magna & rara respiratio certissimum est delirii argumentum; sic parva & rara mortis jamjam futurae.

## §. 137.

Inter morbos pulmonis notabiles est pulmonia lethargica ab Hippocrate ita denominata; ait itaque ipse: *Pulmoniae idem status, ac letargi; qui letargici evadunt, pectore suppurantur. Hipocrat, in coac,*



Invadit itaque pulmonia cum lethargo statim in ipso morbi initio; oritur a pituita putri & viscida, pulmones syderante, tussis tenet cum sopore; cum moriturus est æger, liquefcit alvus, ut in libro de morbis describit. Quare non est prospiciendum lethargo per expectorantia. Bagl. (*ex exemplis ibi allatis constat morbum esse senilem, & forte apoplexiam pituitosam cum peripneumonia senum notha. Stoll*)

## §. 138.

Pulmonum morbi in fine desinunt in soporosos affectus; sanguine enim a superioribus ad pulmones morbo obsessos difficilius recirculante sanguine, viis impeditis, hæret in cerebri mœandris; hinc sopor facile accedit.

## §. 139.

Saepe moriuntur pulmonici gravissimis affecti accedentibus, et in cadavere nihil morboſi reperitur in pulmonibus — in siccis, adustis aridis, temperamentis id potissimum contingit. Hinc etiam oriuntur pleuritides siccae, asthmata sicca, hydropes sicci, flatulentæ & dolorosæ partium affectiones, & reliquæ hujus generis, in quibus non flatus causa mali est, sed solidum na-

tura

tura siccum, aridum & violento præditum elatere; quod ab acri humore magis irritatum vehementer oscillat, & oscillationibus istis fluidorum circulum mille modis turbat. (*dictorum morborum eadem causa & curatio, ac hydropis sicci, sive tympanitidis superius descriptæ.* Hydrops ille siccus verius posset vocari: *Tympanitis inflammatoria; Stoll.*

## §. 140.

Erysipelas pulmonum ab *Hippocrate* l. de affectionibus describitur. In pulmonis erysipelate adsunt vomitus aquosi, acidique humoris, frequens leipothymia, dolor acutus, anteriora & posteriora pectoris occupat, sitis ingens, æger respirando nares aperit, veluti equos a cursu delassatus, & linguam foris exerit, veluti canis æstate, calefactus ab ardore solis; rubet facie, jactatio magna per lectum, septima die moritur. Gravis est morbus & pauci effugunt mortem, teste *Hippocrate*. (*gravissima pulmonum inflammatio utriusque lobi cum inflammatione mediastini videtur absolvere totam erysepelatis pulmonici ideam. Stoll.*)



De morbis solidorum superius descriptorum hæc adhuc dicenda sunt. His in morbis sanguis missus, crusta inflammatoria sæpiissime caret, saltem initio; hinc idea malignitatis oritur, quæ medicum ad præscribenda antiseptica: camphoram; corticem &c. determinat; sed male. Nam repetita venæ sectio, potusque emollientes mucilaginosi, fibras nimium crispatas, irritatasque relaxabant felicissime. Vt enim est potissimum in solidis nimium elasticis, nimium vivida irritabilitate præditis, quæ accedente stimulo, etiam tenuiori quam qui in sanguine educto observari possit, crispantur, & *veram inflammationem* faciunt. Ad inflammationem gignendam solida plus conferunt quam liquida. Crusta phlogistica videtur esse potius effectus inflammationis quam causa. Vera enim adest persæpe inflammatio absque crusta. Patet quam male cortex & camphora his in casibus darentur. *Stoll.*

§. 141.

Fol. 92. lib. 1. prax. medicæ describit *Baglivius* catarrhum suffocativum, tanquam peripeumoniam sanguineo-serosam gravissimam, subitoque ortam, repetita ve-



na sectione, dein aqua hyssopi calida, decoctis pectoralibus calidissime sumptis; infuso calidissimo florum sambuci, cum liquore cornu cervi succinato &c. curandam.

## §. 142.

Scorbuticiv & hypochondriacis sæpe fiunt dolores lumborum, qui calculum mentiuntur, sed calculus non est; rheumatismi species est, a sero acri, muriatico, hinc inde vagante dependens; pete ab ægro, si dixerit alias partes hujusmodi quoque dolore vexatos fuisse; dic, lumborum dolorem esse a fluxione vagabundi humoris acris salini, non autem a calculo, Viola, serum lactis, lenes ex cassia purgationes in principio juvant. In progressu morbi serum cum scabiosa coctum, vel cum vipris recens maceratis curationem perficit & complet; promoto leniter sudore.

## §. 143.

In lumbis aliquando afficitur musculus psoas, aliquando ren; Musculi externi & frequenter mesenterium; hunc dolorem lumborum vitio mesenterii in æere romano in ægris almæ urbis frequenter! observavi (Bagl.); in hac urbe nulli morbi tam copiose regnant, quam morbi mesenterii ex repletionem, congestionemque putris cacochyliae

cru-

crudorumque humorum, in ejusdem glandulis pendentes; & quoniam mesenterium forti ligamento alligatur lumbis in medio eorum &c. Ex longa alvi suppressione, vel alvo præter morem retardata, ex sapore linguæ mutato, levi inappetentia, gravitate totius corporis certior medicus fit dolorem lumborum a repletione mesenterii pendere. Clysteribus & fomentationibus ventris curationem incipit, dein purgationibus absolvit *Baglivius*; quod vult, ut bene sibi notent medici.

## §. 144.

Impotentia veneris ut plurimum pendet ab impotentia & debilitate, imaginationis, quacunque id de causa succedat, metu, pudore, judicii defectu, nimia adplicatione ad studia, aut ad negotia. Et qui forti imaginatione præditi sunt, uti sunt, qui in arte sua supra cæteros excellunt, & præstant, ut plurimum luxuriosi & ad venere[m] potentes observantur. — — — nisi tamen vis corporis studio & applicatione frangatur, quo in casu judicium acre cum veneris impotentia jungitur.



## §. 145.

Qui gonorrhœa laborarunt in juventute, solent in senectute diro urinæ stillicidio vexari.

## §. 146,

Nimius vini & aquævitæ abusus impotentiam veneris, paralytes, tremores, aliosque capitis morbos parit, qui dimisso eodem facile solent sanari.

## §. 147.

Dolor fixus in medio pectoris diu perseverans, ac moleste, sine tussi &c. signum est luis gallicæ latentis multis ante annis ab ægris susceptæ, & hoc signo se solum manifestantis.

## §. 148.

Si debitis adhibitis remediis aliquis morbus minime cedat, suspicari rite poterit de lue gallica, & tunc antigallicis forsitan cedit, ut sæpe observavi (ita Baglivius.)

## §. 149.

In febre lenta cum doloribus vagis partium, macie, temperamento acri, & lue gallica fruente serum lactis ita præscripsit *Baglivius*: R. Seri lactis optime depurati Lib. j vel plus, vel minus, sarisæparill. concis.



cis. & contusæ 3jj. macera per noctem in cineribus fervidis ; mane adde coriander. præparat. parum bulliat, coletur & bibat.

§. 150.

Acidum venereum virulentum sæpe intacta massa sanguinea succum nutritium & lympham inquinat, indeque partes nervas & glandulosas, potissimum narium, faucium, inguinum, invadit, & quoniam sanguis intactus a lue supponitur, nil mirum, si observaveris tales gallicos vivaces, rubicundas facie, vegetos, ac veluti nullam interius habentes affectionem ac proinde triumphantes de morbo, sed sine ratione. — morbus difficilior est, quam si resideret in sanguine.

§. 151.

In morbis lymphæ, glandulas occupantibus, si nimium siccaveris, malum; si nimium humectaveris, malum. Per intervalla itaque diluendum, humectandum, ad alvi vias vel sudorem ducendum, & cum prudentia exsiccandum.

§. 152.

Pro varietate conditionis ac status personarum lues gallica variis in locis sedem figit, eosque præ aliis vehementius molestat. In bajulis & plebeiis victum labore  
que-

querentibus sedem figit in articulis, unde articulorum doloribus, motus impotentia, similibus articulorum morbis maxime afficiuntur, viris literatis & studiosis in capite sedem figit. Musicis ob pulmones cantu exercitatos, debilitatosque in pulmonibus; mulierculis, atque etiam matronis ob vitam otiosam & congestos in mesenterio pravos succos, ibidem. Hinc vexantur cruditatibus, obstructionibus, inappetentia, pallore vultus, hectica mesenterica, tabe, hydropo, & similibus ex lue gallica.

## §. 153.

Dantur dolores lateris ex lue gallica, qui solo sanantur mercurii litu, & decocto lignorum, noctu rigent, consuetis remediis non cedant.

## §. 154.

Radix bardanæ a pluribus doctissimis viris pro magno secreto habetur ad curandam luem gallicam.

## §. 155.

Ex mente *Baglivii*, *Etmülleri* opera semper præ manibus habenda, utpote practici, ut ait, præstantissimi.

## §. 156.

## § 156.

Lues gallica, struma, & elephas aliquid habent cognatum, Tres has hydras unus alexicacos Hercules hydrargirosis vincit, docente optimo *Ballonio*.

## §. 157.

Si ægroti corpus repletum sit viscidis, crassis ac pituitosis humoribus, cave ne dederis mercurium intus vel extra, nisi prius visciditates illas solveris, præparaveris, & repetitis purgationibus eduxeris; alias enim occultatis in illis visciditatibus mercurius, paulo post reseruescentibus humoribus, & in motum actis, gravisa parit accidentia, caries ossium, atrophias, glandularum tumores, tremores, continuam salivationem. &c.

## §. 258.

Dolor colicus fere semper mitescit in semicupio; ideo in doloris pertinacia utere semicupio.

## §. 159.

Dolores ventris a deambulatione nudis pedibus super nudum pavementum facta, appositis lateribus calidis plantis pedum statim sanantur, crescente namque calore in pedibus minuitur sensim dolor in ventre.

## §. 160.



## §. 160.

Arcanum quemdam ac inexplicabilem consensum observavimus inter morbos ventris ac morbos cutis. Dolorem colicum vidimus mutatum in arthriticum; & e contra dolores arthriticos per supervenientem diarrhæam & colicam solutos: hinc quadrat illud Hippocratis, alvi laxitas, cutis densitas; cutis raritas, alvi densitas. Ideo observamus in praxi, quod diurnæ diarrhææ irritis aliis per diaphoretica potissime sanentur.

## §. 161.

Diaphoretica cum opiatīs mixta felicissima sunt in colicis.

## §. 162.

Colica habitualis & endemia à vini acido præsertim oriunda, solis sanatur sudoriferis, vesp̄ri tamen interposito anodyno remedio.

## §. 163.

Purgantia quandoque bene cedunt in colica, præsertim si nulli adsint vomitus & febris, denturque in forma liquida.

## §. 164.

In re Romano per adhibita æ phreneticis vesicantia plures vidimus mortuos,  
D  
quam

quam sanatos; magisque nosuisse, quam profuisse; ceterum longiorem usum res hæc magni momenti meretur.

§. 165.

In eodem aëre observavimus vesicantia mulieribus delirantibus admota profuisse magis, quam viris, & plures sanatas esse.

§. 166.

Dum imminet delirium, vel jam factum est, loco vesicantium secare soleo. (Baglivius) venam pedis, vel salvatellam in alterutra manu, exinde diluentia ex seminibus frigidis præscribo, brevique jugulatum vidimus delirium.

§. 167.

Delirantibus cum febre acuta, lingua arida, & indicibus magnæ viscerum inflammationis, si applicentur vesicantia, omnes fere in pejus ruunt, & magna ex parte moriuntur convulsi; iisdem e contra si venam frontis vel brachii secandam imperaveris, & exinde larga dederis diluentia, facillime sanabuntur.

§. 168.

Malum, si phrenitis mutetur in lethargiam, non ita, si lethargus in phrenitidem.

§. 169.

## §. 169.

Multi dementes & maniaci sanati fuerunt demergendo eos in aquam eadem methodo, qua merguntur hydrophobi, quorum unica curatio est repetita in aquam immersio; methodum hanc sanandi mente captos in Anglia expertus est Dominus Robertson maxima felicitate. (*Fors prolificiendo copiosos sudores prodeste. Stoll*)

## §. 170.

Si difficulter spiraverit, venam brachii tundito, etiamsi hydrope laboraverit. Baglivius ex Hippocrate.

## §. 171.

Si quis vesperti hora somni, sed praecipue post tres aut quatuor horas somno impenfas, derepente expergiscatur ingenti asthma, sive suffocatione correptus, atque fenestras aperiatur, liberumque aerem desideret; pro certo habeto illum hydrope pectoris laborare, multo magis, si pedes aut manus tumere ceperint, cum faciei a nativo colore recessu, & praeter ceteris si accedat torpor, seu incipiens brachii paralysis; huiusmodi brachii torporem in aliis quoque pulmonum morbis, praesertim peripneumonia observamus; asthma laborantibus



si pleuritis vel peripneumonia superveniat, fere semper moriuntur.

§. 172.

Asthmaticis dysuria superveniens bonum, cessante ischuria, denuo asthma corripitur. Exinde magis confirmatur, quod pluries adnotavimus; nempe in morbis pectoris, semper ducendum esse ad vias urinæ, natura id monstrante; nec non, magnum consensum esse inter tibias & pudenda & pectus, morbosque harum partium ad invicem commutari.

§. 173.

Diuretica ex salibus lixivialibus & acidis parata in morbis pectoris non adeo tuta sunt, nam tussim movent, & morbum exasperant; contra pulvis millepedum, the-rebinthina.

§. 174.

Balsamum Iperuvianum, decoctum radicum aperientium, syrupus de althæa Fernelii, urinam potenter movent, nec tenellis pulmonum membranulis insensa sunt,

§. 175.

Asthmaticis si excitentur apostemata in cruribus, forsan solvetur morbus; ideo juvant cauteria in cruribus.

§. 176.

## §. 176.

Accessiones asthmatis frequentiores sunt cælo frigido & humido, præcipue inter crapulandum.

## §. 177.

Asthma frequentius invadit obesos & otio macescentes.

## §. 178.

Pulsus inæqualis familiaris est pulmonum morbis quam plurimis.

## §. 179.

Morbi ad crura & pudenda solvunt asthmata. Tument pedes asthmate cessante.

## §. 180.

Ex scabie retropulsa si fiat asthma, cum scabioso dormiendum est, ut scabies revocetur, vel, urticis cedenda cutis, Baglivius.

## §. 181.

Vomitoria juvant in asthmate humoralis & stomachico, quia ea concussione e pulmonibus ejiciuntur visciditates &c.

## §. 182.

Magnam asthmatum humoralium crudorumque partem a stomacho pendere observavi; hinc juvant pillulæ de hiera, & sin-

gulo mane cochlear oxymellis squillitici, superbibendo jusculum cichoreatum, addito pauxillo cujusdam roborantis. Gummi ammoniaci, oxymell squilliticum, julep tabaci in asthma humorali & stomachico omnibus præstant.

## §. 183.

Asthmaticas mulieres fere semper cum uterinis, mixtis pectoralibus, curato.

## §. 184.

Diluentia, serum lactis, viola, emulsiones seminum melonum, gelatina cornu cervi, lac in caduco pulmonum morbo, sive asthma sicco præ ceteris juvant. Saccharata, remediorum copia, purgantia fugienda tanquam pestis.

## §. 185.

Asthmate convulsivo laborantes melius manent æstate, quam hyeme.

## §. 186.

Diarrhææ frequenter oriuntur ex mœrore, & animi pathematis, suntque fere incurabiles, præsertim si causa mœroris persistiterit.

## §. 187.

Perniciosæ sunt diarrhææ in morbis pectoris. Curationem diarrhææ non incipias



pias per adstringentia, nam introduces viscerum obstructions & intestinorum, difficile solubiles, quibus tandem succedit hydrops pertinax.

## §. 188.

Carnium esus auget diarrhæas, cave igitur ab iis, quantum poteris.

## §. 189.

Nil magis alvum stypticam reddit, quam usus veneris, quod etiam cognovit *Hipp.* 7. epid, aliique.

## §. 190.

Masticando rota die cinamomum & deglutiendo salivam illam diarrhæis & languoribus stomachi cum dysenteria brevi sanantur.

## §. 191.

Inveteratis alvi fluxibus, dysenteria, tenesmo, relaxatione ani &c. excipiatur per inferiora vapor therebinthinæ prunis ardentibus injectæ, & sanabuntur.

## §. 192.

Bonum, si diarrhæa iræ superveniat, & si hæc non superveniat, febris superveniet.

## §. 193.

Cave in cura dysenteriae a nimia remedium farragine; pauca sint & simplicia; ideo sapissime dysenterias profligavi solo fero lactis intus dato, & per clysteres quoque injecto, multique autores pro magno secreto habent hoc remedium in dysentericis.

## §. 194.

Clysteres copiosius dati in dysenteria, morbum exacerbant.

## §. 195.

Si statim post dolorem excretio non fiat (in dysenteria) scito, quod intestina tenuia sint laesa.

## §. 196.

Differt dysenteria a sanguinis fluxu haemorrhoidali; in hoc enim semper sanguis praecedit foeces; in dysenteria vero sanguis vel cum vel post foeces excernitur.

## §. 197.

Dysenteria in puerperis non est mala, nam lochiorum materiam per vicina loca optime minuit. Cave igitur ne stringas, nam per eam lochia expurgantur.

## §. 198.

## §. 198.

Febris raro supervenire solet apoplexiæ, præsertim pituitosæ.

## §. 199.

Si catochus in ipsa accessione febris intermittens, aut remittentis superveniat, durante accessione nulla contra eum præscribantur remedia, nam omnia erunt in perniciem ægrotantis, exceptis frictionibus & revulsionibus, quæ adhiberi poterunt in accessione: finita accessione desinit quandoque & catochus, si vero non desierit, statim sanguis mittendus, aut purgandum pro indicatione utrorumque: si vero secundo supervenerit, mortem affert; neminem enim liberatum vidimus, cui secundo catochus supervenit, ut notat Dodonæus in suis doctissimis observationibus.

## §. 200.

*Rhodium* in *Septalium* refert ex *Bal-lonio*, quod in omnibus affectibus comatosi præcipue lethargo & apoplexia, pulsus dum ex parvo fiebat magnus, & sensim in magnitudine crescebat, ægrotantes brevi moriebantur. Idem etiam observavit *Wallisius*: hac de re serio monet *Baglivius*.



## §. 201.

Observavimus in xenodochio anno 1694. hyemali tempore Romæ, quod quando apoplexiæ erant gravissimæ, etiam confirmatæ, vesicantia non admodum conferebant, imo omnes fere tales ægroti moriebantur.

## §. 202.

Spuma omnis lethalis est in apoplexia. *Hipp.* 2. Aphor. & *Tulpius* l. observ. med. 6. & *Forestus* 10. observ. 74 idem etiam *Rhases*.

## §. 203.

Si dolores in quacunque corporis parte periodice exacerbantur, & statâ quaque hora recurrant, peccans illorum materies in loco affecto non generatur, sed aliunde venit: in his casibus tribus horis ante invasionem detur lenis potio purgans, & sanabuntur; præcipue si imo ventre hæc fiant.

## §. 204.

Dol oribus externarum partium, si alia non proficiant, ad causticum devenias. Ipse uti soleo foliis ranunculis vel mixtura ex calce viva & sapone liquido. Hoc ischiaticis summopere confert, imo & aliis dolori-

loribus, juxta illud Hipp. l. de intern affectionibus §. 19. & l. de affect. §. 30.

§. 205.

Ter aut quater observavit (*Baglivius*) dolores capitis pertinacissimos & fere ad maniam accedentes, irritis aliis, solo pulvere de guttera (de quo vide *Riverius* cap. de epilepsia) ad ʒj. circiter dato cum brodio alterato florum primulae veris, beton. vel cum decocto Thée &c. feliciter cessisse.

§. 206.

Ad dolores externos spiritus salis ammoniaci cum oleo amygdalarum dulcium mixtus breviter & feliciter proficit, & didici per experientiam, quod spirituosæ cum unctuosis mixta doloribus optime medeantur, non ita sola spirituosæ.

§. 207.

Omnes fere convulsiones infantum a stomacho sunt, unde iis statim morbum solvunt lenia purgantia, præsertim infusum rhabarbari.

§. 208.

Ex abortu convulsæ mulieres raro evadunt, ut notavimus.

§. 209.

## §. 209.

Utile est observare, num semper eo tempore quo infans corripitur epilepsia, matri fluant menses, nec ne.

## §. 210.

Tussis infantum fere semper a stomacho cruditatibus scatente esse solet; quo in casu semper stomacho prospiciendum, non post habitis tamen pectoriis remediis.

## §. 211.

In tussi sicca ex humorum acrimonia, eorumque tenuitate producta usus lactis præstantissimum est remedium; ego uti soleo lacte cum jure carniū vel aqua violarum cocto.

## §. 212.

Si tussis cum febre pertinaciter afficiat ægrum, & nullis cedat remediis, in tabem migrat, etiamsi sanguis non spumatur.

## §. 213.

In tussi præsertim pectorali purgantia datam practitorum fidem non liberant; imo si ex aëris inclementia tussis contracta fuerat, plus nocent.



## §. 214.

Boli ex butyro recenti cum saccharo mixti & vespera sumpti vehementissimas tusses catarrhales demulcent.

## §. 215.

In tussi convulsiva infantum decoctio ex musco arboreo præsertim ex quercu pendente, omnium præstantissima est, ut nos experi sumus, monente *willisio*. Valer quoque in aliis morbis convulsivis.

## §. 216.

Spiritus cornu cervi contra tusses vehementissimas mirabilis est. *Boyle* de utilit. philosophiæ.

## §. 217.

Dolorem lumborum rheumaticum a nephritico per hoc certissimum signum distinguere poteris : pete ab ægro, an dum in terram incurvatur, & exinde erigitur, cum difficultate erigatur, adeo, ut per medium quasi scindi videatur; si hæc adsint, pro certo habeto, dolorem illum non esse nephriticum, sed rheumaticum, productum scilicet ab acribus, & muriaticis salibus, per serosum humorem illinc depositis.

## §. 218.

## §. 218.

Ad rheumaticos hos lumborum dolores potum lactis cocti cum aquæ decoctione Theæ & mane sumptum ad ℥j. circiter, felicissime sum expertus. Hoc idem remedium podagricis & calculosis forsan non obesset.

## §. 219.

Melopeponum comestio podagricis & calculosis maxime profunt, dummodo venus, vinum & otium absint.

## §. 220.

Dolores renum a quinque causis potissimum fiunt, fluxione, scilicet (sive humoris seroso—acris & corrosivi depositione) ulcere, inflammatione, lapide, & abcessu.

## §. 221.

In nephritide sensus subitaneus rei pungentis, veluti aculei in regione ureteris, signum est certissimum calculi hac parte jam<sup>3</sup> impuls.

## §. 222.

Potus aquarum mineralium calculos pellit, & ab iisdem præservat: ubi vero hae in promptu non fuerint, substitui poterit decoctum ex multo eryngio parum confuso factum, quo vinum album diluatur,

&

& copiose bibatur. Siquidem hoc remedium potenter subleuat calculosos et podagricos, teste *Chesneau*.

## §. 223.

Hæmorrhoidum internarum dolor mentiri solet dolorem calculi in vesica latentis; hic tamen multo est atrocior & frequentior, quam ille.

## §. 224.

Si frequenter mentulam contrectet patiens, & cum mingere incipit, desidendi quoque voluntate teneatur; si, dum per urbem incedit, divaricatis cruribus obambulet, ex tribus hisce signis de calculo vesicæ certior fias.

## §. 225.

Facto semicupio, & præsertim postquam dolor quieverit, si eadem vehementia die sequenti serius aut citius revertatur cum vomitu, dolorem esse nephriticum pro certo habeto. *Chesneau*.

## §. 226.

Nuper arthriticus quidam Romæ crevit urinam crassam & copiosam, quæ paulo post in consistentiam gelatinæ coagulata fuit, & ita liber evasit ab arthritide.

## §. 227.



## §. 227.

In ipso paroxýsmo doloris nephritici, lithontriptica & aperientia medicamenta obsunt potius, quam profunt. Conferunt contra emollientia, laxantia, & anodyna &c.

## §. 228.

Lenia purgantia & clysteres summum levamen afferunt calculosis & podagricis.

## §. 229.

Dolor fixus in regione renis, & vomitus continuus sunt præcipua signa doloris renalis a calculis; cetera sunt dubia & aliis ventris doloribus communia.

## §. 230.

Pleuritici, quibus abscessus fiebant ad aures, omnes sanabantur, ut pluries vidimus.

## §. 231.

Obstructione viscerum laborantibus, si facies vividum & naturalem servat colorem, talium hominum curationem suscipito; nam facile sanabuntur. Si vero &c. Uteri tamen cancro affectis aliter se res habet: in iis namque faciei color a naturali non recedit, sed genas perpetuum roseas habent.

## §. 232.

## §. 232.

In peripneumonia si febris, tussis, & reliqua symptomata exacerbentur quinta die, quo major exacerbatio, eo mors citior die septima.

## §. 233.

Si ructas acidum, abstine a vino, & sanaberis: loco vini aquam aniso aut cinnamomo alteratam sumito; sanatus vero, denuo vinum assumas.

## §. 234.

Ischiade correptis eadem hora vel paucis elapsis a prima doloris invasione, si purgans medicamentum dederis, vix absoluta hac, aut ad summum altera, quam propinaveris purgatione, æger certo sanabitur; non ita vero, si morbus ad plures dies vel menses fuerit protractus.

## §. 235.

In morbis nunquam ab ægro discedas, donec linguam inspexeris: hæc statum sanguinis præ aliis signis & apertius & certius nobis indicat &c.

## §. 236.

Petechiæ quo tardius & fere circa morbi statum erumpunt, eo meliores sunt, ad crisin enim & coctionem jam vergit morbus,

bus, contra si appareant in principio morbi, malæ sunt &c.

## §. 237.

In febribus intermittentibus, si secundus paroxysmus erit vehementior primo; tertius vero maximopere mitis, scias febrim circa quartum paroxysmum totaliter cessaturam: si quartus paroxysmus vehemens fuerit: quintus vero magna ex parte remissior, tum in septimo paroxysmo integra febris solutio expectanda.

## §. 238.

Constans est doctissimorum medicorum observatio, nonnullos morbos pertinaces & chronicos, præsertim a longo incærore & animi pathematis productos, nullis aliis remediis celerius obtemperare, quam equitationi in aëre rusticano.

## §. 239.

Equitationem commendat ante Sydenhamum *Hippocrates*. Libr. de diætâ.

## §. 240.

Filii magnatum frequentius ex inutili remediorum copia, quam ex vi morbi pereunt; præsertim si acute laboraverint; paucis utaris, & cum prudentia.

## §. 241.



## §. 241.

Iliacæ passioni si spontaneus alvi fluxus superveniat, aut acuta febris, brevi morietur æger.

## §. 242.

Iliacæ passioni quo fortiora adhibueris remedia, siue purgantia, siue clysteres magis irritantes, eo magis obstruetur alvus ob auctam ab illis fibrarum intestinalium crispaturam, & contracturam; conveniunt magis anodyna, emollientia & dissolventia &c.

## §. 243.

Si illo superveniunt urinæ suppressæ, stranguria, singultus, ventris inflati, aut convulsiones, malum erit lethale.

## §. 244.

Mulieres gonorrhea laborantes vel menstruantès circulum lividum, siue plumbeum sub oculis habent, quod inter diagnostica morborum muliebrium est reponendum.

## §. 245.

Urina subjugalis, quando in acutis febribus, aut morbi apparet, semper mala capitis prænuntiat &c. — Sicut urina subjugalis mala est in acutis, ita contra bona est in nonnullis chronicis, utpote rheumatismo, doloribus articulorum.

## §. 246.

Inter signa fœtus mortui in utero ab auctoribus recensita certissimum & fere infallibile est tenesmus, sive crebra voluntas fœces dejiciendi, mulieri superveniens, ut alibi quoque notavimus.

## §. 247.

Saccharata hypochondriacis, hysteriis & pueris non conducunt.

## §. 248.

Lingua fordida & manus tremulæ, in acutis semper periculum portendunt.

## §. 249.

In malignis febribus, in quibus a centro ad ambitum corporis noxius humor pellendus est, ante expulsionem, respiratio laboriosa est, & ingentes præcordiorum anxietates adfunt. Facta expulsionem paulatim declinant: idque in febribus petechialibus, morbillosis, variolosis, scarlatinis & similibus observavimus non semel.

## §. 250.

Pruritus narium est infallibile signum synochi simplicis, nec non lenis mador cutis. Ex *Waldschmidtio Baglivius*.

## §. 251.



## §. 251.

Observevi lypiriam febrim superveniente cholera statim ac prorsus pluries feliciter cessisse; non ita apparentibus sudoribus, aut urina &c. *Lypiria febris est febris biliosa, sive ea, quæ a saburra putrida biliosa primas vias occupante oritur; frequens est mense augusto, in Hungaria præcipue, vidi ipsemet sæpiissime sponte orta cholera cito cessisse. Curatur optime emeto catarrsi, quale medicamentum habetur in tartaro emetic, magna aquæ quantitate soluta, & per epicrasin sumto. Plura vide apud Tissotum in libello de febre biliosa, Lausannensi. Stoll.*

## §. 252.

Cum petechiis nunquam salutarem vidimus hæmorrhagiam &c.

## §. 253.

Guttas rosaceas aliasque faciei morbosas rubedines, irritis aliis, cauterium crucibus affixum sanat, *Baglivius ex Mercuriali*; idque quibusdam pro secreto est.

## §. 254.

In faciei morbis purgantia omnem absolvunt paginam, ut præter experientiam testatur divinus senex in coacis, item l. c. de diæta.



## §. 255.

Febres, quæ cum magna syncope, singultu & vertigine incipiunt, vocantur a medicis *syncopales*, *singultuosæ*, & *vertiginosæ*; harum curatio statim inchoanda a vomitoriis est; nam fomes febrilis in ventriculo latet.

## §. 256.

In febribus, vel aliis quoque morbis, qui cum magna anxietate incipiunt, ægri inquieti sunt, loco stare nesciunt, hinc inde per lectum agitantur &c. acris humor tunicas ventriculi afficiens accusari debet, unicum remedium est vomitivum antimoniale, nam absoluto vomitu statim liberatos vidimus; multo magis si cardialgia & affectibus stomachi sensibiliter lædatur patiens: post vomitoria ad præcautionem dari poterit pulvis March. cornachini.

## §. 257.

In lethalibus pulmonum morbis, cum febre & sine febre, fere semper circa finem observavimus affectiones capitis; sopores nempe, lethargum, vertigines, oculorum caligines &c.

## §. 258.

Erysipelate faciei laborantes vidi brevi curatos post præscriptum purgans remedium, naturæ ægri accomodatum. Idque in secretis erat medico Patavino mihi amicissimo.

## §. 259.

Protest venarum hæmorrhoidalium apertio iis præcipue, qui hypochondriorum morbis, doloribus scilicet & caloribus eorundem, gravitate lumborum, flatibus, tensionibus, borborygmis, aliisque hujusmodi naturalium viscerum, & quam plurimis vitalium, & animalium laborant. *Hippocrates* autem ait l. de humoribus & 6. epidem. qui hæmorrhoidibus laborant, ii neque pleuritide, neque furunculis, neque tuberculis a ciceris magnitudine Therminthi dictis, ac forte, nec lepra nec vitiliginibus laborant.

## §. 260.

Si pleuritici non repurgari incipiant die quarta, sed febris augeatur cum aliis symptomatibus, nec non magna spirandi difficultas cum stertore superveniat, septimo die moriuntur: in hisce pedes tumefieri incipiunt ante mortem, & oculi caligant.

## §. 261.

Calculus vesicæ ad amissim mentitur scirrhus vesicæ, ut bis in cadaveribus vidimus.

## §. 262.

Urina crassa, & sedimentosa, albicans, viscida, matulisque adhærens inter, signa calculi in vesica non infimum locum obtinet.

## §. 263.

Qui aneurismate interno laborant, vel ex spuito sanguinis, vel derepente moriuntur: caveant hi omnes a nimio motu, ira, venere, liquoribus spirituosus, & quidquid sanguinis motum adauget & perturbat. Utendum diætâ lactea, cibis aliquantum viscidis, & motu moderato.

## §. 264.

Pulsus durities semper comitatur pleuritidem, mollities vero alios pulmonum morbos: quod tibi sit inter signa distinctiva morborum pectoris difficillime cognoscibilium.

## §. 265.

Si quis tussiendo alba quædam veluti granula excreaverit, & granula illa compressa digitis summopere fœteant, vomicam pecto-



pectoris latentem certo denuntiant, præsertim si alia quoque aderint signa; hi rupta vomica, ut plurimum derepente moriuntur, ut observat *Forestus*.

## §. 266.

Omnes aliarum partium suppurationes manifestantur per rigorem & febrim supervenientem; sola pulmonum suppuratio, id est vomica eorundem, clanculum, & sine prædictis signis supervenit; quod serio notent juvenes.

## §. 267.

Si angina vera inflammatoria, & ut vocant, sanguinea, bina sanguinis missione non cedat, cucurbitulas scarificantes scapulis imperato, & in melius statim abibit, ut pluries vidimus.

## §. 268.

Mulierem frequenter anginæ obnoxiam, irritis aliis, liberari excitato cauterio in brachio; imo in morbis circa collum, & faciem proficua semper sunt cauteria, & scarificationes scapulis &c.

## §. 269.

Si in morbo aliquo appetitus sit prostratus, postea vero derepente superveniat

maximus, non procedente ulla crisi, nec iminutione morbi, paulo post moriuntur ægri; significat enim cerebri læsionem & virtutis sensitivæ extinctionem. Est hoc monitum *Sennerti*.

## §. 270.

Nemo ante Baglivium vim corticis peruviani expertus est in clystere. Hic enim primus puero quinqueni omnia remedia per os sumenda respicienti, in tertiana duplici, injecto mane clystere evacuante, post elapsam semihoram curavit injici aliud ex aqua hordei & drachmæ unius corticis. Idque repetiit singulis diebus. Post injectum tertium clysterem febris cessavit.

## §. 271.

In pleuritide & puerperio tanquam pestis fugienda sunt purgantia.

## §. 272.

Præcipui puerperarum morbi fiunt a suscepto frigore, ab animi passionibus, victu copioso ac frigido.

## §. 273.

In superpurgatione statim prodest theriacæ drachma una in vino data. Ita observavit *Dodonæus* & *Baglivius*.

## §. 274.

Duo maxima remedia in chronicis obstructionum morbis sunt, chalybs & rhabarbarum. Ita præscribit *Baglivius* R. Chalybis sulphurati vel alterius gr. XV. Rhei elect. scrup. j. M. Sumat pro dosi, & superbibat.

## §. 275.

Morbi ab animi pathemate pendentes blande & leniter tractandi sunt: a nimia medicamentorum copia & vehementia quam maxime abstinendum.

## §. 276.

Desideramus historiam morborum ab animi curis provenientium, in qua scilicet explicetur, qui potissimum morbi a quovis animi motu oriantur &c. nam e. g. mœror nil aliud frequentius producit, quam diarrhæas, qua diu persistente mœroris causa, fiunt incurabiles, quibus denique febris erratica supervenit, & atrophia ac mors.

## §. 277.

Ad iram pariter diarrhæa supervenit, & si hæc non superveniat, febris supervenit, dummodo ingens fuerit ira.

## §. 278.

In gallia futura tendinum vulneratorum, operatio bubonocèles, cura ulcerum chronicorum.



nicorum feliciter succedunt, contra in aëre romano, etiamsi a solertissimis chiriatris institutæ fuissent dictæ operationes, in summum vitæ discrimen conjiciebant ægrotantem. Febres semitertianæ, quæ alibi raro in malignas transeunt, Romæ magna ex parte sunt malignæ, vel potius valde periculosæ, quod & olim *Galeno* Romæ degenti innotuit.

## §. 279.

Vetus Latium desertum fere hodie est, & squalidum; austri flatibus immediate obicitur, & variis ejusdem in locis insaluberrimus aër observatur — — Aestivo præsertim tempore. Pernocantes ibi febre maligna corripuntur — — estque febris sui generis — — signa coagulationis in eodem apparent; ideo observatur, usum vesicantium & alexipharmacorum eidem summopere prodesse, contra sanguinis missionem esse quam maxime perniciosam. *Coagulatio*. Baglivio id fuit, quod nobis *putredo* aut *dispositio ad putredinem est*. *Stoll.*

## §. 280.

Qui copiosis ciborum ingurgitationibus absque noxa indulgere cupiunt, oportet ut  
vel

vel multum exerceantur, vel alvum bis terve per diem solutam procurent.

## §. 281.

Purgantia forma pilulari exhibita nec copiose, nec feliciter alvum solvunt. Contra. forma potabili, & mediocri dosi magnam afferant utilitatem.

*Si etiam purgantia forma sicca præscribantur, tamen incipiente operatione bibatur aqua leniter purgans, saltem brodium tenue, aut e. g. Rohitienfis. Diluentium usus non tantum in purgantibus forma sicca præscriptis, sed & in aliis forma sicca & spirituoſa indole præditis Stoll.*

## §. 282.

Romanis alvum liberam & exercitationem summopere suavit *Baglivius*. Doctissimus *Petronius* adinvenit electuarium purgans, ab ejus nomine alexandrinum dictum: nobile quoque dedit opus de victu Romanorum — — atque tria urbis incolis familiaria mala esse, scilicet 1. capiplenium 2. membrorum lassitudinem, & 3. alvi siccitatem.

## §. 283.

In curatione vulnerum atque ulcerum cavendum erit ab unguentaceis remediis,  
per



per quæ sæpius in pejus ruunt. Post vero balsamica, decoctiones vulnerariæ, spiritus vulnerarii.

## §. 284.

In acutis cunctatio & sagax medici in agendo judicium, magnam vim habent ad sanationem, & quamvis sæpissime sponte sua solvantur nunc casu, nunc natura favente, nullibi tamen graviores committunt errores medici, quam in acutorum curationibus.

## §. 285.

Inepta Galenicorum hypothesis fuit in affectione hypochondriaca de *hepate calido* & *ventriculo frigido*.

## §. 286.

Diuretica in morbis pectoris generaliter optima sunt, rejectis tamen diureticis acidis, quæ noxia & infida, pulmonemque erodentia, ac sanguinem in eo figentia, ut experientia constat.

## §. 287.

Chinchina remedium est profecto herculeum in curatione intermittentium, dummodo tamen non detur si aderit, suspicio inflammationis alicujus visceris, vel abscessus interni, vel etiam morbosa partis alicujus



ejus debilitas & dispositio; nam talibus in casibus non tollit, sed auget febrim, omnem materiam morbosam in affectum locum deponendo, ac figendo &c.

## §. 288.

Ad demulcendos vehementes partium dolores insigne remedium est bezoardicum joviale, momento namque impetum spirituum & salium furentium coercet, cave tamen ne dolores illi podagrici sint, aut veneriei, vel similes, quorum detecta materia peiores morbos posset excitare: cave pariter, ne illud adhibeas in nervorum & nonnullis gravibus capitis morbis v. g. apoplexia, paralyfi &c. quippe quod nervis & cerebro infidum est ac noxium.

## §. 289.

Flatus, qui prius non aderant, si in dysenteria per inferiora exire incipiant, brevi sanitatem promittunt. Ut aliquoties observavit *Baglivius*.

## §. 290.

Iliaco pessimo habenti si flatus multi & fetidi pedendo erumpant, brevi mortem minantur.

## §. 291.

## §. 291.

Si puer ventrem frequenter manu con-  
rectat, vermium ibidem latentium sig-  
num est.

## §. 292.

Quibus circa dentes in febribus qui-  
dam lentores nascuntur, iis fortes fiunt fe-  
bres; Hippocrates Sect. 4. Aphor. 53.

## §. 293.

Nares rubras habentes lubrici sunt  
corpore *Hipp. epidem.*

## §. 294.

Sudor multus per somnum, citra cau-  
sam manifestam factus, copiosiore alimento  
corpus uti significat. Quod, si cibum non  
assumentis hoc accadat, vacuatione indigere  
significat, *Hippocr. Sect. 4. Aphor. 41.*

## §. 295.

Sæpe observavit *Baglivius*, periodicos  
quosdam dolores, ac morbos, periodice  
scilicet exacerbantes, si quasi essent sobo-  
les febrium periodicarum urinam, lateritio  
colore, sive impense rubro tinctam, comi-  
tem habere irritisque aliis remediis per diu-  
retica, incidentia, amaricantia, & febrifu-  
ga prudenter, id est, tempestive & cum  
diu-

diureticis & purgantibus mixta, more februm intermittentium feliciter curatas esse.

§. 296.

Sensus frigoris in vertice capitis inter maxima hysteriarum diagnostica recenseri meretur.

§. 297.

Ante paroxysmi podagrici insultum nulla insignis intumescencia partis observatur, sed duntaxat quædam venarum protuberantia affecto loco circumpositarum, quæ quidem omnibus paroxysmi insultibus familiaris est, & singulos præcedit; estque signum veluti characteristicum jamjam advenientis podagrici.

§. 298.

Pluries observavit *Baglivius* in nonnullis podagricis, quod cum repente materia podagram efficiens evanuerit sive retrocesserit, inciderint in vehementissimos ventriculi dolores, & vomitus biliosos, exinde vero in icteritiam, a qua brevi evaserunt, repetito ter quaterque rhabarbari usu.

§. 299.

Multis ante invasionem paroxysmi podagrici superveniunt dolores colici, quibus evanescentibus statim manifestatur podagra.



## §. 300.

In tumoribus pedum (qui oedematosis adparent) ante vel post podagram apparentibus nullum, omnino nullum inquam, neque internum, neque externum adhibeas remedium, eo potissimum nomine, ut materiam illi a pedibus averteres: siquidem observavimus sapissime post exhibita purgantia, diuretica, aut sudorifera materiam illam a pedibus ad interiora retrocessisse, & apoplexiam, asthmata, febres, aut mortem repentinam produxisse, idque infallibiliter sit topica, aut resolventia, aut alterius generis (ut fieri solet) externa remedia cedematosis pedibus adhibueris. — — —  
Conducit igitur in podagricis hoc pedum cedomatismo, omnia naturæ committere, primis coctionibus prospicere, diætam & exercitium instituere.

## §. 301.

Purgantia & sudorifera fortiora non ita bene cedunt arthriticis, & quantum diligenti observatione colligere potui (Baglivius) optima rerum sex non naturalium diæta, nec non remedia stomachica omnem absolvunt paginam in podagricis & arthriticis.

## §. 302.

## §. 302.

Circa æquinoctia, & solstitia podagra exacerbari solet.

## §. 303.

Desideratur historia morborum vere incurabilium, vitio solidi, vel ex impossibilitate, non autem vitio liquidi aut ex ignorantia.

## §. 304.

Desideratur historia morborum, in quibus ægroti liberum sensum & rationis usum usque ad ultimum vitæ spiritum exercent, & in quibus illum prorsus amittunt multis ante morbum diebus &c.

## §. 305.

Hortatoria ad medicos in describenda perpetuo historia morborum a nobis, & generalibus aëris influentiis, & antecedenti anni temporum statu pendentium.

## §. 306.

*Cælius Aurelianus*, sectæ methodicæ princeps, videtur in detegendis signis & morbis a se invicem distinguendis ceteros græcos & latinos longe superasse — — illius enim opera gravium præceptorum seminarium sunt.



## §. 307.

Fluor albus uterinus & gonorrhœa gallica adeo similibus concomitantur symptomatis, ut quilibet medicorum fere semper decipiatur in illorum diagnosi. — — *Baglivius* dat hoc infallibile signum tales morbos ab invicem distinguendi. Pete a muliere, an superveniente menstruo sanguinis fluxu perseverat quoque eodem tempore fluor ille albæ materiæ; si dicat quod sic, significato eidem, quod morbus, a quo dixeratur, sit gonorrhœa gallica. Si vero durante menstruatione fluor albus evanescat, & eadem finita denuo regrediatur, pro certo habeas, mulierem fluore albo uterino laborare, cetera signo fallunt.

## §. 308.

Inter signa fœtus mortui in utero hæc potissima judicantur ab auctoribus, nempe frigiditas pectinis muliebri, fœtor oris cadaverosus, conversio fœtus hinc inde ad latera, & alia hujus generis; quæ quoniam sæpissime decipiunt medentes, infallibile omnium recenset *Cœlius Aurelianus*: si mulier gravida ingenti conatu fœces evacuandi, id est, renesmo detineatur, aliaque signa etiam aderint, pro infallibili habeto, fœtum



in utero esse mortuum. Hujus asserti veritatem ipse quoque *Baglivius* observavit semel Patavii & iterum Romæ.

## §. 309.

Signa hydropis pectoris valde obscura sunt & dubia; si tamen æger dyspnoea afficiatur, hora somni potissimum ingravescente, ita ut post paucas horas somno impensas derепente expergiscatur, expergefactus suffocari se sentiat, fenestras aperiat, & liberum aërem exoptet, pro certo & infallibili signo habeas, ægrum hydropis pectoris laborare, nam & pedes intumescunt, aliaque signa minus constantia aderunt. Nullius membri affectiones tam obscuris adinvicem confunduntur signis, quam morbi pulmonum, unde sæpissime unum pro alio curare solent ignari practitantes; præ ceteris tamen magnam errandi occasionem præbet tuberculum pulmonum, de quo Hipp. l. de medic. hæc habet: tubercula equidem pulmonem *deprehendere*, & *dissolvere* posse, maxime artificiosum habetur itemque collectiones illorum impedire; ita *Willisius* cap. de vomica pulmonum, differens de tuberculo ait: *vitium hoc latet inter initia ita clausulum, ut vix ulla sui pro-*

*ferat indicia , sed tota ejus res in insidiis est* : eadem fere symptomata habet cum tuberculo morbosa pulmonum adhæsiō ad costas. Verum tamen , quæ nos observare potuimus inter constantiora signa, hæc potissimum sunt recensenda: tales ægrotantes de cetero bene se habentes difficulter spirare incipiunt; difficilis spiratio sensim augetur , inter spirandum non stertunt, & nihil exspuunt, dolorem quoque in pectore sentiunt continuum, & dolentem in locum decumbere non possunt; sicca tussi laborant; tandem genæ rubent, febricula supervenit; & negotio ad suppurationem vergente, alia suppurationis symptomata accedunt. Duo tamen pathognomica crudi & adhuc incipientis tuberculi signa sunt, tussis sicca, & dolor lenis in alterutro pectoris loco, cui arridet illud divini senis text. 63. l. de morbis; & *quamdiu quidem tuberculum adhuc crudius fuerit, dolorem exilem, & tussim siccam inducit &c.* Qui tuberculo pulmonum laborant, sæpiissime derepente moriuntur, nam suppurato tuberculo pus erumpit in tracheam & suffocat. In tabidis si dolor vehemens lateris derepente



pente superveniat, brevi delirabunt, febris magna accendetur, & paucis post diebus moriuntur.

## §. 310.

Phthisis sæpe est morbus secundarius a variis morbis principalibus v. g. lue venerea, scorbuto, ictero, chlorosi, asthma, te, sputo sanguinis, ulceribus internis & externis, febribus, melancholia, variolis, hydrope, dysenteria, animi pathematis, studiis, severioribus vel aliis innumeris hujus generis occasionibus pendens. Hinc varia phthiseos symptomata, varia medendi methodus, pro varia scilicet origine mali.

## §. 311.

Hysteria non contenta incedere accidentibus sibi familiaribus, repentina scilicet sensuum oppressione, gulæ strangulatione, sensu frigoris in vertice capitis, convulsionibus partium &c. sæpissime imponit medicis sub specie doloris capitis, apoplexiæ, palpitationis cordis, aliarumque ejusdem affectionum; tussis, asthmatis, affectionis colicæ aut nephriticæ, vomitus & diarrhææ, tumoris, dolorisque tibiæ, suppressionis urinæ, refrigerationis partium externarum, gravissimorum dorsi dolorum,



& hujusmodi quam plurium morborum. *Baglivius* curavit eam aſthmate hyſterico laborantem, ubi omnia antaſthmatica irrita fuere, præſcripto ſale jovis in aqua meliſſ. item appoſito empl. matricar. Mynſichti; erat hæc fæmina aliis hyſteriæ ſymptomatis etiam obnoxia.

§. 312.

Aſthma convulſivum fit a convulſione muſculorum thoracis, aut diaphragmatis, aut fibrarum carnearum pulmonibus intermixtarum.

§. 313.

Colicam convulſivam non a frigidis inteſtinorum humoribus, ſecundum antiquos, ſed a convulſione & irritatione nervorum meſenterii provenire, primus detexit *Fernelius* 6 pathol. 10. eamque purgantibus, clyſteribus, calidisque remediis magis exacerbari, miſcere contra antinervinis, dulcificantibus, & mere anodynis.

§. 314.

*Baglivius* vehementer hortatur medicos, ut ægros ſuos ſedulo examinent de cauſa *procatartica*, quæ internam ad actum provocavit.

## §. 315.

Febris ardens a nimia venere producta non curatur purgantibus, nec venæ sectionibus.

## §. 316.

In ischiade venerea profuit decoctum sarsaparillæ, antimon. crud. & cortic. nucum.

## §. 317.

Ait *Baglivius* dispositionum internarum occultarum indolem vix detegi posse, ex ante acta tamen vita, & sex rerum non naturalium usu aut abusu divinare poterimus generalitatem quandam talium dispositionum, terreæne sint, an acres, acidæ, humidæ, inflammabiles, tensæ, coagulabiles.

## §. 318.

Lingua præ ceteris sc. indicat intimiorem morbosæ sanguinis statum; si acidus sapor in ea redundaverit, acidum sanguinis, vel aliorum humorum ab eodem derivatorum constitutionem manifestabit; si salus salsam; si amarus, amaram; si viscidus, mucosus, & insipidus, talium partium copiam; si humida, humidam; si sicca siccam & inflammatoriam diathesin. Demum pro securo sibi sit lector, me certiore de sanguinis statu indaginem aliunde non hauri-



re, quam ex lingua — — reliqua enim signa frequenter fallunt, hæc aut nunquam, aut raro. Cave igitur, ne discedas ab ægro in cujuscunque morbi curatione, nisi prius linguam inspexeris, præsertim, si de internis inflammationibus suspicio fuerit, quas tibi certissime explorabit lingua, utpote quæ in minima inflammationum suspicione statim resiccare incipit, & crescente inflammatione crescit pariter & siccitas linguæ.

## §. 319.

*Wepferus exercitat. de apoplexia fol. 429.* ait, se in cadaveribus febri continua extinctorum aliquoties, nonnunquam & in malignis sanguinem fluidum, nec post obitum coagulabilem observasse. *Simon Pauli* de febribus malignis §. 2. notat sanguinem phlebotomia emissam maxime rubicundum, & colore proxime accedentem ad colorem floris cardinalitii, sive Trachelii Indici, nec non pauco perfusum sero se pluries in ægrotantibus observasse, qui cum tali sanguine semper de vita periclitabantur. *Baglivius* (idem etiam *Huxham*) hoc idem in peste a plurimis notatum esse, testantur historiae recentiorum.



## §. 320.

Nemo curationem febrium feliciter absolvere poterit, nisi ante quælibet adhibita remedia certior factus fuerit de statu sanguinis febrientis, scilicet an sit nimium coactatus, tenuis, inflammabilis &c. (id est an adsit dispositio sanguinis phlogistica) vel contra coagulabilis, lentus, malignus &c.

## §. 321.

*Cura intermittentium optime peragitur solventibus; id est roborantibus salinis, & leniter alvum moventibus, nocent mucilaginosæ, mere aquosæ, purgantia fortiora, venæ sectiones. Hinc optime convenit decoctum gramin tarax. cichor. cum oxymelle, roob sambuci & sale medio. Neutrum seorsim sufficit. Stoll.*

## §. 322.

In febribus intermittentibus præstant summopere amara, acria, lixivo - alcalina; amara hæc calidaque materiam febrilem altius inpingerent, nisi ter, quaterve per diem alvus moveatur. Alvum autem moventia &c. sine amaris calidisque debilitando nocerent. Stoll.

## §. 323.

## §. 323.

In plurimis febribus diuturnis ac chronicis nonnullis morbis magnam afferunt utilitatem medicamenta quædam austero-amara de genere fere adstringentium, uti sunt chinchina, tormentilla, radix pentaphylli, alumen crudum, chalybeata, cortex fraxini, medicamenta vitriolico-martialia, aliaque hujus generis, quæ adstringendo operantur. Hæc enim mala ab elanguido solidorum fluidorumque tono, non autem a decantata viscerum obstructione pendent.

## §. 324.

Multiplici experientia didici (ait *Baglivius*) colicas convulsivas pertinacissimas & veluti ab orgasmo spirituum productas post venæ sectionem institutam & remedia anodyna maxime diluta brevi ac feliciter sanari.

## §. 325.

Ubi sudor necessarius est & irritis quibusvis remediis non erumpit, mitte sanguinem, & statim erumpet.

## §. 326.

*Baglivius* ait, morbi a strangulatione sive, ut ita dicam, arctatione humorum aut spirituum in aliqua parte, nullis aliis remediis adeo facile solubiles, quam per sanguinis



nis missionem in loco affecto vel proximiori institutam.

## §. 327.

Arthritis facile mutatur in colicam, omnes calculosi facile fiunt icterici; ex scabie retropulsa vel male curata quam plures infauti morbi proveniunt, uti sunt sputum sanguinis, apoplexia, hydrops, febres longæ &c. Scabies quartanario superveniens bonum.

## §. 328.

Apoplexia pituitosa correpti facile pallescunt, gravissimo sopore corripuntur, pulsus habent exiles; vomitoriis, purgantibus optime cedunt, a sanguinis missione ingravescent; contra in sanguinea, rubore suffunditur facies, vasa sanguifera capitis maxime turgent, sopores non sunt vehementes, nec pulsus adeo exiles &c.

## §. 329.

In colica biliosa contingit sæpissime aphonia, & vox rauca, duratque interdum per totum morbi decursum; hæc eadem vox rauca observatur pariter in febribus a bile ortis, quamobrem arguere merito possumus, raucas hujusmodi voces & aphonias in acutis & similibus morbis subindicare nobis



nobis causam proximam illorum pendere a bile, sive partibus acribus, volatilibus, sulphureisque. Ista aphonia solet non raro esse prodromus convulsionum epilepticarum in colica. Dolores nonnunquam observantur statâ periodo adinstar intermittentium invadentes; si hæc succedant, pro certo habeas causam proximam illorum aliunde advenire, nec in affecto loco generari: irritisque quibusvis remediis observavi (Baglivius) quod si tribus horis ante invasionem doloris lene purgans exhibeatur, præsertim in imo ventre tragoediam excitat & brevi, feliciterque subripietur; imo quicumque alii periodici dolores per repetitas hujusmodi purgationes protinus recedent.

§. 330.

Abscessus latentes hepatis per intolerabiles cruris aut suræ dolores nullis remediis cedentes manifestantur. Vide *Holle-tium* com. 2. ad l. 2. Coac. Hippocrat. fol. 348. idem pariter observarunt *Iacotius* in Coac. Hippocr. & *Bauhinus* in suis observationibus, & tabulis anatomicis.

§. 331.

Observavimus nos, quamvis in tertiana magna bilis copia evacuata fuerit, febrim  
magis

magis atque magis exacerbari, & ex simplici duplicem, ex duplici chronicam aut lethalem demum evadere. (Ita Baglivius.) *Lenia eccoprotica, salina, roborantibus juncta, & forma liquida propinata propria solventia dici merentur, nequaquam autem stricta purgantia. Solventia talia vere indicantur, non autem purgantia. Stoll.*

§. 332.

Teste *Henrico Heer* aqua spadana, quamvis in promovendis diu suppressis menstruis expertissima sit, eorundem tamen nimium fluxum quovis alio remedio facilius etiam feliciusque sistit.

§. 333.

Febres intermittentes ab adhibito in principiis purgante in pejus ruunt, continuæ fiunt, & si purgantia repetantur, diuturnæ & lethales evadunt.

§. 334.

*Baglivius* sequentia remedia vocat specifica: in intermittentibus corticem peruvianum, in dysenteria serum lactis; in lue gallica mercurium & sarsam; in affectione hysterica sal aut bezoardicum, aut jovis. In doloribus post partum tinctura succini cum aqua cinamommi extracta, & exigua syrupi cinamome-



nammoni quantitate addita. In ictero flavo spiritus salis ammoniaci acidus.

§. 335.

Lac est specificum remedium ad sanguinis acrimoniam compescendam: tutius exhibetur verno & autumnali tempore quam æstivo. Si diarrhæa ex ventriculi cruditate viget, abstinendum pariter ab illius usu erit; ægrotis ex nervorum capitis affectionibus noxium maximopere est lac. Lac nervis & capiti contrarium; pectori familiare, infimo demum ventri flatuosum.

§. 336.

Sæpissime observat *Baglivius* in praxi, methodum recentiorum per remedia spirituosâ volatilia, & impetum facientia, morbis chronicis summopere conferre, acutis contra summopere obesse.

§. 337.

Limaturam martis, cinnammomum & saccharum *Baglivius* sæpius adhibuit: item succos cichorei, borraginis & sonchi.

§. 338.

Multa scire oportet medicus & pauca agere, dum ad curationem morborum vel nimis acutorum, vel complicatorum descendit. Errant, qui putant, morbos facilius



luis non sanari, quam per grandia & copiosa remedia.

§. 339.

*Hippocrate* & experientia teste certum est, tertianas simplices septem circuitibus sua sponte recedere.

§. 340.

In rusticis & qui medicorum opera non utuntur, jucundo sane documento hujusmodi crises, sive despumationes peccantis materiæ per sudores, alvi fluxus, urinam, aliasque naturæ vias perfici, & motu prorsus ordinato fieri videmus.

§. 341.

*Hippocrates* ipse in febrium præcipue acutarum curatione paucissimis utebatur medicamentis, & si excipias lene vomitorium, clysteres, aut simile remedium, quod circa initia adhibere cogeatur, in progressu morbi sola pituita ad morbi genium varie temperata contentus, & naturæ reliqua committens, adsidens illius spectator crisin expectabat, ut constat ex illius libro de diæta acutorum &c.

§. 342.

*Hippocrates* diuturna edoctus experientia, naturam esse morborum, præci-

G

pue

pue acutorum, medicatricem, in illorum curatione, post præscripta paucissima in principio morbi medicamenta, dum res ad statum tendebat, a remediis prorsus abstinerebat, (*dummodo tamen morbi genus & malignitas idem permetterent, Stoll*) & omnia naturæ comittens securus crisin exspectabat.

## §. 343.

Pauca sunt curandis morbis necessaria remedia, si morbus curam recipit; si vero fuerit incurabilis, usu remediorum vires acquireret, ægrotumque conjicit in discrimen; incongruis enim remediis digestionis facultas extenuabitur, & comparabitur in dies novus morbo fomes in ægri detrimentum. Cum febres aliique morbi in longum protrahuntur tempus, nulla est ratio medendi melior, quam pharmacis abstinere, adhibito tantum conveniente victu, quo foveatur natura &c.

## §. 344.

In chronicis pauca requiruntur remedia, ejusque sint generis, quæ parti affectæ convenient quasi specifica. Semper tamen in morborum diuturnitate consulendum est digestionibus.

## §. 345.



## §. 345.

In curandis febribus universalibus, id est, quæ ipso de sanguine suscitantur, non admodum laborandum est circa partem affectam, ut inde curativæ deducantur indicationes: febrium siquidem primordia partesque affectæ in iisdem nos plerumque latent, & si unquam paterent, oportet indicationes dirigere ad constitutionem massæ sanguineæ febricitantis potius, quam ad sophisticam speculationem causarum proximarum — — — ideo si primæ viæ sint obductæ eæque egerendæ atque expurgandæ fuerint, danda opera, ut febrium fomes tollatur; si vero sanguis febricitans sit exaltatus & vehemens, ejus reprimendus est impetus; si nimis crassis humoribus irretitus, atque coagulatus, exaltetur ac dissolvatur. In his enim tribus præceptis omnium prope illarum febrium cura versatur, quæ ortum non ducunt ab organi læsione, verum ab humorum congluvie, aut in ipso sanguine, aut in primis viis, & cum ad crisin natura vergit, aut eam jam excitaverit, tum a remediorum copia, tanquam a peste cavendum. Ex odore, quem ægri spirant, soleo sæpe, ait *Baglivius*, utrum



morbis facilis aut difficilis, brevis vel diuturnus vel alterius generis futurus sit, judicare.

## §. 346.

In ægris, qui morituri sunt, nonnullis ante mortem diebus, solet, dum pulsus tangimus, ab eorum exhalare corpore scædus quidam ac veluti cadaverosus odor, qualem spirant in templis cadavera, & sæpe observavi, & velim, ut serio animadvertant medici.

## §. 347.

Vidit *Baglivius* singultus frequenter excitatos a nimia stibii diaphoretici abusu.

## §. 348.

De morbis pulmonum, etiamsi peritus in arte sis, vel censearis, noli cum jactantia practice de illis differere, vel facilem promittere curationem. Acuti namque licet curabiles sint, derepente tamen ægrum jugulant, medico stupente ac ne cogitante. Chronici vero derepente quoque necant, curatuque difficillimi sunt, et si curantur, non ab ignaris, sed ab acerrimo præditiis judicio curantur.

## §. 349.

*Hippocrates* in morborum curis nil magis praecipit, quam balnea, fricationes, exercitationes, unctiones, ustiones, incisiones partium usque ad ossa. Ablutiones capitis, purgationes per sternutatoria. Ejusdem lotiones, vellicationes, succussiones, ac hujusmodi remedia in solidis humani corporis facta vim suam exercentia, quoniam iis praecipue adhibentur, non autem in fluidis nisi solidorum ope. Per os etiam, si helleborum excipias, & frequentem feri usum, & lactis in morbis plurimis, pauca alia remedia adhibebat.

## §. 350.

Quibus capite vulneratis, letargi averrendi causa, vesicantia adplicantur, ii confestim pereunt. Vesicantia nocent delirantibus viris magis quam foeminis. Potus tunc juvant, balnea tepida & emollientia ventri, pedibus & palmis adplicata. Sectio salvatellae &c. Imminente vel actuali delirio hypochondria sunt intro pressa. Bulbus oculorum immobilis, & quasi saxeus, lingua balbutiens, & plerumque tumescens, arida & sicca. Totum corpus veluti tensum & parum flexile. Praeterea semper



præit gravis capitis dolor, suppressis tunc etiam ordinariis excrementis. Dum æger delirat, filtra omnia glandularum parum segregant &c.

§. 351.

Vidit *Baglivius* fœminam, quæ frequenter tubercula in osse menti habuit, imò durante menstruatione ossa claviculæ tumescebant, eaque desinente evanescebant.

§. 352.

Ossa facile rumpunt in gallicis & scorbuticis &c.

§. 353.

Ostendemus itaque *cor* — *particulari* rem super iis potestatem, & a *cerebro* independentem habere.

§. 354.

Morbi, qui nerveis & membranosis in partibus fiunt, graves, periculosi, & difficillimæ curationis sunt, & fere semper capiti consentientes; & quod sane mirum atque notatu dignum, nulla tunc temporis in partibus sanguineis, in ipso sanguine & in corde apparente mutatione.



## §. 355.

Pulsus ferrinus & durus semper indicat vitium in partibus membranosis ac nerveis, subinde autem periculosus erit; si cum periculosis conjungatur accidentibus; in doloribus capitis vehementibus pulsus fiunt parvi & imperceptibiles pene, idem fit in doloribus aliarum partium membranosarum. Quod tamen medicum terrere non debet, nam familiares sunt pulsus parvi in talibus doloribus. In pluribus ægris pleuritide laborantibus observavi sæpe pulsum manus positæ a latere partis affectæ semper esse parvum & exiguum; in rigore febrium pulsus contracti quotidie observamus.

## §. 356.

Paralytes universales vitio affectionis hystericae relatæ a *Boile* de utilit. philosoph. nat. f. 154.

## §. 357.

Tympanitides universales ob vulnus partium nervosarum ex *Villifio* Tom. 2. fol. 145.

## §. 358.

Novit *Baglivius* vetulam septuagenariam diro asthmate cum tussi continua laborantem; hæc quoties ambabus manibus

fortiter comprimit verticem capitis, toties cessant statim pro tempore, quo durat compressio, & asthma & tussis catarrhosa, statim vero ac manus aufert, iidem morbi denuo redeunt &c.

§. 359.

Membranarum morbos magna ex parte periodicos observavit *Baglivius*; cephalalgiae exacte periodicæ frequentes sunt.

§. 360.

Observavit *Baglivius* in iis, qui aneurismate interno laborant, ex ea parte, in qua est aneurisma, sive eam partem, cui arteria aneurismate laborans respondet ac prospicit, frequenter formicatione, torpore, impotentia ad motum ac demum paralyssi laborare; adest & palpitatio cordis, vertigo, frequens syncope, spirandi difficultas, inæqualitas pulsus.

§. 361.

Fol. 303 de fibra motrice hoc exemplum hominis calculosi, odore oris vitriolico, mictu sanguinis atrii, sædissimi, vitriolici laborantis & sanati. Fors morbus hic idem est cum prima specie morbi nigri *Hippocratis*, de quo *Tissotum* vide: folio 304 de fibra motrice vide plura apud *Baglivium*



*livium* de fluxu nigri sanguinis per alvum. Ubi dicitur, hunc fluxum a morbo mesenterii, uti & lumborum liberare. Juvat serum lactis cum succis herbarum, & lenia purgantia per intervalla.

## §. 362.

Pleuritides siccae, asthmata sicca, hydropes ficci, solidorum vitio magis, quam fluidorum oriuntur.

## §. 363.

Qui nimium sanguinei sunt, & facie rubicundi, in convulsivos morbos ætatis progressu incidunt. Mulieres nimium sanguineæ, calidæ & rubicundæ, doloribus uteri atrocissimis circa tempus menstruationis vel quolibet alio tempore ob dictam causam patiuntur.

## §. 364.

Ex abusu purgantium in hydrope sicco, crescit magis pedum, ventrisque tumor.— Laxandum potius est solidum nimium crispatum, deinde remedia danda sunt; ideo sæpe hydropes ficci circa finem hydropes humidos post se trahunt.

## §. 365.

Medicamenta purgantia, diuretica, & aperientia nimium acria, quæ referendis visce-



rum valis præscribuntur, si morbus a solidis, non a fluidis cœperit, non referant vias, sed magis intercludunt, — — resque definit in caneros, scirrhus, & lethales viscerum obstructions. Quod sæpe experimur post partum difficilem, post diuturnos mensium, lochiorumque suppressiones, & hic de reliquis liquidorum suppressionibus, solidi vitio productis, discurrendum.

§. 366.

Delirium a fortissimo duræ matris elatere productum, nullo remedio citius sedatur, quam fomento aquæ tepidæ pedibus, ventri, & volis manuum per spongas facto — — quod usu vesicantium potius exasperatur.

§. 367.

Post molesta pedum erysipelata nascuntur œdemata diuturna & incommoda; quæ vix cedunt remediis intus sumptis, sed tantummodo fomentationibus herbæ alicujus vulnerariæ & mollientis.

§. 368.

Maniacorum vis incredibilis a maxima fibrarum excitatione producitur. *Baglivius.* (hinc profunt balnea tepida, potus emollientes, relaxantes; nocent per se vesicantia

tia

zia. Stoll.) Hujusmodi homines plerumque sicci sunt, nigris capillis præditi, cutis colore nigro, naturaliter impatientes, volubiles, & ad operationes promptissimi.

§. 369.

Quid aliud quæso est, quod pluribus in locis memorat magnus senex, *plures mulierum morbos ab utero inverso pendere*, nisi merum solidi, sive fibrarum uteri vitium, quæ semel nimium crispataæ raro pristinam recuperant mollitiem. Et ab hujusmodi morbosa crispatura quotidianæ menstruorum, lochiorumque &c. suppressiones persæpe oriuntur. (*huc pertinet pertinax mensium suppressio in Domina de F\*\*\*, & in comitissa M\*\* Stoll.*)

§. 370.

Lochia ob nimios dolores post partum statim supprimuntur, nec non ob dolorem mammarum; nec fluent, nisi prius dolor cessaverit, id est, lenita solidorum morbosa oscillatione. Ob hanc causam renibus dolore vexatis urinæ fluxus frequenter intercipitur.

§. 371.

Mulieres nonnullæ magnum in corpore calorem fere continuo sentiunt, præsertim



tim hyſtericæ, hypochondriacæ &c. criſpatis enim interna de cauſa viſcerum fibris, fluidorum curſus tarde per ea incedit, & ita caloris ſenſum in ea producunt. Pedum immerſio in frigidam, poculum frigidæ, perfrigeratio pedum, actu fluentia menſtrua intercipit, ſcilicet ob criſpatas fibras; juvit hoc in caſu balneum aquæ tepidæ, & in eo vena pertuſa.

## §. 372.

Binas mulieres ob hyſteriam vehementiſſime affectas, vigiles & inumeris laceſſitas ſymptomatis ſola; geſtatione curruſ per plures menſes; & hominem nobilem, & alium divitem hypochondriacæ affectos ac pene deſperatos equitatione ſuper aſinum in aëre ruſtico facta, perfecte ſanavit *Baglivius*.

## §. 373.

Diarrhœa cum variolis in principio non nocet &c. In puerperis ſuperveniente ardente feбри lochia ſupprimuntur, nec redeunt niſſi remiſſo calore febris. Lac in mammis, pus in ulceribus, & reliquæ ordinariæ evacuationes, nec non ſudoris, ſecefſus, ſputi &c. eodem febris ardore durante ſilent.



## §. 374.

Ubi catarrhi sunt, ibi statim suspicandum est lympham peccare: ea enim sola sedes catarrhorum est — membranæ vocari possunt telæ pituitariæ, quæ quando longo catarrhorum cursu nimium laxantur, iidem curari non poterunt, nisi restituatur tonus laxatis fibris. Lignum sassafraς remedium ad id præstantissimum est; catarrhi ex lymphâ acri & tenui noctu potissimum affligunt; ex crassa indifferenter.

## §. 375.

Juveni nimis rerum salutarum & victus prorsus exsiccantis usu alvus taliter exsiccata fuit, ut difficillime solveretur, adhibitis quibuscunque humidis cibis & oleribus; cum *Baglivius* existimare cepisset, ventris stipticitatem non vitio fluidi, sed fibrarum intestinalium fere convulsivarum & exsiccatarum ob ante dictam diætam provenire, usu butyri recentis in formam boli cum saccharo præscripti, perque dies multos assumpti, nec non balneis aquæ tepidæ per totum ventrem, pristinam lubricitatem recuperavit. Plures hujusmodi alvi exsiccationes observantur in praxi.

## §. 376.

Qui ulcera in cruribus, aliisque in partibus gerunt, si generosum biberint vinum, eodem vix ingesto plaga inflammatur.

## §. 377.

In febribus syncopalibus, vertiginosis, & singultuosis, quarum causa est acre quid corrosivum tunicis stomachi impactum, easdem crispando ac vellicando, gravissima mala producuntur, communicata capiti, cordi & diaphragmati, vehementi ac morbofa oscillatione; unicum remedium est emeticum ex oleo amygdalarum dulcium, quod & fibras crispatas laxat, & acre cicurit lenitque.

## §. 378.

Sæpe observavit *Baglivius* in calculosis pulsum manus reni affecto respondentis parvum esse, depressumque.

## §. 379.

In nephritide quoque, qua parte est calculus, eadem succedit in capite hemi-crania. Et in pleuritide pulsus ex parte lateris affecti depressus magis observatur, quam ex parte sani; idem forsan succedit in doloribus aliarum partium.

## §. 380.

Pulsus parvus in maximis doloribus neminem deterreat; familiaris enim est iis oriturque vitio solidi vasorum, fibrarumque irritati, crispatique, non vero fluidi.

## §. 381.

Post dolores partus excitantur colicæ sive intestinorum dolores, communicatis crispaturis ab utero ad intestina.

## §. 382.

Erumpentibus dentibus in pueris lactantibus gravia succedunt symptomata vitio solidi tantum.

## §. 383.

Dolentibus mammis post partum lactis causa lochia supprimuntur frequentissime; Remittente autem mammarum dolore, redeunt lochia.

## §. 384.

Incipientes oscillationes spasmodicæ in mesenterio in hystericis, si successive cerebro communicentur, excitant in eo vertigines, vel dolores, sopores, aliasque similes affectiones.



## §. 385.

Convulsiones infantum & puerorum ex abdomine putris ac congestæ cacochylia causa fere semper excitantur.

## §. 386.

Cum morbi convulsivi e. g. hysterici in vitio solidorum potissimum resideant, hinc sanari debent juxta regulas solidi curativas.

## §. 387.

Vidit *Baglivius* calculum magnum in renibus, & tamen patiens in vita de nullo renum dolore unquam conquestus est, sed tantummodo de gravi ac vehementissimo genuum. Pariter idem *Baglivius* cadaver mulieris aperuit, quæ atrocissimis uteri doloribus extincta, & utero post mortem examinato, nihil in eo morboſi reperit, sed tantum in emulgente dextra abscessum, in qua nullum unquam doloris indicium præbuit.

## §. 388.

Mulieres sanguineæ & virilis naturæ post 50 annum, cum menstrua eisdem naturæ lege cessant, menstruis hæmorrhoidibus per plures annos subjacent.

## §. 389.

Suppressa hæmorrhoidum evacuatione secuta est apoplexia letalis. Mictus sanguinis periodicus ac menstruus, incaute suppressus, letalis fuit. Ulcera imprudenter clausa mille mala pariunt. Hinc sæpe fit, ut fluidum excrementitium, si per vias sibi proprias evacuari non possit, locum sibi faciat per vicinas. Hinc monialis, per sex menses ischuria laborans, vixit commode, quia quotidie sudabat in abdomine. Puer ischuria vexatus urinam per alvum educebat. Menstrua suppressa viam sibi faciunt per alvum, vel vias vicinas.

## §. 390.

Si menses instant, vena brachii secanda, & fluent; si iisdem fluentibus eadem secetur, supprimentur; non supprimentur autem, si secetur saphæna.

## §. 391.

In partu difficili, vena secta brachii, foetus prodit, & in ischuria eadem secta urinam profluere facit teste *Foresto*, quem *Baglivius* tanquam summum observatorem laudat.

## §. 392.

Quibus in præcordiorum dextra aut sinistra parte tenditur aliquid in febre, cum dolore capitis, idque neque cum dolore præcordiorum, neque cum inflammatione, sanguis e naribus fluet. *Hippocr. l. prænot. n. 25.*

## §. 393.

Sicuti purgantia in morbis capitis summo opere proficiunt, ita diuretica in morbis pectoris. Morbi cutis, uti dolores artuum, fædæ ac pruriginosæ ejusdem maculæ, in alvi morbos solvuntur. Alvi affectiones, uti diarrhææ, colicæ &c. in cutis affectiones migrant, & per cutis vias, nempe per diaphoresin, sanantur frequentissime.

## §. 394.

Jecore affecto dolores ad jugulum e directo fiunt, tussis inanes spirandique difficultates; imo hydropes, qui ex morbo jecore pendent, vehementissimam sed inanem tussim conjunctam habent, quæ in aliis hydropum speciebus vix aut raro adparet.

## §. 395.

Si pulmonicis tota lingua sit alba, & aspera, ambæ partes pulmonis sunt inflammatae



matae, si medietas linguae sit aspera &c. ea pulmonis pars ægrotat. Ita si dolor ad jugulum est, si fuerit ad dextrum, dextra, si ad sinistrum, pulmonis sinistra pars ægrotat.

## §. 396.

Quidam, quoties tussunt, mingunt.

## §. 397.

In nephritide calculosa interdum adest hæmicrania ex parte capitis, quæ dolenti reni e directo responderet; stupor quoque crurum e directo, retractio testiculi e directo eandem ab causam fiunt.

## §. 398.

In calculo vesicæ adest in glande penis dolor, pruritus & irritatio continua, quod inter pathognomica ac certissima calculi vesicæ signa est.

## §. 399.

Dolores ischii, dolores lumborum ex infarctu congestionemque pravorum ac crudorum humorum in mesenterio orti, ad genua & ultimos digitos protenduntur.

## §. 400.

Dum febrilis horror aut frigus universam cutim convellit, tunc oleum destillatum caryophyllorum epigastricæ regioni il-

litum remissionem horroris procurat undique.

§. 401.

Qui difficile sudant , appposito plantis pedum latere calefacto , mirifice sudor illis promovetur.

§. 402.

Rigores & horrores , qui futuras suppurationes prænunciant in partibus , in pulmonibus vel a tuberculo , vel a vomica , vel alia suppuratis de causa aut nunquam , aut raro observantur.

§. 403.

In contusionibus cranii & læsionibus meningum , si septimo vel undecimo die gravis supervenit ophthalmia , signum mortis imminetis. Ex gravi capitis percussione , impotentia ad venerem.

§. 404.

In collectione puris in cavitate capitis aliquando succedunt vomitus , nausea , aliquando metastasi ad jecur facta ; jecur suppurat frequenter in capitis vulneribus & contusionibus.

§. 405.

Phthisi supervenit tumor testium.

§. 406.

## §. 406.

Succus sempervivi scroto illitus tollit hæmorrhagiam narium. Acetum quoque eidem illitum tollit ebrietatem & narium hæmorrhagiam.

## §. 407.

Hæmorrhagiæ narium subito terrore sanantur.

## §. 408.

Gaudium & ira menses promovent; pavor autem & mœstitia stringunt. Verecundia partum reddit difficilem. Mulieres gravidæ territæ, verecundæ post partum lochia sibi supprimunt. Uteri laxitas solo terrore sanata fuit.

## §. 409.

Quam pauci mesentericas febres curare, aut dignoscere sciunt! — — eas curabitis, solida nimium intenta laxando, nimium laxata intendendo, liquida nimium concreta solvendo, ac per intervalla purgando &c.

## §. 410.

Pueri in eruptione dentium alvi fluxu corripiuntur, vel convulsionibus, genua eisdem intumescunt, nec detumescunt, nisi diarrhæa superveniente copiosa fluit saliva;



stertor viget, adest febricula cum vigiliis, variisque aliis accidentibus, quæ sola parit solidorum irritatio.

## §. 411.

Sæpe observamus, quod si calculus post 10. vel 15 dies non descenderit ad vesicam, imprudenti diureticorum usu & nimia remedium præscriptione, ut vulgo faciunt medici — — — magis magisque figitur calculus — — — quo in casu, crede mi lector, unicum remedium est, abstinere a medicamentis, nam sola quiete calculus tandem praefiliet. Idem esto iudicium in difficili lochiorum, menstruorumque &c. suppressione; quo plura enim dederis aperientia, eo magis crescet suppressio. In iliaca affectione, quæ oritur a forti crispatura fibrarum intestinalium ab ano ad gulam, pauca juvare solent remedia, ex classe anodynorum & stomachicorum; nocent contraclýsteres acres, remediumque ingens copia. Revera igitur, dolores omnes nephritici, dolores omnes ante & post partum, hysterici, quique instantibus menstruis purgationibus succedunt, a spasmodica fibrarum oscillatione pendent, totiusque curationis scopus

pus dirigi statim debet in ea primum tollenda per fœtus, balnea, & anodyna, laxantia remedia, denique fluido peccanti incumbendum.

## §. 412.

Sæpe tamen intentio hæc, ingensque fibrarum veluti induratio pendere solet a nimio impetu, orgasmo & acrimonia humorum, quo casu, laxata sanguinis compage per phlebotomiam, laxatur quoque intensio duritiesque solidorum.

## §. 413.

Ventositatem flatuosam venæ sectione sistito. *Hippocr.*

## §. 414.

Quicumque derepente voce destituuntur, si sine febre fuerint, venam secato, *Hippocrat.*

## §. 415.

In hydrope quoque flatuoso sanguinem mittito. *Hippocr.* Hujusmodi etiam sunt urinæ suppressiones, quæ sanguinis missione solvuntur; suppressiones lochiorum, mēstruorum &c.

## §. 416.

Sunt, qui ob nimium fibrarum sensum & mollitiem facile syncopyzant & resolvuntur;



tur; facile quoque ob nimium sensum, five fibrarum ariditatem capitis dolore laborant; in quo casu, quoniam dolor solidi vitio potius quam fluidi oritur, ad narcotica libenter veniendum, nam tuto adplicari possunt, quoniam non aliud debent efficere, quam obrundere nimium fibrarum sensum. Pariter qui magis sensibiles fibras obtinuerunt, catarrhis fluxionibusque vitio solidi sunt magis obnoxii, ut inter ceteros pueri. Et quibus hectica intestinorum intemperies flatuum procreatrix naturaliter est, ob dictam fibrarum sensationem doloribus lumborum, & aliis, alvique extrema siccitate facile corripuntur & facile in hydropem siccum tympanitidem cum atrocissimis doloribus & horrida viscerum tensione terminantur; quarum affectionum occasio & causa, licet ab extra venire possit, augetur tamen summopere morbus ob nimiam eamque naturalem fibrarum sensationem, vividumque elaterem. Quare non erit negligenda in posterum a medicis, prout hactenus factum est, cognitio atque doctrina solidorum cujusque corporis aegrotantis &c.



## §. 417.

*Nota. Nimia ergo fibrarum muscularium irritabilias morbos producit hypochondriacos & hystericos. Occasio vero & causa excitans varia admodum esse potest. Stoll.*

## §. 418.

A tono languido & relaxato fibrarum in habitu corporis succi nutritii assimilatio debitusque cursus perturbantur, nasciturque phthisis, quam dicimus nervosam, sive phthisis in habitu corporis ob tonum eversum solidorum, in qua quidem curanda neque lactea, neque humectantia præscribenda, sed chalybeata, antiscorbutica, cephalica, & amara &c. — — — Lienteria interdum fit ob nimiam pylori laxitatem, & aliarum partium ventriculi irritationem nimiam.

## §. 419.

Epiphora sive laxitas glandularum oculi serosam facit lachrimationem, irritisque aliis stringentia juvant vulneraria, quæ tonum restituant.

## §. 420.

A fibrarum nimia laxitate in tubulis renum sive atonia renum, lethales urinae suppressiones sæpe oriuntur. Verum quæ

que diabetes aliquando succedit ob laxitatem viarum ab intestinis ad renes, curaturque per adstringentia & aromatica.

## §. 421.

Ischuria sive urinæ suppressio contingit ob torporem fibrarum vesicæ: curatur per acria suppositoria, clysmata stimulantia & similia, quæ fibras vicinas jure consensionis ad motum excitant.

## §. 422.

Plura lymphæ vitia a sola glandularum laxitate fiunt atque dependent, & medici sibi fingunt mille obstructions, & mille falsas obstructionum chymeras. Idem in mesenterio quotidie observo (*Baglivius*) quando illi pallorem levis momenti in vultu vident, qui languidi stomachi, viarumque intestinalium laxatarum comes est indivulsus, putant ab obstructione fieri; mille statim dant inutilia remedia ex chalybe, ex amaris omnis generis — — — cum morbus sola masticatione cinnamomi, vel seminum citri, vel potu coffee, roboratis per hæc fibris laxatis, non vero, ut ipsi putant, obstructis, promte tolli potuerit.



## §. 423.

Hydrocephali oriuntur in infantibus recens natis a nimia fibrarum cerebri laxitate, ob longam moram infantis in utero capite prono, dum vim facit, ut foris exeat in partu difficiliore.

## §. 424.

A nimia pulmonum laxitate sæpe oriuntur phthifes &c.

## §. 425.

Fibrarum vesicæ laxitas in pueris vesicæ calculum producit, quia nequit ingentem visciditatum copiam, qua pueri scatent, oscillando propulsare.

## §. 426.

Quidam ob naturalem pulmonum molitiem & laxitatem sanguinem spuunt. De hoc corporis habitus re certum fortasse reddit.

## §. 427.

*Celius Aurelianus* de morbis solidorum optime scripsit.

## §. 428.

Sicuti vocis exercitatio conducit non nullis pulmonis & capitis morbis, ita globulorum lusus calculo & renibus; sagitatio pulmonibus & thoraci; lenis deambulatio ven.



ventriculo; equitatio capiti & mesenterio. Quibusdam navigatio, venatio, rusticatio, ambulatio, iter longum per montana, vel per campestria, aliis musica vel saltatio; Paucis vero, dum longo morbo tenentur, imprudentissimus remediorum abusus conferre poterit.

## §. 429.

In colica pertinaci conducit iter aliquod, ut corpus plurium dierum equitatione excitetur, fibræque mesenterii longo morbo relaxatæ pristinas reassumant oscillationes. Id quod a remediorum acervo vix potuerit expectari.

## §. 430.

Cantus & vociferatio juxta Doctissimum *Mercurialem* convenit iis, qui humiditate occupatas interiores partes, quique corporis habitum frigefactum habent. Convenit & stomachicis, vomentibus, acidum ructantibus, ægre digerentibus, cibos fastidientibus, atrophia laborantibus, languidis, cachecticis, hydropicis, asthmaticis, phthisicis, apostemata rupta habentibus in thorace, difficile parturientibus, quartanariis, pituitosis, convalescentibus, fere omnibus. *Galenus* stomacho laborantibus

tibus unctiones, exercitia & vociferationem præscribit. Vide plura in *Mercuriali* de gymnastica, ubi pulchra leguntur de effectibus lecti pensilis, cunarum, natatione &c. item de balneis.

## §. 431.

Laudat *Baglivius* usum balneorum publicorum, ad quæ plures ægros misit, alios ut laventur, alios, ut strigili pelliceo fortiter fricentur; alios, ut primum paulum sudent in stupha balnei, dein balneum tepidæ statim ingrediantur &c.

## §. 432.

A quibus morbis ad quales transitus fiat, investigare oportet. *Hipp.* L. de morbis. Transitus fit in his ex pleuritide in febrim ardentem, ex phrenitide in peripneumoniam; ad dysenteriam tenesmus transit, & a dysenteria lienteria; ex lienteria in aquam inter cutem transitus fit. Ex pituita alba in aquam inter cutem; ex pleuritide & peripneumonia in pectoris suppurationem; si rigor corripuerit, ardor igneus supervenit. Nervus dissectus convulsionem facit, neque coalescit & fortiter inflammatur. Si sauciatum cerebrum fuerit, febrim necesse est supervenire, & bilis vomitum, & aliquam  
corpo-

corporis partem sideratam fieri, ac perire. Sanguis in supernum ventriculum affusus in pus convertitur.

§. 433.

Febris ardens desinit in pulmoniam frequentissime. Phrenitis, pleuritis, & pulmonia, eodem modo curandæ. *Hipp. de morbis.*

§. 434.

Judicari in morbis est, quum morbi augeſcunt, aut marceſcunt, aut in alium morbum tranſeunt, aut deſinunt. *Hipp. de affection. n. 8.*

§. 435.

Melancholia mutatur in epilepsiam & contra. *Hippc. 6. Epid. Sect, 7.*

§. 436.

Dysenteria male curata convertitur in tertianas, varicem, testem, crura, coxam. *Hippc. de victu acut.* Podagra mutatur in dysenteriam & alias infernas eliquationes, per quas sanatur. *Hipp. 2. prædict.* Dysenteria a variis magnis morbis liberat, quos vid. 2. prædict. Colici & dysenterici non raro fiunt arthritici. *Duret. fol. 223.*



## §. 437.

Dysenteria, si intempestive sistatur, facit abscessus ad viscera, vel articulos; cruenta, ad viscera; biliosa, ad articulos, quæ conversio certa est, & evidens. *Hipp. Coac.*  
1. Dysenteriam bis mutatam vidit *Baglivius* in ulcera pedum & manuum fœda, semel in quartanam diuturnam. Dysenteria definit in volvulum ex observatione *Baglivii Romæ*. Dysenteria biliosa intempestive sanata definit in abscessum ad articulos. In fine pulmoniarum & aliorum quam plurimorum pectoris malorum, comatosos videbis affectus. Vomitus diarrhœam sistit. *Duret.*  
Gravis est omnis hydrops, gravissimus tamen, qui alteri morbo, potissimum quartanæ omnium vetustissimæ. *Duret.*

## §. 438.

Quartana mutatur in rheumatismum, scabiem, & fœda ulcera.

## §. 439.

Quæ juvant pectori, juvant renibus ait *Baglivius* ex propriis observat.

## §. 440.

Febres acutæ ex aurium dolore sunt letales.

## §. 441.

## §. 441.

Quartana sanat epilepsiam; febris convulsionem, vel etiam catarrhum, asthma &c. sic etiam ophthalmiam diarrhœa, lienteriam ructus acidus, pleuritis pulmoniam, & phrenitis letargum.

## §. 442.

Omnis accessio gravis mali ad grave malum, lethale est.

## §. 443.

Spinæ tuberculum dysenteria curat. Icterus frequentissime mutatur in tympanitidem. Tarrareæ & calculosæ bilis concretiones, affectionesque in suis organis, tympaniticæ sunt, ut fere decies observavit *Baglivius*.

## §. 444.

Quæ per sympathiam accedunt, omniaque epigenomena morbum primigenium omnino non solvunt.

## §. 445.

Panaritium index pruritus cutis & furæ scabiei.

## §. 446.

Sæpe febres longas intermittentes per spirituosâ & volatilia remedia in continuas  
muta-

tare conatus fuit *Baglivius*, ad hoc ut  
continuitate celerius refermentescat, & di-  
geratur peccans materies.

## §. 447.

Hydrops ficcus ventris; hydrops sic-  
cus pulmonum, five asthma convulsivum;  
mola uteri convulsiva, five hydrops ficcus  
& vanus uteri non bene adhuc a medicis  
cognitus, nec examinatus; icteritiæ con-  
vulsivæ ad invicem convertuntur. Singu-  
lorum idem status, eadem pene singulis in-  
dicationes, remedia, & id genus alia:  
spasmodice irritatæ fibræ gravia hæc mala  
pariunt, ut sæpe vidit *Baglivius*, in princi-  
pio fluidorum irritans morbum producit:  
in prægressu & statu in solidis irritatis  
intentis, crispatis unice consistit, liquido-  
rum cursum mille modis turbantibus.

## §. 448.

Observatum refert *Baglivius* anevris-  
matis latera procedentibus temporibus of-  
sea & fere cartilaginea evasisse, & ægrum  
convaluisse; ergo natura aliquo saltem mo-  
do anevrismata sanat.

## §. 449.

Quando incidimus in morbos vel om-  
nino incurabiles, vel cognita curatuque



difficiles, nihil magis curandum, quam ut a nimia remediorum, vel inutilium, vel minus proficuum copia abstineamus.

## §. 450.

In morbis obscuris medicus indicationem curativam ex levi quolibet signo, aut iudicio a morbo prodeunte arripier. Curandi veram rationem colligere debet ex occasionibus, quæ ægrotum impulerunt in morbum.

## §. 451.

Multi mentis abstractionem molestissime ferunt, caput caloribus repletur, labefactæ digestionis damna sentiunt, deinde & alios morbos, qui a chylo male digesto, praveque sanguinefacto proveniunt. Qui hoc cognoverit, cognoverit veram radicem malorum mesenterii, hypochondriorum, dentium, foetoris oris, saporum linguæ depravatorum &c.

## §. 452.

Apparatus in primis viis læsarumque digestionum indicia lingua monstrat cum sapore depravato, ut plurimum amaro, vel ingrato, inappetentia, affectiones circa hypochondria, potissimum aliquot horis post pastum, digestionem pene peracta.

## §. 453.

## §. 453.

Animadvertes in praxi, aliquos ægros fluxionibus & diuturnis morbis obnoxios tempore quadragesimali convalescere; paschate iterum languescere ob usum carniū. Observabis etiam quosdam morbos ab obsoleto usu caulium, leguminum, olerum, piscium, aliorumque ciborum hujusmodi evanescere, cibus vero boni succi exacerbari & crescere.

## §. 454.

In gonorrhæis, singulisque uteri atque vesicæ catarrhis sive fluoribus, ipsis quoque calculosis & urinæ affectionibus, ad alvum semper ducendum.

## §. 455.

Nihil magis confert asthmaticis, quam debita equitatio, & mora in aëre rusticano. Aër montanus, campestris & marinus, juvant; varius tamen debet esse pro varietate asthmatis & temperamenti ægri. Nonnullis montanus, aliis campestris conducit &c.

## §. 456.

Febribus mesentericis pueri, item opipare viventes obnoxii sunt, curantur fomentis, balneationibus, repetitis purgationibus, & demum educta omni cacochilia,



fero lactis cichoreato ; usu vero corticis peruviani desinunt in hæcticam. Juvat potius herbis stomachicis, leniter amaris, & aperientibus curationem inchoare, quæ cacochyliam solvere, movere ac digerere valent ; sicque præparatam singulis diebus apozemate leniter purgante clysteribus repetitis, fomentationibus ventris ad exitum quam celeriter sollicitare. At si aut testacea aut chinchinam dederis, tria expectato, aut inflammationem, aut lentam ac diuturnam febrem, aut morem. Chinchina adhiberi potest in fine morbi, corpore jam purgato ; item scopo roborante. Præterea in ægris humidi, crassique corporis habitus : ita *Baglivius* præscribere solebat.

R. Salis ammoniaci scrup. j.

Pulo chinchinæ 3j.

§. 457.

M. F. pilulæ capiendæ initio paroxysmi, quoties urget necessitas.

§. 458.

Hoc salis ammoniaci cum cortice peruviano connubium infallibile febrifugum a *Baglivio* audit, ab ipso excogitatum & expertum. [At si ipsum fallat hoc remedium



dium, certe non fallit aliud ex floribus chamomillæ peculiariter paratum; vocat id arcanum maximum ad febres intermittentes, quod nunquam fallit, estque princeps omnium febrifugorum. Eodem quartanas profligavit. Id suo tempore se manifestaturum promisit.

## §. 459.

Negotiosis hominibus & studio deditis, singulis diebus debita hilaritas, animorumque laxitas est concedenda.

## §. 460.

De usu & abusu *diluentium & oleosorum* parca quædam, sed bene notanda *Baglivius* scripsit, aitque oleosis & aqueis solida laxari, & flaccescere, fluidorumque cursum tardiores reddi; hinc esse apoplexias, hinc obitus repentinos magis hodie, quam olim Romæ frequentes. Vires ventriculi his prosternuntur. Stomacho prius prospice &c.

## §. 461.

In cadavere viri anni 30 ætatis *Baglivius* sequentia observavit: ren dexter solummodo, in dextera lumborum regione positus inventus est; sinister deficiebat; ejusdemque lateris ureter, vasa emulgentia, spermatica, & vesiculæ seminales pariter

deficiebant; ren erat solido major, ut finistri partes & officium suppleret, prout in alio cadavere semel viderat, in quo unicus ren aderat in medio lumborum positus, sed ingens & amplus, ut duos pene magnitudine sua æquaret.

## §. 462.

Ea pars, cui arteria anevrismate laborans respondet ac prospicit, frequenter fornicatione, torpore, impotentia ad motum, ac demum paralyfi laborat, non alia de causa, nisi ob impeditum liberum sanguinis circuitum per eam ob suppositum arteriæ anevrisma. Adfunt etiam cordis palpitatio, vertigines, frequentes syncope, spirandi difficultates, inæqualitas pulsus &c. hemiplegia, tumor pedum oedematofus, respiratio impedita, tussis &c.

## §. 463.

*Baglivius* in homine octuagenario ex apoplexia demortuo observavit vasa cerebri dura, tumida & varicosa, & dum secaretur cerebrum, manifesta durities cultro percipiebatur.

## §. 464.

Pythagoreorum balneum ex ligno cedrino pro retardanda senectute, leniendis-  
que



que artuum morbis adhibitum, & odorosa cedrina pice temperatum, incredibile quantum arriferit *Baglivio*.

§. 465.

*Hippocrates* magnam solidorum rationem habuit, de nullo remediorum genere meminit frequentius, quam de balneationibus, lotionibus, embrochis, frictionibus, unctionibus, succussionibus, sacculis exsiccantibus, vel humectantibus, & cujuslibet modi exercitationibus, quæ immediate agant in solida & ipsorum, uti & fluidorum per ea circulantium vitium corrigunt. — Sed factò prius solidorum & fluidorum examine, ab utro ipsorum morbus pendeat investigandum.

§. 466.

Vitium solidorum deprehenditur præcipue in diuturnis intermittentibus, ubi crudus primarum viarum apparatus adest, laxusque intestinorum tonus; juvant amara, lixivo-alcalina, chalybeata &c.

§. 467.

Aliud vitium solidorum est eorum siccitas, irritatio, crispatio & convulsio, unde fluidorum cursus, ob fibrarum videlicet nimium resiccationem, impeditur. In quo



casu non acria & volatilia remedia juvant, sed anodyna, emollientia, humectantia, balneationes nempe, lotiones pedum, calida fomenta emollientia utero, emulsiones feminum, decocta radicis altheæ & seminis lini copiose per os sumptæ, oleum amygdalarum dulcium, gelatina cornu cervi &c. Tali ratione curabitur suppressio menstruum in fœmina macilenta, sicca, facie rubicunda, colore fusco, crassi sanguinis sulphurea, & calido ut ajunt temperamento prædita. Nocent enim ibi amara, acria, aperientia. Si ante usum remediorum optimorum sanguis mittatur, remedia magis celeriusque conferent, ut experientia sæpe docuit.

## §. 468.

Ait divinus senex Epid. Sect. 2. Nihil temere affirmandum; nihil contemnendum; contraria, paulatim facta accessione adhibenda sunt, & inter quiescendum.

## §. 469.

Putat *Baglivius*, salem acidum & acidam primarum viarum cacochyliam in chronicis regnare, hosque morbos ab hac cacochyliam produci; salem vero urinosum in acutis & inflammatoriis affectionibus.

## §. 469.

## §. 470.

Semper in curatione morborum observandum est, an mutatum sit solida inter & fluida æquilibrium; & si mutatum, an solidi magis quam fluidi, vel potius utriusque vitio, ac defectu.

## §. 471.

Virum ventriculi languore, febricula & ictero flavo labarantem *Baglivius* curavit infusione rhabarbari & aliquando decocto radicum helen. marubii albi, aliquando vero decoctum fragariæ, chelidonii major. & cardui bened. quibus ut pote appropriatis remediis, alvo & urina libere solutis, convaluit.

## §. 472.

Magni refert scire, quis fibrarum status sit, in singulis morbis, *laxusne* sit, an *intentus*: an fluidum *sui* & *solidi* culpa hæreat alicubi; & si solidi, an *laxati*, vel vero *crispati*, contractique.

## §. 473.

Fœmina 40 annorum aetate corripitur dolore renis sinistri cum vomitu & urinæ suppressione, omnia signa calculi renum ab *Hippocrate* descripta aderant. Remedia varia nil juvabant. Dolor renum crescit.



Circa hypochondria sentiebat fortissimam & summe dolorosam constrictionem, perrinde ac si funibus esse constricta. Respirabat veluti singultiendo. Convulsiones internæ frequentes. Tinnitus aurium in principio. Inappetentia maxima. Sapor oris pessimus. Nulla vel levis febricula. Circa septimum omnia in deterius. Venter tumere cœpit. Ab umbilico ad costas circa stomachum pessime habebat, ac si canes ibi roderent. Nono die pessima omnia. Tumor pedum, respiratio singultuosa. Nil juvabant remedia, sapor linguæ omnis malus. Inquieta, anxia. Sedere magis quam decumbere volebat. A motu pejus habuit. Irritis balneis aliisque remediis, convulsa vehementissime paulo ante mortem, die undecimo periit, singultiendo. Secto cadavere calculus magnitudine digiti pollicis incurvatus & partim in pelvi, partim in principio ureteris existens, in *dextro rene* inventus est, cum tamen dolor sinistrum duntaxat renem molestaret. Alibi nil morbidum inventum est.

§. 474.

Sæpe expertus est *Baglivius*, eos, qui proximi sunt, ut in febrem vel gravem visce-



viscerum, præcipue naturalium affectuum incidunt, plures ante dies nulla in parte evidentius, quam in lingua futuræ affectionis signa percipere; in qua, loco naturalis saporis, amarum, viscidum, acidum, aut falsum, præsertim circa horas matutinas cum magna virium lassitudine, & inappetentia observant, — — certo indicio, hujusmodi affectuum causam vel a vitiata pendere saliva, vel eam esse læsæ chilificationis & inde nati morbi primum ac præcipuum signum. Neque solum saporem, sed & colorem linguae mutatum morborum initio cernimus, nam ex naturali rubro mutatur in fuscum, viscido — nigrum, flavum cum siccitate, & asperitate.

## §. 475.

Item ex halitu oris spirantis odorem vitrioli, aluminis, cibi corrupti, vel aliorum odorum nares ferientium medicus, in cognitionem venit peccantis lymphæ, crudi apparatus mesenterici, stomachici, scorbutici.

## §. 476.

Placet *Baglivio opinio* existimantium morbos epidemicos & contagiosos mediante saliva ab infecto aëre conspurcata communi-

municari, cui pariter experientia suffragatur: contagio affecti conqueruntur incommoda circa ventriculum & hypochondria, scilicet nauseam vomituritionem, pravam linguæ saporem, anxietates, vomitus, cardialgias, calores viscerum.

§. 477.

*Baglivius* ex linguæ, salivæ, & totius oris habitu febrem lymphaticam, vel mesentericam cognovit.

§. 478.

*Baglivius* in Dissertatione de salivæ natura, usu & morbis accurate morbos ex peccante lympa ortos describit.

§. 479.

In defectu bilis, vel ejus inertia optime profuit sæpius masticatio rhabarbari statim ante prandium.

§. 480.

Ingens morborum series pendet a depravata chyli in duodeno purificatione; chronici morbi enim fere omnes ab hoc fonte originem trahunt, & a morboſo primarum viarum acido; item innumeri viscerum naturalium *acuti morbi* cum lumborum & hypochondriacorum pravis affectionibus; ut & omnes fere cutis, & quam plures



plures aliarum partium affectiones, quas obstructiones vocant medici.

## §. 481.

Experientia didlicit *Baglivius*, pueros lenta febricula cum macie, siti, inappetentia, pallore vultus, tensione caloreque hypochondriorum & alvo nunc lubrica, nunc adstricta laborantes, usu remediorum, quæ stomachica dicuntur, aromatica & deobstruentia, pejus habuisse præfatisque symptomatibus accessisse sudores nocturnos, maciem majorem, & magis acrem febris calorem; ac fere proximos fuisse, ut marasmo corripiantur, sed re perpensa non erat tam ventriculi debilitas, quam potius amurcosa bilis, acris, viscida, circa jecur, vicinasque partes collecta &c. Danda potius sunt medicamenta bilem diluendo temperantia & per alvum subducentia. Juvat infusum foliorum fennæ, manna, serum lactis tamarindinum, & rheum. Subinde emollientia interna & externa adhiberi debent, ut crispatae ab acri materia fibræ relaxentur. *Nota.* Sæpe enim perperam intus dantur medicamenta, nisi, habita solidorum ratione, per externa obviam eamus morbo.

Alia



## §. 482.

Alia methodo uti debemus in curatione icteri a bile viscida, amurcosa & inerti circa jecur impacta; alia vero ab eadem, dum copia peccat & acrimonia. In primo casu profunt ea, quæ concretionem bilis solvunt, & amissam fluiditatem restituunt. Purgantia leniora ex cremore tartari &c. aquæ purgantes, diureticiæ diluta, eductaque bile; profunt deinde roborantia.

## §. 483.

At in icterō a copia bilis, tenuitate, & acrimonia, utendum diureticis, diluentibus, nitratis, quæ illam contemperare valent.

## §. 484.

Si bili addatur mucago acida viscida, ea brevi in calculos felleos concresecet, ea ratione, quā quis ex intemperantia vini, lactisque diu simulque ingurgitatis brevitophos, calculosque patietur. Ex quibus ratio reddi potest, cur existentibus calculis in vesica fellea, germinent quoque in urinaria & contra. Calculosis & ictericis minerales acidulæ optime conveniunt.

## §. 485.

Acida vel potius austera cum bile mixta substantiam viridem faciunt, cum sedimento amurcoſo, viſcidoque, cinereo, alboque (fors alvi cretaceæ explicatio, & curatio hinc haberi, poteſt *Stoll.*) uti teſtantur experimenta cum alumine, ſpiritu nitri, ſalis, & vitrioli facta.

## §. 489.

Per experimenta *Baglivii* cum bile inſtituta conſtat, bilis virtutem nil magis acuere, quam ſalia lixivialia plantarum, & amaras plantas. Item bilis maximam mutationem fieri ab acidis. Adeoque ubi excrementa videmus nimium in colore mutata, & ad viridem, æruginofumque accedere, id ab acido maligno, vitriolico, corroſcente factum eſſe credamus.

## §. 487.

Nima animi quies magis prohibet tranſpirationem, quam nimia corporis. *Sanctorius* Libr. 5. Aphor. 15.

## §. 488.

Qui quotidie ſordidos, viſcidosque dentes habent, licet eos quotidie abſtergant, ii ut plurimum ſunt ſtomacho debiles, male digerunt, ore foetent; poſt prandium ca-

pite



pite dolent, mœsti sunt, atque debiles: & si studiis atque negotiis eo tempore dent operam, irascuntur, impatientes fiunt, capiplenio cum dolore corripuntur; ad venerem minus proclives sunt: generaliter enim debiles veneri non sunt dediti, imo potius frigidi & impotentes. Debiles quoque stomacho natura sunt somnolenti; mane vix evigilant, imo nunquam somno satiarentur matutino, potissimum quando vesperi replentur victu copiosiore. Sunt pariter debiles, languidique corpore, facie aliquantum pallidi: & quod primum est, maxime somnolenti: & si non dormiant, quantum stomachi debilitas postulat, pessime habent, morbisque quam plurimis fiunt obnoxii. Sinendi itaque sunt, ut dormiant, præcipue si pueri sint aut juvenes. Potionibus The, Caffee, Chocoladæ, simulque stomachum recreantibus juvantur & sanantur.

## §. 489.

Ufu calidorum, acrium, aromaticorum, calli pedum summopere dolent & exacerbantur; & quando hi sine causa dolent, significant latentem apparatus regnare in liquidis acrium, acutarum, purgantium, salinarumque particularum.



## §. 490.

Quod de caliorum dolore *Baglivius* monuit, dicas pariter de dolore dentium repente orto sine causa; de catharro ac sternutatione ob exiguum susceptum frigus, vel auram nocturnam.

## §. 491.

Qui nimium replentur cibus, si postea bene dormiant, beneque per somnum transpirent, non ita facile ob nimiam repletionem ægrotabunt, sicut ægrotarent, si non dormierint, & non transpiraverint.

## §. 492

Dogma generale est: qui male digerunt, male transpirant.

## §. 493.

Duo medico sunt præcipue necessaria cognitu, primo accurata methodus curandi febres, deinde doctrina solida de curandis ventriculi & proximi mesenterii morbis.

## §. 494.

Aequè noxius est nimius cibus, ac extrema diæta; sed magis hæc, quia partes defraudat debita restauratione, in qua consistit vita.

## §. 495.

In infarctu mesenterii, obstructisque visceribus diuretica urinam magis adhuc supprimunt. Non diuretica, sed purgan-

ria solutiva per intervalla data urinam movent in hisce casibus. In morbis sedem habentibus in massa sanguinis, diuretica prodesse possunt. Quod de urina dictum est, de aliis quoque evacuationibus, e. g. de sudore, dicta sint.

## §. 496.

Hyeme, ad præservandum, purgationes mediocres per intervalla juvabunt, æstatisque transpirationem compensabunt. Hac etiam ex causa scabies morbiq; cutis quamplurimi circa solstitium hyemis incipiunt ac vigent.

## §. 497.

Fere semper in chronicis organi læsio adest, & si non est, diuturnitate tandem succedit.

## §. 498.

In muliereulis menstruorum suppressione laborantibus, quæ ventre intumescere incipiunt, ac ad molam ventosam uteri, sive hydropem siccum ejusdem, sive vulgo falsam graviditatem pervenere, statim, instituta male sana & a *Baglivio* minus probata sanguinis missione, iisdem medici præscribunt amara, calida, aperientia, myrrhata, castoreata, & alia id generis movent.

moventia. Inepta hæc præscribi universim ait *Baglivius*, nullo scilicet facto examine, an iracunda sit mulier, an placidis prædita moribus; an arida, siccave, an vero mollis & succi plena; an morbis animi laboret nec ne: quinam sit elater in solidis, quæ acrimonia in liquidis, quod æquilibrium in utrisque. Curantur more, quo hydropes siccos ventris curare solemus, per emollientia, crispaturam mulcentia, indignationem liquidorum lenientia, aliaque nobis nota & usu probata.

## §. 499.

Libera transpiratio debilem facit constitutionem corporis, sed salubritate compensatur.

## §. 500.

Melancholicos doloribus vagis dire excruciatos vidit *Baglivius* juvari sero lactis simplici, vel viperinato, succis depuratis sonchi, boraginis, cichorei, longa potione aquæ nucerianæ & similibus.

## §. 501.

Asthma siccum, hydrops siccus, mola uteri convulsiva, hydrops uteri siccus sunt morbi analogi.



## §. 502.

Folio 370 ait *Baglivius*, ardens mutatur in lypiriam & epialam, ergo datur una species febris *ardentis*, quæ ad febres *biliosas* pertinet; alia autem species febris *ardentis* erit febris inflammatoria. *Stoll*.

## §. 503.

Folio 424 & 425 videtur *Baglivius* describere febrim *nervosam*, aitque hanc neglectam abire in mesentericam. Causam asserit lympham viscidam, eamque vocat *lymphaticam lentam*, quæ adeo cum *nervosa Huxhami* eadem esse videtur.

## §. 504.

Mictus sanguinis nigri, vitriolici & ad instar atramenti valde obscuri & nigri, criticus solet esse, & aliorum morborum liberator, nempe capitis & pectoris, uti in nonnullis senibus observavit *Baglivius*. Ita fluxus sanguinis atrii, nigri, vitriolacei, foetidi, pestiferi, per alvum effluens, criticus esse solet & complurium morborum ventris, dolorum diurnorum circa lumbos & similium liberator, dummodo tamen non sint dura, obstructa & intenta hypochondria, præcipue dextrum; in quo casu letalis est hic sanguinis fluxus; itaque talis flu-

XUS

xus non est sistendus in mollibus hypochondriis, sed sinendum ut fluat, donec veluti per crisin viscera naturalia liberentur; — — sanantur usu feri lactis cum hedera terrestri recenti & radice scabiosa recenti cocti. — — Fluxu talis sanguinis quidam liberabatur a crudelissimis lumbi dextri doloribus. Ex huiusmodi doloribus lumbi dextri pertinacissimis & diris, durantibus per totum triennium, obiit derepente vir melancholicus. In cadavere observatae sunt plures libræ sanguinis concenteri, coagulati, foetidi circa omnes musculos lumbi dextri. (Hic miæctus sanguinis a ruptis valis varicosis hæmorrhoidibus ad vesicam tendentibus, pertinet ad primam speciem morbi nigri *Hippocratis* de quo vide *Tissotum*. Varices introrsum ruptas & miæctum etiam sanguinem *Tissotus* non habet, *Stoll*.)

## §. 505.

In rheumatismo inflammatorio, factis aliquot venæ sectionibus, datisque emollientibus, in morbi declinatione, viribusque prostratis dedit *Baglivius* infusum flavedinis corticum aurantiorum, cum aqua fervente factum copiose potandum. Hanc aquam citratam frequenter præscripsit *Bagli-*



*glivius* suis Romanis, loco Caffée, aut Choc-choladæ; Caffée enim, si nimium poterur, officit nervis; Choccolada nimia sanguini & capiti.

## §. 506.

Autumno anni 1703 cœperunt variorum lœ & morbilli, regnantque copiose: erant autem non valde graves, nec mali moris: confluebant tamen; & licet plurimis superveniret diarrhæa, bona erat, nec periculosa, quod etiam alias observavi (*Baglivius*) in variolis; unde in apparatu pravorum humorum cum variolis, si diarrhæa venit, non semper noxia est, ac molesta; sed quando variolis supervenit spirandi difficultas, semper mala est. Qua de causa nihil magis observo quam respirationem in hisce morbis; bona enim respiratio semper bonum indicat &c. — — Ut ergo materies denuo ac citissime ad superficiem corporis revo-cetur oscillatione morbo contraria, totum fere corpus jussit *Baglivius* scarificare, & appositis cucurbitulis sanguinem ad duos fere dies educere; quo educito involutus fuit æger linteis calidis, dispositusque ad dormiendum, mane tota cutis oblinita est oleo amygdalarum dulcium mixto cum spiritu



ritu salis amoniaci; facta eruptio denuo est, & salus secuta. — — — Multi acu aurea variolas pungunt, ut pus educatur, ne longiori mora cutim rodant. — — — Quod de variolis ad interiora recurrentibus, moxque per artem ad exteriora revocatis notavimus, intelligi quoque poterit de petechiis aliisque papulis cutaneis in malignis febribus, eadem nempe methodo scarificationum & unctionum curari.

## §. 507.

In curatione febrium mesentericarum feliciter adhibuit *Baglivius* fomentationes ventris, nec non juscula digerentia, cichoreum, sem. citri, radic. graminis aliaque; in tybacea simul cocta purgantia per intervalla, materia jam digesta & cocta propinata; victum tenuem.

## §. 508.

Aeger, referente *Baglivio*, crudelibus doloribus in sinistro rene vi calculi divexatus, pluribus frustra adhibitis remediis, levabatur tandem facto clysmate ex jusculo carnis, & oleo amygdalarum dulcium. Quod vero admiratione & animadversione dignum est; clyσμα per sex horas in ventre mansit, tandem totus per urinam secessit, nihil-

que per alvum, & in superficie urinæ oleum clysteris innatabat.

§. 509.

Frequentissime observavi in pueris & infantibus convulsione affectis, si venter nimium intumescat, intendatur, & durior evadat, moriuntur. — — — Quare mortem prædicito pueris, si convulsionibus gravibus durus intentusque venter superveniat.

§. 510.

Hydrops ficcus, magnus & crudelis hic solidorum morbus, homines præ ceteris ficos, aridos, austos, iracundos, alvo sicca laborantes, nimium exercitatos, & intempestive, post abusum rerum calidarum, salinarum, acrium, volatilium, post ardentem aliquam febrim, nimias vigilias, nimiam veneris exercitationem, aliaque id generis, quæ corpus ordinario exsiccant, invadit. Incipit morbus a doloribus circa lumbos & umbilicum, ut olim etiam notavit dictator noster. Pedes frequenter non intumescunt, nisi paucis ante mortem diebus, vel hebdomadis. cum tympanitidi ascites supervenit; crescentibus in dies doloribus, nec remittente morbo, crescit sensim intensio



tenfio elaftica potentiffima fibrarum abdominis, fub fpecie tumoris ventris flatulenti; non quod flatus fit cauffa morbi, ut antiqui crediderunt, fed fibra intenta crispataque & portentofe oscillans, quæ, cum tangitur, refonat, ut intenta vel reficcata tympani pellis; calidis remediis, purgantibus, fudoriferis, quæque agunt exficcando, malum exacerbatur vehementiffime, & vires acquirit eundo: contra remediis humidis, anodynis, demulcentibus, balneatione, fero & lacte, potione aquarum copiofa, mitefcit & sæpe fanatur, accedit. Si vero fpreta remediorum vidolores & fibrarum intenfiones crefcunt quotidie, fuperveniunt vigilix, inappetentia, febricula, alvi ficcitas, fitis &c. tandem folidorum diuturna crispatura, fenfum quoque crispatur, contrahitur, exficcaturque vaforum fyftema potiffimum per abdominis longitudinem, & hinc ruptis vel apertis lymphaticis lymphaque depluente in abdominis cavitatem, ficco hydropi ante mortem fupervenit afcites letalis. — — — In hujusmodi cafibus malum incipit a folido, dum vero liquida in confenfum trahuntur, æquilibrium mutatur, & liquidum pariter pec-



cat. In curatione tamen semper respiciendum ad solida erit, quæ sane post mortem in mesenterio & vicinis locis arida, tabida, sicca & emuncta inveniuntur, quod in pluribus tympanitide mortuis observavit etiam *Ballonius*.

§. 511.

Huic malo analogus est, nec in laedendo multum dissimilis morbus, crudelis, humidus & lachrimabilis dolor ventris, quem dicunt *colicam convulsivam*; occidit paucarum horarum intervallo, vires incredibiles acquirit eundo, pauci ipsum effugiunt, nisi in doctissimum, & in solidorum natura peritissimum inciderint medicum. Corripit sanguineos auctosque homines, intemperate viventes, & venere immodicos, biliosos, penderque ab enormi infarctu pravorum humorum in primis viis, copia & exaltatione incredibili bilis in jecinore: cujus exaltationis & acrimoniae bilioso — salinae causa crispari, convelli, contrahique fibræ jecinoris incipiunt, quandoque fibræ intestinorum vicinarum partium, communicataque vicinis locis dolorifica crispatura, res tandem desinit in *colicam convulsivam*; in hac dolores crudelissime

lissime totum abdomen invadunt, ventris tumor, intensio, duritiesque tanta supervenit, ut ne quidem digito tangi possit venter, sed ad instar tympani bellici tensus intentusque doloribus veluti tot canibus miserrime laceratur; crescentibus doloribus, sitis, vigiliæ, inappetentia, singultus, vomitus, &, ad mortem properante, iliaca passio cum stercoris vomitu superveniunt, qua pereunt miserrime & crudeliter. Usu remediorum calidorum, quæ in vulgari colica exhibentur, indignatur morbus, exacerbaturque vehementissime, & statim ruit in deterius. Si purgans dede-  
ris medicamentum in initio morbi, & in actu crudelissimorum dolorum, statim jugulabis ægrotantem. Clysteres injecti nocent maximopere. Nam præterquam, quod ab intestinorum fistula indignata, convulsæque foris potenter repelluntur, usu ipsorum crescit dolor, venterque intumescit magis & dolorificus evadit. Flatus nec unus pendendo, sive per inferiora prodit, sed omnia veluti fatali nodo, & ad instar unci ferrei constricta sunt naturalia viscera; pauci medici curare crudelem hunc morbum sciunt; curare vero nescient, nisi cognita solidò.



lidorum natura. Quamvis enim pendeat ipse frequenter a liquidis corruptis, & putri viscerum cachochylia, solidaque enormiter & crudeliter oscillent, a liquidis indignata & crispata in initio morbi crudelissimi, initio horrendorum dolorum tota indicatio curativa dirigi debet medendo solido: laxando nempe quam citissime solidum crispatum oleis, balneis, sive semicupis, anodynis, gelatina cornu cervi, & quod magis urget, citissime sanguinis missione ex pede, vel hæmorrhoidibus, vel alijs ex locis, nihil enim citius crispatum systema solidorum atque vasorum, relaxat, molit, lenitque, quam sanguinis missio. Sed quod maxime notandum, initio dolorum tanquam pestis fugiendum est purgans remedium, fugiendi clysteres & usus calidorum. Hæc omnia expertus loquor, ait *Baglivius*.

## §. 512.

In hoc morbo semicupia sint ex hydroleo cum herbis emollientibus cocto, relaxatis solidis primum clysmatibus, purgantibus lenissimis &c. educenda est. putris cachochylia.



## §. 513.

Sæpe vidit *Baglivius* nimium dolentes pleuritides, nullisque remediis cedentem dolorem statim solutum esse, applicata dolenti lateri cucurbitula scarificata, paucoque sanguine educto, quo facto & sputum, & sudores & alia liquida in libertatem posita apparuere. Spongia aqua calida madens & imbibita in pleuriticis, si pluries in die ante os detineatur, & aura calida inspiretur, fere pro secreto solvit dolorificam inflammatae pleurae, pulmonumque crispaturam. (Puto cucurbitas optime versus dorsum applicari in pleuritide, ibique, ubi pulmones thoraci nectuntur *Stoll*.)

## §. 514.

Verum est, (*Baglivius*,) solida varie contrahi, aut relaxari, prout liquidum, quod illis fluit ad contractum, fuerit acre, salinum, urens, vel contra oleosum, aqueum, mucilaginosum &c. (*Hæc est vera idea morborum nervosorum, conveniunt omnes in nimia fibrarum irritabilitate, sed differunt ob causas varias, quæ nimirum hanc irritabilitatem in actum deducunt. Stoll.*

## §. 515.

Muliercula ætate annorum XXXV, calido prædita temperamento, ob nimiam humorum

morum acrimoniam in lepræ græcorum speciem incidit, cum ingenti mensium suppressione per multum temporis intervallum: usu decoctionis sudoriferæ a medico præscriptæ abiit in deterius: ulcera in pedibus cum febricula apparuere. Id consuluit *Baglivius*, ut unoquoque mane plures aquæ libras cum syrupo violarum hauriret & duceret per urinas, interjectis per intervalla purgantibus syrupis. Horum usu remedium, victusque humectantis & dulcificantis ope duorum mensium spatio perfecte convaluit, curationeque finita apparuere menstrua magna in copia, laxatis usu aqueorum solidis, quæ ante potenter crispabantur ab acrimonia salina liquidorum vitalium, & dicta de crispatura menstruorum fluxum impediabant: quæ animadvertant ii, qui singulas mensium suppressiones myrrhatis, acribus, salinis, acutisque aperire contendunt — —

§. 516.

*Cælius Aurelianus* Siccensis Africanus, vetustissimus methodicus de *stricto & laxo* pene divine differit, deque morbis solidorum eorumque diagnosi & curatione optime-



me agit. Semper medicis præ manibus sit.

## §. 517.

Putridæ exhalationes a maceratione lini ortæ pestiferi quid habent.

## §. 518.

Canis venaticus incidit in coryzam, tussim ferinam, & præ coryza in gravissimam suffocationem; bis in anno fœdissima scabiæ corripiebatur, tandem evasit summe macilentus. Dissectus fuit. Pulmões omnino integri, nullum coryzæ aut tussis vestigium aderat, nec glandulæ mesenterii. Interea tamen observatæ sunt copiosæ venæ lacteæ in mesenterio, penesque eas copiosa vasa lymphatica. Lympha his vasis contenta & a *Baglivio* degustata erat mordacissima, & linguam graviter feriebat. Etiam in aliis hujusmodi animalibus talem lympham veluti subsalsam gustavit.

## §. 519.

*Hinc diuretica apprime hoc in casu convenire videntur. Stoll.*

## §. 520.

Cor ranarum exemptum, etiam in frustula dissectum, diutissime palpitat.

## §. 523.



## §. 521.

In hemiplecticis *Baglivius* solebat venam secare in ipso brachio paralytico.

## §. 522.

Lumbricus latus epidemicus est in *Hollandia*, nimium scilicet abundante lacticiinis, cujusque incolæ lacte & caseo fere solo saginantur.

## §. 523.

Lumbricus teres ab odore cæpæ dissectæ per vomitum rejectus.

## §. 524.

Symptomata lumbrici lati sunt: dolor circa jecinoris regionem jejuno tempore, ingens sputatio; & si dolor nimis excruciat, aphonia supervenit. Tormina circa ventriculum ferociunt: pallidi sunt, & imbecilles, ad laborem pigri, quandoque fastidiunt cibos, quandoque inordinate appetunt, vermiculos figura cucurbitina excernunt.

## §. 525.

In urbe *Roma* atque in *Italia* non ita frequens est latus lumbricus, ut in *Hollandia*.

## §. 526.

## §. 526.

Medicamenta ex absynthio externe & interne adhibita vermibus præprimis inimica sunt.

## §. 527.

Emerica *Romanis* minus conducunt, (*sunt enim habitus stricti.*)

## §. 528.

Si in apparatu crudo mesenterico quis purgationes minus ferre possit, ob nimium fractas ventriculi vires, tunc semel aut etiam bis dedit *Baglivius* clyisma emolliens, item quolibet mane jusculum cum 12 sem. citri contus. & cichor. silvestri, addito quodam eleosaccharo.

## §. 529.

Inter signa, quæ apparatus humorum in primis viis designant, sequentia sunt patienti observatione nostra & matura meditatione acquisita: Os valde amarum est cum quadam nausea horis matutinis; lingua viscida, glutinosa, ingrati saporis cum oris fœtore, dentes quoque luridi sunt & conspurcati, stercora multum fœtida, & flatus pedendo emissi ingenter fœtent. Caput aliquando nutat & gravitat; & si patiens supra lectum perpendiculariter erigitur, ca-

L

put

put hinc inde nutando gravitat; aliquando caput fere continuo dolet cum gravitate, & pulsatione circa tempora; & dolor exacerbatur post prandium, & aliquando post cœnam. Aures murmurant cum sibilo. Urinæ naturales, vel a statu naturali non multum recedentes. Febres post prandium & post cœnam augescunt, & typum duplicis tertianæ continuæ servant. Calorem in volis manuum aut pedum, & in hypochondriis patiuntur. Vultus pallet; alvus sicca est. Inappetentia moderata. Sed quod magis observatione dignum est, qui febricitant ex infarctu mesenterii, majora mala in capite experiuntur, quam in mesenterio, in quo morbi sedes est; medicique decipiuntur, cephalica, emulsiones, frigidasque potiones, aut copiosos aquarum haustus, ut hodie apud nos invaluit abusus, propinando; quibus remediis crescit magis, quam iminuitur morbus, quia crescit causa ob indigestionem dictorum inutilium remediorum.

§. 530.

Post urinam per decem dies omnino suppressam secutus diabetes est copiosissimus, quem *Gualterus Harris* infuso vino.



fo vini canariensis cum rheo, fantali albi citrin. cordamom. minor. curavit (*Hucusque omnia ex Baglivio excerpta sunt; sequuntur excerpta ex operibus Ballonii. Stoll.*)

## §. 531.

Autumno anni 1570 multis sudores primis diebus parum levantes, nec morbum ullatenus solventes; qui decubuerunt, de solo capite conquerebantur. Ceteris partibus illæsis (autumnus calidus, humidus ac suffocans erat); — — virgines visæ sunt, febre quam *tritæophyæa* vocat *Galenus*, prehendi, quas inappetentia potus in summo æstu premeret. Constitutio austrina.

## §. 532.

In tumore ventris puerorum, cum præsertim sitis, symptoma fere intolerabile, adest, ea maxime methodus sequenda est, ut latentis incendii ratio habeatur. Caloris enim alieni dominatu torrentur interna, putredo est *avædoris* impedita, orificiorum venarum meseraicarum, lactearumque ipsarum phlogosis: itaque debet sanguis mitti, nec debilitari debet ætatula. Deinde purgandum corpus senna & rheo frequenter, vel syrupo Regio saponis cum senna. Nec forte omitti debet agaricus,

& qui parcut his medicamentis, parcut  
& vitæ.

§. 533.

Pluvioso cœlo efferi in pulmones catarrhi; cum vetus est in pulmone infirmitas, in vicinas partes facile vitium irrepit: nullis fere pulmonicis (quod pluribus medicis placuit) laudabilis sanguis detrahitur. Sed hoc diorismo utendum; si intemperiem calidam pulmo concepit, illud verum non est; si putredo magna sit, contræ.

§. 534.

Pleuritides hoc autumno grassatæ sunt; potius dolores erant laterum ob diffusionem feri a capite; non erat magna δυσπνοια; non tam in tumore & phlegmone consistebant, quam in affusione quadam erysipelatoide: juvabat venæ sectio.

§. 535.

Nobili viro dolor erat perpetuus circa mammam sinistram: nullis cessit remediis, perseverat quatuor menses. Inopinato rumpitur abscessus in pleura conceptus, livens, vermiculatum sputum educitur; evasit: tamen febricula manet, & vestigium aliquod doloris remanet. Forte tandem tabidus interibit: metus ne pulmo huic lateri adhæ-



adhæreat, *αυανταδραστis* perpetuo procu-  
randa.

§. 536.

In malignis temporum constitutionibus, præsertim, cum febres *ασσωδες* vexant, & ægri uruntur, sæpissime detrahitur laudabilis sanguis, magno ægrorum & virium detrimento; serum nullum aut paucum, floridus sanguis; serum calor absumit, truces oculi, jactationes, cordiogmi. An venæ sectio tunc utilis? nequaquam, aut parce detrahatur, imo alexipharmaca & cardiaca dentur; alvus blande & sæpe eluenda, nam dejectionibus instar pultis crocæ morbus solvetur. Hoc *Hippocratis* & *Galen*i consilium est. Vomitiones sistere, & sanguinem plenius detrahere nocet.

§. 537.

In plerisque tertianis sunt cordiogmi, vomitiones subvirides. Tales cordiogmi, anxietates, jactationes oriuntur a refluyente bile & os ventriculi feriente. Talibus evacuationibus plurimum vires dejectæ videntur, sed id fit ob morsum bilis, & purgatione restaurantur.



## §. 538.

An illud verum, mollitiem gingivarum causam esse, cur non ita cito nascantur dentes? puellarum exempla docent, quibus mollities dentes tardare solet.

## §. 539.

Polemarcho Brisiæo motus erat impotentia, deliria, nullus potandi appetitus in summo æstu. . . Magna raraque respiratio, oblivio, quæ omnia læsionem cerebri significabant; tamen de rebus divinis altius philosophabatur, de domesticis disputabat, in ceteris delirus omnino. — — In consule regio id observavit *Ballonius*, qui cum summe deliraret, nulla ratione adducebatur, nisi cum de Deo differentes audiret; cetera erat phreniticus, imo quod *Hippocrates* vocat *νεανίως ἐξοταμευος*.

## §. 540.

Quo plus nutritur corpus, eo læditur magis; cum tamen biliosis, imo & catarrhosis (in quibus & impuritas est, & excessus humoris) inediæ malum potius augent; nam inanis ventriculus & exhaustus fatiat se impuris humoribus, bilis ferventior redditur: contra acer acutusque humor benignitate alimenti mitigatur. Sic in pestilen-

stilenti statu accidisse narrat *Galenus*, omnes ferme peste perculsos minime cibos fastidientes evasisse, ἀποσιτες autem omnes facto functos fuisse.

S. 541.

*Ballonius* ait in annot. ad constitutionem autumnalem anni 1570. Nec fraudari laude debita debet *Fernelius*, qui meo quidem iudicio de atrophia aliquid litteris commemorabile consignavit: Bilis flavæ & atræ circa jecur perfusio atrophix causa sæpius est; vix enim vera atrophia observatur, in qua viscera præter intemperiem non multa quoque biliosorum humorum colluvie scaterent, ac eorum copia distenderentur; & cum hæc causa naturalem spiritum & calorem proterat, vix laudabilis sanguis gigni potest. Laudat *Ballonius* in hoc casu decoctum hordei, omnium intybaccorum, rad. archus, portulac. sem. frig. maj. in quo dissolvi potest cassia; & infusum rhei ad robur partis αιματοποιητικῆς — — Quidam pueris cachecticis, in quibus & sitis incredibilis, & ἀποσιτια, usum aquarum naturalium potu sumptarum consulunt; quæ opinio suis destituta non est patrociniis. Ceterum in eo statu constituti pueri



laborant sæpe fluxu alvi chilofo, ut et ii, quibus venæ meſeraicæ ſunt obſtructæ, vel hepar imbecillum — — diligenter hi purgandi ſunt.

## §. 542.

In conſtitutione hyemali anni 1570 graſſabantur dejectiones ſubrubræ, ſcæten-tes, hepaticæ, meſeraicæ maxime; dyſenteria multis contigerunt; multi peri-ere. Vires languebant ob fluores ejusmodi. Sectio venæ multis profuit. Forte conandum erat, ut quam citiſſime liſterentur; nam fluores erant ſymptomatici. Multis com-ode initio ſtatim ſuppreſſimus; quibus non ſuppreſſi ſunt, diu perſeverarunt, imo ſe-meſtres fuere. Nobili Viro ſuppreſſa rhei uſu alvus humorem phlegmonodem totius ab-dominiſ attulit; iterata phlebotomia tumen-ti alvo occurſum eſt; ſanguis erat ιχτεριωδης.

## §. 543.

*Ballonius* ait, nos in malignis morbis & temporum conſtitutionibus vidimus ex-cretiones fere ab initio morborum factas ad bonum apparuiſſe; & ut ajunt optimi medendi magiſtri: qualis ſit excretio, & quovis tempore, juvat tamen; quod notari debet



debet, ne temere de morbis iudicium sententiamque feramus.

§. 544.

In magnis vomitionibus clysterum usus frequens, & boli ex rheo valent; nam portiones facile excluduntur.

§. 545.

In fractis jam morbo longo sæpe hæmorrhagiæ symptomatice apparuerunt. Putant hac una exclusione allevari ægros; maxime vero istæ hæmorrhagiæ contingunt pulmonicis & hepaticis; quod maxime est notandum de pulmonicis: & has hæmorrhagias bonum est sistere.

§. 546.

Nobilis mulier multis scarens excrementis propinata medicamenta quinquies vomuit; concinnant illi syrupum solutivum, de eo, uno die cochlear unum dant, sequenti duo, deinde tria: tandem natura retinet medicamenta.

§. 457.

Notandum, plerisque hyeme præsertim rigente dolores laterum excitari a congestione ob ambientem frigidum aërem: anhis sectio venæ imperanda? (ad orgasmum impediendum) faciendum autem omnino,

nam purgationi tunc nullus locus. In hoc a plerisque peccatur, & ideo Hippocrates purgationi præfert celebrationem phlebotomiæ.

## §. 548.

In constitutione verna anni 1571, cum hyems præcessisset asperrima, ac excipere-  
tur ab austrino pluvioque tempore, nec non magnæ aquarum inundationes essent, in-  
unte vere magna morborum ilias fuit; sed maxime sub finem hyemis: & rheumata innumera in pulmones, unde tusses & dolores laterum: in fauces, unde anginæ & dolores; & cum tempus vernaret, & tepidiusculum foret, repentini laterum dolores oriebantur. In doloribus hujusmodi sectio venæ non profuit. Credo, ait in annot. ad eandem constitutionem quod tales, pleuritides pestilenciales erant. Multi sub eadem specie morbi interibant; nil omnino præficiebat venæ sectio.

## §. 549.

*Galenus* comment ad part. 89. sect. 2. libr. 1 epidemicorum ait, parotides citra suppurationem curatas fuisse solis ad inferiores partes excretionibus,

## §. 550.



## §. 550.

An in colicis doloribus sectio venæ? imo præsens remedium, si a bile esse videatur. Cavendum a medicamentis validis, & usu linteorum impense calidorum; tepore juvantur, & thermasmate. Syrupus violatus confert, imo & usus lactis recens mulcti, aut calidi.

## §. 551.

Firmus puer, robustus senex, & gravis mulier valens tuto curantur hoc præsidii genere; scilicet venæ sectione; ita *Celsus*.

## §. 552.

Quod si quis iliaca passione cum crebris vomitionibus torquetur, prolapsum ilei intestini vereri oportet (nam non raro iliaca passio aliunde oritur); quum autem prolapsum est intestinum, si vires admodum debiles videantur ob infarctos spiritus, oportet blandis medicamentis alvum solvere. Nobilis mulier id declaravit, quam repurgavimus, postquam repositum intestinum fuit, tametsi omnes extimæ partes frigescerent. — — Id quod foras eminebat in hac nobili muliere, adeo erat exiguum, ut id omnes negligenter. Restituto intestino



stino æger nondum omni periculo liberatus est; ideo danda opera est, ut saluti falso creditæ non acquiescat: alvus non est supprimenda; nam per aliquot dies multa coluvies debet per inferiorem alvum excerni. Rheum aut pilularum forma, aut potu datum confert. Sed & aliud aliquando deterius contingit; nam circum glandulas mesenterii inflammatio contingit; & tum alvus quidem fluit, & tamen venter intumescit. Ideo danda, quæ inflammationem compescunt, id quod in multis a nobis est observatum. *Celsus* C. 20. l. 7. præ ceteris in prolapsu intestini laudat inediam & phlebotomiam.

## §. 553.

Tabidis dentes livescunt.

## §. 554.

In multis adest multus adeps in ventre & toto corporis habitu, item *εὐαρχία* bonitasque coloris, cum tamen viscera ipsa, id est, hepar & lien putria in eorum cadavere reperiuntur.

## §. 555.

Statim initio mensis novembris anni 1573 hyems incepit algidissima, quæ ad mensem Martium sævit, & post hominum  
memo-

memoriam nunquam observata fuit tam diuturna. Aquilonia erat constitutio. Exacta hyeme mense martio omnes pene pleuritides funestæ, nullis cedebant remediis; epidemicæ erant, & cacoëthes; sine ullo vehementi motu prehendebant; dolor erat fugax, & cum ægri bene habere putarentur, & immunes a dolore lateris, interibant. Erant autem sero acri, indomito, cuniculos & viam sibi parante, erysipelatodes, non phlegmonodes. Non erat magna difficultas spirandi, sed dolor tantum mediocris: & hinc decepti medici; ingens erat fitis, leipothymix erant, & præter rationem vires vacillabant. Nil commemorabile expectorabant. Vagabantur innumeri herpes, aphthæ pueris; pauci ab aphthis immunes fuere. Pustulæ in extrema lingua sero plenæ. Mulieres istas aphthas contempserunt, tanquam leve malum & inauditum sed in cancos abiere: testamur innumeros ab istis cancris sublato. Cum talis viger constitutio, frequentibus purgationibus, & ptyolismo morbos antevertere oportet.

## §. 556.

Epidemicorum L. I. Constitutione anni 1574, mense junio, julio, augusto, febres  
vaga-



vagabantur mali moris. Quotidianas intermittentes mentiebantur. Exacerbationes omni nocte. Interdiu bene habere videbantur. Initio quidem erat febris vacuitas; sed post unum atque alterum paroxysmum erat assidua febris. Noctes omnibus implacidissimæ; interdiu mens integra, doloris quædam vacuitas, sed linguæ ariditas, amaror, averfatio ciborum, sitis, jactationes; vespèri hinc semper aut caloris, aut frigoris reaccendebatur febris, molesta maxime, cum atrocissimo capitis dolore, mentis alienatione, ingenti siti, vacuitate somni. Mane summa imbecillitas, & sæpe sudores frigidi, ἀσφύξια, aut pulsus exilis, inæqualis; calor aridus; pulsus quibusdam formicans. Judicium nono, aut iimo die, subinde cum magno vitæ discrimine. Aliis febris protracta, & sine crisibus fere soluta. Parotites multis apparuerunt, aliis funestæ, aliis non. Multis abortæ maculæ rubentes; mox livescentes cum summa membrorum contractione, eas græci *εξανθουρα* vocant, *Celsus* papulas vertit, quod in epidemiis multis contigisse vidimus magno ægrorum periculo. Parotides ideo multis perniciosæ sunt, tum quia morbo impares sunt, tum quod

• omnis



omnis translatio ab infimis partibus ad superiores sit pernicioſa. — — Febres ad hemitritæas & tritophyes accedebant. Vidimus multos, quibus fluxerat alvus excrementis bilioſis, ut ait *Hippocrates*, cum borborygmis: ſed iſti fluores parum proderant; tamen præſtabilius erat, alvum quomodocunque fluere, quam ſubſiſtere; nam materia morbiſica excernebatur: tamen ſi, quæ excernerentur, ſubſtitiffent, deterius actum eſſet cum ægris; adeo quæ injiciebantur in corpus alimenta, corrumpebantur. In peſtilentibus, & male moratis morbis, qualescunque excretiones juvant. — — Aliis fluente etiam alvo cardiogmi remanebant. Aliis ἀρραιστος fluxit alvus cum mentis læſione atque comatoſa diſpoſitione atque evaſerunt; adeo natura juvabatur hac excretionem, licet ſymptomatica foret. — — urinæ nullis erant flammeæ, ſed ſaltem boni erant coloris, eodem tempore graſſabantur variolæ mali moris. (*Ballonius* variolas vocat *morbillos Stoll.*)

## §. 557.

Ante ruptionem variolarum in aliquo homine *Ballonius* vidit summam difficultatem deglutiendi. Metu fynanches secta vena est, cum etiam adesset insignis febris. Datum clyσμα. Die sequenti copiosæ variolæ, & brevi convaluit.

## §. 558.

*Ballonius* observavit venæ sectionem & dein catharsin non impedire variolarum eruptionem. (Puto ergo catharsin aut vomitorium necessarium omnino esse in epidemicis variolis mali moris; benignæ autem variolæ potius venæ sectionem præmitti volunt. Si corpus fuerit probe purgatum aut paulo ante variolas, aut ante earundem eruptionem, etsi eæ mali moris sint, sæpe tamen contingit, ut absque pravo symptomate decurrant. Hinc ratio haberi potest meo judicio, quare variolæ alias ex malignarum familia, nihilominus felicissime & absque ullo malo symptomate decurrant. *Stoll.*)

## §. 559.

Secundum *Ballonium* apparatus crudus in ventriculo, e. g. bilis copiosa, ingesti immodici fructus horæi &c. si magnas faciat



ciat anxietates cum pulsu febrili, facit febrim  
 ασσοδην, sive *anxiam*. Si vero ex eadem  
 causa *extima* algeant, urantur *interna*, erit  
*lipyria*. (*Affodes*, ergo & *lipyria* sunt una  
 eademque febris, eodem modo curantur,  
 scilicet *cholera artificiali*. Solvuntur, vom-  
 itionibus *biliosis*, *auginosis*. Pertinent ad  
 febres *Tissotio biliosas dictas*. Stoll.

## §. 560.

Numquid in vulgata hydropicorum  
 curatione plurimum ubique aberratur? nam  
 cum hepar hydropicorum vitiatum sit, ex-  
 succum & per quemdam marasimum arefac-  
 tum, tamen sæpe & confertim dantur scam-  
 moniata, antimonium, succus ebulorum,  
 sambuci, thymaleæ, chameleæ, tithymalo-  
 rum: numquid adaugetur hepatis intempe-  
 ries, numquid malum malo cumulatur,  
 & augetur perpetua generatio? nullo  
 profectu omnia hæc propinata vidimus.  
 Imo ab his multos interiisse testamur, quod  
 serum utile traxissent, & maiorem sitim,  
 calorem, febrem, squallorem corporis at-  
 tulissent &c. — — an non alia medendi ra-  
 tio, & num potius paracentesis conferat,  
 quam nullo profectu, & cum auctione cau-  
 sæ ista medicamenta præscribuntur? (*Mea*  
*methodus in tali casu esset sequens: danda*

M

sunt



sunt ea, quæ solvunt, uti cichoracea, omniaque intybacea &c. cum iis, quæ vires sustentant. At vero quoniam aquarum coluvias jam adest, ea non evacuantibus, utpote quæ semper debilitant, sed paracentesietiam sæpius instituta tolli debet. Stoll.)

## §. 561.

Quum e pulmone sanguis reiicitur tussi, ille omni arte reprimi debet & solet: an hoc verum? si febris adest, constat, & est extra controversiam omnem, non debere fisti, nisi cum sufficienter & imminutus & alio revulsus fuerit necessaria venæ sectione. Hoc *Galeno* videtur *comment. in aphor.* quod inflammationis magna sit suspicio: an tum malum est e pulmonibus sanguinem educi? Quidam nomine *Reveche* satis declaravit, sæpe innocue e pulmone sanguinem rejici; nam vidimus eum sæpe febribus detentum, cum quibus alias cruentum expuit, alias sanguinem e pulmone spumantem expectoravit: sed hoc putamus ob molliem pulmonis fieri, ut id esset illi instar evacuationis solennis aut per nares, aut per hæmorrhagiam. Quod cum fit, & suspicio inflammationis non est, & quæ adest febris, non ob vitium in pulmone oboritur, sed

sed propter corruptos in mesenteriiis humores, tum minus formidandus est ille impetus sanguinis per os: nisi enim magna vasorum pulmonis esset mollities, impetum sanguinis non facile sustinens, ad nares sanguis viam affectaret. Vidimus, qui sæpe minore quantitate sanguinem a pulmone rejectarent, quos proxime tabes sit consecuta. Quamquam magno opus est iudicio, ut distinguas, an excretio illa sanguinis sit formidanda, an non, cum parvi non referat scire, quomodo se ea in re gerere oporteat. (Jam *Galenus & Ballonius agnoverant statum pneumonicum & phlogisticum sanguisputorum.* Stoll.)

## §. 562.

*Hippocrates* ita scribit in aphorismis: qui sanguinem evomunt, si sine febre, salutare; si cum febre, malum curandum refrigerantibus & adstringentibus. Hoc consulit sumpta indicatione ab ipsa excretionem. An tuto ista adstringentia præscribuntur? nequaquam; nisi magna cum cautione. Nam nisi usu rerum mellitarum aut oxycrati dilutissimi purgaveris pulmones eo sanguine, qui materiam in eis trahere posset, metus est, ne corrumpatur, & ita plethoram ac-



cerfat — — — (Male *Ballonius Hippocratem intelligit de sputo sanguinis. Interim tamen Ballonius agnovit optime, adstringentia in sputo sanguinis nocere.*) *Stoll.*

§. 563.

*Galenus* meminit parotidum, quæ exiliales minime erant, quod febrim comitem non haberent, & tumoris œdematosi naturam redolerent, & propter spirituosam substantiam facile evanescerent; quæ autem fiunt propter copiam succorum multorum, crassorum & crudorum, propter vehementiam acrimoniamque, & febrilis caliditatis abundantiam, sursum ad caput delatorum, quos natura in aurium glandulas dponit, propter allatas causas periculosæ existunt.

§. 564.

*Galenus* comment. ad part. 25. sect. 2. Lib. 1. epid. ait, discrimen statui inter πυρετος τριταιοφυνεις & ημιτριταιος, quod illæ febres nascantur a bilioso subtili & pituitoso. Hæ κατ' ἐξοχην horrificæ dicuntur & fere sunt perniciosæ. (τριταιοφυνεις sive tertianarum naturam referentes ημιτριταιοι semitertianæ vocari possunt. Priores sunt febris biliosa *Tissoti*, posteriores sunt febris maligna *Tissoti*, *Stoll.*

§. 565.



## §. 565.

*Hippocrates* ad frigidos & incrementos morbos *μῆν* laudat.

## §. 566.

Pilulæ ex rheo; massa pillularum quibus & castoreo veteres & consummatas fere gonorrhœas & fœdas colores & muliebrem fluorem profligaverunt.

## §. 567.

*Ballonius*, etsi variolas & morbillos nominet, tamen *rubeolas* videtur vocare, quas nos hodie *morbillas* appellamus. Data rubeolarum descriptio nostris morbis per omnia exacte convenit. Vide *constitut. hyemal. anni 1574.*

## §. 568.

In sectione cadaveris, referente *Ballonio*, inventum est intestinum jejunum coarctatum & cartilagosum; alvo difficili & non nisi enemate aut purgante sollicitanda per multos annos laboravit.

## §. 569.

Solebat *Fernelius* post usum medicamentorum purgantium, præsertim rhabarbari, & eorum quæ residuam aliquam siccitatem faciunt, dare magna satis copia syrupum violarum aqua dissolutum.

## §. 570.

In quibus mesenterium obstructum est, & uligine plenum, juvat taleolas rhabarbari macerare in ℥j. aquæ adiditis cinnamomo & passulis; de ea aqua ʒvj aut viij præbentur. Ad purgationem puerorum idem fere convenit; nam in magna aquæ copia maceretur aut senna aut rheum.

## §. 571.

In iis defluxionibus, quæ repente & affatim in faciem incidunt, præsertim si fauces appetant, vide, ut quam primum emissarium in os ipsum moliaris, alias repente suffocationis metus ingruit. Griffonis uxor satis aperte id declaravit.

## §. 572.

Ubi fauces ægrotant, aut tubercula in corpore nascuntur, dejectiones inspicere. Si similes sanis, tutum est corpus alere; ita *Hippocrates*. Item alibi ait: impetigines & lepræ, & vitiliginēs, quibus quidem pueris, aut juvenibus quidpiam horum fuerit, aut paulatim conspectum in multo tempore augefcit, his non putare oportet tale εξανθημα, id est, talem eruptionem esse *abscessum* (græcis αποσσειν) sed morbum. Quibus vero horum quid factum fuerit



fuerit multum & derepente, hoc sane fuerit *abscessus*, ita *Hippocrates*. Affectiones cutis triplicis generis esse ait *Ballonius*; vel *abscessum*, vel *morbum* vel denique *tertium quid*, ubi scilicet illæsis purisque partibus internis, pars sola externa afficitur, inque se ipsa materiam morbi excoquit.

## §. 573.

Pulsus intercalaris senioribus frequens est, uti & inæqualis. Hæc inæqualitas & intermissio sæpe est a plenitudine. Eadem inæqualitas in pueris dormientibus, & iis, quibus pulmonum leves arteriolæ obstructæ sunt, sæpe observata est, & tamen periculum absuit.

## §. 574.

Vidit *Ballonius* mulierem gravidam induratum dolore gravi cineres calidos, donec stigma notaque inureretur, temporibus adpersisse: hinc dolores cessarunt, (*Vesicans ad tempora commodius foret, Stoll.*)

## §. 575.

Cum quidam ob flatum melancholicos & sanguinis calorem sæpe dolores sentiret maximos in ventre, statim se adjutum phle-



botomia asseveravit, secundum illum *Hippocratis* ἀνεμην φλεβοτομία λυει.

§. 576.

*Hippocrates* ait lect. 6. libr. 6. epid. quibus sanguis multus ex naribus fluit, si decoloratio mera sit, id non prodest, rubicundis prodest.

§. 577.

Dum quis cum scabioso concumbit, & cutis inficitur, malum hoc vere cutaneum est, & superficialia curatio esse debet. Sed cum ab imo corpore erumpunt tubercula, aut aliquid consimile, mali contagionem subesse in partibus internis fit verisimile.

§. 578.

Diligenter est observandum, major enim est pars & pleuritidum & dolorum capitis, tam a congestione cujusdam excrementi in pulmonem & thoracem, tum ob recursum tenuioris humoris per orgasmum a ventre inferiore, quam a capite & partibus superioribus; quod diligenter videndum, quoniam plerique non audent purgare & solvere ventrem: at sæpe hæc plus confert, quam phlebotomia: imo tunc sectionis venæ locus non est, nisi forte se-

mel

mel id fiat. Ita *Ballonius*; talem autem pleuritidem hyeme grassari, ait idem auctor.

§. 579.

Cum dolores vagabunde tenent nothas costas & continuatione membranarum attingunt aliquando mammas & partes sterni anteriores, caute videre oportet, an propter ventris inferioris cacochymiam, a qua propter vapores elatos dolores surgunt, sensio adsit doloris, an causa ipsa a partibus superioribus pendeat, an vero in thorace ipso sit. — — — Quis enim nescit, si dolor iste agnoscat causam in ventre inferiore, non modo non prodesse phlebotomiam, sed etiam nocere.

§. 580.

Sanguinem cum crusta phlogistica veteres dixere sanguinem *biliosum*, *pituosum*, *ωρον αίμα*. *Stoll*.

§. 581.

Sedulo examinandæ sunt causæ procatacticae in morbis. Sic etiam *Hippocrates* meminit crapulae, apricationis in sole, potus vini meracioris, laborum, lassitudinis, & in diæta *τῶν ὀξέων* &c.



## §. 582.

Horror fere semper prodromus est pleuritis.

## §. 583.

Austri auditum hebetant, caliginosi, capiti graves &c. *Hipp.*

## §. 584.

In constitutione austrina verna mense Aprili & Majo anni 1575. id contigit videre, quod ab *Hippocrate* part. 10. l. 1. ep. sect. 1. scriptum est: *tubercula multis secundum aures, febre carebant. Nonnullis parum accendebantur, sed omnibus sunt extincta citra incommodum. Nemini suppuraverunt. Erant laxa, magna, diffusa, citra phlegmonem. Accidebant hæc adolescentibus, adultis præter ceteros, luctatoribus & athleticis, mulieribus vero parum.*

## §. 585.

Victus ratio, ut homo minime pinguescat, esse debet, quam præscribit *Hippocrates*, dum suadet, ut talis *maxa & lucta* uteretur, id est, ut laboraret plurimum, & cibis minime satietur.

## §. 586.

Mulieres, quibus menses supprimuntur, de dolore, quem vocant, stomachi querun-

queruntur, dicuntque habere sic manifestum  
cujusdam ponderis ibi incumbentis sensum.

§. 587.

In constitutione æstiva anni 1575. tempus autumnale referente ob suam intemperiem, erant diuturni dolores capitis; sine febre videbantur, attamen cum oris siccitate, oculorum rubedine, pulsu in temporibus manifesto, sensu punitionis & lancinationis. Medicorum opera in horum dolorum curatione ludebatur. Deduxit eos *Ballonius* a sero bilioso, cum pituitoso; non est, ait ipse, exquisita inflammatio, alias enim esset phrenitis, & magna febris insequeretur. Ponit quæstionem *Ballonius*, an non in ejusmodi doloribus capitis prodesset embroche ex oxychodino cum reperiens.

§. 588.

*Hippocrates* ait, autumno rigere *Splenes*, duo intelligens, vel tumorem & efflorescentiam splenis, dicit enim σπληναδελειν vel dolorem hypochondrii sinistri. Tempore hoc æstivo admodum inconstante multis sacri ignes, & in faciem herpes, in tibias, in inguina derepente humores tenues.



nues, non tam quantitate quam qualitate molesti multis eruperunt.

§. 589.

*Hippocrates* ait, *salsæ gustatui carnes, superflue materiæ signum.* Id est, si falsæ gustus sit, in ore, materiæ superflue & excretionem molientis est argumentum.

§. 590.

Lingua redundantis cujusdam in corpore humoris indicium dat. *Hippocr.* ait: *lingua lotium* indicat. Lingue observatio in febribus multum valet.

§. 591.

Lingua humore quodam præternaturali *obducta* purgationem evacuationemque postulat. Id *Hippocrates* significavit, dum ait: *Lingue virides, biliosæ* materiam redundantem significant. *Aridæ a fuliginosa exustione.* *Lentor circa dentes fortes febres significat.* Ait enim *Hippocrates*: *quibus in febribus circa dentes lentores quidam sunt, iis fortes febres sunt.*

§. 592.

Febres sunt *venosæ*, aliæ *gastricæ*

§. 593.

In hæmicrania sæpius redeunte una cum catarrho in fauces vel & pulmones,  
copio-

copiosa saliva in os recurrente; item in fluxione ad oculos, quæ subinde ægrotum afflixit loco hemicraniae, præcipue, si nimiae curæ, vigiliæ &c. præcesserint, ivasit, syrupum de cichoreo cum rheo, abstinentiam a purgantibus, pilulas stomachicas, non tam ventriculi repurgandi, quam ejus confirmandi gratia. Conferent, ait, pilulæ ex aloë initio pastus, nisi hæmorrhoidum fluxui sis obnoxius.

## §. 594.

Primus nostra memoria *Fernelius* observavit, ait *Ballonius*, sæpe numero cruciatus observavi, qui quadam similitudine & vehementia colici nuncupantur, quibus tamen non in colo intestino sedes est, sed vel in peritonæo, vel in membranis, quæ abdomini, ventrisque partibus obtenduntur; non clysteribus, non medicamentis leniuntur; eorum materia aut flatus est, aut acer æruginosus humor, qui cum diu restagnans in visceribus restitisset, tandem inusitatam viam in abdominis spatium, aut in peritonæum sibi patefacit: & hæc in diuturnis febribus contingunt &c. (In annotatione ad hoc consilium ait *Ballonius*: in aliorum scriptis hoc non inveni.) *Fernelius*

vocat



vocat dolorem colicum non legitimum: dolor non est erraticus, sed in imo ventre fixus manet, & intolerabilis est, fotibus paulum quiescit, sed multo sævior repullulat. Imo *Fernelius* ait, eum dolorem aliquando tertianarum febrium (quibus aliquando succedit) modo repetere ac exacerbari — — nihilominus, subjungit *Ballonius*, *Hippocrates* aliquid simile in coacis videtur observasse, ait enim: dolores ex lumbis diuturniores; qui febre exacerbantur τριταιογενεας (in modum tertianæ febris, vel similiter tertianæ febris) grumosum sanguinem egerere faciunt. — — In ejusmodi ægris *Ballonius* observavit, dolorem crudelissimum esse, & tumores quosdam nonnullis apparere. — — *Joannes Fernelius* in talibus balnea usurpabat, viribus nondum lapsis: ac in balneo ipso medicamentum purgans propinabat: quod dum agere incipiebat, educi jubebat ægrum e balneo. — — De ejusmodi doloribus videtur agere aphorismus coacar animadversionum quibus doloris hypochondriorum, oris ventriculi, hepatis, partium, circa umbilicum; hi sanguine per inferiora excreto moriuntur, quia motus est inflammationis.

## §. 595.

*Videtur esse colica spasmodica spasmoxcitato vel ab hæmorrhoidis internis vel a plethora abdominalium viscerum absque varicibus, vel ab acribus contentis, præsupposita nimia fibrarum in abdomine irritabilitate. Huc pertinet colica P. Ign. Capucini, vid. ejus historiam morbi. Stoll.)*

## §. 596.

Puella alvi profluvio, feбри, respiratione anhelosa, vomitione frequenti laborabat, priori hyeme magna in pulmones destillatione vexabatur. Dabatur infusum rhei, inde vermis mortuus excretus. Illi-  
tus totus thorax oleo violaceo & butyro recenti, sedatus vomitus. Datum rheum: omnia meliora. (*Infarctus pulmonum pituitosus a primis viis onere pituitoso gravatis traductus. Stoll.*)

## §. 597.

Puellus coelo æstuante circa mensem Martium cæpit febricitare: diaria erat febris in speciem hæcticæ degenerans. Alvus liquida, cineritia, putris, paucis post diebus alvus restitit. Secta vena, sed frustra. Urinæ crocæ, turbatæ. Facies collapsa, cita macies totius corporis. Genarum per  
in-



intervalla rubor; a pastu frigus extremorum. Cutis arida, scabra. Marcor. Facies Hippocratica. — — Fomes in pulmonibus est & in imo ventre — pulmo & mesenterium focus videtur — — — itaque blandissime per intervalla corpus repurgandum; litus corporis totius, præcipue vero ad thoracem. Syrupus resumptivus: auræ refrigeratio, frigida potus, aqua rosarum & violarum, massipanes, panis infricatus in jure gallinarum & caponum, lac asininum postmodum jure & loco præscribatur. (*In priori casu pulmo potissimum, in hoc autem præter pulmonem totum systema vasorum pituita gravatum, infarctumque fuit; malum vero ex mesenterio traductum videtur. Stoll*)

## §. 598.

Consilio octavo narrat *Ballonius* fluxionem biliosam in scapula & brachio cum capitis dolore, per aliquot annos affligentem. Suasit *Ballonius* frequentes purgationes ex cassia cum rheo per æstatem; vere & autumnio sectionem basilicæ, hyeme vero luna silente purgantes pilulas ex agarico. In adnotatione ad hoc consilium ait: *Ætium* cap. 28. serm. 4. Tetrabil. β de  
ejus-

ejusmodi articularibus morbis biliosis docte differere. (*De fluxionibus biliosis post morbos biliosos male curatos ortis, vide, quæ ad annum 1775 adnotavi in morbis autumnalibus. Stoll.*)

## §. 599.

*Hippocrates l. 2. Prorrh. scribit: hæmoptæ fin non afferre periculum, in iis, in quibus dolores melancholici excitantur in dorso & sterno. Quod etiam Ballonius annotavit, & ego quoque aliquoties vidi.*

## §. 600.

*Ballonius ait, a latente obstructione mesenterii nasci febres non hæcticas quidem per empyreuma & phlogosin, sed putres hæcticas. (febris per empyreuma videtur esse illa continua phlogistica diathesis, quæ e. g. datur in sanguisputis. Putris hæctica est ille morbus, de quo consilio septimo exemplum referebatur. Stoll.)*

## §. 601.

*Hippocrates in coacis animadvertit, quemdam dolorem lateris cum hypochondrii meteorismo & difficultate spirandi. Sed vocat eum dolorem, lateris dolorem sine signis, scilicet non pleuriticum.*



## §. 601.

Quidam in febrim incidit autumnō, quæ febres vagabant incertæ, sine typo, modo cum rigore, modo sine eo. Erat febris erratica, pariter in accessionibus erat pulsus parvus, febris non analogus, coma, aphonia, nulla re excitatur homo, macer alias. Secta vena, sed frustra, erat & σεγλος & metus suffocationis. Repurgatus sæpe est — neque huic solum viro ea symptomata ingruiebant, sed fere omnibus, qui toto illo tempore in febres inciderunt. In quibusdam erat tempore accessionis periculum suffocationis; aliis accessionis initio præfrigidi sudores; aliis, quibus ex longis intervallis tantum tussicula erat infesta, ingruente accessione, tussis vehemens; mulieri sexagenariæ toto tempore accessionis leipothymia, comatosum, quid, dolores permolesti, querimoniam — plerique interierunt — — febris augebatur, per modum continuæ perseverans, interiit etiam iste decimo septimo die. *Consil.* xviii.

## §. 603.

*Ballonius* ait: quicumque stirpe tabida fati sunt, eos fere omnes tabes attingit —  
— item

— item, eodem anno liberi pereunt tãbidi, quo alteruter eorum parens interiit.

§. 604.

Flores & germina falicis catarrhosis præscribuntur, desiccant impense, & sine morfu. Remedium hoc laudat *Dioscorides* libro I. suorum simplicium.

§. 605.

*Ballonius* ait, febrim hæmitritæam, continuam esse, & affecti ventriculi argumenta prodere. *Videtur pertinere ad biliosas. Sioll.*

§. 606.

*Hippocrates* l. 3. de morbis ait: Omnis hydrops difficilis curatu, præsertim si corpore attenuato veniat, & ubi alvus fluit, moritur cito. Item l. *περί πνέσων* ait, morbum omnem alteri succedentem funestum esse fere.

§. 607.

Puer annorum quatuor febre continua corripitur. Vesperi exacerbationes, catarrhus, tussis sicca, inanis. Spiritus difficilis. Frequentes vomitiones. Alvus albicans, deinde substitit. Urinæ tenues, crudæ, decolores. Medicamentulo alvus sollicitata reddidit multa biliosa. Tussis perseverat.



Dolores ad hypochondrium sinistrum, sed vagi, nec eodem modo perseverantes, deinde sinistram lateris partem occupabant. Alvus soluta est, viridia excreta, chylosa: sitis non explenda. Aliquando animus paulum deficiebat. Fugax genarum rubor, isque magnus.

## §. 608.

Quaeritur, an sit inflammatio pulmonis sive ea sit *phlegmonodes*, sive *erysipelalados*? An in peripneumonia sint *vomitiones*, *defectus animi*, *tussis sicca*, *alvi fluores*, ac si per se primoque alvus inferior laboraret, *fugax genarum rubor*, *tussis inextinguibilis*, *febris non ita magna*, sed per interval-  
la *ferociens*. Vidit *Ballonius* in alio quopiam, cui pulmo inflammatus erat, defecti-  
ones animi & frequentes vomitiones. Vomitiones frequentes, dejectiones frequentes; ingens admodum sitis & opinione major in inflammatione pulmonis solet apparere. Dolor sterni, vomitiones, tussis sicca, deliquium animi sunt signa pulmonis erysipelate tentati. *Ballonius* ait, in erysipelatoſa affectione e. g. pulmonis febrim non eodem perpetuo tenore affligere, ac ſævire. Debuerat mitti sanguis. In cadavere pul-  
mo

mo partim inflammatus, partim lividus. Destillatio, tussis sicca, febris non ita ad manum mordax, rubor genarum, dolor sterni (quod notandum), virium dejectio, sitis ingens, perceptio summa caloris in pectore, certam dant inflammati pulmonis diagnofin! Incautis medicis, cum cibum appeteret & biberet avilissime, mortuus est die 20. morbi. (Sæpius vidi in veris peripneumoniis pulmonum *atroces convulfiones, vomitus, strepitum, sibilumque* in pectore.) In fomno convulsivum quid, oculos inter dormiendum semiapertos; in fomno loquentes. Secta vena habuit sanguinem phlogisticum. Signum peripneumoniæ *Hippocrates* in coacis dixit *ευχραιν*, id est genarum ruborem.

## §. 609.

*Ballonius* observavit in peripneumonia *deliquium animi, præcipitem virium lapsum, & sudores subfrigidos. Hippocrates* differens de quibusdam, quibus totus pulmo cum corde inflammatur, & aliis, quibus cor non inflammatur, asserit, illos, *resolvi*, quibus cum corde pulmo inflammatur.

## §. 610.



## §. 610.

*Ballonius* de homine scribit, cui testiculus neuter in scroto erat: sed uterque intus conclusus erat: unus quidem apparebat tactui soli & circa pectinem locatus erat: alter delitescibat plane.

## §. 611.

Miratus sum, ait *Baglivius*, ægras sæpe conqueri de dolore ad orificium stomachi, cujus doloris circumscriptio brevis admodum est, nec explet latitudinem duorum digitorum. Purgationibus non juvantur multum: vomituriunt: pulsus habent languidum: corpus pigrum ac iners. Noctes insomnes ducunt; ventre plurimum sunt adstricto, imo præ dolore superior pars hiat, inferior adstringitur. — Ita piscator quidam post ærumnas aliquot & labores incidit in febrim typi expertem: sæpe leipothymia: 4to pene die laboravit. Summa virium ruina, partium extimarum refrigeratio: hinc alvus subducta est, excrementis modo liquidis, modo chylosis, modo mucosis, incredibile dictu. Tribus aut quatuor diebus tres & quinque pelves satis capaces implevit, non allevabatur; perpetuo alvus, sive ventriculus es laborabat. — —

Modo

Modo roborato ventriculo, modo usu rhabbari allevabatur. Pallor, fitis, partium imbecillitas, dejectus appetitus, dolor ad regionem stomachi, quem antea diximus, etsi munia sua consueta obiret. — — —

Tandem vomitu provocato excreta sunt viridia, biliosa, glutinosa admodum; sic allevatus est. — — Ubi tanta copia materiae latebat? an in ventriculo. Certe non, sed in partibus vicinis (dolor ventriculi a saburra biliosa, purgantibus parum proficientibus, juvit vomitus. Ejusdem saburræ signa Consil. XXXIV.)

§. 612.

In Roberto Sangermanno dolor incredibilis, quasi colicus, post ærumnas & tristitiam. Dolores ex intervallis repetentes. Vomuit perpetuo. Calida medicamenta non profuere. Educta est emetico lenis materia biliosa vitellina, putris. Allevatus est, & sanitati restitutus. — — *Fernelius* tale quid fieri observavit sub finem febrium & morborum typicorum.

§. 613.

Vidua ob mariti mortem in tristitiam incidit, inde in morbum mirabilem: febris enim erat expers: ex intervallis sentiebat



quandam auram venenatam ab infimis partibus tiliarum, deinde stuporem, deinde dolores ad ventrem superiorem a ventriculi regione fere ad umbilicum, paulum ad lienem declinando, tunc sine voce & respiratione decumbebat, cum sudoribus, defectio-  
ne pulsus, palpitatione, duodecim horas paroxysmus durabat. Morbus hic annum & plus eam afflixit. A paroxysmo erat satis alacris, sapor & gustus toto morbo aderat, quasi æruginem & æs degustaret. (quod notandum) Oculatior medicus dicebat suspicionem melancholiæ hypochondriacæ, aut conclusam putrem, malignam & venenatam materiam in hypochondriis & partibus vicinis ventriculo, quæ *non ita cito, sed tempore* vomitione excludenda foret, nec aliter contigit; nam cum &c. diurnitas tæderet omnes, recreatis viribus mane clyster acer injectus est, tribus post horis cassia data. Natura irritata sursum deorsum excrevit, sursum quidem æruginosam, pallidam, ac varii coloris bilem, & mixtos alios humores adeo, insigniter corruptos & foetentes, ut nemo odorem ferret, imo locus totus inquinatus est; allevata est, fluxus alvi decem continuis diebus perseveravit. Ac  
pleros-

plerosque alios pari modo affectos vidimus, praesertim de orificio ventriculi conquerentes — In ejusmodi morbis duo praecipue praestanda videntur, ut *leniter & blande* cum aëgris agamus, & *per intervalla tantum*. (Morbus hypochondriacus sive hystericus erat, stimulo in primis viis hærente, eo-que biliolo. Viden denuo mæroris effectus. Stoll)

## §. 614.

Consilio XXXVIII. *Ballonius* ait: Multi melancholiæ hypochondriacæ meminerunt, & hujus morbi nomen crebro usurpatum, sed quid proprie significet, quis locus affectus, cur ita appelletur, cum non sit necesse melancholicum humorem in vitio esse, an intemperies sola sit, an morbus in confirmatione, nondum satis definitum est. (*Nota, 1) agnovit Ballonius morbum hypochondriacum absque humore melancholico. 2) dubitat, an non sit vitium in solidis.* Stoll.)

## §. 615.

*Diocles* 3 locor. affector. describit morbum hypochondriacum, aitque sedem in ventriculo esse. (*eam morbi hypochondriaci speciem describit, cujus causa excitans*



*est in ventriculo acria &c. continente. Idem sentit etiam Galenus. Stoll.)*

§. 616.

Noverat & *Galenus* & *Ballonius* aliam speciem morbi hypochondriaci, quam *Galenus* vocat *melancholicam cerebri passionem*, *Ballonius* vero *melancholiam cerebralem*, quæ cerebrum scilicet primo & per se occupat. De hac specie *Galenus* ait: *fit melancholica cerebri passio, affecto prius calidis dispositionibus cerebro, aut aestuatione, aut phlegmonosa passione, aut phrenitide, interdum a sollicitudine, mæstitia cum vigiliis.* In melancholia cerebrali *Galenus* & *Ballonius* mali sedem in cerebro statuerunt.

§. 617.

*Ballonius* ait: qui sunt corpore squalido, macro, sicco, pulsu satis infirmo, aut qui prærubri sunt *ἐξέφωδες* græci vocant (de quibus etiam *Galenus* 3 locor. affector.) ii melancholiæ hypochondriacæ sunt obnoxii: item qui curis, ægritudinibus, perturbationibusque animi concutiuntur, qui generosis vinis sese dediderunt, eos in melancholiam hypochondriacam, præcipientes ruere testatum satis est — — Inde hypochon-

hypochondriorum æstus, inæqualitas, in calore & frigore, vincente victoque calore, & materia superante calorem & ab eodem superata. *In melancholia cerebrale videtur illam morbi speciem describere, ubi omnibus rite se habentibus præsupposita nimia fibrarum irritabilitate, causa excitans sive stimulus admodum spiritualis est.* Stoll.

## §. 618.

In melancholia hypochondriaca unum quoque observandum est, ne similitudinis errore decipiamur, nimirum quod in thorace dolores sentiuntur, ac si pleuritidis argumenta aliqua forent. Et ignari medici male confugiunt pleuritidi, quum dolor iste per hypochondrii sympathiam oriatur. Ita *Ballonius* in annotat. ad cons. XXXVIII.

## §. 619.

In omnibus illis morbis, qui partes illas obsident, quæ nutritioni dicatæ sunt, præcipuum curationis momentum in optima victus ratione consistit.

## §. 620.

*Galenus* ait in Comment. in præct. quamdam 2. prorrhēt. *neque ventre aut hepate, aut septo inflammato febris maligna*



*na est, forsan acuta est, sed ne hoc quidem perpetuum est (ergo morbi inflammatorii per se maligni non debent appellari, præterea possunt dari internæ inflammationes topicæ absque febre universali. Talis interna topica inflammatio in suppurationem abiens, subinde mortem afferre potest. Sic si modica particula pulmonis inflammetur e. g. tuberculum pulmonale, ex citata suppuratione phthisis & inde mors oriri potest. Tales phthises oriundæ frequentes sunt, cum nulla febris adsit, aut exigua, quæ topicam pulmonis inflammationem manifestet. Sic modicus catarrhus male curatus sæpe in phthisin abit. Huc ea pertinent, quæ Baglivius annotavit de latenti pleuritide & peripneumonia. Stoll.)*

§. 621.

Primipara sub ipsis doloribus octies aut sexies convellitur, ac paroxysmum epilepticum patitur; edito autem fœtu, bis aut ter. Putat *Ballonius*, convulsiones has provenisse a *plethora*, usu vini *Hippocratici* tempore graviditatis, *suppressione* alvi quinque aut sex dierum ante partum, *enixu quoque ipso, accedit, quod primipara fuerit.* Subiecto acriusculo enemate ex hiera substiti-

fliterunt convulsiones. Largus sanguinis fluxus per sinum pudoris. Postridie partus propinatum medicamentum. Dejectiones multæ. Qieverunt omnia. Purgans erat lenissimum, simul lubricans, emolliens.

§. 622.

In confesso est, ait *Ballonius*, quod scriptum ab *Hippocrate*, a sanguine in mam-  
nis collecto furorem oriri, præsertim si sanguis ille in lac non vertitur aut propter  
*abundantiam nimiam*, aut propter *feruorem*, quod diligenter adnotandum — — ita-  
que providendum, ut alvus libera semper  
sit, raptus sanguinis ad mammas cohibea-  
tur — — videndumque, ut purgationes a  
partu citentur semper (*purgationes autem  
hasce citat gramine, asparago, passulis &c.  
& fotu aquæ tepide. Clysmata, & purgan-  
tia rhabarbarina pariter huc faciunt Stoll.*)

§. 623.

Puls ex amygdalis contusis & hordeo  
contuso, facit ad sordes corporis abster-  
gendas.

§. 624.

Quædam mulieres epilepticæ fiunt tem-  
pore graviditatis, a partu autem sanæ sunt.  
Quædam fœmina hæmicrania laborabat ex-  
tra



tra graviditatem. Gravida autem ab eadem immunis erat. *Hippocrates* §. epidem. observavit de muliere, cui caput circumdolebat, nec allevabatur, nisi quum uterum gereret.

## §. 625.

Fœmina §a primis fere unguibus fœdo anhelitu laborabat, ac procul jam fœtebat. Palatum, Igingivæ, faucesque ipsæ livosæ cœnosoque humore tanquam uligine quædam erant oblitæ, & cum is humor aut mucor potius deterfus esset, dicto citius alius aderat &c. Dubitatum de sede mali, si fœtor hic a ventriculo est per depravationem alimenti, assumpto cibo cessaret, vacuo autem ventriculo rediret. *Gordonius* adnotavit, oris fœtorem a pectore nunquam curabilem esse.

## §. 626.

Idem auctor communem quandam fœtoris oris causam memorat, *humorem phlegmaticum*, quod in hac quoque muliere fuisse credibile est, cum totum os, faucesque hoc humore tetro plenæ fuerint. *Bal-lonius* observavit in auriga, cujus ex ore fœtor incredibilis totam domum inficiebat, & cadaverosum olebat: unde non ita lon-

ge post fato concessit, fiderato toto pectore.

## §. 627.

*Ballonius* ait consilio XLV. In plerisque observabamus initio morbi totam corporis cutim maculis rubris suffusam, quibus tamen nil præterea alienum contigit. Sæpe enim aut sanguinis æstus aut cum fervore quodam juncta malitia aliquid tale promittit. Sal illud nihil periculi junctum habet, sola aut sectione venæ, aut blando cathartico, quidquid est, prævertitur. (*Hinc caussa exanthematum videtur esse aut in orgasmo sanguinis, ubi venæ sectio, aut in saburra primarum viarum ubi catharticum valet.* Stoll.)

## §. 628.

*De virium dejectione subita* *Ballonius* ibidem ita scribit: quoties vires non constant, nulla præsertim præunte evacuatione manifesta aut simili aliqua re, quæ jacturam virium faciat, aut cum febris vehemens non adest, malum illud est ut signum (ergo malignitas morbi tunc erit æstimanda ex subita virium jactura, si hæc nec a manifesta evacuatione præeunte, nec a febris vehementia, nec a simili quadam re jacturam virium afferre solita proveniat. Pleuritis  
vehe-



vehemens summam virium subitamque jacturam facit, quin morbus propterea malignus vocari debeat. Nam ratio debilitatis est in vehementia febris & inflammationis. Stoll :

## §. 629.

Ait *Ballonius*: sæpe & optimus color & character (faciei) in ægris apparet, cum tamen morbus ad interitum tendat, tribus ex causis.

## §. 630.

1) Ratione ipsius febris, quæ fallacem aliquam faciei viriditatem subinde affert.

2) Si febris ea non sit ingens, aut  
 СУВТЕХТИУ.

3) Si qui ægrotat, pulmonum vitio sit obnoxius: qui enim ita affecti sunt, sæpe rubro suffunduntur, quod medicis minime advertentibus imponit maxime.

## §. 631.

*Ballonius* sæpe observavit, eos aut extreme laborare aut interire, quibus acris calor & ejusdem temperati ex intervallis vicissitudo est; nec enim solum vicissitudo calor & frigoris mala est, uti voluit *Hippocrates* — — quosdam videmus interire cum perfrigeratione partium & sudore frigido, ut contingit, siccis & extenuatis

tis, alios vero cum loco febris tempore non sudaverint, aut leviter tantum, sine ulla perfrigeratione, cum universali sudore, multo, calido occidere — — — Atque ita, non opinantibus medicis, multi moriuntur.

§. 632.

Letargus a pulmone affecto.

§. 633.

Verum illud comperit *Ballonius*, qui a levi sudore somni sunt expertes, & rursus ardore febrili conflagrant, malum; nam qui bene judicantur, suaviter dormiunt.

§. 634.

*Hippocrates* observavit meteorismum, hypochoandriorum & alvo suppressa & alvo subducta: utrumque malum.

§. 635.

Caloris revocatio & absentia, febris exacerbatio & sine causa manifesta remissio solet esse frequens in febre tertianam referente continua sive τριταιοφveis. Galenus ait, febres has diebus decretoriis deteriores fieri.

§. 636.

*Hippocrates* in coacis ait: qui circum articulos rubicundas in superficie pustulas  
O habent,



habent, insuperque rigent, hi circa ventrem rubescunt & inguina, velut ex plagis dolorosis, & moriuntur. (*videtur hic vices petechiales describere sed, quid sunt papulae circa articulos? Stoll.*)

## §. 637.

Vidit *Ballonius* mulieres aliquot & viros, quibus familiaris renum dolor est, gravis & pungens, qui saepe conqueruntur de dolore lateris, ac si pleuritis aliqua nothas costas occuparet, cum tamen nil sit tale.

## §. 638.

*Galenus* ait: *Lac, ubi cruditatem in ventre patitur, in frigidiori acescit, in calidiori amarum, nidorosum efficitur.* Item *Hippocrates* asserit: *Malum lac in acutis febribus, & quibus biliosae sunt dejectiones.*

## §. 639.

*Ballonius* ait: & observavi, quod affirmare ausim, in fluoribus pessimis alvi, asininum lac praescribi; repressa humorum malignitate, lactis bonitate alvus magno commodo substitit. Aliis, quibus alvus adstricta, leve profluvium usu lactis contigit; & profuit. (*queritur, in quibus alvi profluviiis lac prodest? 2, quibusnam alvum molliet? credo iis, qui intestinis resiccatis, febrisque*

*brisque adstrictis donati sunt, his enim pars butyracea alvum modicam reddit. Subinde hydrogala præ lacte conveniet, aut lac cum melle mistum. Stoll.)*

## §. 640.

*Galenus, 3. de alimentis ait: lac asinæ raro in ventriculo cogitur; quod si lac & mel addatur, non fieri potest, ut ipsum in ventriculo coaguletur. (modus adhibendi lac cum thee & melle plurimum arridet, coagulum autem præpeditur & sapidius addito sale redditur. (Lac saccharatum adjecto sale æque convenit. Stoll.)*

## §. 641.

Experientia confirmatum est, ait *Ballonius* Conf. L. quosdam, quibus dysentericæ & mesentericæ erant dejectiones, diu fatigantes, non aliena arte cessavisse, quam diuturno lactis usu. Et *Hippocrates* l. 2. de morbis mulierum in fluore muliebri bilioso lac commendat; quia, ait, fluxus a lacte obtunditur: quod idem de dejectionibus dici potest. *Filio Crotolai* 7. epidem. circa initium libri, lac per os dat in vehementi dysenteria.



## §. 642.

*Celsus* cap. 22. l. 3. ait, in phthisi sicut in omnibus longis, difficilibusque febribus, lac dare commodum est.

## §. 643.

Quidam ægrotabat dolore nephritico acuto; vomitiones, urinæ plenaria suppressio. In cadavere tamen solus ren sinister calculo obturatus inveniebatur.

## §. 644.

Multi medici putabant, vitium in *utroque* rene hære, aut in vesica ipsa, aut utrobique. Sed eos eventus fefellit.

## §. 645.

Temperamento bilioso præditus, emaciatus, habens calidam hepatis intemperiem, ventremque adustum, sive *Σιγμοχοίλος*.

## §. 646.

*Galenus* primus, ait *Ballonius*, florum alvi causam unam agnoscit quandam *σωματικὴν διαθεσιν* intestinatorum, quæ inducitur, si intestina a valido medicamento lædantur, & imbecilliora reddantur, ut adeo humores eo facilius ruant.

## §. 647.

## §. 647.

Consul parisiensis hepatico profluvio bilioso sex annos vexatus, & nullis remediis allevatus est: eo mortuo inventus tantum hepatis locus & membrana, illius parenchymate consumpto & colliquefacto. (*Observat tamen Ballonius fluxus hepaticos rarissime esse chronicos. Stoll.*)

## §. 648.

Quidam veterum, cum perfecte confectum in ventriculo cremorem animadverterent, & talem fere dejici, nec a meseraicis suctum devectumque, ut fieri solet, ejusmodi affectu laborantes *meseraicos* adpellant. Etiam *Ballonius* vidit chylosas dejectiones sublatis multis, quæ mesaræon occupabant, obstructionibus, tandem cessantes.

## §. 649.

Quæcunque excretio sanguinis per alvum fit (hæmorrhoidalem si exceperis) *dysenterica* vulgo appellatur, præcipue cum dolor, ventrisque torsio aliqua percipiatur: quæ tamen cum ulcere est, proprie *dysenteria* apellatur, naturaque ejus in ulcere posita est. Ita enim eam proprie dysenteriam vocari & ab *Hippocrate* & a suis *Galenus* autor est.



## §. 650.

Si tenue & saniosum & recens mactatarum carniū loturæ simile evacuatur, id hepaticum est.

## §. 651.

*Calidas intemperies*, ait *Ballonius*, nunquam comitatur ciborum appetitus, sed ingens cibi fastidium, febris, vitiosorum humorum vomitus — — in intemperie frigida non dejectur appetitus, sed potius auctetur desiderium cibi. *Hippocrat.* de diæt. acut. ait : *dysenteria*, quæ cessavit, abscessum, vel tuberculum aliquod faciet, nisi vel in febres vel in sudores desierit. Item in coacis : *dysenteria, intempestive suppressa* abscessum in costis, aut visceribus, aut ariculis facit.

## §. 652.

Mutilus ob copiam sanguinis fit excretio ejusdem per alvum.

## §. 653.

Constitutio aquilonia impense frigida sævierat. Morbi multi, præsertim febres, cum magna perfrigeratione; calescendi frigescendique erat vicissitudo & crudor quidam, ut *Aristoteles*, problematon nono & decimo problemate annotavit. Ille autem  
 cru-

crudor, græcis σφαχελος, maxime ob frigidam, siccam aquiloniamque constitutionem solet contingere. Pleuritides grassatæ sunt, peripneumoniæ, pulmonumque variæ affectiones. Atque inter cætera tusses & raudines, præsertim cum desæviente hyeme, quæ in summo squallore & rigore frigoris coagulata fuerant, fundi, liquarique cœperunt. Ophthalmiæ multis ῥωδες, multis ξηφαι. Item deglutiendi difficultas, quædam cum febre, linguæ scabritie, & totius oris squallore quodam, juncta virium infirmitate. Nihil apparebat in faucibus, nec solemnium remedium usque quidquam valebat. Sine tussi, sine excreatione, oris siccitas. Languent admodum ægri per 20 & 30 dies. Dolor occultus & latens colli, musculorumque omnium, qui ad humeros usque protenduntur. Color faucium non alienus a naturali. Sitis nulla, oculorum quædam cavitas, fuliginosus spiritus arcens atque æstuans, ac si in hecticam laberentur. Cl. Magnus morbum hunc vocavit *anginam* συντητικην, colliquativam anginam, & catarrhosam colliquationem; nam partes omnes ad guttur, collum & fauces attinentes liquefieri quodammodo videntur: & in exi-



guis venis ichor tenuis contineri videtur, qui superficialium dolorem excitat. Omnium morborum hic difficillimus & ad cognoscendum & ad curandum *Ballonio* visus est. Conferent humectantia ex passulis, ficubus, glycyrrhiza, althea, oxymelle.

## §. 654.

*Hippocrates* meminit part. 20. l. 3. prognos. cujusdam synanches, quæ ægrum in periculum non conjicit: non laborat guttur, sed in fauces aut in cervicem, aut in utramque fluxio fit: maximaque ex parte cervix & pectus ruborem contrahunt. Nec dolent vehementer, nec difficulter spirant. Talis fluxio *sacer ignis* ab *Hippocrate* vocatur, quod erysipelarodes sit. Item part. 17. l. 3. prognos. meminit faucium exulceratarum in febribus.

## §. 655.

*Hippocrates* ait in coacis: in jam pernicioso morbo parvi tremores & vomitus æruginosus, qui in potibus substrepunt, in siccis submurmurant, & deglutiunt difficulter. Illud murmur in siccis, juxta *Ballonium*, referri debet ad id, quod sæpe adparet in delirantibus, in quibus laryngis muscoli siccati.

cati sunt, & non amplius motum facilem præstent & obediant. Nam cum bibunt illi & delirant, pars aquæ, quæ descendit, quodammodo it præceptum cum sonitu, in vacuo & inani descendere videtur, obauditurque murmur circa præcordia, masculis siccatis & inertibus.

## §. 656.

Ξηραν νοσημα ab *Hippocrate* vocatur quilibet morbus, in quo materies intus conclusa tenetur nec evacuatur. Sic ophthalmia sicca, dum nihil reludat; in cerebri affectibus, cum nec per nares, nec palatum; in affectibus abominis, cum nil per alvum excernitur.

## §. 657.

Si materia excernenda supprimatur, morbus *siccus* vocatur, cum autem excerni incipit, morbus dicitur *ιγραινεσθαι*.

## §. 658.

L. 4. de diæta acutorum invenimus *χολεραν ξηραν & ιγραν*. *Choleram humidam & siccam*. Videtur, ait *Ballonius*, ex sententia *Galenii* cholera sicca his nasci, qui cibos coctu difficiles sumere, transire nequeunt, quibus adjecti sunt aciores: & tunc flatulenta copia impedit, quo minus



quicquam excernatur. *Hippocrates* ait in epidem. ab arida cholera venter inflatur, strepitus fiunt, dolor laterum & lumborum, nihilque alvus dejicit, sed adstringitur. Credo choleram siccam fieri e. g. ingesta nimia quantitate rei ventriculum nimium distendentis, clausis spastice & orificio superiori ventriculi & ano. (Stoll.) Cholera sicca usu balnei juvatur, ut patet ex l. 7. epid. de Pausaniæ filia, quæ ex fungi crudi esu incidit in choleram siccam. Hydromel valde ei contulit.

§. 659.

*Hippocrates* ait in coacis animadversionibus: τα λειπυρια καὶ χολερας επιγιγνόμενης ὁ λυεται.

§. 660.

Nulla est consensio inter Græcos & Arabes de leipyria febre, ait *Ballonius*, imo nec inter Græcos ipsos. κασθα & febris leipyriæ magna est affinitas, iisdemque pene symptomatis morbus uterque se prodit: sitis est ingens, jactitatio, mentis perculsio, vigiliarum assiduitas, partium extimarum refrigeratio. Sed præsertim in leipyria, æstus in internis. *Galenus* vero ait comment. in aph. 48. Partium extimarum refrigerat.

*frigeratio æstuantibus internis, solis acci-  
dit febribus, quæ καυσοι dicuntur, pernī-  
ciosis, vel potius malignis, ut leipyriis.*

§. 661.

(Nota 1) *leipyrias febres a Galenō ad  
καυσεῖς referri, qua in re quidem non ma-  
le habet. Cum Causus biliosus idem sit cum  
leipyria.*

§. 662.

2.) *Causus hic biliosus uti est leipyria,  
inter febres perniciosas & malignas referri,  
quod quidem falsum est, cum per se pericu-  
losi non sint. Stoll.)*

§. 663.

*Ballonius ait, in causo linguam sca-  
bram esse, in leipyria vero nigram, causam  
autem leipyriæ statuit idem autor, διαδεσιν  
ερυσιπελατωδην ab humoris biliosi congestio-  
ne, vel bilem adustam in ventriculo erysi-  
pelatis modo æstuantem.*

§. 664.

*ῥεῖς γυναικείος, sive fluor muliebris mul-  
tas mulieres affligit, ex earumque numero  
albas, & quibus lævis admodum æqualis  
& jucunda visu superficies inest, & quæ  
delicioris molliorisque sunt habitus, eos-  
que in morbos proclivioris: sunt effœmi-  
natio-*



natiores, aquosæque magis, quas *Hippocrates* l. de *dieta vdatavetac* vocat; fluxionibus sunt obnoxia, & partes principes aqueas, laxas, uliginosasque habent.

## §. 665.

Sexagenaria per aliquot annos fluorem fetentem, putremque passa, usurpato levi remedio eundem stitit. Inde successit diabetes funestus. Urina tota fere die plane aquea fluxit, nec natura eam sistere poterat. Macies, sitis inexplebilis, lingua arida, & pellucida præ siccitate. Spiritus foetens & cadaverosus. Regio renalis semper perfrigida, quasi ab admota glacie, post quatuor menses mors. Putat *Ballonius* fluorem illum muliebrem a salsa partim, acidaque materia manavisse. Fontem catarrhi exhaurire oportuisset, diæta exsiccante, decocto sarsaparillæ, medicamentis purgantibus, venæ sectione.

## §. 666.

Mulier quadrata, boni habitus & sana a 2 mensibus caret menstruis, gravida existimatur. Per mensem integrum sæpius quæsta est de dolore ventriculi. Exacto mense graviditatis secundo ad balnea sudatoria pergīt. Tertio post die imus venter

ei dolet. Dolor primò vagus, deinde ad partes paulo superiores revolvitur, stomachumque quodam veluti pondere premi queritur. Dolor gravissimus. Clyisma carminans. Alvus licet irritata nil reddidit. Nox insomnis. Mane clyster acerrimus, sed frustra. Die tertio (piores autem duos *αφροδισιασιν* transegit) frequentes syncopæ. Sudores ad claviculas. Mente constat. Datum cardiacum revomuit. Frequentes vomitiones. Frigus extremarum partium. Character faciei plane deletus. *ασφυξια* perfecta: deinde vermiculatus pulsus, hypochondria *satis æqualia*, sed illa, & regio ventriculi *contrectata etiam blande dolabant* & syncopen inducebant. Necessario erat illi propendendum in dextrum latus, inclinato etiam capite; si aut supinam figuram retinere cogeretur, aut in sinistrum latus devertere, animo deficiebatur & pene suffocabatur. Vomitiones perpetuæ. Alvus pertinaciter clausa. Sitis ingens & inexplibilis. In ventriculi regione sensus quasi ardentis carbonis. Inquietudo & jactitatio. Die tertia pomeridiana mors. Cadaver livens.



## §. 667.

Equiso quidam, cum sero bene cœnasset, quarta matutina prehenditur febre acutissima, circa duodecimam meridianam torus imus venter inflatur, delirat, tertia pomeridiana pulsus parvus, & frequens, nigra dejiciuntur: sero pectus dolet: Duodecima pulsus formicans, interiit tunc. Corpus totum intumescit, & nescio quibus suspectis maculis deturpatur.

## §. 668.

Filius vitriarii percepit prima die dolorem exiguum ad latus dextrum, vomitiones assiduæ: die secundo dolores inferius ad ventriculum & cartilaginem xiphoidem, tertio die habuit *opθoσadny*. quarto die summus ad ventriculum dolor, inflatio, extremorum frigus, leipothymia, sudor, mors.

## §. 669.

*Nota: in prima historia abdomen & hypochondria non tensa, non tumida, sed equalia; attamen levissimum attactum non ferentia. In secunda historia malum statim ad initium vehementissimum est, cum abdominis tumore. In tertia malum ad initium mite, demum atrox. Summa cautela opus erat in diagnosi tertii morbi. Dolor exiguus,*

gus, & quod ορδοσάδην haberet, decipere medicum potuit. Dolor etiam inflammationibus abdominis ad initium & fugax & errabundus esse potest. Ballonius recensitis his tribus historiis dissuadet clysteres acres in colicis, adducitque Arnoldum Villanovanum clysteres blandos mitesque in ejusmodi doloribus suadentem. Idem Ballonius ait, morbum cæliacum Celsi convenire vix non cum historia morbi primi. De ejusmodi colicis doloribus ab inflammatione loquitur aphorismus 26. l. 7. in forti dolore ventris partium extremarum frigiditas, malum. Stoll.

§. 670.

Quartam historiam refert Ballonius:

Auriga quidam queritur primo die dolorem levem ad latus sinistrum, qui statim & pedetentim ad regionem lienis descendit, ac increvit: vomitiones frequentes: dolor stomachi secundo & tertio. Perseverabant vomitiones rerum viridium æruginosarum: dolor lateris non affligebat: in ventre inferiore vagos dolores percipiebat. Quarto de nocte omnia exacerbabantur; partes extimæ refrigescunt; cogimur præfuso-



suffocatione mittere sanguinem, quod ita requireret æger; vomitiones tanquam lutosi, nigrique humoris, syncope, mors.

§. 671.

*Hippocrates* narrat in prorrheticis duas esse diarrhœas, una cum febre, variis excrementis hepatis, inflammatione, aut præcordiorum, aut ventris, cum ciborum aversione: aliæ quidem sunt sine his signis, cum ramentis quidem & sanguine, sed breviores sunt, & eas vocat λωπιτελεάς, fructuosas, commodasque ægris, quod aut a diuturnis, aut brevibus morbis ægros asserant. De his posterioribus loquens ait: *quæ uterum gestant, ab hujusmodi dysenteriis, & ad partum & ex partu evadunt, fœtus sanos habent, etiam per multos menses & sanguine & ramentis excretis.* Putat *Ballonius* hanc dysenteriam provenire a congerie excrementorum facta, quorum excretio & fœtum in melioris valetudinis bonam spem adducit.

§. 672.

De singultu & febre singultuosa, sive per se talis sit, sive in prolapsione intestinorum accedat, deque eorum curatione abunde

bunde dictum est ab *Hollerio* in methodo medendi.

## §. 673.

Ad ripam Sequanæ quidam cum menses quatuor febre quartana, erraticaque laborasset, emaciatus plane, squalidus cœpit tantisper desipere, delirare, crebro resurgere & inde cataphora, seu catalepsi prehensus interiit. Item *Rondeletius*, diligens rerum observator, annotavit; caron, cataphoram & catalepsin in febres quartanas longas, & tertianas incidere. Item filius Domini *Povart*, cum bimestri tertiana laborasset, nec ad medicamentum adduci potuisset, quum cœlum incanduisset paululum, datur medicamentum, cui indormiendum imprudens pharmacopæus consulit. Medicamentum inane fuit: movit, nil exclusit. Ab eo tempore vix febris expers: de dolore capitis, de quo prius non querebatur, modo conqueritur. Dum paroxysmus reperit, repente *αφρων* fit, elatis in cerebrum vaporibus, imo & febre ipsa jam cerebrum occupante, unde caloris acerrimi sensus apparebat, ac si febris esset capitalis (ut sic loquar); per 24 horas *αφρων* fere fuit & catochus eum prehenderat. Vir-



tus erat debilis, nil natura præstitit, quavis irritata: convulsus interiit. In cerebro nil deprehensum: venæ intumuerant parum, vi febris interiit; obseffo cerebro quoque, ut interea non esset flabellatio cordis ob respirationem non liberam. (*Vide deliria, coma, carum, eatalepsia &c. a biliosa potius saburra in hypochondriis stabulante & resorpta oriunda. Probe hæ affectiones capitis distingui debent, ab aliis ejusdem affectionibus; illas biliosas, has vere inflammatorias potius appellare convenit; illis purgans, solvens, vomitum ciens, his venæ sectio medetur Stoll.*) Hippocrates l. 4. quid notat, quartanam febrim tum cessavisse, eum homo factus esset typhodes aut typhodes stupore attonitus.

§. 674.

Carpentarius quidam, nomine *Gilet*, annorum pene 28 imbecillis pulmonibus ac purulentis, ut fidem eventus fecit, crudeli phrenitide decubuit. Pulsus inæqualis & intermittens. Vena ter quaterve secta. Convaleuit. Addit *Ballonius*, intermissionem hanc ab ætate esse, juvante quoque duritie pulsus tum ratione inflammationis, tum duritiei vasorum. Quod animum addidit ad

secundam venam in hac intermissione, erat *pulsus magnitudo*: si enim ad istam intermissionem *pulsus crebritas cum parvitate* accedat, angustior longe spes est. — — —  
Istam pulsus inaequalitatem saepe de industria in molliusculis pueris conspicuam vidit, praesertim cum dormirant.

## §. 675.

Partium externarum perfrigeratio per-  
timescenda est in inflammationibus partium  
internarum.

## §. 676.

In febribus epialis non solum est sen-  
sio caloris & frigoris simul, in quo epialis  
natura consistit, sed etiam mox calor per-  
cipitur, mox frigus.

## §. 677.

In febribus cum catarrho junctis, alter-  
na frigoris calorisque permutatio non so-  
lum in partibus corporis extimis, sed etiam  
in toto corpore ipso usu venire solet.

## §. 678.

*Galenus* ait, inaequalitatem & inter-  
missionem in arteriarum obstructione & asth-  
mate minus esse terrificam; quod de asth-  
mate dixit, idem potest audiri de infarctu  
pulmonum & copia pituitæ, licet homo ita



repletus, quod forte latum habeat thoracem, non sit asthmaticus.

§. 679.

*Hippocrates* l. de veteri medicina scribit, non a calore simplici, aut a frigore, sed ab amaro, acido, acri æstimandos morbos esse, ut in vacuando potius, quam in alterando laboremus.

§. 680.

Decoctio visci quercini in morbis epilepticis aut quasi epilepticis tempore *Ballonii* valde celebrata fuit.

§. 681.

*Ballonius* consilio LXI. describit scemnam, paroxysmos aut histericos aut epilepticos pati solitam, de qua dicit: continenter aqua ab ore defluit: & in ultimis paroxysmis tota facies rubore suffunditur, manentque veluti exanthematum quædam vestigia quarto a paroxysmo die. (*Hanc salivationem & continuam sputationem vidi in Dom. de T \* \* tempore graviditatis affectiones hystericas pati solita. Exanthemata autem rubra circa nasum, labia, & in mento tempore paroxysmi hystericæ oriri solita, & quædam pustulæ rubræ & post paroxysmum aliquamdiu visibiles appa-*

*pare-*

*pārebant in Domina Z\*\* Huc pertinet  
genarum, oculorum, & præcipue nasi totius  
tumor dolorque in Dom. M\*\* tempore  
paroxysmi oriri solitus, post paroxysmum  
autem disparens. Stoll.)*

§. 682.

In morbo epileptico aut quasi epilep-  
tico, cum dubitatum esset, an a cerebro,  
vel à partibus cerebro subjectis proveniat,  
*Ballonius ita ajebat*: cum ægrota sit sagax,  
expedito & solerti animo, ingeniosa, non  
videtur malum a cerebro esse. Nam cum  
quis epilepticus est, affecto primum & per  
se cerebro, maxima ex parte hebes est, ob-  
tus, obliviosus, socors, ignavus, oculis  
concavis, somniculosus; gravi capite, ver-  
tiginosus, & nullis signis præeuntibus sta-  
tim concidit. At qui ob partes, capiti sub-  
jectas est epilepticus, non statim concidit,  
sed pleræque patitur, tanquam futuram acces-  
sionem præsagientia. Eadem hæc ægrota,  
cum utero gereret, non tam frequenter epi-  
leptia corripiebatur, quam cum utero non  
gereret.

§. 683.

Vertigo, nausea, vomitus, cardiagnus  
æquivoca signa sunt, quum fere æque



affectionem cerebri & ventriculi consequentur.

§. 684.

Juniores puellæ, nuptæ, & frequenter enixæ tanto imbecilliores redduntur, quanto frequentius enixæ fuerint: imo magna earum pars catarrhis & doloribus capitis immedicabilibus detinetur.

§. 685.

*Hippocrates* scribit, in Pherio mulierem existisse, cui caput valde condoleret, idque multo tempore: dolor is nulla ope medica levabatur: cum irent menses, levius habebat, cum concepisset, dolores relinquebant. Novit quoque *Ballonius* mulierem vetere hemicrania laborantem, cum frequenti cardialgiâ. Ne minimum quidem appulsus caloris, aut frigoris, aut fumi ferre potest, quin doleat. Dum fœta est, alacris, jucunda & immunis ab omni est dolore. Idem *Avicenna* Cap. II. L. 3 ait, mulieribus sæpe non gravidis crurum & lumborum dolores oriri, qui concepto fœtu in utero cessant. *Hippocrates* libro de superfœtatione meminit, non tantum dolores lumborum, sed & capitis & aliarum partium; ita enim ait: *si dolores in coxendice mulieri*

*lieri contigerint aut in capite, aut in manibus, aut aliqua alia corporis parte, & quum prægnaus est desierint, post conceptum ab utero exsolutum, si repetunt, huic odorata ad uterum suffire convenit, & bibere quoque convenit.*

§. 686.

L. 5. epidemicor. narrat de muliere doloribus capitis, cum utero non gereret, conflictari solita; eam ait odoratis ad uterum appositis juvari, & euntibus mensibus. *Fernelius* contra notat, multas fœminas, quum utero gererent, paroxysmo epileptico prehendi solitas, liberas vero extra graviditatem.

§. 687.

*Galenus & Hippocrates* ajunt, in imminentibus morbis *per distantiora* revulsione esse faciendam: in *præsentibus* vero *per locum proximum*. (*Ergo sectio venæ penes locum affectum nil novi est Stoll.*)

§. 688.

*Hippocrates* l. 1. de diæta ait: morbi paullatim fiunt, & crescunt, & paullatim collecti affatim & acervatim apparent.



## §. 689.

Ad hanc difficultatem, quæ est, cur mulieribus male sanis ex conceptu commoditas proveniat, contra sanis majora symptomata & deteriora eveniant, quum contra fieri debeat, pertinet locus notandus ad finem *libri de carnibus Hippocrat.* ubi docet: mulieres puras gravius affici initio conceptus, quam impuras: & si impuræ afficiantur, non ita percipiunt (*hinc fors dolorum quorundam extra graviditatem affligentium & post conceptum sponte cessantium curatio desumi potest.* Stoll.)

## §. 690.

Cum eodem die modo calor, modo frigus adparet, autumnales morbos parit.

## §. 691.

τῶν ἐξερῶδων duo sunt genera: alii calidi & humidi sunt, hepaticique dicuntur, & multum sanguinis generant; pulsus habent plenos, elatos, magnos; multum sumunt alimenti; febribus continuis, synochis putridisque sunt obnoxii — — Si in quaranas incident, eæ longæ quidem sunt, sed securæ. Alii colorem habent rubrum & hepatis præcalidum: sed calor in humiditate positus non est, sed in nescio quo squalore,

lore, siccitate, humiditatis inopia: & hi, tametsi rubore alias fugaci, alias non fugaci perfundantur, suffundanturque, tamen hoc non est iudicium abundantis sanguinis, sed calidioris hepatis sanguinem acrem subtilem, serosumque generantis: sic sunt pauci sanguinis, pulsu satis celeri, non elato, non plano; valetudinarii vivunt; serosis humoribus abundant, febribus longis, hecticis, hæmitritæis detinentur, fluoribus hepaticis, & si in quartanas, alias continuitatem habent, utpote sanguine non humectato nec corde, & inæqualitate in pulsibus perseverante, urinas meiunt aqueas; & alias in quartanam incidunt atrabilariam, horrificam. Priores ἐξερυδραι venæsectionem facile ferunt. Posteriores nonnisi cum summa difficultate — — hypochondriacis morbis laborant, & obstructionibus mesenterii & tenaces sunt, & mæsti, & facile terrentur, & apprehendunt. Imo in hydropem siccum facile delabuntur. — — Utrisque solemnis subinde est quædam alvi fluxio, quæ dum fiat, ut erat morborum vindex, ita cum cessat, eorum demum est promotrix. — — in his εὐεξία & εὐχροία mala est; omnis enim εὐεξία, & εὐχροία, quæ præter ra-



tionem advenit, consuetis naturæ legibus non continetur, imo potius est ob veteris & solemnis evacuationis suppressionem, quam ob partium solidarum repletionem & instaurationem, nata est. — hæc *ευχροια* solum indicat abdomen plenum esse, mesenterium plenum, unde vetus stercus illatum illam *ωρρη* secundum quid, non absolute, bonam inducit — — *ευεξια* hæc morbos a plenitudine indicat, non sanguinis, sed humorum in abdomine contentorum. Hinc quibus mulieribus menses, aut viris hæmorrhoides subsistunt, eæ impinguantur. An præterea bene habent? non — *Hippocrates* lib. coac. animadversionum ait: *Coloris bonitas, & sudores sine febre, aut inordinatam dietam docent, aut vetus stercus subesse.* Hæc coloris bonitas bona non est, uti nec ea, quæ in peripneumonicis adparet. — — Sic non quoties quis saturato rubore est, dicere oporteat, eum valde sanum esse, nec taliter affectum dicere oportet, temperamento esse sanguineo. — — Rubens gena non propterea sanguinis dominatum declarat. Nam bifariam rubent genæ, aut propter sanguinis abundantiam, & tunc eos sanguineos esse dices & ii quadrati esse solent, rubi-

rubicundi. Parum de rebus solliciti (nisi inclinante ætate corpus minime perspiret) & liberariores esse oportet in sanguinemittendo.

## §. 692.

Theriaca initio febrium quartanarum data, duplices triplicesque quartanas facit.

## §. 693.

*Galenus* l. de typis c. 4. ait: quartanam typum sequuntur inappetentiæ, salivationes, aliquando ex causis contrariis appetentiæ intensæ, tussiculaque ipsis adest, quando corporis habitus corrumpitur. (*In quartanarum paroxysmo vidi etiam ego famem intensum Stoll.*)

## §. 694.

Corpota macilenta, attenuata, squalentia, arida, quæque adstricta alvo laborant, validioribus medicamentis tentanda non sunt. — — Ejusmodi ventres siccos & arentes *Hippocrates* vocat *ambustos exustosque*. — — non calefacientia, sed lenientia. eccoprotica &c. profunt; nocent scammoniata, — — Ea corpora *præhumectare* oportet ex consilio *Hippocratis* in Aph. de usu helleborismi. Quidam ex coæta-neis *Ballonii* sic illa corpora purgabat, ut  
per



per tres dies continuos, & bolis cassiæ tanquam alimento sumptis, & jusculis vitulinis præhumectaret & præpararet.

§. 695.

In iis, qui febricitant insigniter satis, sed non valde sitiunt, & levibus momentis exhorrescunt, non est æquum, usum magnorum remediorum accelerare, præsertim cælo paulo frigidior. Innumeras vidimus hieme tepidiore febricitantes eo modo quo descriptum a nobis est, quibus medici præpropere vulgatam nimium medendi viam sequentes, & sectionem & purgationem adhibent. — — Eccoprotica dare sufficit, non scammoniata eradicantia medicamenta, in quo graviter peccatur. &c.

§. 696.

*Ballonius* observavit, medicamentum etiam blandum, horis pomeridianis tribus horis a prandio exhibitum, magnum habere effectum. Hinc discere possumus, ait *Ballonius*, in his quibus alvus admodum adstricta est, ex usu esse, si quatuor horis a prandio exhibeamus pharmacum.

§. 697.

*Hippocrates* observat in affectibus pulmonum, præsertim si inflammatio sit, in-

fig.

signem mutationem pulsus, & animi defectionem, quod nos animadvertimus sæpe; imo & quoties multa pituita infarcti sunt pulmones, & si a capite catarrhus illabitur — — quidam ita affecti simul putant, sibi animum deficere. Quod pauci animadvertentes, illud ad inanitionem revocant, & ad repletionem confugiunt. — — Pulsuum inæqualitas & nonnunquam intercalaris intermissio potest provenire ab obstructione lævium arteriarum: potest & propter pulmonum ipsorum infarctum provenire, aut mollitudinem & laxitatem ipsorum, utpote qui in costas incumbunt; quod annotavit *Hippocrates*: maxime vero videtur fieri ex pravitate anathymiascos; declarat id, indicatque subinde curatio; nam pro gradibus purgationis pulsus restituitur subinde.

§. 698.

*Hippocrates* 2. prorrh. observat, in morbis funestissimis contingere quandam leucophlegmatix speciem, ob malignam qualitatem & flatulentam, quod in phthisico quodam *Ballonius* vidit, cui totum corpus moribundo intumuit, ac facile disparuit.

§. 700



## §. 699.

*Ballonius* l. I. conf. LXXIII. narrat de foemina, cujus ex utero flatus erumpabant; quod *Actius* observat in cap. de inflammatione uteri & satyriasi.

## §. 700.

Filiola Domini *Florai*, quum sub dio, partim in sole versata esset, dolere caput coepit, & tussire: febris acuta, per interval- la major: noctes molestissimæ, maxime enim ad sextam ferotinam & febris & omnium symptomatum exacerbatio, jactitatio, in- quies, tussis & tussendi cupiditas perpetua: nullum sputum, tametsi esset *stridulâ*; in pul- mone humoris concursatio, quæ *obaudire- tur*. Sitis ingens & implacabilis fre- quens & brevis respiratio cum difficul- tate. Postquam tussiverat, statim ejulabat; aliquando in partibus extimis febris mites- cere videbatur, imo leniter perfrigebantur, ac si non foret accessio; sed illud fallax fuit; de dolore lateris non querebatur. Rubor genarum non erat, etsi is fere perpetuo adesse soleat in inflammatione partium tho- racis: item aliquando clauso ore dormiebat. Octavo die symptomaticus alvi fluor; nono interiit. Aperto cadavere latus sinistrum

purulentum erat, & pars pulmonis, quæ illud contingeret; imo & pus in capacitatem fufum erat. Pleuritis fuit. Venæfectio neglecta fuit. Afferit *Ballonius*, se observasse in pueris valde febrientibus frequentem, parvamque respirationem, licet affectus thorax non esset, sed nonnunquam magna intercudit respiratio in omnem dimensionem dilatato thorace: at in hac puella nil tale observavit: imo cum dilatare thoracem vellet, subsultabat quodammodo & vociferabatur. (*Stridorem in pectore, exacerbationes manifestas, & convulsificas, pallorem faciei, spiritum exiguum, frequentemque continuo; sæpius vidi in inflammatoria puerorum pleuritide Stoll.*)

## §. 701.

Tabescentes comitatur subinde febris semitertiana.

## §. 702.

*Ballonius* narrat de scæmina, quæ ex febre *trithæophye* decubuit, indeque mortua est 27. die morbi. Dein addit sequentia: nec alienum erit monere, *Galeno* placuisse cum veteribus febres istas tritæphyeis inflammationem sequi partium internarum, quod & in hac muliere observatum est, totum



tum enim corpus internum incendio conflavit, totus sanguis putris erat & fere lacteus. (*Febris hæc tritaophyes dicta, erat febris vere inflammatoria. Nomen ergo tritaophyes subinde biliosis, subinde vero inflammatoriis indebatur. Stoll.*)

## §. 703.

Perperam medici faciunt, qui ubi primum aliquem hæmopticum vident, illum frequenti venæ sectione fatigant; sic enim pulmoni & lateribus infirmitas conciliatur. (*Ubi roborantibus opus in hæmoptoe, ibi nocet venæ sectio. Stoll.*)

## §. 704.

Si instantibus crisi- bus, præsertim si morbus biliosus sit & bene ordinatus, medicamenta dantur, sæpe hypercatharses inducunt: quod centies verum deprehendi, & id primus edisseruit *Hippocrat.* Ita Bal- lon. Id. *Hippocratis* libr. de medicamentis.

## §. 705.

Ex *Hippocrate* constat, medicamentis præscriptis diebus instantibus criticis, aut facta vena hypercatharses esse faciles: quod nos in plerisque observavimus.

## §. 706

## §. 707.

Catoche , cataleptica affectio , cadit in febres præsertim eas , quas committit nescio quæ in parte dispositio ; ut cum materia est in cerebro — — aut cum est in ventriculo , aut in hepate , fit febris *elodes* , *typhodes* , *erysipelatodes* — — —

## §. 708.

Cum in epilemasia morborum febrilium soporosi affectus surgunt , affectionem & pravam dispositionem non in genere venoso , sed aut in ventriculo , aut mesenterio aut in cerebro ipso significat , & ad pravam exitum sæpe hæ febres tendunt.

## §. 709.

( Nota 1. affectiones soporosas a primis viis oriundas , uti e. g. in morbis biliosis , hinc etiam delirium biliosum.

2. Febris *erysipelatodes* aliud est apud veteres , ac hodie ; veterum enim *erysipelatodes* pertinent ad febres stomachicas , aut intestinales.

3. Febris *typhodes* , *elodes* , materiam morbi in primis viis habent , pertinentque ad stomachicas & intestinales. Stoll. )



## §. 710.

In morbis omnibus malignis, qualiscunque fuerit excretio, quoniam virulentæ materiæ excretionem, quomodocunque id fiat, juvatur, plurimum profutura est.

## §. 711.

Hæmorrhagia narium prætet ætatem & morem, itemque genarum rubor pulmonum eorum proprium existit.

## §. 712.

Experientia probavit, exiguo pure, aut vi excreto, aut sua sponte mananti, majorem virium jacturam contingere, quam si sanguis aut plenius detrahatur aut sponte fundatur.

## §. 713.

Evacuationes magnas, aut aquæ in ventre aut puris in thorace, aut ubicunque alibi, non debent fieri *confertim*, sed successive. Id quod *Galenus* jam monet.

## §. 714.

*Hippocrates* ait, quibus dolor ad hypochondrium sine inflammatione, his febris superveniens solutio.

## §. 715.

Quum iniretur consilium pro Forcii Mercatoris cognato, cui dolores arthritici sunt

sunt familiares, & autumnō & vere reperiuntur maxime; creditum est, serum maxime putre a visceribus manans causam reduci illius mali esse. Declarat curatio; nam cum expurgata prima regio ventriculi, & educti multi humores serosi electuario diacarthami, & syrupo rosarum solutivo, præcipiebatur occasio reditus. (*Ad morbos biliosos dolores hi pertinent, iique sæpe observantur post morbos biliosos, autumnales, non sufficienter adhibitis evacuantibus, curatos. Stoll.* )

## §. 716.

*Ballonius* narrat de quodam, venerea lue infecto, cui gonorrhea virulenta suppressa fuit intempestive. Suppressa gonorrhea uxorem suam compressit. Medio graviditatis tempore dysentericum & serosum profluvium patitur mulier, quo vix liberatur — — nono mense fœtum edidit purum & incontaminatum, quod mirum fuit — — sed cum forte matri propinatum esset pharmacum alius rei causa, & jussum esset lactari infantem etiam medio graviditatis tempore, repente multis corporis partibus argumenta certe ejus & scabiei hispanicæ paruerunt. — — Infans nondum duos men-



ses natus ablactatur, & lacte pascitur e vitreo vase, collum gruis habente. Provisum puello hoc remediolo.

R. Butyri recent. non falsi in aqua salviae lot. unc. jv.

Argenti-vivi in eadem aqua lot. dr. ij. diu trititando, fiat linimentum.

§. 717.

*Ballonius* describit l. I. Conf. med. conf. XCIV. febrem *assoden*, morte terminatam ubi sanguis cum crusta ter educebatur. Male dabatur purgans. (*Videtur fuisse atrox inflammatio ad cartilaginem xiphoidem. Patet febrium assoden subinde vocari etiam eam, quæ vere inflammatoria est. Stoll.*)

§. 718.

*Galenus* in comment. in aph. 23. l. I. in biliosis & ardentibus febribus non reformidat venæsectionem, etiam ad leipothymiam usque. (*Quas Galenus biliosas febres vocat, hic fuere inflammatoriæ. Frequenter in veterum libris occurrit. Febres biliosas sæpe nominarunt a crusta sanguinis flavescente, quam bilem dixere. Ita Ballonius omnes fere pleuritides biliosas vocat, id est, nostra phrasi inflammatorias. Imo*

Hip-

*Hippocr. l. de locis in homine nomine bilis pleuritini intelligit Arabes in biliosis morbis venæ sectionem reformidant, sed an eandem cum veteribus de bile ideam habuerunt? Stoll.)*

## §. 719.

*Galenus ait, omnes morbos diuturnos frigidos esse. (Tamen dantur morbi calidi diuturni. Stoll.)*

## §. 720.

Quartanarius hausit cyathum unum acetii destillati aqua diluti. Revera febris visa est exstingui: sed vice illius totum corpus scabie est infectum, nec non ab eo tempore in magnis temporum mutationibus, articularibus doloribus est impeditus.

## §. 721.

Quibus præcordiorum dolores, oris ventriculi, hepatis, partium circa umbilicum, sic sanguine per alvum egesto servantur, non egesto moriuntur. *Hippocr. in coacis.*

## §. 722.

Quibuscunque ex morbis acutis ac diuturnis, sive quovis alio modo extenuatis nigra bilis, sive uti sanguis niger desuper exierit, postridie moriuntur. l. 4. Aph.



## §. 723.

Sæpe quibus venarum aliqua rupta est, a laboribus aut exercitiis, quum coaluerit, alio tempore iterum rumpitur, ubi vero iterum rupta est, sanguinem fundit, & statim pereunt sanguinem multum fundentes; pus autem per totum diem excernentes consimili modo pereunt, veluti in aliis morbis dictum est. l. I. de morbis.

## §. 724.

*Hippocrates* dilatationem venarum in pulmonibus veluti varicosam adstruit; itaque σπᾶδωνα vocat ἀπο το σπᾶσθαι quod præ dilatatione divellantur membranæ præ sanguinis copia ibi inundantis. Et sic in omnibus corporis partibus ob violentum aliquem conatum ille spadon seu κίρτος potest contingere. *Hippocrates* in libris de morbis.

## §. 725.

*Hipp.* sect. 3. l. 2. epid. memorat quartanam quoque febrem, longam facto impetu in universum corpus, & tumore, qui ad lienem erat, evanescente, desuisse.

## §. 726.

In febribus, quæ non intermittunt, exulcerationes sanguinolentæ; liventes, graveo.

veolentes, biliosæ, omnes malæ sunt: si bene procedunt, bonæ: eademque ineunda ratio in iis, quæ per alvum & urinas feruntur. *Hipp. aphor. 47. l. 4.*

§. 727.

Error Medicorum est, ait *Ballonius* l. I. Confil. CVIII. qui cum sputum aut cruentum aut subcruentum vident, putant esse aut pleuritidem aut peripneumoniam. Quæ opinio, etsi opinione *Galenii* & *Hippocratis* paullo post confutata est, quod ex pulmone sæpe praviæ fiant excretiones ut floridæ, id est cruentæ, nigrescentes, pallidæ, cum tamen nec sit inflammatio, nec pleuritis, nec peripneumonia. Inter cætera locus est commemorabilis in historia de Pythione l. 3. epid. p. 4. sit. ubi docet, varia Pythioni, & cruenta sputa apparuisse, cum nec peripneumonicus, nec pleuriticus foret, nec a capite malum esset, sed a defluxu tantum materiæ, quæ non erat tanta, ut inflammationem pareret, aut forte in pulmone congesta, sed quæ incendium non conceperat.

§. 728.

Circa faciem coloris suavitas, & sudor sine febre, aut vetus stercus subesse significant,



ficant, aut diætæ ἀταξίαν. Vide locum præclarum. c. 2. l. *Cels.*

§. 729.

Revera rubor genarum inflammatorum, aut inflammationi proximorum est indicium.

§. 730.

*Ballonius* observavit, quod somnus in multis morbis acutis laborem faciat, convulsiones & timores afferat — — — Per somnum non solvuntur febres, imo extenduntur, dolores augentur, fluxiones multiplicantur, crescunt inflammationes.

§. 731.

*Hippocrates* ait l. 4. de acutis: Hepatis dolores & splenis gravitates, & aliæ inflammationes ac morborum collectiones solvi non possunt, si quis primum medicamenti purgantibus purgare aggrediatur. Nam venæ sectio in talibus principalis est, dein infusa per clysteres & post venæ sectionem purgans medicamentum securitate & moderatione opus habet &c.

§. 732.

In intumescente, & ad tactum dolente abdomine, & præcipue hypochondriis, alvo sive subsistente, sive etiam liquida, *Ballonius*

*Ionius* venæ sectionem faciendam suadet. Notat diligenter, non semper magnam adesse febrim, etsi intus inflammatio lateat, quæ venæ sectionem poscit. Talis morbus est *tympanites*, ortus a phlogosi, sive ventositas flatuosa, sive *ανεμική*. *Hippocrat.* ait *Lepid. sect. 5*, ventositatem flatuosam venæ sectio solvit.

## §. 733.

*Galenus* ait: si in jecore, septo, ventriculo, phlegmone oriatur, acuta febris forsitan fuerit, quamquam ne hoc quidem perpetuo. Verum, nondum vera maligna est.

## §. 734.

*Ballonius* ait: videmus plerisque salivam dulcem & veluti insulsam esse, aliis falsam, nitrosam; aut aliis vehementioris qualitatis, ita quoque de defluxionibus dicendum est. Talis autem generatio peculiarem naturam corporis cujusque sequitur: unde *Hippocrates* l. 2. epid. sub finem sectionis primæ vocat corpus *αλωδες*, quod humore nitroso & salso abundat, & a cujus capite maxime fluit talis humor. (*Tale corpus αλωδες habuit puella in Marienhilf apud tres lepores, quæ gravissimis doloribus ca-*



*pitis diu laboraverat, & salivam salsam querebatur, tandem solventibus, sero lactis succis recentibus taraxaci, cichorei &c. interpositis purgantibus ex rheo curata est. Domina de T\*\*ra arthritica facta, dolore gravi capitis affecta, pariter habet corpus αλμωδες, queritur fere semper gustum depravatum &c. (Stoll.)*

## §. 735.

*Hippocr. l. de vetere medicina abunde docet, in falsis & acutis fluxionibus mitificandum esse, non autem evacuandum.*

## §. 736.

*Hippocrates in coacis ait: quibus saluginosa sputa & tussis supprimuntur, his corpus velut a pustulis rubescit.*

## §. 737.

*Hippocrates l. 3. de morbis, caput præclarum scripsit de lethargo, ubi lethargum ait oriri per quandam peripneumoniæ affinitatem, & in isto lethargo potius pulmone, quam capiti consulit.*

## §. 738.

*Hippocrates de indicatione purgandi ex urinis desumenda sic ait C. 4. acutor. Quibus initio urinae crassæ ac nebulosæ fuerint, hos annuentibus ceteris purgare convenit*

venit. Quòd si urinæ in initio tenues fuerint, tales non purgabis. (Egregia hæc regula Hippocratis est, pro formanda diagnosi, utrum inflammatio adsit, an non. Nam in inflammatione omnia ad initium cruda, incocta que sunt, id est urinæ tenues. Stoll.)

## §. 739.

Ballonius ait: Quæcunque mulieres; idem & de viris, dum sanæ sunt, dolent de latere aliquo; cum febricitant, æque dolent, ac si pleuriticæ essent vere; & revera cum iis, ut cum pleuriticis agendum.

## §. 740.

Putant, pleuritidi ideo succedere fluxum alvi, quod inflammatio communicetur cum hepate, & partibus nutritioni dicatis. Quemadmodum inflammata gingivæ in dentientibus facile ventriculum & intestina sollicitant. (Patet in fluore symptomatico pleuritidis fieri venæ sectionem debere, cum id sit symptoma acutæ inflammationis. Stoll.)

## §. 741.

Dentientibus pueris subinde opiata dare convenit. Pufioni; sedecimestri Ballonius curavit in jussulo pulli incoqui dr. iij. Sempa-



Sempapaver. alb. cum lactuca in taleolas secta.

§. 742.

Joannes Tassinus, calidus temperie & ficcus, veneri indulgens, ut erat suspicio; vertigine oppressus, linguæ minime continens, repente concidit. Obmutuit, paulo ante gravi metu percussus fuit; fandi impotens, loquentibus annuit. Designat locum dolentem ad latus dextrum circa septum. Ad frontem & tempora flammeus calor manu medici percipiebatur. Post paroxysmum narrabat, se gravissime caput doluisse. Ex intervallis exsilit, more phreniticorum, non convellitur, obmutescit, sopor velut vigilans, delirium. Dolet latus dextrum; sinistrum autem ante doluit. Olim sanguinem ore rejectavit. Secta vena est. A venæ sectione rediit paroxysmus; cœpitque statâ periodo reverti, idque noctu. Restitutus doluit adhuc capite & latere, febre carebat. Urinæ non malæ. Spiratio frequens, parva, non magna, rara, licet delirus; aliquando spirabat parum elato pectore, frequens, & humile, ilia duendo; hypochondriacum aliquid congenitum erat: pulmonicum quid putabant, aut

a pure vaporem aut tuberculum, aut convulsionem articulorum, pulmonis aut adhæsum; sectio, ultio, aut maturatio flagitabatur; omnia in ancipiti erant. — — Post magnam purgationem convaluit. Eruperant paulo ante ambustis similes pustulæ? an quia splenicus? ultimæ dejectiones albicabant: an quia abscessus ruptus est? præter spem convaluit. In epicrifi hujus historiæ ait *Ballonius*: in febrium ineuntibus paroxysmis præter consuetudinem quædam symptomata apparent, aut ingens capitis solius dolor, aut brachii aut cruris, aut velut incubus, aut suffocatio; nonnullis quædam contractiunculæ convulsionibus similes.

## §. 743.

Catarrhosis, a quibus manat a capite subtiliosus ichor, bene coloratas videmus; notæ, quibus colligas, istam coloris bonitatem, a causa morbifica pendere, hæ sunt si cum isto rubore non acute audiat; item si cum bene videatur habere, paucis cibis repleri, contentumque se esse dicat.

## §. 744.

Κατ' ἐξοχὴν dicitur febris τυφώδης, cum hepar est inflammatum; quemadmodum χρομώδης, cum pulmo est inflammatus &



ερυπελατωδης & λειπυρια, cum ventriculus est affectus, quo in sensu audiendum illud Hippocratis: *leipyriæ febres non solvuntur, nisi cholera morbo superveniente*: id est, erysipelas in ventriculo ob inflammata in eo bilem, & æstuantem non solvitur, nisi evacuatione bilis sursum deorsum in modum των χολερικων, ut loquitur in epid. id est, cholerae morbi.

(*Patet aliud recentioribus esse febrium erysipelatosam, quam fuerit antiquis. Nobis est, febris inflammatoria; antiqui inflammationem vocarunt quemlibet ardoris sensationem, etiam a biliosa saburra proveniente. Hepatis inflammatio sive febris τυφωδης non videtur semper fuisse vera hujus visceris inflammatio, sed sæpe saburra biliosa. Stoll.*)

§. 745.

In phrenitide inflammatoria non delirant τα πολλά, sed semper.

§. 746.

Galenus ait: delirare solent aliqui ob vitium, quod in ore ventriculi existit, & in febribus ardentibus & in peripneumonia, & in pleuritide, sed deliria ob affectum diaphragmatis, non multum distant a phrenitide.

de. Quippe per ceterarum partium affectus atque per febres ardentes delirium mitigatur, quoties morbus, id est aut peripneumonia, aut pleuritis, aut *ναυρος* declinat. At phrenitidis propria nota est, ut ne in declinatione febrium quidem quiescat delirium. Quum enim propria cerebri sit affectio, paullatim accidit, sed quiescere subito atque affatim non solet.

( *Videmus a Galeno cognitum delirium biliosum, quando dicit, dari delirium, ob vitium, quod in ore ventriculi existit. Delirium quoque idiopathicum, a sympathico bene distinguitur a Galeno. Stoll.*  )

§. 747.

*Ballonius* ait: nescio qui fiat, ut morborum cerebri & notitia & curatio difficilima sit: notitia quidem, quoniam multi convulsi sunt, pavoribus consternati, phrenitide, apoplexia, epilepsia sublati, lethargicis affectibus oppressi, sideratique, in quibus nullum fere vestigium mali, aperto cranio inventum est, nec sanguis, nec aqua, nec ichor, quamquam medici, qui historiam morbi vidissent, & terrifica symptomata observassent, certo affirmarent, sibi que persuaderent, se aut inter membranas, aut in  
ca.



cavitatibus, aut alia in parte, aut abscessum aut sanguinis aut aquæ copiam deprehensuros: & nos sæpe in ista alea versati sumus, primariosque medicos versari vidimus.

## §. 748.

*Hippocrates* vocat morbos, lethargos, quorum ratio fere eadem est, ac peripneumoniæ. Fit autem, cum focus febris continuæ est in pulmonibus, & ii obstructi sunt valde, & humore crasso, putrique pleni: qui enim ab ea materia fumi excitantur, dum obruunt anteriores cerebri partes. lethargicon inferunt, & καρῶδες & χωματῶδες & ab eo accidente quoniam ægri obliviosi, focordes, veternosque jacent, affectus ληθαργος dicitur.

## §. 749.

*Aëtius*, *Fernelius*, *Galenus*, & *Rondeletius* suas habent historias de catalepsi, quibus colligas modo ab his, modo ab illis causis pendere.

## §. 750.

*Hippocrates* catalepsin l. 1. de morbis vocat φροντιδα.

## §. 751.

*Hippocrates* in coacis ait: sanguinem spuentibus confert, ut sint sine febre, leviter

rer doleant, sputum tenue sit ad dies bis septem; febrile, tussire contumaciter & recentem semper sanguinem excernere, malum.

## §. 751.

*Ballonius* ait: in validis tussibus, præsertim cum inanes sunt, dolorem audivimus tantum in ventriculo natum, ut necessario opitulandum ipsi ventriculo fuerit. — quemadmodum difficultas respirationis facit, ut vi sympathiæ dolores in partibus ventris inferioris oriantur, sic difficultas aliqua spirandi oritur ob læsionem doloremque partium in ventre contentarum, & tunc est opitulandum partibus ventris inferioris relicto thorace & partibus ejus — — Causa sæpe latet in hypochondriis.

## §. 752.

Qui tussiculosus est, stridulam habet vocem, impeditamque, præter rationem emaciatur, dum genæ rubicundum, floridumque aliquid habent, & in ceteris pendulæ videntur, *pulmonicus* esse dicitur, sive πλειμαν id est tabidus aut phthisicus esse.

## §. 753.

Diuturnus lateris dolor, qui ordinariis remediis non cedit, teste *Hippocrate* l. I.

R

eoac.



coac. in suppuratum abit. Tuberculum tunc in pulmone esse *Ballonius* asserit.

§. 754.

*Hippocrates* l. 2. de morbis describit morbum, quem vocat σπασμον του ορδρου τε πλευμονος, sive convulsionem articulorum pulmonis.

§. 755.

*Galenus* docet, siccos non ferre evacuationem sanguinis, id est, quibus alvus sicca, & qui squalidi sunt.

§. 756.

Omnes fere hypochondriaci per sympathiam quandam occultam thoracem dolent, & medici existimant in pulmonibus latere malum, aut in costis, cum id fiat tantum ratione dispositionis hypochondriacæ, in qua flatus excitantur pessimi, qui oberrantes dolorem pectori inferunt. Unde etiam ante diximus δυσπνιαν contingere posse propter affectum & mesenterii & ventris inferioris.

§. 757.

*Hippocrates* præclara præcepta dedit § epidem. de instituendis purgationibus: in purgationibus instituendis, ventres subpurgabis in morbis, cum matura fuerint, infra, ubi confidisse videris: signum habens, si nec

si nec anxii aut capite gravati fuerint, aut cum post exacerbationes cessarint: sursum vero in exacerbationibus: tunc enim sera sponte elewantur, cum anxii & capite gravati fuerint, ac se jactarunt.

## §. 758.

Incredibilia sunt symptomata, quæ eveniunt in principiis accessionum. Hinc Hieronymus Gabuvinius narrat, quemdam juvenem vidisse se, febre quotidiana laborantem, qui, simul ac accessio prehenderet, syn- copizaret, deinde epileptico modo convellebatur.

## §. 759.

Caveant medici prædicere, scilicet deprehensuros se aliquid in capite eorum, qui morbo cerebri obierunt.

## §. 760.

Videmus in paucorum dierum febre corpus ita sæpe resiccare, ut marasmodes pene reddatur: id quod maxime biliosis accidere solet.

## §. 761.

In quibusdam morbis τὰς τῆς, in quibusdam λυσις. In quibus, est lysis, deterior natura est, deterius ingenium.



## §. 762.

*Ballonius* ait : inter locos , quos unquam legi , celeberrimus est l. 2. *Prorrh.* quum loquitur *περι αναρροηζης αιματος* , id est , de excretionem sanguinis per os , atque ait *Hippocrates* , inter hæmoptoicos evadunt , quicunque dolores habent melancholicos & in dorso & in pectore , quasi hi minus laborent & periclitentur quam alii. Accedit & id , quod notavimus de *Catonio Crespieensi* *Valesio* in viro des *Nonnains d'Hierre* qui excrevit ingentem copiam sanguinis nigri , apyretos , & habitu valde melancholico est. E regione lienis in ventriculum eructabatur , & miraculo evasit. (*videtur probabilissimum , dari in pulmonibus quorundam hominum biliosorum siccorum , squallidorumque præcipue , varices æque ac in eorum intestinis , ano , ventriculoque ; remediis indicatis adhibitis juverit fors fumo adstringente & roborante vasa pulmonica roborare interne solventia ex sero lactis &c. dare , & alvum servare lubricam ; lichen , cortex , balsama omnia assueta , & adhuc magis vere adstringentia medicamenta insigniter nocent , alvum stringendo , siccum per se squallidumque corpus densando , siccandoque.* *Stoll.*)

## §. 763.

Porro, quod ad melancholicos pertinet, ii sæpe sunt flatuosi: flatus enim maxime facit ad ruptionem venarum, & proinde ad sanguinis rejectionem. (*Melancholicis sæpe faciunt, ut vasa sanguifera rumpantur.* Stoll.)

## §. 764.

Qui hypochondriaci sunt & flatibus abundant & cruditatibus; utrumque imaginationem pleuritidis afferre potest, quia & in cruditate ipsa, & flatuum copia facile thoracis dolor excitatur.

## §. 765.

Pulmonicis, ait *Ballonius*, efflorescunt nonnulla in cute circum pectus aut scapulas, & talia sunt signa contentæ materiei in pulmone; cum apparent pustulæ in aliquo, videndum, num id sequatur vitium quoddam particulare partium internarum.

## §. 766.

Fluor muliebris præsertim fædus & efferus non tam repente adoritur. Sed vulgo quæ mulieres *ροον* istam patiuntur, primum aliquas sentiunt in sinu pudoris humiditates, quæ dum tempore augescunt, acore quodam in utero contracto, tandem verum



ποόν γυναίκεσσιν inferunt. — — — Fluor iste symptomata est consequens morbum aliquem aut corporis totius aut partis. (Duo hæc signa sunt quasi diagnostica, fluorem album a gonorrhæa distinguunt. Stoll.)

§. 677.

Duplicem *Ballonius* fluorem album statuit, *universalem*, qui ex vitio totius corporis oritur, & *particularem* ob affectum ipsius uteri proprium.

§. 678.

*Ballonius* ait: cum genitalibus morbis thoraci magnum est commercium, unde catarrhofas mulieres & pituita in pulmone abundantes, opportunas fluori muliebri videmus, transfuso a thorace in uterum humore.

§. 769.

Pleræque mulieres mensium suppressionem semestrem sine noxa patiuntur, aliæ non patiuntur bimestrem sine graviore damno, præsertim si vel facile corruptibilis sit sanguis, ut quibusdam evenit, aut si jam a primo ortu aliquod malæ indolis habuerit, aut si raptus fiat ad nobiles partes. Est enim valde notandum illud *Galenæ*, sanguinem suppressi in muliere aliquando non prop.

propter paucitatem, aut vitium aliquod conformationis in utero, aut aliquid simile, sed quia sanguis præ suo rubore ad alias partes deferretur.

## §. 770.

*Fernelius* ait *fluorem album venereum* etiam prorumpentibus mensibus persistere; at vero *fluorem album non venereum durantebus* mensibus cessare. (*Falsum id esse, vidi in nosocomio practico.* Stoll.)

## §. 771.

Omniū deterrimus est *ῥόος*, qui & qualitatem malam habet, & perpetuam habet generationem, sive ea sit in toto corpore, sive in una parte — — tamen si adest, non continuo supprimendus — — pravam dispositionem primo tollere oportet. — — Est ergo ubi fluor uterinus ad tempus juvat. At si humiditas tantum quædam simplex circum pudenda appareat, & certo colligas, aut ob humiditatem corporis multam, aut ipsius uteri id evenire, aut quandam uteri lævitatem esse, sine metu ullo ad supprimendas illas superfluitates accedere possumus, quod notandum ad legitime adhibenda remedia.



## §. 772.

Apud *Hippocratem* locus est valde commemorabilis: docet mulieres biliosas non impune sanguinis evacuationem per uterum ferre — — a tali evacuatione incidunt in *ελιγοφοχίαν*; cibi fastidio, anxietate & vigiliis occupantur: at si alvus turbetur, bonum, & item *ῥοος χολωδης* per uterum confert, sed non per multos dies nec magna copia. (*Idem universaliter de omnibus biliosis dici potest; sanguinis evacuatio per se ipsis nocet, confert impense purgatio & vomitio.* Stoll.)

## §. 773.

Ulcus uteri suis se signis prœdit, tum ex qualitate materiei fluentis, tum ejus, quæ præcessit, tum a dolore petitis: accedit congressus difficultas ob dolorem, qui excitatur, maxime si circa collum ulcus lateat — — fluorem album maxime *ab utero* esse (*id est, ex vitio topico ipsius uteri*) colliges, si circum os pectinis aut in partibus internis ad uterum dolor quidam profundus sit, si menses suppressi sunt; credibile enim, circa uterum stabulatum esse humorem, qui mora vitiat uterum — — si corpus bene habitum sit & floridulum, credi.

credibile est, ab utero potius esse. Sin corpus pallidum, aut biliosum, aut melancholicum, vel in toto, vel in parte, illinc pendere *poor* probabile est.

## §. 774.

Aqua intercute laborantibus muliebria diutius perseverant. Item *Galenus* ait: si crassiores fuerint, humores difficilior fluunt quam ii, qui secundum naturam sunt, longius tempus expectant &c.

## §. 775.

Pleræque scæminæ fluore albo tentatæ, pulmonum morbis a defluxione corripuntur.

## §. 776.

Corpora humidiora natura, sunt morbosiora, si verum illud aph. l. 6. queis natura nares humidiores, & genitura humidior, minus integra sanitate fruuntur: quibus contraria, salubres degunt. Item in Epid. quibus natura nares humidiores, genitura humidior & copiosior, hi morbosius sani sunt.

## §. 777.

Quis dubitat, quin aliter sese gerere oporteat *toto corpore* affecto, quam si vel *pars una*, vel *uterus ipse* laboret. Quin etiam dispositionis varietas rem quoque va-



riat. Nam in quibusdam est *frigiditas* & *humiditas* multa nativum calorem obruens causa hujus rei; in aliis vitium *ventriculi* & *primæ regionis*, ut in iis, quæ fædos quoque colores, & in talibus fætet anhelitus, ructus adsunt cachexiæ signa, luridi sunt dentes, gravedo, tumor pedum aut corporis: Est enim prava chylosis, seu pravitas, ut loquuntur præctici, digestionis — — — in nimia humiditate & refrigeratione ortoque inde fluore abstinendum:

1) ab adstringentibus, ventris enim tumor & hydrops inde oritur.

2) Habenda est ratio ventriculi.

*Rondeletius* bonus medendi magister in curando § 00 abstinere præsertim a pillulis officinarum, quod constent ex calidioribus, & iis, quæ tenuitatem partium majorem habent: sed non omnino prohibet eadem remedia, quum fluor a pituita est.

---

# SECTIO II.

---

DE

METHODO

EXAMINANDI ÆGROS.



SECTIO II.

---

METHOD

OF THE



DE

## METHODO EXAMINANDI ÆGROS.

---

**A**ntequam ad lectos ægrorum accedamus, quædam *Prolegomenon* loco dicenda sunt, de modo instituendi anamnesin, & de methodo præsentem ægri statum examinandi. Plurimum interest, ad formandam adcuratiorem morbi diagnosin, si ea, quæ prægressa sunt, probe perspecta habeamus; hinc est, quare longe facilius iis hominibus mederi possimus, quorum vitæ ratio nota nobis est, quibuscum ipsi con-

cum



versamur. *Celsus* ait, meliorem esse medicum amicum, quam extraneum, si par sit cæteroquin in utroque scientia, ob easdem, quas attuli, rationes.

Ad anamnesin ergo rite instituendam sequentes ut plurimum quæstiones ægro proponi debent:

1) An morbis puerilibus, id est vario-  
lis & morbillis defunctus sit.

2) An unquam graviori aliquo,  
& notabili morbo, sive chronico, sive  
acuto decubuerit, & quali, qua ratio-  
ne fuerit curatus, an sponte sua, absque  
adjumento artis, & si usus fuerat, quibus-  
nam medicamentis, an a medico, vel ab  
alio artis non perito fuerit sanatus?

3) Quæ valetudinis morbum præsen-  
tem proxime præcedentis conditio fuerit, an  
perfecta usus fuerit sanitate, an vero aliquid  
jam ante doluerit, & quid, & ubi?

4) Tandem examinando accedimus ad  
ipsum morbi exordium, quis, & qualis pri-  
mus morbi insultus fuerit, quo die, & diei  
tempore? an proxime antecesserit aliquid  
extraordinarii, non consueti in diæta, vi-  
vendi modo, occupationibus? an nihil ipsi

ægro

ægro occurrat, quod ipsimet videretur morbo ansam dedisse?

Moneo hic, ne Medicus ægri narrationem ex facili interrumpat, donec illam ex toto absolverit; sit enim, ut æger, continuis quæstionibus sollicitatus, & a tramite suæ narrationis abductus, multarum circumstantiarum obliviscatur, quæ tamen multum ad accuratiorem morbi ideam formandam conferrent; si vero morbi historia, ab ipso ægro facta, manca appareat, eandem Medicus resumere denuo debet, & debitas quæstiones interponere. His peractis, in morbo præcipue acuto, ad actiones vitales, animales, & naturales oportet peculiariter attentum esse.

Persequar hic aliqua paulo majori studio, quæ nobis ex usu fore, ferme quotidie videbitis, & quæ non ex vana speculatione desumpta sunt, sed experimento quotidiano confirmata, quæ maximam vobis facilitatem in dignoscendo morbo, quem examinatis, si ea menti altius infixæ, atque in consuetudinem tracta teneatis, conciliabunt; etsi fors prima fronte has observationiunculas ad minutias potius, quam ad momentosa præcepta pertinere videantur.

Præ-



Præmissis ergo iis, quæ ex ægri relatione haberi possunt, examinandæ ægrotantis functiones sunt, quas inter motus cordis & arteriarum, primarium sibi locum vendicant ab omni retro antiquitate. Non hic altius repetam, quæ de pulsu aliunde scitis; sed ea solummodo, quæ ad praxin, ad morbi diagnosin, recte instituendam frequentius occurrunt, & non ex hypothese aliqua, sed ex observationibus deprompta sunt. Circa pulsum examen sequentia notanda sunt:

1) Pulsum fallacissimam rem esse; eum alium atque alium esse, prout ætas, sexus, temperamentum, assumpta variant; alium sedenti, alium cubanti, stanti alium; alium, si animus curis vacuus sit, alium homini tristato, sollicito, & pro quovis animi affectu, pro quavis ferme attentiori cogitatione, alium aliumque. Hinc pro canone practico observetur: *nunquam indicatio formanda est ex solo pulsu*; dixi, *ex solo pulsu*; aut si omnia alia; quæ ad morbi cognitionem facere possint, medicum destituant, & solus ipsi pulsus supersit, nunquam tamen ex hoc solo indicio Medicus magnum quid moliatur, nunquam anceps consilium arripiat.

2) Ut primum medicus ægrum accedit, nunquam statim pulsum exploret, aut si id fecerit, nunquam tamen aliquid de morbi natura concludat. Æger aspectu medici, præcipue, si is prima vice accedat, & ignotus alias fuerit, territus, de sententia medici circa suam valetudinem summo opere suspensus, nihil certi pulsu suo nos docebit, sed minus attentum medicum in errorem inducet.

3) Puerorum pulsum omnium fallacissimum esse, scire oportet; hinc pro regula practica assumi debet, *Pulsum puerorum nihil prorsus conferre ad morbi cognitionem.* Corpus puerile, aut magis infantile, cum totum quasi nervus sit, & vel levissimis stimulis hæc summa corpusculi irritabilitas in motus inordinatissimos agatur, pulsum mira varietas dabitur, ex qua nihil prorsus determines; accedit, quod ætatis incremento pulsus variet.

4) Pulsus in senibus, & rhythmico & tempore, universim omni modo inæqualis esse potest, intermittens, remittens, licet sanitas huic ætati competens sat belle subsistat. Hinc alius canon est: quod pulsus senum, utut inordinatus is fuerit, terrere



medicum non debeat, si cætera bona sint. Habuimus in nosocomio hominem seniculum erysipelate faciei laborantem, qui admirabilem pulsum varietatem nobis exhibuit, tam in morbo ipso, valde levi, quam tempore sanitatis.

5) Sunt quidam morbi, ubi mira pulsum varietas est, unde nihil cautus medicus concludere valet. Sic in morbis pulmonum pulsus vix aliquid docet; securiorem & diagnosin & prognosin respiratio dat. Ex respiratione bona in morbis pectoris, qualiscunque tibi pulsus videatur, prognosticon faustum formato, ait *Baglivius*. Viri hypochondriaci, scemine spasmis & passioni hystericæ obnoxia mille modis turbatos pulsus exhibent. Videmus ferme quotidie in ægris nostris, præcipue in puellis hystericis, miram pulsum variationem.

6) Serio notandum, non omnem pulsum frequentem, vel celerem, propterea *febrilem* esse. Accidit non raro, ut post morbum gravem, diuturnumque, post prægressas evacuationes sanguineas admodum copiosas, arteriarum ictus sese celerrime insequantur, quin propterea febris adsit. Est hic effectus Keneangeiæ; ubi celeritas  
mo-

motus id compensare debet, quod in quantitate deest. Hinc, si præter pulsum celeritatem adsit calor præternaturalis, quem æger ipsemet sentit, sique insuper quædam functio læsa sit, febrim adesse credendum est. *Hippocrates* minus attentus ad pulsum videri ex eo potest, quod pulsum mentionem perraro faciat; una alterave vice memorat *venas in temporibus valde salientes*. Posterioris ævi medici, quos inter *Galenus* coryphæus erat, varia pulsum nomina introducere, quorum notitia ad historiam artis potius facit, quam ad ejusdem exercitium. Unicum *Celsum*, egregium imprimis inter antiquos scriptorem, de pulsu loquentem audiamus: l. 3. c. 6. sic ait: *venis maxime credimus, fallacissmæ rei, quia sæpe istæ lentiores, celerioresque sunt, & ætate, & sexu, & corporum natura.*

7) Cum supra dixeram, in dignoscenda febre non ad *pulsum* solummodo; sed & ad *calorem* animum advertere oportere, videandum est, quantum calori quoque tribuere possimus. Sed audiamus potius *Celsum*, uti in plerisque insignem, sic certe hic præstantissimum; loco superius citato ait: *altera res est, cui credimus, calor,*

S a

æque



*aque fallax ; nam hic quoque excitatur æstu, labore, somno, metu, sollicitudine. Nos, dum ægros nostros visitamus, quosdam recens e somno expergefatos sæpius deprehendimus, quorum corpus solito calidius est, cum pulsu pleniore, citatioreque, ita, ut imperitior quis febrietantem existimaret eum, qui tamen apyretos est. Audiamus præcepta Celsi, qui prioribus sequentia subjungit: Igitur intueri quidem etiam ista oportet, sed his non omnia credere; nec protinus etiam sub calore, motuque febrem sese concipere: sed ita, si summa quoque arida inæqualiter cutis est, si calor & in fronte est, & ex intimis præcordiis oritur, si spiritus ex naribus cum fervore prorumpit, si color aut rubore, aut pallore novo mutatus est, si oculi graves, aut & persicci, aut subhumidi sunt; si sudor, cum fit, inæqualis est; si venæ non æquis intervallis moventur; ob quam causam medicus neque in tenebris, neque a capite ægri debet residere, sed illustri loco adversus eum, ut omnes notas ex vultu quoque cubantis perspiciat.*

8) Pulsus mutabilis est, & variis in stomachi affectibus, præcipue a repletionem,

&

& crudo primarum viarum apparatu. Mutabilis etiam est in pueris vel verminosis, vel aliis quibuscunque ventriculi & intestinorum crudis sordibus affectis.

9. Si feroces in parte quadam dolores sæviant, pulsus fiunt parvi, exiles. In morbis ventriculi pariter evadunt parvi. Omnes, qui naturaliter ventriculo debiliori præditi sunt, debiliores, & exiliores pulsus habent. Juvat hæc omnia scire, ut una cum aliis notis sanum formare judicium possimus, aut ne pulsu decepti male ratiocinemur de morbo.

Alterum est, quod magnum in dijudicando, aut prædicendo momentum habet, *Respiratio*. Nos theoriam respirationis missam facimus, idque solum leviter perstringimus, cujus nobis multiplex usus erit. *Hippocrates*, & tota schola Coa magis longe ad respirationem quam ad pulsum attendebant. Respiratio juxta ipsum maxime observanda est in omnibus morbis, præsertim acutis. Spiritus liber in acutis magnum prognosticon pro salute ægri; item libro de *coacis prænotionibus* ait: respirationem densam, id est, frequentem & parvam significare inflammationem in locis principalibus,



palibus. Alibi asserit, respirationem frequentem & parvam dolorem aut inflammationem significare supra præcordia.

Respiratio parva & rara, futuræ mortis signum est juxta *Duretum*.

Delirii proprium signum, non tamen inseparabile, est magna & rara respiratio; nam sola voluntas in vitio est; est enim æger negligens sui, unde, nisi coactus, non respirat.

Qui cum libertate spirandi, & cum doloris acerbissimi notabilium partium vacatione, & somni benignitate interierit, Hippocrates vidit neminem, ait idem *Duretus* in coacas prænotiones.

*Baglivius* asserit, se centies observasse, quod bona respiratio in variolis sit unum ex optimis signis, licet alia sint gravia.

Pulsu & respiratione exploratis interrogandum, num quid doleat, & quæ doloris illius species sit, an gravativus, an ardens, punctorius, premens, contorquens, continuus, periodicus, aut per intervalla rediens.

Notandum hic: 1) non omnem dolorem punctorium infra septum transversum, qui ad attractum augetur, propterea in-

inflammatorium esse, hinc non in omni dolore punctorio sanguinis missione opus esse, nisi cætera venæsectionem coindicent. 2) Notandus aphorismus sextus L. II. Hippocratis: *quicumque dolentes aliqua parte corporis, omnino dolores non sentiunt, iis mens ægrotat*, Item 3) aphorismus 33mus L. IV. *Si cui pars quædam doluerit, priusquam ægrotet, ibi firmatur morbus*. 4) Dolores, qui sine signis levantur, letales ait Hippocrates in Coacis. Hoc effatum Hippocratis toties verum comprobatum est, at tamen minus attenditur, quam oporteret. Dolores inflammatorii subito absque rationabili causa disparentes, certo præsentem gangrænam indicant, & mortem proximam; at dolores a solis spasmis oriundi sæpius subito cessant, absque tam funesto eventu. Horum prævia notitia instructus medicus, facilius de statu ægri certior fiet.

His perspectis, videndum, qua ratione æger habeat circa somnum, & vigilias, circa sensus externos internosque. Contemplandus dein est externus corporis habitus, & actiones naturales. Multa indicant oculi, faciei color, lingua, os, appetitus, hypochondria, cardia, abdomen,



alvus, urina, excretiones quæcunque aliæ, quæ ipsi solemnes fuerant, an persistent, an vero suppressæ, an auctæ sint.

Oculos in acutis contemplari oportet, quoniam ex iis plurima leguntur. Juvat hic quædam *Hippocratis* effata adducere, ut sciamus, ad quid utilis esse oculorum consideratio possit. L. VII. aphorismo 81. ait *Hipp.* Quibuscunque in agritudinibus oculi ex voluntate lacrimantur, bonum; quibus vero citra voluntatem, malum. Illud enim mentis præsentiam, hoc ejus absentiam denotat. In L. *Prædictionum* sequentia habentur graphice descripta de conditione oculorum in acutis: si lucem fugiant, aut involuntariè lacrimentur, aut distorquentur, aut alter altero minor fiat, aut albas partes rubentes habeant, aut venulas lividas, aut nigras, aut lemæ ac sordes circa oculos appareant, aut hi etiam instabiles, aut eminentes, aut cavi vehementer facti, aut squallentes, & obscuri fuerint, aut color totius faciei alteratus fuerit, hæc omnia mala & perniciofa esse putandum est.

Libro eodem ait: oculos semper intueri oportet, si enim oculi frequenter moveantur, furiosos eos fore timor est.

In libro de coacis prænotationibus: *oculi assidue nictitantes, mali.*

L. 6. de morbis popularibus ait: *oculus inarescens malum.*

L. 1. Prædictionum: *Oculus hebes malus; & ibidem: oculus fixus & caliginosus malus.*

L. Prognost: *oculi partes albas rubentes habentes, malum signum.*

L. VI. de morbis popularibus: *oculi audacia delirii signum.*

L. Prognosticorum: *in subapparitionibus oculorum in somnis, si albæ quid partis subapparuerit, palpebris non commissis, si id non ex alvi profluvio; aut medicamenti potione fuerit, aut æger ita dormire consuevit, malum signum, & valde letale.*

L. de coacis prænotationibus ait: *oculorum obscuratio, & vox acuta referens planctum, convulsorium est.* Et ibidem: *Quibus oculus morbi regii colore infectus, ac caliginosus est, strepitu sputi multo in pectore existente, & facies tristis in pleuritide, hi pereunt.* Hujus effati veritatem nuper in Pleuritico vidimus in nosocomio nostro. Corporis sanitatem ac firmitatem Hippocrates ex oculis metitur; dicit enim:



oculi prout validi fuerint, ita etiam corpus. *Baglivius*, maximus observator, quem amor hypotheseum nunquam seduxit, qui omnem in observando vim posuit, & qui juventutem suam penes ægros in variis Italiae nosocomiis trivit, quem præmaturum fatum rei medicæ eripuit, is, inquam, ait: *nunquam ab ægro discedas in acutis, & in inflammatoriis, nisi oculos inspexeris; quando illos a naturali statu mutatos videbis, time semper, sicut post opiatum in dysenteria, post chinam chinæ in magno primarum viarum apparatu.* Idem gravissimus auctor asserit, oculos caligare, & obtenebrari in pectoris acutis morbis, letale esse, *Hollerius* vero affirmat, oculorum ruborem esse signum corrupti pulmonis, aut viscerum e directo, cerebri quoque, & ventriculi inflammati.

Considerato oculorum statu, ad faciem ejusque colorem medicus attendat; qua de re, ut sanum judicium ferre possit, proderit quorundam aphorismorum meminisse, quos vel Hippocrates, vel illustres quidam Hippocratis sectatores reliquerunt.

Facies optima, quæ sanorum faciei est simillima, maxime vero ipsa sibi ipsi.

L. VI. de morbis popularibus dicitur :  
facies bona in magnis morbis bonum.

L. de coacis prænotionibus : quibus  
facies sana, præcordia non mollia, non liberantur citra multi sanguinis ex naribus fluxum, aut coxendicum dolorem.

L. III. de diæta, dicitur : qui faciem decolorem habent, & ubi comederint, paulo post eructant acida, & acor in nares proserpit, his corpora pura non sunt.

L. de coacis prænotionibus : faciei bonus color & torvitas in morbo acuto, malum. Item eodem loco habetur : circa faciem color bonus, & sudores non febrientibus, stercora vetusta subesse significant, aut victus rationem inordinatam. Et ibidem denuo dicitur : qui faciem floridam habent, & alvum liquidiores, suppurationes circa pulmonem habent.

Ne autem erremus, si malum faciei statum videas, interrogare oportet ægrum, an nimium ante vigilaverit, aut diarrhæam aut famem passus sit, quæ singula mutationem faciei in pejus faciunt.

Rubores narium signa sunt ventris facile lubrici, signa quoque pulmonum aut iecoris, ut docet Hippocrates in coacis.

*Bag.*



*Baglivius* ait : in chronicis morbis, si facies naturalis sit, nunquam crede, adesse obstructions in visceribus, si mutata sit a naturali, id obstructionum signum, & turbatae œconomiae naturalis est. *Jacotius* in coacas prænotiones ait: omnis rubor faciei vel sanguinis copiam, vel internam phlegmonem, vel calidam intemperiem, vel visceris corruptionem denotat; alvus dura esse solet iis, qui nimium facie rubent.

Accedimus ad examen oris, linguae, faucium. Lingua nobis plurima indicat. Linguae conditio nobis indicat:

1.) Statum partium vicinarum, connexarumque, faucium, tonsillarum, cavi narium, & totius membranae Schneiderianae morbos lingua significat. Sic in quavis anginae specie, in coryza, in morbis non paucis gingivarum linguam videbitis affectam; qua autem ratione in singulis hisce morbis lingua affici soleat, penes lectos ægrorum videmus.

2) Lingua indicat statum primarum viarum, quemadmodum enim intestina affecta sunt, sic in morbis multis & ventriculus, sic & oesophagus, sic & ob nexum & partium continuitatem lingua ipsa. Crudus e. g. inte-

sti-

stinorum & mesenterii apparatus plerumque comitem habet etiam ventriculi saburram; hæc autem glutine suo, aut sapore amaro, acido, austero, rancido, putrido afficiet oesophagum, atque demum linguam. Hinc statum primarum viarum lingua alba, mucosa, flava semper loquitur.

3) Ex lingua discernimus persæpe statum asperæ arteriæ, & conditionem pulmonum; hinc lingua alba, crustosa, sicca in inflammatione membranæ asperam arteriam investientis, sive in *βρονχω* inflammatorio, item in peripneumonia & pleuritide. Linguam hac ratione affectam Hippocrates peculiariter *peripneumonicam* appellavit.

4) Ex lingua, ejusque colore statum omnium humorum circulantium desumimus persæpe. Lingua concolor est attingentibus ipsum humoribus, quapropter per hanc humorem cognoscimus. Ita *Hippocrates* libro 5. de morbis popularibus.

Observatio linguæ tanti momenti est, ut medicus omnibus aliis signis diagnosticis longe facilius careret, hoc solo excepto. Consideramus autem in lingua 1) ejus *colorem*, album, flavum, nigrum, virescentem, livescientem, 2) ejus *asperitatem*, 3) ejus



ejus *motionem* aut impotentiam, 4) *tremorem*, 5) *teneritudinem*, 6) *ariditatem*, 7) *fissuras*, *ulcera*, aut *ulcuscula* linguæ. Vix in ulla re *Hippocrates* tam accuratus fuit, sicut in linguæ diversarumque ejusdem affectionum descriptione. Quid ex quavis linguæ affectione concludendum sit, suo loco videbimus.

Dentes quoque multa significant. *Materies viscosa*, & quidam quasi *lento*res, significant juxta *Hippocratem* *febrem fortem*. Dentes male affecti, *arrosi*, *viscosa materie oblit*i, dentes non firmiter nexi, *foetor oris*, *pravam plerumque digestionem*, *primarum viarum morbos*, & mala inde *pendentia* denotant.

His examinatis, ulterius *progrediendum* & *inquirendum*, num *appetitus* *perstet*, an *dejectus* sit; an *nauseæ*, *vomituritiones*, *cibi*, & *præprimis* *carnium fastidium* adsit; an *peregrinus assumptorum sapor*, aut forte *nullus*; an *ructus putridi*, *nidorosi*, *acidi*, *austeri*, *amari*, *nauseoso dulces ægrum molestant*. Audiamus quasdam circa *appetitum* *observationes*:

1) In

1) In omnibus morbis, si viget appetitus, bonum; semper timeo in ægris inappetentiam, ait *Baglivius*.

2) Si post curatos morbos inappetentia remaneat, recidivam prædicito.

3) Nulla alia bona signa me exhilarant; nisi conjuncta sint cum appetentia, ait idem accuratissimus observator.

4) Bonus appetitus bonam viscerum naturalium œconomiam denotat, unde semper bene sperandum, pergit idem hic auctor.

5) Si quis diu inappetens manserit, in gravem morbum incidet.

6) Non facile promittas felicem eventum, præcipue in chronicis, nisi fundamentum habeas in bono appetitu.

Tandem pergendum est ad hypochondriorum examen, hæc ut sana sint, debent esse mollia, indolentia, & æqualia ex utraque parte. In hypochondriis observatur *durities, tensio, inequalitas, dolor, pulsatio, introtractio*, & eorum *tumor sublimis*, sive *meteorismus*. Inde discimus statum primarum viarum, vel viscerum in hypochondriis sitorum, hepatis ac lienis. Exploranda sunt præcordia, regio serobiculi, num dolor, pondus, tumor, tensio adsit,  
num



num augeantur hæc incommoda ad attarum. Veteres in examine hypochondriorum accuratissimi fuere, unde varios nobis aphorismos reliquerunt, ubi ex hypochondriorum conditione morbi ideam venari medicus potest.

Urina & alvus medico multa nonnunquam suppeditant, quæ ad morbi cognitionem facere possunt. Non loquimur hic de illa multorum Pseudomedicorum arte, qua, nullo alio signo, adjuti omnia ex urinis divinari satagunt; hæc enim dudum explosa stultitia est. Verum tamen manet, multa per urinas cognosci, si alia insuper signa in auxilium vocentur. Urina sanguinis statum indicat; qualis sanguis, talis & urina. In urina spectabimus *colorem, contenta, copiam, modumque*, quo mingitur. Color urinæ ruber & nimium saturatus non semper inflammationis præsentiam denotat; nam si adsit primarum viarum cachochylia, & crudus apparatus, urina sæpe admodum rubra, aut coloris profunde rubri esse solet. Mingitur quoque in cruda hac ventriculi ac intestinorum saburra lotii hujus nimium saturati exigua quantitas, subinde cum dolore stranguriosa, ita, ut imperitiores

tiores ad diuretica exhibenda confugiant. Cavendum ergo, ne solo hoc intensiori rubore seductus medicus, de inflammatione cogitet, venasque imprudens fecer, aut emollientibus antiphlogisticis, obviam ire nitatur. Si enim cum urina rubra adsint signa primarum viarum affectarum, lingua mucosa, alba, flava, dentes viscosi, sapor amarus, aut quisque alienus in ore, si ructus nauseosi, amari, acidi, quin & dulces ægrum molestant, si vomituritiones, nauseae cibique fastidium, si pondus gravans ad ventriculum, si hypochondria tensa sint, inæqualia, si abdomen tumidulum, borborygmis molestum, si lumborum simul adsit dolor, alvus stricta, flatus, si his omnibus aut plerisque simul junctis, adsint præterea noctu sudores nidosi, foetentes &c. si urina tunc sit saturatiori rubedine tincta, frequentiusque at parce mittatur, & subinde supprimatur, vel cum stranguria mittatur, solvere tunc oportet crudum viarum primarum apparatus medicamentis lenissimis, salinis, & deinde ea via, quæ commodissima & brevissima videtur, eundem ejicere. Hoc in casu quam plurimi errant errore non indifferenti, qui omnem uri-

T

nam



nam rubram *inflammatoriam* esse putant. Venæ sectio nequaquam indifferens remedium est, quia latex vitalis per venæ sectionem profunditur, ut adeo admodum circumspecti esse debeamus, si vel venæ sectionem solummodo aut suadeamus, aut dissuadeamus; etsi fors non raro contingat, ut, ubi nescimus, quam in partem consulere debeamus, venæ sectionem imperemus, levi admodum brachio, eaque animi levitate, ac si innocentissimos lapides cancerum præscriberemus. Urina ergo intensius rubra, cum signis gravati systematis gastrici aut intestinorum juncta, vel emetico vel purgantibus per epicrasin propinatis emendatur. At vero, ubi urina rubra, cum faucium linguæve siccitate, siti, cute arida æstuante, pulsuque aucto deprehenditur, vitium erit in humorum phlogosi; hinc venæ sectio, & methodus antiphlogistica valebit.

Audiamus adhuc quasdam *Hippocratis* de urina sententias, quas suo loco in memoriam revocabimus.

1) Urina tenuis ac biliosa, ac vix tenuem, ac exiguam subsidentiam habens, quæve modo in melius, modo in deterius  
muta-

mutatur, morbum longum fore indicat. Urina talis, qualis descripta est, sæpissime observatur post febres autumnales non bene curatas. Sunt, qui per annos plures tales urinas excernunt, ténues, biliosas, cum subsidentia exigua. Re bene examinata comperies, eos intermittente laborasse, inde vero & incommodis ventriculi, & hypochondriorum conflictari.

2) Urina subrubram & levem subsidentiam habens, in pleuriticis securam judicationem significat. Vidimus exemplum pleuritidis hac urinæ specie judicatæ.

3) Urinæ in peripneumonia crassæ in initio, deinde attenuatæ, letale.

Peracto ægri examine omnia in unum quasi collecta inter se combinentur, conferanturque, ut inde & morbi species, & iudicium conveniens innotescat. Id adhuc notandum est, quod is maximum emolumentum, laborisque impensæ præmium sit relaturus, qui omnia, quæ per ægroti ipsius narrationem, & ipso examine constituerunt, in chartam breviter, & succincte conjiciat, morbi que progressum ac finem sedulo adnotet. Si enim plures, unius ejus-



demque morbi historias collegerit, easdem inter se comparaverit, canones practicos inde deducere, & aphorismos formare potest. Hæc erant præmittenda circa methodum instituendæ anamnesis, & examinis ægrorum.

---

# SECTIO III.

---

M E D I C I N A

I N

CASIBUS INOPINATIS.



SECTIO III

DE PISCINIS

ET

DE AQUA

---

## MEDICINA

IN

### CASIBUS INOPINATIS.

---

**I**† *Submersi.* 1. Non valide concutiendus est.  
2. Non suspendendus ex pedibus. 3. Venæ-  
sectio in vena jugulari. 4. Inflare aërem,  
vel fumum nicotianæ in pulmones ope fol-  
lis, ore humano, fistula, & bronchotomia.  
5. Inflare aërem simplicem, ope folliis, fistu-  
larum tabaciarum. 6. Frictio, dentis ve-  
stibus madidis, & adpositis aliis ficcis, &  
calefactis. 7. Situs capite modice elevato,  
seu, corpus sit in plano inclinato.

Moriuntur ob sufflamminatam pulmo-  
num actionem; hæc autem aboletur ob

T 4

aquam



aquam in pulmones attractam, quæ tamen ibidem non sub forma aquæ, sed potius sub forma spumæ deprehenditur; subinde tamen prorsus nihil est repertum in pulmonibus. Aqua in ventriculo aut nulla est aut saltem non nocet.

A sufflata pulmonum actione *apoplexia*; hinc primo *peripneumonia*, dein *apoplexia* fit.

Inflatio oris pededentim fiat, & cum levi thoracis alterna frictione.

Fumus nicotianæ ore retentus, per fistulam & in anum, & in pulmones potest immitti.

Nihil infundi in os debet, antequam iterum possit deglutire.

Naribus spiritiosa, item fumus nicotianæ adhibendus.

Diu pergendum, etsi jam adsint vitæ signa.

Corpus calefaciendum est calidis vestibus, arena calefacta, sale, cineribus; non autem cubiculo calefacto.

Deglutienti infusum florum sambuci cum oximelle squillitico dandum, item leve infusum aromaticum.

Sub-

Subinde vomitus in jam resuscitato prodest, & vitam vacillantem confirmat.

Jam resuscitati diversimode debent tractari pro diversa affectione: subinde venæ sectio, subinde excitantia, subinde nervina indicantur.

Si sint & submersi, & frigore glaciali enecti, primo tractari debent ut *conglaciati*, de quibus postea, & dein ut *submersi*.

II. *Suspensi*. 1. Cautè a fune liberandi. 2. Situs sit semierectus. 3. Vestes arctiores laxandæ. 4. V. S. jugularis. 5. Sanguine non fluente scarificatio ad nuchas, retro aures, ad tempora. 6. Facies aceto & aqua frigida conspergenda. 7. Inflare aërem calidum in pulmones, & si id per os fieri nequeat, fiat bronchotomia. 7. Acria enemata. 8. Aër ope follis in anum inflandus. 9. Moderata frictio. 10. Naribus spiritus volatiles admo-  
vendi, si modo incipiant vitæ signa dare; item acetum calidum, jusculum cum pau-  
xillo vini, infusa leviter aromatica. Tandem pro ratione symptomatum supervenientium curandi.

III. *Recens nati apparenter mortui*,  
1) a funiculo umbilicali, 2) ab ore uteri-



no strangulati; 3) ob iniquum situm violenter versi; 4) forcipe, recte pressi; 5) mucus faucium suffocati; 6) partus diuturnus.

Horum status est *apoplecticus*; sunt *sugillati, lividi*, maxillis spastice compressis, aut vice versa: meconium profunditur.

Omnia tentanda, si modo de vita paulo ante praesente constet.

Hinc 1) immisso in fauces digito mucus excipiendus, fauces irritandæ.

2) Alterna lævi thoracis, & abdominis pressio cum frictione.

3) Funiculi abscissio, ut mutatio circuli incipiat.

4) Mitti sanguis debet ex funiculo abscisso, ad cochlear majus, vel duo, vel tria.

5) Sanguis ex funiculo deligando non est versus infantem urgendus.

6) Aëris calidi in *pulmones* inflatio, item in *anum*.

7) Sæpe invertendus est infans, ut pronus ferme cubet, ut mucus excidat.

8) Plurimum prodest balneum calidum, subspirituosum, vinosum.

9) Spirituosa naribus.

10) Infusum leviter aromaticum cum oxymelle squillitico deglutiendum.

11) Frictio tunc in resuscitato spirituosâ.

12) Frictio placentæ pedum.

13) Suctio mammarum infantis.

At debiles, ob valetudinem matris prægressam, ob hæmorrhagiam, omnia priora petunt, excepta sanguinis missione.

IV. *Infantes suffocati stragulis.* Mos utricum. 1) Tunc venæ sectio jugularis.

2) Inflatio aëris in *pulmones & anum.* 3)

Pressio alterna abdominis & thoracis. 4)

Omnia prius enarrata. 5) Oxymel squilliticum cum infuso sambuci.

V. *Suffocati vaporibus carbonum*, fermentantis vini, cerevisiæ, hydromellis, aceti: tunc 1)

Aeris puritas & libertas requiritur, ægri auferendi, aut portæ aperiendæ. 2)

Venæ sectio, spiritus salis ammoniaci ad nares, ut faucium ac maxillæ spasmus solvatur. 4)

Inflare aërem, aut bronchotomia. 5) Faciem conspergere aqua,

& aceto frigido. 6) Frictiones. 7) Scarificatio nuchæ. 8)

Inflare aërem aut fumum nicotianæ in anum. 9) Acria enemata. 10)

Inter-



Interne spiritus salis ammoniaci dilutus, & analeptica.

VI. Si sint *vapores putridi*, nosocomiorum, cryptarum, cloacarum, puteorum, cellarum &c., tunc emendandi hi vapores exploso sclopeto, accenso sulphure, aceto accenso; tunc etiam prius nominata profunt, & ipecacuanha, aut vitriolum album; item posca frigide pota, limonada.

Aegri ex cryptis extrahendi 1) Instruementis. 2) Prius exploso sclopeto. 3) Ab homine, qui pannis aceto madidis, & ori obvolutus ingreditur.

Tamdiu non est tutum ejusmodi cryptas aut loca conclusa ingredi, quamdiu injectus ignis, aut ardens candela exstinguitur.

Prodest quoque ejusmodi loca lustrare affuso lixivio ex aqua, cineribus, calce, sale comuni parato; item fumo accensi acetii, accenso pulvere pyrio, accenso sulphure.

Quod si quis ingredi debeat locum vaporibus vini fermentantis plenum, is prius pannum ori obvolvatur alcalino lixivio madidum, adjecto spiritu vitrioli dulci.

Nosocomiorum aer ingredientibus non nocet, si aceto accenso lustretur; idem illi

observent, qui inter cadavera debent multum, & diu morari.

Vapores volatissimi rerum grate odoriferarum irritabiles homines sæpe lædunt, inde leipothymia & mors. Odor florum &c. Prodest tunc 1) aër renovatus : 2) odor inopinatus aliarum rerum e. g. asæ fœtidæ, accensæ ungulæ, pilorum accensorum fœtor, item plumarum, corii, allii odor; camphora.

Vapores metallici multos suffocant; eadem præsidia hic locum habent, quæ supra commemorata, ubi de periculo carbonum, vini fermentantis dictum est; verum his auxiliis præmissis promptum emeticum indicatur; ipecacuanha, vitriolum album; infusum nicotianæ ano injectum.

Vapores plumbi enervat victus ex butyro, & aliis pinguibus, vomitio, purgatio.

VII. *Venena.* Venenum subinde hauritur ex improvise; arsenicum, mercurialia acriora, mercurius sublimatus corrosivus, viride æris ex vasis cupreis, cobaltum, smaltum, nux vomica, cicuta aquatica, hyosciamum, opium, aliaque plura.

Ut



Ut determines, quid potissimum agere oporteat in veneno quoque etiam ignoto, (sæpe enim id ignoramus,) necessum est effectus *multiplices* assumpti veneni considerare. Vel enim 1) mox ab assumpto veneno adest vomitio, ardor oris, faucium, œsophagi, ventriculi, abdominis dirus, item dejectio cruenta; brevi tunc singultus, sudor mortualis, & ipsa mors sequi solet.

Si venenum assumptum prædita ratione agere incipiat, tunc illico 1) copiosus potus mucilaginosus sumatur ex jusculis carneis, lacte, butyro, oleo; pluris hæc sunt, quam simplex aqua. 2) Enemata oleosa, emollientia, fomenta tepida abdominis, & semicupia. 3) Cave cane pejus & angue ab emetico, nisi forte statim rescias, te venenum assumpsisse, ita, ut emetico id possis excutere, priusquam illud acerrima, & rodente vi agere incipiat; verum tunc plumula, oleo, excitari debet. 4) Subinde & venæ sectio indicatur, indirecte quidem.

Venena vegetabilia facilius & tutius dato emetico excutiuntur, quam venena acrida, rodentia, chemica.

In assumpto arsenico, mercurio corrosivo, ærugine æris, potus sit lixiviosus, ex aqua communi & sapone veneto, vel & simplicius ex aqua & sale tartari, lixivium cinerum communium cum lacte.

Mercurius inunctus intempestive, & nimia dosi in lue, contra pediculos, scabiem, tormina gravia, vomitum, speciem dysenteriae &c. tunc potus lactei, tepidi, mucilagines, & balnea tepida.

Venena *narcotica* vegetabilia 1) requirunt venæ sectionem, cum vim habeant apoplexiferam. 2) Generosum emeticum. 3) Acida vegetabilia. Talia venena sunt opium, belladonna, hyosciamus, & multa alia. Mors est sicut in apoplexia sanguinea, pulsus fortis, plenus, tardus, respiratio lenta, difficilis, sopor &c.

Mallem mediante injectione, vel tubo solutionem vitrioli albi in ventriculum demittere, vel eandem in anum injicere, quam decoctum nicotianæ, cum ipsum quoque sit narcoticum; acria alia præplacent.

Narcotica venena etiam nocent solo odore suo viroso: si quis e. g. diu versetur aut dormiat in tali loco. Eadem medela est.



Venena alia quædam in vias agunt urinarias e. g. cantharides, ardorem, mictum cruentum inducentia. Balnea; emulsa tepida; venæ sectio.

Acida mineralia concentrata per errorem epota, enervantur potu multo aquoso, & mucilaginoso, item lixivioso.

Fungi, præcipue venenati, ova putrida, carnes putridæ comestæ instar veneni agunt; tunc emesis sola prodest; & acida, e. g. posca, acetum.

Acus deglutita poscit potus acidus, ut ea brevi obducatur rubigine, præcipue in apice; item, cremores, pultes; cremores & pultes valent etiam in deglutitis frustulis vitri; periculosum esset evacuans.

In morfu canis rabidi: 1) ure locum demorsum, aut muria salis communis illum ablue. 2) Totum membrum fove fomento oleoso. 3) Cura nervina, moscho, camphora; 4) Vesicantibus largis; 5) mercurio, 6) specificis.

Vene-

Veneni instar agit subinde frumentum recenter collectum, nec bene siccatum; oritur sensus formicationis in artubus, contracturæ, & convulsivæ contractiones digitorum, cum rigiditate immobili per omnem sæpe vitam; convulsiones, mors. Mense finita inter rusticos, eosque pauperiores hic morbus subinde observatur. Curatur 1) pane meliore, paratoque ex farina melioris frumenti; 2) emesi validiore, iterata, præmissis solventibus, resolventibus; 3) balneis; 4) camphora; 5) ferulaceis, amaris.

VIII. Aliud mortis genus est illorum, qui bolo intra œsophagum hærente incipiunt suffocari. Moriuntur ideo, quod bolus hærens urgeat asperam arteriam antrorsum, eaque ferme compressa spiritum intercludat, vel quod œsophagus irritatus ab hærente bolo in consensum simul trahat caput asperæ arteriæ, & rima glottidis æque spastice contracta claudatur.

Fit in pueris voracibus, clanculum vorantibus, item si globulis ludant, eosque

U

ore



ore volvunt ; item si inter manducandum rideant, loquantur ; si boli medicamentosi propinentur. Pisces pueris non dentur.

Cura fit per chirurgum, qui hamulo, forcipe, aut aliis instrumentis, hærentem bolum excipit vel detrudit.

At chirurgus non præsentem alii rem agredi debent ; mediante *cereo tenuiori* detrudendum corpus hærens est in ventriculum.

Commestibilia corpora potius *detrudenda* sunt, quam *extrahenda*. At non commestibilia & simul ventriculo inimica in casu necessitatis tamen sunt detrudenda in ventriculum ; æger vero tractandus est tanquam is, cui venenum datum est.

Potus simul *lubricantes* dandi. Pulsandum dorsum est, ut hærens corpus in motum ducatur ; carpento per strata viarum, eoque rudi, vehendus est æger motu pernici.

Si nil profeceris, & metus sit præsen-  
tis suffocationis, tunc 1) venæ sectio larga;  
2) emeticum promptum, solutio nempe  
tartari emetici, aut vitrioli albi, faucibus  
simul irritatis; 3) enema ex fumo nicotianæ,  
aut ejus infuso. 4) Vomitus fuit factus in-  
fusione in ipsas venas emetica.

IX. *Conglaciati* (Erfrorne) sæpe & præ  
aliis in vitam revocantur, & post complu-  
res dies. Hoc ut obtineas, 1) cave, ne in  
locum calidum ægrum deportes, tunc enim  
gangræna & mors. Exemplum a pyris &  
pomis conglaciatis. Revocati diutius a lo-  
co calido abstineant. 2) Conciliari *levior* paulo  
frigoris gradus debet, quam is sit, qui ho-  
minem enecavit, atque ita, per gradus & sen-  
sim, pristinus calor concilietur; 3) hinc in  
cubiculum frigidum hominem deducas, ibi-  
que exutum involve nivibus, aut impone  
balneo frigido glaciali. 4) Lenes frictiones  
mediante nive, aqua glaciali. 5) Si in itine-  
re id contingat, ubi sub rectum reduci æ-  
ger nequit, sub dio totum erit peragendum,  
& corpus tunc fricandum; 6) redeunte vi-  
ta venæ sectio, & antiphlogistica metho-



duſ indicatur; 7) univerſim poſtea ita tractandi, uti ſolent inflammati, uti in apoplexia ſanguinea, aut vera pulmonum inflammatione. 8) Si ſolum pars corporis, auriculæ, naſus, pedes, aut pedum digiti vim frigoris patiantur; opus, 1) abſtinere ab unguentis, emplaſtris; 2) fricare aqua frigida, nive; 3) ſubinde venæ ſectio.

Caveant itinerantes, ruſtici præcipue, 1) a potu vini, ſpirituum ardentium; 2) a quiete ob laſſitudinem; 3) a ſomno capiendō; qui indormit, certo perit.

X. *Fulmine tacti*, mortem, ſi negligantur, apoplecticam obeunt, ſugillationes patiuntur.

Eadem ratione in vitam revocandi ſunt, ac ſuſpenſi, ac ſuffocati fumo carbonum &c. 1) Venæ ſectio jugularis; 2) inflatio aëris in pulmones, anum; 3) enemata nicotianæ; 4) frictio; 5) tandem nervina, ſi revivixerint.

XI. *Ex alto delapsis*, & apparenter mortuis larga venæ sectio jugularis, & reliqua prius nominata. Acetum sambuci cum ejusdem infuso; infusum florum arnicæ, venæ sectio.

XII. *Ebrii* subinde habentur tanquam apoplectici. Ebrietas summa in apoplexiam transit. Ejusmodi apoplexia curatur: 1) evacuatione systematis sanguiferi; 2) systematis gastrici, uti in assumpto veneno narcotico; venæ sectio, irritatio faucium ad vomitum, emeticum. Potus aquæ simplicis cum absorbentibus. Cavendum tamen, ne medicus *Ebrium* pro apoplectico habeat, ne sese risui exponat.

XIII. *Ira* gravis, quam Poëta *brevem furorem* nominavit, homines apoplecticos reddit. Tum 1) summa rarefactio, & 2) eorum impetus ad caput. Venæ sectio; posca; deinde levis diarrhæa, aut vomitio prodest; os etiam amarefcit.

XIV. *Terror* epilepticos, convulsos facit, maxime infantes. Spiritus cornu



œvri simplex & anisatus, frictiones, balnea tepida. Pessima est epilepsia a terrore.

XV. *Epileptici* ferendum auxilium; ær liber; cautela, ne lædantur in pavimento, ne linguam commordeant; robustis vero venæ sectio. Digni non violenter exporrigendi, uti tamen mos est.

---

# SECTIO IV.

---

QUÆDAM

AD MEDICINAM FORENSEM

PERTINENTIA.





---

QUÆDAM  
AD MEDICINAM FORENSEM  
PERTINENTIA.

---

*Partus maturus.*

**A**d solvendas plures quæstiones, hæreditatem ut plurimum concernentes, plurimæ erunt notanda; & sequentes quæstiones præmittendæ sunt; scilicet:

1. Quinam termini sunt graviditatis, aut intra quantum temporis maturus partus fieri potest? Respondeo: intra 38vā septimanam usque ad 40am.

2. Quando partus præmaturus dicitur? Resp. Tunc, quando ante 38vā fœtus excluditur,



ditur, is tamen fœtus status sit, ut, cura diligenti habita, vita ejus prolongari possit.

3. Causæ parrus præmaturi multiplices quæ? Respondeo: terror, animi pathema grave, hæmorrhagiæ, uteri præprimis morbus tempore graviditatis; nativa imbecillitas; diurnus fluor albus, & chlorosis; frequentiores & intempestivæ venæ sectiones; purgantia crebriora; emenagoga; plethora, febris, vis externa; vomitus multus violentus &c.

4. Quandonam abortus dicitur? Respondeo: ubi vita, utut omni adhibita diligentia, non potest continuari ob nimis imperfectam pro vitæ continuatione corporis evolutionem. Id fit ante septimum mensem. Hinc fœtus septimestris est vitalis censendus, siue dein vitam actu protrahat, siue postmodum vivere desinat: sufficit fœtum vivere posse. Hinc septimestris fœtus, & magis adhuc octomestris fieri potest hæreditatis capax; diceturque non *abortus*, sed *parrus præmaturus*. Hinc scitur, quid sit *parrus vitalis* & *non vitalis*.

5. Quæritur, quæ sit distinctio quoad functiones & signa externa inter fœtum maturo

matureo partu, & fœtum præmatureo partu exclusum?

Fœtus maturus ex sequentibus dignoscitur; scilicet: pondus maturi fœtus est a libris VI. ad IX., pro ratione magnitudinis parentum, vel ipsius nationis. Infantes recens nati, populorum maxime septentrionalium, minus ponderant, & statura multo sunt minores, quam nostris in terris; apud nos enim longitudo recens nati & maturi infantis est a 15 pollicibus ad 21; infra 14. pollicem apud nos fœtus est immaturus.

Color corporis maturi infantis est dilute rubescens; corpus infantis immaturi intense rubet, cum livore; plantæ pedum præcipue, & volæ manuum purpurascunt.

Infans immaturus pilos habet, & in genis & per dorsum multo plures & majores, quam maturus.

Infans maturus corpore est pinguiusculo, pulchro, & ad attactum solidiusculo; immaturus infans macilentus est, rugosus, & senili facie; membra attenuata, macra, aures diaphanæ, & lingua prærubra.

Infans præterea immaturus, & masculus, testiculos habet, vel in abdomine adhuc reconditos, vel hærentes in inguine;

matu-



maturus vero in scroto, rarius in abdomine aut inguinibus.

Ungues infantis maturi sunt duriores, minus flexibiles, prælongi, & rubentes; immaturi infantis ungues breves sunt, vix lineam longi, extremum articulum non penitus degunt, purpurascunt.

Fontanella minus ampla in maturo infante, ampla valde in immaturis. Capilli capitis in mortuo sunt crassi, & obscuri coloris; in immaturo vero molles, teneri, albi, ad instar cannabis.

Maturus infans oculos statim attollit, circumfert; vox elata, & vagitus fortes; mammas apprehendit. Immaturus autem oculos ferme semper clausos habet, dormit perpetuo ferme. Valde immaturi habent adhuc pelliculam illam *Wachendorfsianam* dictam, quæ pupillam claudit; nullum, nisi perobscurum vagitum edit; extrema frigent ob vim vitæ admodum debilem; nec minimum frigidioris aëris contactum impune fert; hinc ejusmodi fœtus immaturi multo calore foveri debent.

Diversi perfectionis aut imperfectionis gradus sunt. Interim ii solum possunt juxta observationes vitam continuare, quibus  
duo

duo tantum menses ad perfectam maturitatem defunt. Hinc vitalitas incipit in mense septimo finito, aut propè finito; hinc etiam hic incipiunt esse hæreditatum capaces, & *verum infanticidium* primum fit in fœtu septimestri excluso, non autem in per abortum non procuratum excluso.

*Ludwigius* vitalem etiam pronuntiat eum, qui *initio* septimi mensis natus est.

6. Quomodo scitur fœtum exclusum fuisse septimestrem, casu, quo is post partum fuisset mortuus, & de hæreditatis capacitate quæreretur?

R. Vitalis fœtus respirationis effectus prodit: 1) Aliquo vagitu; 2) Suctione papillæ. 3) Assumptione fluidi oblatis. Ex temporis computo vix certi quid potest definiri.

7. Partus serotinus, quousque extenditur? Leges viduis hac in re favent; senioris partus exempla prostant; leguntur exempla tridecimestris fœtus. Consuetudo varia; ad 11mum, 12mum, quin & 13mum mensem subinde prorogatur. Idque variat in diversis regionibus.

8. Quæstiones juridicæ hæ sunt: 1) An fœtus exclusus maturus sit, nec ne?

Sig-



Signa diagnostica supra dedi; 1) Si immaturus, an tamen vitalis censendus sit, id est capax vitæ continuandæ, sive continuerit dein, sive non, id est, an capax sit hæreditatis? quæstio ex supra dictis solvitur; 3) an fœtus sit imo. post patris mortem mense exclusus sit filius defuncti legitimus? 4) an fœtus exclusus ante tempus, & dein occisus per matrem, eam fecerit infanticidam.

Sed & de fœtu maturo quæstio juridica multiplex moveri potest; scilicet: 1) an fœtus vivat actu, ob exiguam vitæ scintillam? dubitatio hæc movetur ob baptisma; 2) An, si non vivat actu, tamen antea vixerit? etiã id scire opus est sæpe; signa asseremus alibi, unde desumi debet, adfuisse vitam.

Verumtamen non tantum de vita fœtus quæritur, sed etiã de ejus sexu; secundum longitudinem quasi distenta urethra virilis vulvam mentitur, & prominens clitoris penem.

An monstrosus fœtus baptisari debet? an monstrosus fœtus jure bene formati hominis gaudet?

*Abor-*

*Abortus procuratus.*

His perpenſis gradum faciemus ad aliud medicinæ forenſis caput; agemus de vario homicidio, & viſ illatæ æſtimatione. Exordium fiat a ſpecie quadam homicidii, cum gravida fœtum adhuc immaturum quacunque ratione occidit, procurando abortum.

Abortum diximus, immaturi fœtus, qui vitam continuare ob defectum ſufficientis evolutionis non poteſt, excluſionem.

Abortus ſæpe absque matris culpa fit; ſubinde vero ſtudio procuratur, tuncque res ad judicem deferitur. Multæ hodiedum matres ſunt, apud quas abortus procuratio impunis eſſe ſolet, atque multum uſitata.

Ultimis reipublicæ romanæ temporibus, & magis adhuc ſub primis Romanorum imperatoribus, vigente paganismo, matronæ abortum ſolebant procurare, ne incommoda diuturnioris graviditatis, partus, & educationis ſubire cogantur.

Abortum procurat vel ipſa gravida, vel alius quis, qui abortiendi anſam ſuppeditat.

Duplex



Duplex modus est occidendi fœtum immaturum; scilicet: 1) si quis, vel quædam fœtum in utero adhuc conclusum enecet; eritque proprie *aborticidium*; fœtus in utero mortuus brevi excluditur: rarissima exempla sunt fœtuum mortuorum per multos adhuc annos in utero gestatorum, tandemque excretorum. Vel 2) si quis vel quædam fœtum data opera ante tempus vivum ex utero, tanquam ex suo domicilio exturbet, ubi, etiam si per aliquot momenta vivat, vel & per horam, ac ultra, tamen necessario peribit.

Videamus primum modum occidendi fœtum in utero ipso materno. Notum erat vel ipsis antiquis instrumentum, quod *embryosphacten* appellabant: quasi diceret *Embryonum occisorem*, cujus opẽ, nefandum certe, & execrabile scelus, innocentulum infantem occiderunt, cum id intra ipsum uterum adigerent. *Brendel* in *Eph. N. C.* de ancilla narrat, quæ acutum stylium ferreum intra uterum immisit, & fœtum seque ipsam, cum uterum læderet, occidit. *Schurius* narrat, infantem in utero matris existentem fulmine fuisse occisum, illæsa matre. Quid, si nefasta manus fulmine

mine artificiali uteretur, igne videlicet electrico, cujus ictus matrem haud læderet, attamen infantem enecaret.

Vis externa illata, compressio, lædere fœtum, quin & occidere potest.

Fors medicamenta, aut quædam venena dari possunt, quæ matri non, aut perparum, attamen fœtui nocent, eumque occidunt; illa præcipue venena, quæ reliquis intactis, sanguinem petunt illico.

Fœtum, saltem indirecte, occidit nutritio subducta infantis, quod fit: 1) multis venæ sectionibus; 2) lactando nimis diu; 3) inedia; 4) salivatione.

Nosse quoque juvat nefandas methodos abortum procurandi, ut, si id contigerit, de eodem aptius decidamus.

Abortum ergo procurat lapsus, ictus, verbera ad abdomen, lumbos, dorsum &c. vomitus drastici concitatus; sternutatio frequentissima, & violenta, qualem facere solet euphorbium; risus, tussis, clamor, saltus, vis electrica; ponderum elevatio, stranguria, tenesmus, alvus dura; arcti thoraculi, emenagoga, (an talia dantur)? Abortum faciunt ea omnia, quæ sanguinem copiosius invitant ad uterum, ejusque



vasa relaxant e. g. femicupia, clysmata emollientia, & injectiones tepidæ.

Ancillæ rusticanæ venam in pede secant, ut sanguinem ad uterum invitent; dubitatur de hac specie derivationis. Compressio *arteriarum* cruralium, ut sic minus sanguinis feratur ad extremos pedes, & plus ad vasa uteri vicina, quam methodum menstrua restituendi *Hamilton* in observationibus Edinburgensium descripsit. Equitatio multum sanguinis ad partes genitales derivat. Irritatio quævis uteri, aut partium utero vicinarum, frictio scilicet pudendorum, irritatio osculi uterini, frictio abdominis; drastrictum purgans ex aloë, resina jalappæ, colocynthide, scammonio. Item diuretica, maxime cantharides. Frigus; pessi acres, quos ad expellendas secundinas *Hippocrates* suasit. Coitus frequentior tempore graviditatis, teste *Manningham*, abortum sæpe facit. Vigiliæ, iræ, terror; hysteria.

Tempus, quo facillime abortus præ alio quocunque tempore procurari potest, est, teste *Hallero*, circa tertium mensem, ubi bis jam legitima menstrui sanguinis excretio cessavit.

Con-

Contingit, ut persona quædam judici deferatur, vel, quod ipsa abortum procurarit sibi ipsi, vel alteri vim intulerit, aut remedia abortiva propinarit; hinc variæ quæstiones nascuntur:

1ma est, an re ipsa persona accusata fœtum immaturum ediderit, nec ne; an scilicet non fuerit mola.

2da, si abortiverit hæc persona, an abortus hic sequebatur ex actibus studiose positis, vel vero ex causis involuntariis, & inevitabilibus.

3tia, quod si constet, causas abortus ab ipsa gravida studiose positas esse, quaeritur, an eæ causæ fuerint tales, ut *necessario* post se abortum traxerint.

4ta, si certæ actiones abortum caussarunt, an gravida has actiones posuit ex ignorantia, inadvertentia, casu fortuito, vel vero animo malo, & abortum procurare studiose volente?

5ta, an eo tempore, quo gravida sibi abortum consciverat, an, inquam, eo tempore fœtus jam erat animatus? Hæ sunt quæstiones, ad quas singillatim respondebimus.



Ad 1am quæstionem, an re ipsa persona abortiverit, respondeo: 1) probari abortum ex ipso corpore delicti, sive fœtu excreto; 2) ex signis graviditatis aliunde petendis, quæ antea adfuisse constat, nunc vero defunt; 3) ex doloribus partus, qui etiam in abortientibus iidem sunt. Cave ne suppressa menstrua, & abdomen intumidum, ortum demum sanguinis ex utero profluvium, & mola exclusa abortum mentiatur. Signa graviditatis alibi dabimus.

Ad 2dam quæstionem, an abortus sit effectus pravarum artium, an vero effectus causarum inevitabilium, respondeo: id determinari ex aspectu fœtus abortivi vix, aut nunquam posse, nisi forte vi valida, & percussione in gravidæ abdomen facta, vestigium quoque in fœtu deprehendatur, aut nisi gravida ipsa, ope instrumenti, in proprium fœtum sævierit. Reliqui modi abortum procurandi nulla in ipso fœtus corpore læsionis vestigia relinquunt. Interim magna probabilitas abortus procurati *studio* dataque opera nascitur ex sequentibus.

1) Si persona accusata signa graviditatis antea habuit, quæ ipsa occultare conabatur.

2)

2) Si hinc inde conquissiverit methodos varias abortum procurandi.

3) Si insolitos quosdam, gravesque peregerit labores, quos antea renuebat, uti, si gravia onera gestavit; saltus; equiratio.

4) Si absque sufficiente ratione, medico non consulto, venam sibi secuerit, idque maxime in pede,

5) Si intempestive a chirurgis, apothecariis, sæpius *fortia*, *emmenagoga* petierit.

6) Si ejusdem remediis fuerit clam usa.

7) Si emetica valida, & purgantia sæpius absque sufficiente ratione assumpserat, & non consulto medico.

Ad 3tiam quæstionem, an nempe abortus ex hac vel illa causa necessario debuerit sequi, respondeo: nullam esse causam, qua posita necessario debeat abortus sequi, nisi si ipsam, mediante stylo ferreo, in utero occisionem excipias.

Sed & 4ta quæstio difficillime solvitur, an nempe gravida causas has abortivas posuerit studio, & intentione directa foetum occidendi, vel an ex inadvertentia; hæc disquisitio magis ad judicem pertinet.



Ultima quæstio medicum maxime concernit, an nempe fœtus eo tempore, quo mater abortum tentabat, vixerit? Determinatio pœnæ inde dependet, cum, si fœtus nondum vixerit, procuratus fœtus mortui abortus pœna careat; præterea, si fœtus antea vivens, nunc in utero matris moriatur; abortus postmodum procuratus pariter imputari matri nequit.

Cum Philosophi peripatetici recentiores statuerint, fœtum non omni graviditatis tempore animatum esse, sed animum in ipsum serius transfundi, statutum in jure criminali Cæsaris Caroli V., ut capitis pœna plectatur is, qui, vel quæ, postquam fœtus jam fuerit animatus, eundem abortu procurando abegerit; secus vero & mitius agatur cum ea, quæ fœtum expulerit nondum animatum. Quid ergo de tempore, quo animari fœtus debet, statuendum? Respondео: fœtum a primo conceptionis momento vita gaudere, hinc quocunque graviditatis tempore verum re ipsa homicidium fieri. Interim, cum hæc fœtus vita nullis signis externis prodatur, nisi post 16. septimanam, aut circa 20am, ubi tener fœtus motus musculares exercet, matri sat per-

ceptibiles, constabit tunc *certo* & luculenter fœtum abortus tempore vixisse. Sed unde aut medicus, aut iudex sciet, fœtum jam edidisse motus? an sufficiet abortientis confessio, cum spasmi, tormina, flatus toties fœminis imponant pro motu fœtus in utero? Respondeo: solam abortientis confessionem utique non sufficere; inspicere fœtum ipsum abortu exclusum debere; si enim is sit expers putredinis, si & pondus, & longitudinem habeat, quam plerumque mense graviditatis quinto in fœtu deprehendimus, si forte exclusus fœtus jam respirationem unam alteramve peregisset, ut pulmo aquæ jam innatare deprehendatur, fœtum abortus tempore vere vixisse, & aborticidium fuisse commissum, statuendum foret. An non sufficit progressus graviditatis ad demonstrandam vitam fœtus, etsi nulli adhuc motus sentiantur? Respondeo: non; quia paulo ante abortum procuratum fœtus potest esse mortuus.

Ex his rationibus persona quædam, quæ vel sibi, vel alteri abortum procuravit infra ætam septimanam, a pœna capitis absolvitur; quæ vero post dimidium graviditatis tempus studio sibi abortum con-



scivit, si modo de fœtus vita ante abortum sufficienter constet, capitis supplicium incurrit.

An nullo in casu promovere abortum licet? quid si hæmorrhagia adsit ex soluta alicubi placenta, an obstetricanti procurare abortum non licet? Respondeo: non licet abortum procurare, sed abortum imminentem, & incipientem, servandæ matris gratia, licebit accelerare.

### *Infanticidium.*

Hucusque de aborticidio, nunc de infanticidio. Ut iusta in infanticidam inquisitio fiat, inquirendum est:

1) In graviditatem, ejusque signa, an persona accusata re ipsa fuerit gravida?

2) Inquirendum est, an persona accusata eos characteres exhibeat, quibus puerperæ dignoscuntur?

3) Inquirendum est in ipsum corpus delicti, sive infantem occisum.

Quod ipsum infantem mortuum concernit, quæritur: 1) An morte violenta obierit? 2) Quodsi morte violenta obierit, qua mortis specie obierit? 3) An mors in-

fan-

fantis hujus necessario actioni cuidam puerperæ debetur, an vero etiam sequi per se, & ex causis inevitabilibus potuisset? 4) Et si infans absque illata vi fuerit mortuus, quæritur, an adhibita diligentia non potuisset a morte præservari?

Ad solvendam primam quæstionem, an scilicet infans fuerit mortuus violenta morte, inquirendum est in signa læsionis. Interim non omnia læsionis signa, uti sunt vulnera, ictus, rupturæ, contusiones, violentam mortem indicant; quippe si vulnus ictusque absque sugillatione sit, & absque inflammatione, læsio non vivo fœtui, sed jam antea mortuo erat illata. Hoc discrimen inter vulnera homini viventi adhuc aut jam mortuo inflicta, *Paræus* & *Zachias* dudum observarunt.

Sed ponamus, ex ipso læsionum externo habitu constare, viventi fœtui illatam vim esse, tamen alia nascitur quæstio, an scilicet ante, vel in, vel post partum vis hæc & mors violenta fuerit illata?

Ante partum vulnera capitis præcipue infligi possunt, praxi illa execranda, quæ stylum ferreum intra uterum in calvariam fœtus adigit. Quod si ossa quædam fracta



in fœtu deprehendantur, quæritur, an in ipso utero existens fœtus hanc vim potuerit experiri, quod credibile non est, cum membranis conclusus & aquæ innatans fœtus ejusmodi injuriam haud facile patiatur; an hæc fractura ab imaginatione matris, aut a prava cōformatione proveniat? Verum margines fractorum ossium, & recentes sanguinis suffusiones demonstrabunt, potius esse ab illata vi, quam a prava cōformatione, aut læsa matris imaginatione.

Sed & sub ipso partu multiplici vi illata perire fœtus potest, e. g. strangulatione, quæ fit: 1) spastice constricto uteri orificio; 2) Funiculo umbilicali; 3) Fune aut manu nefando illata. Quomodo singula mortis species dignoscitur? Uteri orificium & funiculus cutem non lædit, lædit autem plerumque funis, aut manus; manus præterea inæquales facit, latasque sugillationes. 4) Pressione in fontanellam; verum intropressio fontanellæ fractura unius alteriusve ossis capitis caussari potest a pelvi nimis arcta, irregulari, ubi caput valide ad ossa pelvis apprimitur. Cave, sugillationes capitis in fœtu habeas pro signis illatæ violentiæ, uti *Roederer* prudenter monet. 5)

Avul.

Avulsam caput vim illatam ostendit semper, etsi subinde contingat absque prava intentione. 6) Mori sub ipso partu potest infans ob nimiam sanguinis jacturam, sive ea per infortunium contigerit, sive vero studio, dataque opera. Per infortunium contingit ob prævie avulsam placentam, ob abruptum funiculum umbilicalem. An studio abruptus funiculus fuerit, vel id ob partus difficultatem contigerit, major aut minor pariendi difficultas ostendet. 7) Ob inspiratum amnii liquorem sub ipso partu suffocatio oriri potest. Quomodo in suffocatione in aquis post partum facta, dignosces suffocationem ab amnii liquore? Liquor sæpenumero in bronchiis submersorum reperitur; liquor amnii igne coagulatur, aqua autem non. Ex hucusque ergo dictis colligi debet, an infans sub *ipso partu* perierit violenter, nec ne.

Post partum infans varia quoque ratione occiditur. Ut mors, infanti post partum primum illata, demonstretur, constare antea debet, an infans re vera vixerit jam extra uterum matris. Id desumimus maximam partem ex statu pulmonum longe alio post partum, quam fuerit ante partum. Etenim  
respi-



respiratio, quæ mox post partum initium sumit, pulmones explicat, levioresque reddit, atque, ut aquæ innatent, capaces, quales non sunt ante partum. Legimus quidem in *Schurigii Embryologia*, infantes in utero matris vagitum edidisse, quod utique absque respirationis negotio fieri haud posset; neque adeo sub ipso partu ob compressum thoracem respirabit. Hinc sequentia signa satis certo probant, infantes extra uterum vixisse; scilicet: si pulmo totus una cum corde in aqua multa pura natet. Pulmo ante aërem inspiratum gravis est, & fundum petit, post partum vero ob aërem contentum natat. Primo pulmo cum corde aquæ injicitur; secundo pulmo solus; deinde variæ pulmonum particulæ. Quodsi pulmones aquæ innatent, indubitate sequitur, aërem inibi contentum esse; jam per asperam arteriam immissus est, vel *evolutus* per putredinem.

Si nulla putredo subfit, & tamen aër insit, tunc vel ipse fœtus vivens illum inspirando haurit, vel alius quis adstantium flatu eum vel in pulmones immisit, quod sæpe fieri solet, ut debiles infantes, aut quorum vita dubia est, immisso aëre resuscitentur. Quod si itaque  
lesio

læsio, vulnus, sugillatio deprehendatur in fœtu, cujus pulmones *ex toto* natant, statui debet: fœtum vixisse, & viventi fœtui eam læsionem esse inflictam; interim tamen aër poterat fuisse studio immissus. Negavit *Ræderer* posse pulmones inflari, ut postea natent; affirmat *Bohn*, *Teichmayr*, *Morgagni*; & *Camper* peculiaria hac super re experimenta instituit.

Negat *Eschenbach* posse fieri; ut, infanticida studio aërem inspiret in pulmones fœtus; verum, an non fieri potest, ut puella clanculum pariens id faciat, etsi dein tanquam infanticida accusetur?

Dictum est, pulmones posse natare ob aërem putredine evolutum. An hæc ratio subsit, oportet videre, an signa putredinis sint etiam in reliquo corpore. Pulmo putridus natabit quidem, sed levi facta compressione subsidebit sanus. Pulmo non putridus infantis, qui jam vixit, etsi compri-matur, & facta compressione aquæ immittatur, nihilominus natabit.

Pulmonum subsidencia juxta multos probat, infantem neutiquam vixisse extra uterum matris; verum certum non est. Et-enim si respiratio fuerit debilissima, si aspe-



ra arteria , bronchiorum vesiculæ fuerint muco multo repletæ aut tuberculis obsessæ, pulmones infantis antea vivi subsident. Novimus morbum dari sub nomine peripneumonix pituitosæ aut infantilis notum, ubi pulmones multa pituita graves suffident; pulmones inflammati subsident, pulmones variolantium subsident; etiam in recens natis infantibus, juxta observationes *Wrisbergianas* & *Morgagnianas*, pulmones possunt esse scirrhusi.

Hinc singulæ pulmonum particulæ examinari debent, cum non omnes omnino partes soleant esse aqua graviores.

Quomodo dignoscantur pulmones suffocati infantis, a pulmonibus nondum viventis, vide l. II. epist. XIX. art. 46. *Morgagni de sed. & caus. morb.*

Præter probam pulmonum in aqua, sequentia adhuc docebunt, an infans vixerit.

1) Pulmones, quorum ope respiratio facta jam est, sunt pallide rubentes; obscure & profunde rubent ante inspirationem.

2) Attactus & densitas pulmonum ipsa contrectatione exploratur.

3) Pulmones, qui respirarunt, fere totum pericardium obtegunt; secus pulmones ante partum; *grave signum*.

4) Collapsa & sublidens fontanella, absque signis læsionis externæ, notat fœtum non prodivisse vivum.

5) Defectus tumoris illius, quem vertex capitis efformare in partu solet.

6) Defectus ullius sugillationis; cum sugillatio, sanguinis intra telam cellulosam effusio, solum in vivo fœtu locum habeat,

7) Major accedit probabilitas, si constiterit, quod mater graviditatem difficilem fuerit passa.

Hucusque consideravimus, quam varia ratione fœtus mori possit ex vi illata, ubi vis ejus illatæ signa in corpore fœtus comparent; demonstratum est, quantum doceat conspectus ejusmodi læsionum externarum.

Verum alii modi, quibus recens nati infantes ex vi illata mori solent, ubi nulla, aut vix ulla ullius læsionis externæ signa conspiciuntur. Quædam ejusmodi mortis genera recensebo. Sic frequens fit infanticidium, ubi admota manu respiratio prohibetur;



betur; ubi pannis obvolutus infans, aut intra lecti stragula absconditus, suffocatur; suffocati in aqua, cineribus, cloaca subinde reperiuntur. Execranda exempla habentur fœtuum occisorum acu intra calvaream adacta, per aurem, nares, fontanellam, tempora, intra thecam vertebrarum colli, dorsi; fuere qui longa acu intra anum immissa infantem occiderunt, ubi nulla externæ læsionis signa primo obtutu advertentur. Hinc adparet, quam adcurata omnium rerum perquisitione opus sit, si medico corpus ejusmodi occisi fœtus examinandum committatur.

Alius non infrequens casus occurrit, ubi fœtus obiisse dicitur, quod in ipso clandestino partus vel in terram decidisse, atque ex illo lapsu periisse dicatur, ex eo, quod partus cito, atque ex improvviso absolveretur. Possibilitas negari hujus casus utique nequit, nihilque inde contra puerperam concludi potest, si umbilicus præcipue ita sit constitutus, ut appareat, eum potius esse abruptum, quam aut cultro, aut forcipe absectum.

Præter hucusque memorata mortis genera, alius præterea modus reperitur, quo  
in

infans recens natus perire solet, si videlicet umbilicalis funiculi deligatio negligitur. Plures exstant variorum dissertationes, ubi in utramque partem acriter disputatur, ita, ut summe necessaria a plerisque ejus deligatio habeatur, ab aliis vero contrarium asseratur. Exstat *Schulzii* dissertatio *Halæ* ad annum 1733 edita, de non necessaria umbilici deligatione in recens natis; item *Schael* in eandem sententiam scripsit *Gættingæ* 1755. Afferuntur exempla animalium brutorum, funiculum foetuum suorum non ligantium, foetuum etiam humanorum, qui ob non ligatum ventriculum tamen non perierunt; quin possemus & nos exemplum afferre vitæ nihilominus continuatæ, etsi umbilici deligatio fuerit neglecta, cum viderimus præterita hyeme scēminam ante nosocomii portam in curru parientem, quæ suis ipsa manibus infantem recens natum, funiculo umbilicali non deligato, in collegium practicum deportavit viventem vegetumque, atque absque omni sanguinis profluvio. Afferunt etiam exemplum *Roedereri*, qui catellis recens natis funiculum penes umbilicum ipsum forcipe abscidit, nulla secuta hæmorrhagia, & viventibus catellis.



dium quoque multa alia ex anatomia atque ex physiologia deprompta afferunt, ad stabilendam hanc de non necessario ligando funiculo umbilicali sententiam.

Verum animalium brutorum exempla nil docent, solent enim illa funiculum diu commordere, contundere, & loco remotiore tandem dentibus contritum funiculum dividere; ea contusio facile vices ligaturæ subit.

Exempla allata vitæ nihilominus perdurant, etsi funiculi deligatio fuerit neglecta, rariora sunt, quam ut omnis neglecta deligatio possit innoxia esse, cum e contrario constet per innumeras observationes, fere semper mortem ex hoc neglectu sequi; quin imo funiculus umbilicalis in uno tantum loco ligatus, aut non probe, non satis valide constrictus, ansam hæmorrhagiæ præbuit letalis. Plura exstant exempla mortuorum infantum per id, quod deligatio funiculi post aliquot horas, quin etiam fuerit suapte relaxata sponte, cum letali sanguinis profluvio. Hinc etiam est, quare artis obstetriciæ scriptores in peculiari plerumque capite doceant, duplici in loco, atque valide utrobique funiculum ligare. Interim  
tamen

tamen sæpe ignorantia fere invincibilis accusatæ personæ patrocinator; etenim puella gravida, partus doloribus, quos prima vice experitur, oppressa, ob metum, ne prodatur, & pudorem, omnis sani consilii inops, ignara, quam curam recens natus requirat infans, mille animi pathematibus in transversum acta, de umbilici deligatione aut prorsus non cogitat, aut illam etiam, utpote primipara, penitus ignorat. Haud facile scemina reperitur, quæ utut jam sæpius ex thoro legitimo peperit, quæ illo temporis momento eam animi præsentiam habeat, ut de ligando umbilicali funiculo cogitet.

Sed ad aliam modo quæstionem devenimus, qua ratione ex infantis, ob non ligatum funiculum pereuntis, conspectu, & examine, determinare mortis speciem possimus, si infanticida forte mortui fœtus funiculum, emissio primum sanguine, ligaret. Examinandæ tunc sunt venæ majores, cava, pulmones, ventriculi dextri cordis auricula; vasorum autem arteriosorum inantio nil docet.

Pereunt præterea infantes: 1) Si una cum membranis, iisque conclusus nascatur;



2) Si una cum secundinis & placenta nascatur, & funiculus non solvatur; 3) Si aër non immittatur flatu in debilis infantis pulmones.

Vita tenuis non debet confundi cum effectibus irritabilitatis residuis. *Mauriceau* narrat historiam infantis, qui, cum aqua nimis frigida baptisaretur, periit.

### *Homicidium.*

Contingit, ut determinare medicus debeat, an vera adsit mors, nec ne. Casum ante paucos dies habuimus. Evenit id in fulmine tactis, in hystericis &c. Hinc signa veræ mortis recensebimus, deinde accedamus ad explicandam notionem letalitatis. (Signa mortis vera sunt:

1) Mortuus non respirat; pulsus cordis & arteriarum deest. Respiratio an adsit, apparet imo, ex motu thoracis alterno; 2do, vitro aquæ pleno ad pectus posito; 3. speculo, flammula, plumula admotis ori; verum speculum obnubilari etiam solet a cadavere adhuc valente. Pulsus etiam deficit, in corde in hystericis una cum respiratione, in syncope, asphyxia &c. In quibusdam animalibus

libus, ranis, & hirudine, per totam hyemem pulsus non observatur. Habentur exempla hominum, qui pro mortuis habebantur, & revixerunt. *Plinius* narrat consulem *Aviolarum* rogo jam impositum vitæ signa dedisse, attamen conservati haud potuisse, eoquod non satis cito flammis eripi potuerit. In collectionibus *Hamburgensibus* (*Hamburgischen Magazin*) Tomo 19, si modo plenam ea res fidem mereatur, narratur, infantem pro mortuo habitum, sepultum, & post 28 dies vivum repertum esse, fuisse baptisatum, & per 5 horas supervixisse.

2) Secundum mortis signum est, si motus voluntarii cessant; quidquid narratur de mortuorum in sepulchro editis vocibus, ad fabulas pertinet; & tota illa narratio ante aliquot annos per omnem Europam propagata de Vampieriis, sive de mortuis sepulchra relinquentibus, & alios trucidantibus, merissima fabula est.

3) Sensatio omnis perit. In casu dubio naribus spirituosæ, spiritus cornu cervi, aut spiritus salis ammoniaci admoveatur, auribus alta voce inclamatur, vellicantur carnes acubus, & viva flamma,



4) Mortui ordinarie frigent totò corpore. Hoc signum neutiquam sufficit, cum corpora mortuorum quorundam ob citam putredinem caleant; alii vero vivi totum corpus ad contactum frigidissimum habere possint.

5) Rigor sic dictus emortualis mortis signum est. Rigor observatur etiam in viventibus e. g. tetano correptis, & multi mortui, præcipue ex morbis malignis, omnino non rigent.

6) Oculorum mutatio. Splendorem oculi amittunt. Humor aqueus diffatur, hinc cornea collabitur, opaca fit; inter omnia veræ mortis signa hoc omnium erit securissimum.

7) Fætor cadaverosus non in omnibus observatur; mira sæpe, sed naturalis proprietas corporis est; dependet item a mortis genere. Fulmine tacti sæpe diu non fœtent. Ante aliquot annos disceptabatur, an absentia ejus fœtoris, & membrorum flacciditas per aliquot post mortem dies observata viribus naturæ debeatur, an miraculo? Ad determinandam ergo veram mortem omnia signa enarrata & collectim adesse debent.

Sæpe

Sæpe mors sequitur post illatam vim externam, vulnus, contusionem, fracturam &c., ubi iudices dubitant, an mors secuta huic vel illi injuriæ debeatur. Male *Fasellius* eam causam letalem appellat, quam mors subsequitur. Contingere etiam potest, ut aliquis post illatam vim externam moriatur ex causa quadam alia, quin ea illata vis mortem causavit.

Causæ mortem inferentes sunt vel tales, ut necessario humanæ compagis dissolutionem post se trahant, quidquid auxilii adhibeatur. Causa talis, mortem necessario sub quacunque conditione inferens, dicitur *absolute* letalis.

Aliae causæ ita sæpe sunt constitutæ, ut licet mortem inferre possint, tamen, præcipue, si remedia apta adhibeantur, eandem non inferant. Erit ea letalitas non *absoluta*, sed *accidentalis*.

Causæ *absolute letales* dividuntur de novo in causas *universaliter absolute letales*, quæ scilicet in omni homine, & omni tempore, vitæ jacturam inimpedibilem faciunt; & in causas *individualiter absolute letales*.



Læsiones igitur *absolute universaliter* letales illæ sunt, quæ organa vitæ continuandæ necessaria penitus destruunt, omni tempore, omni loco, quin remedii ulla superesse spes possit.

Læsiones *individualiter absolute* letales æque certo non impediendam vitæ jacturam afferunt, sed in certis tantum individuis, sub certis conditionibus positis. Ponam exempla læsionum absolute & individualiter letalium; scilicet:

1) Si perversus sit viscerum situs; ita, ut cor dextrum thoracem, & hepar latus sinistrum occupet. Vulnus dextri thoracis cor lædet læsione absolute letali, sed quæ læsio in hoc tantum individuo perversum situm viscerum habente, sive individualiter letalis est.

2) Si ventriculus admodum profunde situs sit, ita, ut regionem umbilicalem occupet.

3) Splen anteriora spectans, non reconditus in hypochondrio sinistro, ut alias solet.

4) Calvaria hominis lue syphylitica laborantis, cujus omnia fere ossa molliora, friabiliora, læsionibus externis magis obnoxia sunt; calvaria carie hinc inde atrofa.

6) Herniæ, anevrismata, varices, vomiciæ latentes in thorace, abdomine; phthisis, aliique morbi chronici.

7) Sanguis labe scorbutica, scabiosa, syphylitica, cancrofa contaminatus.

7) Cæcitate, paralyfi impeditus gressus; ætas ut nimium juvenis, aut decrepita; graviditas, morbi prægressi debilitantes. Ventriculus cibo distentus multo rumpi potest vi illata, & ictu etiam minus valido. Ebrietas hominem reddit ineptum fugæ; ebrius majorem sanguinis jacturam patietur; febrim vulnerariam majorem.

Quæritur jam, an is, qui vulnus e. g. absolute, sed individualiter tantum letale intulit, eidem pœnæ obnoxius sit censendus, cui alter subjacebit, qui absolute & universaliter letalem læsionem intulit? Si aggressor conditionem noverit, sub qua letalis læsio fiat; sive, si statum alterius noverit, noveritque antea, quod inferenda



læsio certam huic homini mortem sit allatura, tunc erit homicidii reus: e. g. si quis forte olim miles trepano usus, si loco consolidato bene habeat, tamen quia calvaria ibi loci semper tenuior est, vim externam illatam ibi quoque difficilius perferet; quod si alius quidam ipsius commilito debiliorem nunc calvariae locum probe nosset, & intentione directa colaphum aut ictum etiam minus validum teneriori calvariae impingeret, utique aggressor talis homicidii reus erit.

Læsio non absolute, sed tantum per accidens letalis illa est, quæ probabilius, spectando scilicet plures ejus læsionis casus, ægro mortem non attulisset, nisi circumstantiæ quædam post læsionem accessissent, quæ sanitatem impediverunt. Læsio ergo per accidens letalis semper præsupponit possibilitatem, quin & majorem probabilitatem sanitatis recuperandæ. Videamus hæc ferius accedentes circumstantias, quæ læsiones per se non letales mortiferas reddunt.

1) Si vulneratus immoderato utatur vitu, eoque e. g. spirituofo, quo febris vulneraria graviter incenditur, & gangræna fupervenit.

2) Si, in vulneribus capitis, ftudio fe exponat, aut frigidiori aëri, quam conferat, aut calidiori.

3) Si immoderatus clamet, tumultuetur, irafcat; fi mærore, nostalgia, vindicta, metu mortis nimio conficiatur, aut tempore confanationis amoris illecebris indulgeat; fi aut molliæ, aut metu doloris chirurgum adhibentem remedia impediat, quæ ex ufu forent. Si vulnus inflitum fit e. g. capitis alias fanabile, fed ob peftilens anni tempus, æftum, ob locum paludofum, mortem afferens.

4) Si vulneratus fit in loco remoto, ubi requifita auxilia fatis cito haberi nequeunt.

5) Si chirurgus imperitus ægrum male tractet, aut neceffaria auxilia præftare nefciat. Si cognati, vel alii adftantes momentofum aliquod curationis impedimentum ponant.

Ejusmodi læfiones, quas mors infequitur non ob ipfam vulneris conditionem, fed  
ob



ob adventitium quoddam impedimentum sanationis, aggressorem non faciunt *homicidam*, isque & a medico & a iudice ab homicidii culpa absolvitur; nisi fors adventitias has, vitæque vulnerati inimicas conditiones aggressor præscivisset. Hinc in relationibus iudici faciendis expressis verbis conditio læsionis factæ exponatur, an scilicet sit e. g. vulnus *absolute quidem letale*, & *universaliter*, an *absolute quidem letale*, *sed solummodo in certis individuis*; an vero per *accidens letale*, sive tale, quod probabilissime sanationem admisisset, si hoc vel illud impedimentum serius accessisset.

Nunc singularum partium læsionem nominatim recenserebimus, ut letalitatem vel absolutam, vel solum accidentalem in exemplis conspiciamus.

Consideranda veniunt vulnera cerebri vi mechanica facta, gladio, glande plumbea, fragmento calvariae, ejusque interioris tabulae. Regula in diagnosi letalitatis circa vulnera encephali hæc est; scilicet:

Imo Omnia vulnera cerebri *profundiora*, versus ejusdem! basin pergentia; vulnera cerebelli, medullæ oblongatæ, medullæ spinalis, ibi præcipue loci, ubi primas  
colli

colli vertebrae replet, sunt absolute, & universaliter letalia.

Vulnera cerebri non repente letifera, sed excitata longa suppuratione, *tardam* licet, attamen certam mortem afferentia. Objicitur equidem contra hanc vulnerum letalitatē, quod magna cerebri vulnera, cum magna cerebri portione deperdita, fuerint feliciter sanata; glandes plumbeæ minores, fragmenta cultri in cerebro remanserint, clauso nihilominus vulnere, & superstite vita (vide *Martini* ein Duzend Beobachtungen das Hirn betreffend; item *Zacutum Lusitanum*.) At casus ejusmodi pertinent ad mirabilia, insueta, & contra ordinariam corporis animalis legem; hinc judicium ferendum est ex iis, quæ *ut plurimum* fiunt.

2do Læditur functio cerebri non solo *vulnere*, sed & *compressione*, quam patitur. Possunt enim vasa sanguifera & serosa ob vim externam illatam rumpi, quin ullum in cranio vitium deprehendatur. Effusus humor vel sola *pressione* encephali functiones tollit, vel corruptus & in ichorem conversus cerebrum erodit, consumitque. In primo casu cito accidit, in altero tarde,

atta-



attamen certo. Quod si humor is extravasatus eum locum intra calvaream occupet, qui trepano applicato aperiri queat, læsio haud erit absolute letalis. Si trepani applicatio fuerit omissa, erit læsio per accidens letalis.

Juxta *Bohnum* læsio erit absolute letalis, etsi affusus humor in ejusmodi loco sit, qui aperiri mediante trepano possit, dummodo nulla, aut maxime dubia signa sint pro adplicando trepano; scilicet: si adsint fissuræ admodum parvæ, a chirurgo haud animadverrendæ, tales præcipue, quæ cum futuris coincidunt; si adsint contrafissuræ, quarum situm scire & detegere nemo potest; si bonæ ad speciem ægroti res medicum decipiant, & ad omittendum trepanon inducant; lene, & nullius momenti instrumentum, quo vulnus infligebatur, e. g. colaphus; si mors citius sequatur, quam trepanon possit adplicari; si ignoretur, quod humor quidam intra calvariam affusus sit, uti e. g. si quis alicubi sensuum omnium inops in platea deprehendatur.

Ubi extravasatus humor fundum calvariae petiit, aut ventriculos, aut præternaturalia cava sibi fecit, aut ubicunque is  
hu-

humor ejusmodi locum occupat, unde arte chirurgica educi nequit, erit læsio absolute letalis.

Ubi vasa *majora*, sinus rupti sunt, & hæmorrhagia sisti nequit, ibi erit læsio absolute letalis.

Cerebrum comprimendo lædit etiam *strangulatio*, manu, fune, ubi jugulares compressæ sunt, &c.; si mors mox secuta est, si sectio venarum jugularium omissa fuit, tunc læsio erit absolute letalis.

Humor affusus intra thecam colli, luxatio vertebrarum colli, læsionem facit absolute letalem. Medulla spinalis intra dorso spinam compressa mortem affert dirissimam, post diuturnam alvi & urinæ suppressionem.

Concussio cerebri (*Hirnerschütterung*) orta a vi externa, casu ab alto, colapho impacto, læsiones subinde facit absolute letales, quando nempe rupturæ contingunt vasorum, & humorum effusio; vel repentinam *apoplexiam* producit, quin ejus vestigium in cerebro secto reperiatur; vel ob præexistentes varices, hydatides, vomicas, talis concussio letalis fit; vel & tenuis nimium calvaria, aut mollissimum systema nervum occisorem excusat.

Cer-



Certa est observatio, læsiones encephali periculosas semper esse, etsi non semper vitæ jacturam faciant. Encephalo læsus cum omnibus bonis signis mori nihilominus potest, tarde licet; potest ad speciem convalescere, & post menses etiam plures mori, morte necessaria, inevitabili, eo autem in casu fragmenta interioris tabulæ calvariæ sanguis, pus reperitur. Hujusmodi tarde mortem inferentes læsiones erant aut *absolute*, aut per *accidens* letales, pro ratione circumstantiarum. Ex hac tarda, attamen inevitabili morte post læsionem encephali sequitur, quam parum tunc valeant dies critici in dijudicanda vulnerum letalitate; possibile enim est, & non infrequenter evenit, ut læsio encephali absolute letalis nihilominus post longum primum tempus mortem afferat certam, non prohibendam ulla arte; hinc ex eo solo, quod æger supervixerit longo adhuc post læsionem tempore, per se concludere non licere, læsionem hanc carere absoluta letalitate.

Læsiones nervorum magnorum, qui non immediate pro integritate functionum vitalium requiruntur, si pungantur, si fibræ quædam nerveæ dissecentur, integris ma-

nent

mentibus reliquis, sequentur syncope, spasmi, mors ipsa. Si vero semilacerus nervus ab artis perito ex integro disseccetur, ea symptomata cessabunt. Hinc in ejusmodi læsionibus nervi alicujus ex integro dissecti statuenda erit letalitas per *accidens* letalis; si vero semidisseccetur nervus, & dicta symptomata superveniant, erit *letalitas absoluta*, ubi locus nervi semilaceri talis est, ut manum chirurgicam non admitat; *letalitas per accidens*, ubi chirurgus nervum semilacerum poterit ex integro disseccare.

Læsiones etenim parvæ nervorum possunt esse letales, si irritabile nimis fuerit systema nerveum; sed ea letalitas erit per accidens.

Læsiones ganglii cujusdam nervei aut plexus nervei mortem inferre facile possunt, quin nimia nervei systematis irritabilitas accusari possit; eo in casu læsio ganglii mortem inferens *absolute*, & non per *accidens* letalis dicitur.

Læsiones qualescunque viscerum illorum, quæ multis nervis donantur, & quorum integritas ad vitam simpliciter continuandam requiritur, sæpe inevitabilem mor-



fem inferunt; hinc ictus ad cardiacam, seu scrobiculum ob viciniam diaphragmatis & ventriculi; ictus, pressio, vulnus testiculorum, uteri, leviora cordis ipsius vulnera syncopen, spasmos, mortem, inevitabili necessitate inducunt.

Tendinum læsio subinde facit spasmos, convulsiones, mortem. Tendo equidem per se non sentit, sed in semilacero tendine fibræ musculares inæqualiter trahuntur; hinc oportet tendinem semidissectum ex integro dissecare.

Inflammatiō sane magna oritur, indeque gangræna, aut ingens suppuratio.

Si humor aliquis effusus inflammationem causet, isque removeri non possit, erit letalitas absoluta.

Vulnera ventriculi cavum non penetrantia, occidere possunt orta cita inflammatione, & gangræna, item sanguinem effundendo in cavum abdominis; subinde sponte coalescunt.

Vulnera ejus cavum etiam penetrantia fuere curata; nihilominus rariores curatorum casus non faciunt, ne absolute letales judicemus ejusmodi læsiones ventriculi.

*Becker, Schurius, & Ill. Van Swieten* ad §. 170, memorant curata ventriculi vulnera ; nihilominus ut plurimum mortem inferunt. Hinc si mors non sequatur , erit id quidem pro aggressoris causa ; attamen si mors sequatur , ea non poterit in aliquid accidens refundi.

Intestinorum vulnera frequentius curata leguntur ; etiam ex integro dissecta coa- luerunt ; item intestina gangrænosa alicubi, cum & sine ano artificiali rarius curata ; nihilominus magna parte dissecta , vel ex integro dissecta intestina letalitatē absolutam faciunt.

Hæmorrhagiæ ex læsione mortem sæpe inevitabilem afferunt. Arteria læsa ibi, ubi manui accessus non est , quæve simul *major* fuerit ; etiam cor læsum , aorta læsa , arteria pulmonalis , læsa carotis , vertebralis arteria , subclava , arteriæ viscerum abdominalium quorumcunque læsæ absolute letales sunt.

Venæ equidem tutius læduntur ; nihilominus læsa major vena , quæ ob situm comprimi non potest , item læsa cava , læsa pulmonalis , jugularis interna , subclavia , vena portæ læsa ; venæ viscerum abdomina-



lium læsæ, mortem *sæpissime* faciunt; hinc si ea sequatur, erit letalitas absoluta.

Læsio nervorum intercostalium, parisque vagi, mortem affert sæpius.

Læsio organorum ad respirationem pertinentium nunc consideranda. Aspera arteria ex integro dissecta absolute letalis; equidem stupendæ curationes apud *Paracum*, *Tulpium*, *Bartholinum*, *Swietenium* leguntur; sed inde nil conficitur.

Nervi diaphragmatis læsi mortem sæpius afferunt. Diaphragma læditur læsione absolute letali; sæpe viscera abdominis per vulnus diaphragmatis thoracem subeunt.

Magna ipsius pulmonis vulnera, oblæsa viscera sanguifera, & effusum intra thoracem sanguinem absolute letalia sunt. Latum utriusque thoracis vulnus occidit pulmones comprimendo. *Latum* vulnus unius cavi & mediastini idem facit. *Latum* vulnus unius thoracis tardius occidit.

Constrictio arcta abdominis & thoracis simul impedit respirationem; mors hæc infantibus accidit ob nimiam fascinationem.

Continuatæ expirationes ob *titillationem* occidunt.

*Strangulatio* occidit. Signa strangulationis sunt: caput lividum; turgidæ jugulares, oculi, lingua; cor dextrum, cava vena, vasa pulmonum & cerebri infarcta.

Signa strangulationis in aqua, sive suffocationis, sunt eadem: insuper sæpe aspera arteria, bronchia spumam habent, aut aquam rubellam; attamen etiam alii quidam idem exhibent. In submersis glottis contracta sæpe reperitur. Hinc dignoscere possumus, an qui vivus, fuerit in aquam injectus, an vero mortuus, an vivus suspensus, an mortuus?

Læsio œsophagi, ibi ubi chirurgus manum admoveere potest, sanari potest; gravior, & inferius non potest; idem iudicium, sicut de læsione ventriculi.

*Garengot*, *Paræus* narrant, œsophagum vulneratum & sanatum; sed id nil facit.

Receptaculum chyli, ductus thoracicus læsus, atrophiam, speciem hydropis, & mortem adfert, ægerque *certo* moritur, &c. fors post plures primum septimanas. Ars nil hic prodest.

Læsio mesenterii magna sibi junctam habet læsionem vasorum aut sanguiferorum,



aut lymphaticorum & lacteorum, & *ut plurimum* occidunt.

Læsio ductus hepatici, cystici, chole-  
dochi, vesiculæ felleæ absolute letalis.

Vulnera renum, ureterum, vesicæ, nisi ob ipsum læsionis situm fors cum vicina parte coalescant, aut urina omnis commode extra corpus feratur, & tandem in fistulam abeat, ea læsio erit absolute letalis. Sed quare renes per annos multos tamen absque absoluta letalitate possunt esse abscessibus pleni? quare punctura vesicæ, quin & lithomia fieri potest?

Læsio splenis, hepatis, uteri, absolute letales sunt. Quare tamen splen legitur cani vivo exsectus innoxie? Respondeo: quia per artem id fiebat, & hæmorrhagia cavebatur ligaturis. Quare abscessus hepatis aperiebantur innoxie? suppuratio præpedivit hæmorrhagiam. Quare sectio cæsarea instituitur? Ea instituitur utero distento, ubi, fœtu exempto, uterus se se contrahere potest.

De venenis chemicis & vegetabilibus alia vice dictum fuit; restant venena mechanica. Agunt ventriculum irritando, inflammando, abscessus faciendo, occidunt lente;

lenta; e. g. pulvis adamantis, aliorumque lapidum pretiosorum, alumen plumosum, cryſtallus montana, vitrum contuſum; ſunt tamen, qui per multos annos vitrum contuſum comedunt impune, ſerius tamen multantur; pili animalium in fruſtula minuta conſciſſi; ramenta unguium humanorum: exſtat diſſertatio: *Bauer* de ungue veneno.

Venena *ſuffocando* occidentia ſunt, quæ vel aut bronchia, aut veſiculas pulmonales ſpaſtice conſtringunt; vel aëris elatiſticitatem momento tollunt, quæ tamen ad explicandos pulmones requiritur; vel coagulando ſanguinem in pulmone contentum. Ita occidit fumus carbonum, fumus aſcendens ex antris quibusdam ſubterraneis, fumus accenſi ſulphuris, vapor fermentantis vini, fumus aſcendens ex concentrati acido nitri, ſalis, ſpiritu ſalis ammoniaci; pollen quorundam fungorum, & quorundam aliorum venenorum; epistolæ venenatæ eadem ratione occidunt.

Venena ſtupeſacientia ſunt belladonna, cicuta, præcipue aquatica, de qua *Wepferus* pulchram diſſertationem dedit; cicutaria, phillandrium, draconicum, hyoſcyamus,



laurocerasus, nux vomica, cenanthe, solanum, opium.

Philtrea sunt venena plerumque stupefacientia, vel aphrodisiaca validissima, cantharides &c., & per accidens amorem concitant.

Venena lenta sunt aqua Toffana, plumbum, ejusque præparata.

Examinanda adhuc sunt quædam mortis genera; scilicet: enecati fame, siti; diagnostica non dantur. Mors frigore inducta, sole, sive insolatione; injecto per os oleo fervido, liquefactis metallis, igne electrico, cujus enecandi modum nondum satis scimus; fors vasa encephali rupta deprehenduntur, sugillationesque; fulmine, ira, terrore, qui cordis rupturam fecit.

### *Sterilitas & impotentia.*

1.) Vir cujus omnia ad generationem requisita membra bene sunt constituta, quive erigere se posse asserit, habendus pro potente.

2) Impotentia *permanens* facit divor-  
tium, non autem *temporaria*.

3) Impotentia *respectiva* non facit di-  
vortium; *absoluta* & simul permanens, fa-  
cit divortium; absoluta & temporaria non  
facit.

4) Standum semper pro valore ma-  
trimonii, nisi evidentes adsint in contra-  
rium rationes. Bonum totius humani ge-  
neris hoc expetit.

5) Quid de ligatis & ligaturis sen-  
tiendum?

6) An herniosus aptus ad matrimo-  
nium?

7) Testiculis carentes an apti? Re-  
spondeo: aliud est carere re ipsa testiculis,  
& aliud eos habere absconditos in abdo-  
mine.

8) Unius testiculi homines aut trium,  
an apti?

9) Qui fissam habent urethram, an  
apti?

10) Qui callosam in glande urethram  
habet, & foramen habet laterale in pene,  
an aptus?



II) Circa fœminas eadem divisio sterilitatis, quæ impotentiae in viris. De fœmina hoc valet: apta ad matrimonium habetur, quæ virum *admittere* potest.

---

# SECTIO V.

---

DE

H E R N I I S.



SECTIO V

---

DE

HERMIS

D E  
H E R N I I S.

---

**F**requentissimus morbus Hernia est, & periculosus, atque omnis sexus & ætatis.

Est autem hernia visceris cujusdam extra suum cavum proprium in alienam cavitatem translocatio.

Dividitur: imo, ratione *regionis* corporis, in herniam *cerebri*, *pectoris*, *abdominis*. Hernia cerebri, ablato cranii frustulo per trepanon, aut croso, manentibus membranis.

Hernia pectoris, dislocatio pulmonum ob ablatas, erosas costas, aut dehiscentes,  
aut



aut nimium flexiles. Hernia cordis ob eandem causam.

Frequentissima hernia abdominis; ea denuo dividitur: 2. *ratione plagæ in inguinalem*, eamque completam & incompletam; in *cruralem*; sub ligamento *Poupartii* enim magna vasa sanguifera ex abdomine in femur descendunt; in herniam *umbilicalem*; in herniam *ventriculi*, si in regione ventriculi oriatur. Item in herniam *vaginalem*, si viscera intra uteri vaginam & rectum intestinum sese insinuant; hernia *foraminis ovalis*.

3tio: Dividitur ratione *prolapsæ partis*; nulla pars est in abdomine, quæ non subinde fuerit prolapsa; frequentius vero intestina, omentum, aut utrumque; hinc nomina Enterocèle; epiplocele, enteroepiplocele.

4to. Ratione temporis in *congenitam*. Novimus ante nativitatem, subinde etiam post eam descendere testiculum in scrotum. Si jam via descensus maneat aperta, & viscus quoddam abdominis omentum sequatur, erit hernia *congenita*.

5to. Ratione partis *integre*, vel *ex parte* solum prolapsæ; ut si vel totum quoddam

dam intestinum, vel ejus paries unicus fuerit prolapsus, in *perfectam*, & *imperfectam*.

6. Ratione situs *externi* vel *interni*. Intra abdomen enim strangulari intestinum potest, & dislocari intra thoracem, intra cavum omenti e. g. perforati, aut mesenterii, aut ligamento præternaturali stringi potest.

7mo. In hernias *cum* & *sine sacco hernioso*. Raro finditur peritonæum, nisi in hernia a vulnere, aut repentina distractione

8vo In *spurias* & *veras*. Spuriæ sunt *hydrocele*, *hematocele*, *cirsocele*, seu hernia varicosa, & *sarcocele*.

Perfectum datur æquilibrium aut actio & reactio æquilibrata inter musculos abdominis & ejusdem viscera: hac sublata datur *hernia*, si modo ventris *plaga quædam* cedere debeat. Non loquimur hic de *totius* abdominis extensione, uti in hydrope, tympanite, obesitate, graviditate.

Hanc *totius* abdominis relaxationem aliqui *herniam totius ventris*, sed male, appellarunt; est quidem morbus in scæminis præcipue, sed hernia non est.

Si locus, & quædam plaga abdominis cedant, ea pars cedens est solum fere perito-



ritonæum & integumenta; non , aut per raro , ipse *musculus*; musculus dehiscit , & per fibras dehiscentes in cellulosa sit hernia.

Ibi hernia frequentior , ubi plaga quædam est natura sua debilior , ad annulum , ad ligamentum *Poupartii* , umbilicum.

Causa prædisponens est maxime debilitas *adventitia* , aut *nativa*. Hinc herniæ non sunt quidem hæreditariæ , attamen *debilitas* est sæpe hæreditaria , ut per exempla patet. Debilitas ergo musculorum abdominalium , mesenterii , ejusque laxitas , obesitas , ob hanc ipsam debilitatem ; ictus ; frequens graviditas , partus laboriosi ; vulnus , etiamsi non penetret ; distractio retrorsum , ad latus , eaque repentina ; esse suspensum ex brachiis ; elevatio ponderis , maxime vero ejus gestatio erecto corpore ; repletio abdominis cibo , saburra , flatu ; colica flatulenta ; vomitus , tubarum inflatio , clamor , vagitus , tussis convulsiva ; dura alvus ; concionatores , monachi , cantores ; gesticulatores , saltatores , equites , parientes ; obesum omentum ; lapsus ab alto , thoraces fœminarum ; hydrops.

Diag-

Diagnosıs herniarum adcurata est instituenda, ne hernia confundatur cum aliquocunque tumore.

Confundi autem posset cum tumore *scrophuloso* inguinis; cum *tubone metastatico*; cum *tubone venereo*; cum *hydrocele*; cum *testiculo serius descendente & dolente*; bene tunc distinguendum est: 1) Testiculus tunc in scroto deerit; 2) Tumor hic, seu testis in inguine hærens *tractus* peculiarem sensationem & dolorem patitur, qualis nempe a teste presso oriri solet. Cum *cirsocèle*; at hæc initium sumit a teste, ascendit, fasciculum lumbricorum refert.

Ad formandam herniæ diagnosim sequentia debent perpendi: 1) an tumor ibi sit, ubi alias herniæ solent observari; 2) an tumor indolens sit, an repente ortus post causam talem, quæ efficere hernias solet; tumores enim alii *chronici lente* oriuntur, & *acuti*, uti e. g. tumores metastatici, inflammatorie dolent; 3) an mutabilis & variabilis magnitudinis sit, major stando & inspirando, tussiendo, minor vero inter decumbendum, & manu adposita; major a pastu, dolentiorque, minor ventre jejuno; frequens leipothymia, colica crebra, alvus



segnior , borborygmi, vomitioque, dum tumor major est.

Tumor rotundior, elasticus, borborygmis vexatus, & dolore colico, est ab elapso intestino. Tumor minus variabilis magnitudinis, & informis, non elasticus, ab omento est. Afficitur tamen & ventriculus & alvus a solo omento, vellicato scilicet.

Subinde difficillime detegitur hernia ob ejusdem exiguum molem, præcipue recentes; hæ maxime periculosæ sunt. Subinde unus solum intestini paries intercipitur; nihilominus omnia dira symptomata observantur; alvi invincibilis obstructio, licet pervio canale.

Inter frequentissimas hernias est inguinalis, ubi per annulum abdominis viscus procidit. Diversæ magnitudinis est. Hæret in inguine, aut ad scrotum descendit, aut ad labium pudendi, aut etiam ad genua. Vidi herniam talem in homine mediocris staturæ, *Argentorati*, qui repente mortuus secabatur. Omnia intestina, duodeno & rectis exceptis, erant in sacco hernioso; is ad genua protendebatur; ventriculi fundus, parsque ejusdem sinisterior hæ-

tebat jam in annulo. *Heisterus* imaginem ejusmodi portentosæ herniæ depictam exhibet.

In hac præcipue herniæ specie id observatur, ut omne fere scrotum & integumenta penis in saccum herniosum absumantur, eumque constituent. Hinc testium nullus comparet, & ipse penis ita est absconditus, retractusque, ut eo videatur carere penitus.

Inde quætitio nata olim est, an hernia sit impedimentum matrimonii. Resolvi hæc facile poterit, scilicet: esse per se nullum matrimonii impedimentum in hernia, nisi ejus enormis magnitudo efficiat. Idem de herniis sceminarum dici debet, nullum videlicet illas impedimentum ponere, nisi ob molem suam subinde nimiam impendant *mechanice*.

Ceterum de sacco hernioso hæc sunt notanda: 1) Fabricam constare integumentis *communibus ventris*, & dein peritonæo elongato; 2) Elle crassitie variæ, ita tamen, ut ex herniæ magnitudine nequeat determinari ejusdem crassities. Plerumque ita obtinere *Illustris Richter* asserit, ut, quo major hernia, quo magis elongatum



fit peritonæum, eo etiam ipso peritonæum sit magis incrassatum. Verumtamen secui-  
mus hernias *parvas*, sacco crassissimo, & *magnas* sacco tenui. Mihi videtur, crassitiem sacci dependere ab attritu majori & minori alicujus brachierii. Ceterum hernia inguinalis maribus communissima, rarioꝝ fœminis est.

*Incommoda herniæ*: 1) Herniæ sunt liberae. & reponibiles; 2) Herniæ *non reponibiles* sine incarceratione; 3) Herniæ non reponibiles *incarceratæ*. Prima species non periculosa, attamen secunda; pessima tertia. Præter periculum incommoda ad-  
sunt ventriculi, intestinorum, alvi, coctio-  
nis; incommoda inter laborandum; matri-  
monii; varices funiculi spermatici; tumor testis. Herniosus est in continuo vitæ dis-  
crimine.

Si viscus quoddam in saccum prolapsum stranguletur, ita, ut reduci libere ne-  
queat, erit *hernia incarcerata*: Ut multi-  
plex esse potest viscus prolapsus, & lo-  
cus hujus prolapsus, ita etiam erit diversa incarceration. Attamen sæpius fit strangula-  
tio *in collo* sacci pyriformi, fitque ple-  
rura

rumque ab annulo abdominali. Viscus plerumque est intestinum.

Effectus incarcerationis non solutæ sunt:

1) Interceptus canalis alimentaris; 2) Obstructio invincibilis alvi; 3) Partis vero prolapsæ, ob circulum interceptum, inflammatio & gangræna.

*Symptomata* sunt: dolor in loco hernioso auctus tactu, inspiratione, tussi; tormina ventris deinde superveniunt; tensio abdominis & inflammatio; tandem, sed non semper, rubor externus herniæ. Alvus pertinax; vomitio ingestorum, biliosa, flatulenta, anxietas. Febris inflammatoria enteriticaque; attamen exiguis, contractis, obscuris pulsibus; non ergo hic metiri oportet febrim ex pulsu solo. Singultus; artuum frigus, sudores frigidi in guttas collecti.

*Exitus* est, vel mors totius hominis morte enterica morientis; vel mors solius prolapsæ partis, & fistula stercorea, aut anus præternaturalis.

Hæc fere symptomata sunt *intercepti intestini*; paulo alia erunt, si aliud viscus stranguletur; nos hic de hac sola, utpote frequentiori agemus.



Incarcerationes nothæ; seu spurix dantur: 1) Si in hernia, licet non strangulata, dolor *colicus undecunque* ortus observetur; equidem & hic loci, ut in reliquo abdomine, colici dolores oriri possunt. Hic medella *colicarum* locum habet; 2) recenter orta hernia *vellicando* facit eadem symptomata, etsi strangulatio nulla adsit; 3) herniæ magnæ in diu stantibus; 4) aliæ vomituum aut ilei species in herniosis, sed ab ipsa hernia non provenientes; male tamen morbus in herniam refunderetur.

In omni pertinaciori vomitu, ileo, alvi difficili solutione, torminibus, de hernia interrogandum. Etsi nulla appareat, tamen illa adesse potest, si scilicet unicus paries sit interceptus.

Causæ proximiores incarcerationis sunt quatuor: 1) vel ipsum prolapsum viscus; 2) vel annulus, isque fere semper; 3) vel saccus herniosus; 4) musculi abdominis.

Annulum frequentissimam causam strangulationis dixi, etsi multi ei vim contractilem & muscularem denegent. Nam 1)

non

non deest ei omnis vis contractilis; 2) et si passive se solum habeat, tamen strangulat; 3) et si etiam careret vi contractili, non tamen carent illa muscoli, quorum fines tendinei annulum efficiunt; 4) constat per omnes nostras observationes, difficillime adigitur instrumentum; impressio facta ab annulo in intestino visui patet.

Annulus ergo stringit; 1) si recenter hernia oriatur; 2) si in veteri hernia nunquam reponibili *nova* pars prolabatur, & incarceretur.

Recens hernia magis incarcerationi obnoxia ob annuli elasticitatem, minus vero hernia vetusta.

Hernia *subito*, item in *robusto*, item a *vi externa* orta periculosior; periculosior in adultis, maribus, quam sceminis & pueris; parva hernia periculosior, quam magna est.

Causæ incarcerationis herniæ dicebantur 1) annulus, 2) viscus ipsum prolapsum, 3) saccus herniosus, ejusque collum; 4)



musculi abdominales. De annulo, tanquam incarcerationis causa sufficienter dixi; nunc devenio ad aliam strangulationis causam, scilicet ad saccum herniosum.

Sacci herniosi loca quædam *angustiora* strangulare possunt. Collum sacci angustius, scilicet ob brachierium subinde gestatum, subinde depositum; subinde strangulatio fit *sola collo* sacci, ubi annulus amplus est, & non strangulat; subinde vero causa strangulationis est & in sacco, & in annulo quærenda. Subinde ipse sacculus *disruptus* externa vi, aut erosus per supurationem elabi permittit intestina, ut ea folis externis integumentis tegantur; fieri tunc strangulatio potest in ipso sacco hernioso, seu, fit hernia incarcerata in ipsa hernia.

Tertia causa strangulationis est, *viscus prolapsum* e. g. omentum circumdans intestina, & strangulans. Opus hic est omentum & intestina expedire, nodosque solvere, & reponere, si id fieri possit; annulus & sacculus nil conferunt ad incarcerationem,

Item

Item omentum præpingue premendo solum partem prolapsam intestinorum, speciem incarcerationis facit.

Corpora aliena indigestibilia, nuclei, ossa, ferramenta, acus si deglutiatur, & ad angustatam intestinorum partem pone anulum deferantur, incarcerationem efficiunt. Item colica herniæ inflammatoria, inflammatio prolapsæ partis. Excrementa, aut flatus collecti, præcipue in herniis magnæ molis, & vetustis.

Quarta incarcerationis causa quæri debet in musculis abdominalibus ipsis spastice constrictis; hac enim ratione viscera vi urgentur in saccum herniosum, simulque anulus constringitur. Hæc est illa herniæ species, ubi non tam herniæ, quam toti abdomini cataplasmata emollientia debent adplicari; ubi balnea totius corporis, ubi antispasmodica omnis generis tantopere celebrantur,

Pervenio nunc ad diversas species incarcerationis, atque ad methodum medendi. Hæc res nostra attentione eo dignior,



quo crebriores herniarum incarcerationes occurrunt, & quo difficilior, & errori periculoso maxime obnoxia esse solet diagnosis.

Plerumque promiscuam, & empyricam facimus medicinam, idque ob defectum diagnoseos, quod scilicet diversas herniæ incarcerationatæ species non distinguamus. Hinc est, quod quædam remedia nunc in instanti profuerint, eademque ipsa remedia alio tempore manifeste nocuerint. Hinc hujus methodi tantæ laudes ab uno autore, & tanta vituperia ab autoribus aliis. Dicendum est, singulos bene observasse aut utilitatem remedii, aut ejus etiam nocumenta; veruntamen in eo errarunt, quod *species* varias, totoque cælo diversas incarcerationis non distinxerint.

Quadruplex incarcerationis species datur, quarum quævis ab altera est diversissima.

*Prima* incarcerationio *acuta*, seu *inflammatoria*, seu febrilis; *Secunda*, incarcerationio  
non

*nan febrilis*, seu chronica; *Tertia*, *incarceratio spasmodica*. *Quarta*, *complicata*.

In *prima* specie symptomata omnia sunt inflammatoria; dolor, febris, abdominis & herniæ tensio enteritica; decursus celer in maribus, hernia parva, recenti.

In *secunda* dolor exiguus; nulla febris; incommoda ventris; pedetentim; hernia magna, antiqua, in homine seniculo, fœmina. Diu persistunt ad 12-20 dies. Sero febris & dolor, & inflammatio, & gangræna. Post 2-3 septimanas operatio feliciter est peracta.

*Tertia species*: absentia signorum primam & secundam speciem designantium. Signa sunt: remissio & exacerbatio certo, incerto tempore, quin & intermissio per horas; pulsus exiguus, sudor frigidus, respiratio parva, citata (hæc distinguenda sunt a statu gangræ noso) spastica tensio muscutorum abdominis; indolentia in hernia; sudores frigidi, singultus, terror prægressus. Periculum est ab universalis spasmo & obrigescentia corporis. Demonstratur



tur existentia hujus speciei incarcerationis  
ab usu opii, castorei, oleosorum, semi-  
cupiorum, cataplasmatum emollientium, &  
antispasmodicorum; retractæ doses tartari  
emetici, ipecacuanhæ.

*Quarta species est complicata.*

---

SECTIO VI.

---

OBSERVATIONES.

DE

COLICA SATURNINA.



SECTION IV

OF THE

CONSTITUTION

---

---

# OBSERVATIONES

DE

COLICA SATURNINA.

---

## *Historia morbi I.*

**V**ir viginti septem annorum, per tres annos Deauratoris amanuensis, jam a mense Martio anni 1776. continuo ægrotabat. Ab initio cephalæa, cui tandem dolores rheumatici jungebantur. Apud *Fratres Misericordie* per 14 dies decubuit; mitiores continuo facti sunt dolores; hinc discessit eno-  
focomio, modicis tantum rheumaticis doloribus, & debilitate in hunc usque diem

re-



residuis. Quatuor enim diebus elapsis, cum ingens artuum inferiorum dedolatio urgeret, zoma Julii nostrum nosocomium accessit.

Conquerebatur de doloribus abdomeni contorquentibus, ardore scrobiculi cordis, & ventriculi, doloribus lumborum, rheumate omnium artuum, tenesmo & stranguria. Pulsus fortis, plenus, celerior naturali; lingua albida, os siccum, per vices amarum; abdomen molle, at introtractum. Vomitus ritio frequens, & sensus rei per œsophagum ascendentis, imo sternum versus laryngem trahebatur, unde strangulationis species oriebatur. Testiculi retrotracti; alvus dura. Enema, emulsio camphorata cum manna & sale sedlizenfi, & cataplasma emolliens abdomini applicatum. Magnum inde levamen, & protracta hac nostra methodo, intra paucos dies convaleuit.

Balnea etiam in his casibus indicantur; cataplasmata quoque & fomenta optime conveniunt. e. g.

Rec. Fol. malv.

— — alth.

Fl. Chamom. aa. manip. ij.

Conc. coq. c. s. q. aquæ per 1/4 horæ.

Colat

Colatura. Mens. ij. per linteam  
pressa d. u. pro fotu ad abdomen,  
omni hora; aut bihorio renovando.

### *Historia morbi II.*

Vir 37 annorum, per tredecim annos  
pingendo & pigmenta terendo victum quæ-  
rens; ceterum semper sanus, tribus ab-  
hinc septimanis gravitate & dedolatione ar-  
tuum; atque cephalalgia corripiebatur. Al-  
vus rara; accessit dolor pressivus & contor-  
quens ventriculi; præcipue circa umbili-  
cum; vomituritio; & sensus repleti ven-  
triculi. Biduo; antequam in nosocomium  
acceserat, pulverem purgantem sumpsit;  
unde alvus quinquies, & assiduus vomitus  
movebatur.

16ta Augusti 1776. in nosocomium su-  
sceptus. De ingenti artuum dedolatione  
conquerebatur; dolores diu noctuque ass-  
idui; cervicis quoque dolores; & biliosus  
per vices vomitus. Alvus naturalis. Pul-  
sus fortis, plenus, durus, haud celer. Do-  
lor circa umbilicum assiduus, & tam vehe-  
mens, ut æger continuo se in lecto voluta-  
ret. Dabatur mixtura oleosa cum granis



quatuor opii & granis sex camphoræ; modicum inde levamen; enema quoque applicabatur. Nulla porro alvus, & flatu infimum ventrem oberrantes.

Die 17ma enema ex sale petrae & electuario hierae picrae; nulla alvus. Oleosa mixtura repetita cum granis sex opii & camphoræ. Dolores inde evanidi, & enemate vesperi applicato, alvus parca, attamen haud dura ponebatur.

18ma. Mixtura oleosa cum granis iij. opii. Vesperi tormina recrudesce; sæpius etiam durante hoc morbo amaurosis accessit, brevi iterum sponte evanescens. Vesperi duo adhuc ij. grana opii data, & enema ex sale petrae & electuario hierae picrae. Alvus inde frequens & mollis, dolor omnis evanuit, & nox tranquilla.

19ma. Eadem mixtura oleosa cum granis ij. opii. Optime hac die se habuit. Sumpsit deinde mixturam chamomillae. Ad perfectam usque sanationem nullum aliud symptoma, præter pulsus paulisper plenum & durum, observabatur, qui tamen absque venae sectione sensim disparuit.

Id singulare in hoc ægro, quod nullo unquam remedio prophylactico usus fuerit,

&

& quod alvus longo opii usu adeo non fuerit suppressa, ut potius facilior, mollior, & frequentior inde succederet.

Amaurosis etiam per vices accedens insolens erat, in aliis ejusmodi ægris a nobis haud visum symptoma.

Præter hæc superius enarrata symptomata æger de nulla alia re conquerebatur; ut, nisi de vitæ genere jam constitisset, hæc colica facile pro alia colicæ specie imposuisset.

### *Historia morbi III.*

Pictor 32 annorum, a viginti quatuor annis nullo gravi morbo detentus, 9ma Augusti 1776. dolore ardentissimo & contorquente abdominis ad regionem usque pubis protenso corripiebatur. Umbilicus profunde introtractus; dolor ardens regionem epigastricam, hypochondria, & totam anteriorem thoracis regionem sensim occupabat. Aeger de illo & rei ascendente & laryngem strangulantis sensu, ut in aliis ægris vidimus, non conquerebatur; neque dolor artuum rheumaticus, neque vomitum, neque flatuum ex ventriculo explosio; sapor

B b 2

haud



haud depravatus ; ceterum alacris æger , & vires bonæ ; appetitus ; alvus facilis & regularis ; urina absque omni difficultate mittebatur.

roma. Laboribus suis valedixit ; dolores enim abdominis vehementiores , vomitus humoris aquosi , atque etiam bilis æruginosæ , omniumque assumptorum. Noctu magis ægrotabat , ac interdium.

roma. Omnia pejora ; roma bilem æruginosam vomuit : libera alvi & urinæ excretio ; pulsus fortis , plenus , attamen non durus , neque vibrans , lingua albida. Neque tamen ex his omnibus hanc colicam pro colica saturnina habuisssem , nisi ex anamnesi certus fuisssem , ægrum hunc continuo plumbata tractasse.

Id insuper æger nobis narraverat , se , antequam ad consuetos quotidie labores accederet , butyrum comedisse , atque universim lacte & lacticiniis plurimum semper usum fuisse ; jam a multis annis alvus facilis & mollis , imo quandoque frequentior.

Sumpsit emulsionem purgantem cum sale amaro & manna partitis vicibus ; at nulla inde alvus , & major abdominis tensio ; alvus , antea semper naturalis , neque  
ullo

ullo enematum genere nunc movebatur. Dedimus mixturam oleosam cum pauxillo camphoræ; enemata emollientia & irritantia; cataplasma toti abdomini applicatum; nulla tamen alvus.

Mixtura oleosa cum pauxillo camphoræ, & opio; aliquot ab assumpto hoc remedio paregorico horis, alvus sponte movebatur, atque dolor & tensio abdominis disparuere.

Sub usu chamomillæ, opii, & amarificantium plantarum intra paucos dies perfecte convaluit.

#### *Historia Morbi IV.*

Pictor 25 annorum per duos menses, ab initio scilicet Aprilis, dolore rheumatico, manuum pedumque articulos occupante, & per vices redeunte, corripiebatur 18ma Maji 1777. His doloribus jungebatur dolor abdominis, appetitus depravatus, cardialgia, & alvus pultacea inter dolores posita; nullus tamen amaror oris.

1ma Junii accessit dolor rheumaticus in regione pubis cum stranguria.



gia in nosocomium susceptus. Dolores rheumatici articularum pedum atque manuum, debilitas, vertigo, cardialgia, vomituritio. Lingua albedo-flavescens, & pulsus ferme naturalis. Nullus interim coxendicis dolor, neque penis retrtractio, neque umbilici aut intestini recti introtractio. Mixtura oleosa cum drachmis iij arcani duplicati.

4ta Nox maximam partem tranquilla; dolor rheumaticus in regione hypogastrica paulo mitior; urinæ difficultas eadem; os siccum, lingua impura; sitis insuper, & pectoris oppressio. Sumpsit haustum sequentem:

Rec. sal. amar. unc. i β.

aquæ. menth. unc. iij.

opii puri gr. i.

M.

A meridie mixtura chamomillæ cum granis V opii & camphoræ; decoctum emolliens pro potu ordinario.

5ta Nox inquieta; dolor articularum mitior, in regione pubis æque vehemens; stranguria vehemens & frequens; mane alvus semel posita; magna sitis, & lingua albida. Repetebatur mixtura chamomillæ

lae cum granis V opii & camphoræ; & decoctum emolliens. Ceterum idem a meridie rerum status.

6ta Nox ferme omnis inquieta. Os amarum, vomituritio, stranguria, alvus dura cum tenesmo. Summa doloris rheumatici, artus & pubem occupantis, atrocitas. Lingua impura, & sitis. Arcani duplicati drachmæ tres in mixtura.

7ma Nox tranquilla; alvus pridie resposita. Mitior nunc longe artuum dolor; urinæ fluxus facilis & copiosus, dolor etiam in regione hypogastrica minor, & nulla nunc thoracis oppressio. Aliqua tamen vomituritio, lingua impura, & flavescentes faciei color. Assumpto vomitorio bilem pituita mixtam vomuit, pingui pellicula supernatante. Sapor oris inde emendabatur.

8va Nox tranquilla. Alvus semel posita, minor sitis, modica adhuc urinæ difficultas, dolores artuum longe mitiores, dolor autem in regione pubis omnis evanidus, superstiti tantum murmure in abdomine. Sumpsit mixturam chamomillæ cum opio & camphora, & decoctum herbarum emollientium. A meridie, cum

Bb 4 . symp.



symptomata biliosa iterum accederent, drachmæ iij arcani duplicati in mixtura.

9mo De die nulla alvus, nocte vero prægressa bis posita. Somnus parvus, & inquietus. Magna per diem debilitas, borborygmi, lingua impura biliosa, at nullus ferme dolor rheumaticus. Vertigo. Arcani duplicati drachmæ iij in mixtura. A meridie de calore potissimum & vertigine æger conquerebatur.

10ma Pridie alvus semel posita, Nox tranquilla. Æger nunc per omnia melius se habebat, aliqua capitis gravitate excepta; lingua impura. Mixtura cum sale medio & tinctura rhei aquosa. A meridie incaluit; alvus tamen nondum soluta.

11ma. Noctu alvus semel posita. Minor nunc capitis gravitas; placide dormivit, & per omnia melius se habuit æger; dolores tamen rheumatici, digitorum præcipue & in regione pubis per vices rediere. Mixtura cum sale medio & tinctura rhei aquosa. A meridie omnia in eodem statu.

12ma. Nox quieta, repentinis terroribus subinde turbata. Alvus pridie quater posita, noctu nulla. Calor & pulsus naturalis; nullus in regione pubis, & exiguus

tan-

tantum digitorum dolor. Modica sitis, & facilis urinæ fluxus. Temulentia tantum aliqua capitis, & dolor punctorius oculorum superstites. Mixtura cum tinctura rhei aquosa, grana VI camphoræ, sine opio. A meridie idem rerum status.

13ma. Gravitas & temulentia capitis, lingua adhuc impura, nullis interim dolores rheumaticis, & urinæ facilitas. A meridie autem æger de oppressione præcordiorum querebatur; fors ideo quod pridie comesto pane sicco frigidam hausisset. Arcani duplicati drachmæ IV in mixtura, cum granis IV camphoræ.

14ma. Pridie nulla alvus, hoc mane autem semel posita. Minor capitis gravitas, ventriculi oppressio minor, urinæ fluxus facilior, lingua purior, universim æger melius se habuit. Mixtura chamomillæ cum granis VI camphoræ & opii.

15ma. Nox quieta. Pridie alvus bis, hoc mane semel posita. Lingua pura, sapor bonus, & nullus dolor rheumaticus. At sensus pressi ventriculi, & appetitus dejectus. Nulla temulentia, mixtura chamomillæ cum granis V camphoræ, sine opio. Hora tertia pomeridiana æger horripilatio-



ne & tremore totius corporis corripitur, successit cephalalgia & calor per totam horam durans. Omnia reliqua symptomata colicæ saturninæ disparuere. Mixtura cum drachmis tribus arcani duplicati.

16ma. Nox inquieta. Pridie nulla alvus, hoc mane ter posita; appetitus prostratus, temulentia capitis, pressio regionis hypogastricæ; sitis magna & debilitas. Mixtura cum drachmis iij. arcani duplicati.

17ma. Nox tranquilla. Die prægressa nulla alvus, hoc mane ter posita. Debilitas, modicus sudor, & rari artuum dolores; at lingua impura, & flavescens adhuc faciei color. Mixtura cum drachmis iij. arcani duplicati. A meridie nullus paroxysmus febrilis.

18na. Alvus usque ad hoc matutinum tempus 7es posita. Nox quieta, & æger per omnia melius se habuit. Mixtura cum sale medio, & tinctura rhei aquosa.

19ma. Nox sat quieta. Pridie alvus bis, noctu autem semel posita. Hac die symptomata colicæ saturninæ & colluviei simul biliosæ magis manifesta. Facies flavescens, lingua albida flavescens, & pituitosa.

rosa. Conquerebatur de doloribus rheumaticis capitis, pedum, & manuum præcipue continuis, certo tempore exacerbatis. Oppressio ad scrobiculum cordis, nausea, & vomituritio. Pulsus, qualis in colica pî-  
ctonum esse consuevit. Drachmæ 10 salis amari in unciis ij. aquæ; alvus inde octies soluta.

20ma. Nox tranquilla; omnia symptomata mitiora; naturalis faciei color rediit; Mixtura cum sale ammoniaco.

21ma. Nox perfecte tranquilla. Prædie alvus semel posita; omnia symptomata & biliosæ colluviei, & colicæ saturninæ disparuere, excepto modico dolore rheumatico, quem subinde in digitorum articulis sensit. Eadem mixtura.

22ma. Levamen perstabat, neque de ullis amplius doloribus conquerebatur. Indicatio itaque a juvantibus desumpta.

23ma. Perfecite sanus nosocomium reliquit.

Erat hæc colica saturnina cum alio adhuc morbo, biliosa scilicet totius corporis labe, conjuncta; hinc illa linguæ, faciei, & oculorum flavedo; hinc etiam purgantibus,  
vomi-



vomitoriis, & salibus mediis colluvies hæc biliosa e corpore erat eliminanda.

Hæc autem biliosæ labis cum colica saturninæ complicatio duplici ex causa contingit. 1. ob spasmos abdominis, quibus secreta bilis iners redditur, atque in abdomen & intestina effunditur; 2. ex vitio epidemico; omnes enim colica saturnina laborantes, labe simul biliosa afficiuntur: Cum insuper alvus morosa sit, corruptæ fæces in intestinis accumulantur; hinc purgantia indicantur, quibus autem opium jungere oportet, ut eo certius alvus ducatur.

### *Historia morbi V.*

Pictor 25 annorum, semper sanus, at facie pallido-flavescente, ante tres menses frigore per vices recurrente, horripilatione, calore, artuum dedolatione, dolore punctorio totum sinistrum brachium occupante, respiratione difficili, leni contorsione umbilici & abdominis, atque cardialgia corripiebatur; paralyfin quoque digiti indicis & pollicis brevi transeuntem sentiebat. Frequens & sicca tussis, sensus doloris sub sterno, & dura alvus. Vena se-

cabatur; bihorio elapso omnia symptomata mitiora, & sensim disparuere, at post octo dies majori cum vehementia redierunt; respiratio præsertim asthmatica; omnia tamen hæc symptomata post tres horas sponte disparuere.

Sæpius rediit paroxysmus, at cum æger intra tres menses quinquies venæ sectionem institueret, mitior semper, & longiori intervallo.

12ma Junii 1777 valde debilis nosocomium accessit. Valida thoracis oppressio; sibilosa & asthmatica oppressio, vertigo. Mixtura ex unciiis V aquæ chamomillæ opii & camphoræ granis viij.

13ma. Pulsus minus durus; at in morbi decursu sæpe vibrans, & durior. Alvus jam a biduo nulla, hæc vespera autem parca & dura. Quinquies sponte bilem vomuit, magno pectoris levamine subsecuto; at gravitas capitis, stranguria, & levior cardialgia accesserunt. A meridie caput liberius; at dolores colici per totum abdomen, & alvus tota die obstructa.

14ma Nox inquieta & ferme insomnis; eadem urinæ difficultas. Mitiores interim dolores colici. Caput minus grave, sapor  
tamen



oris bonus, lingua modice albida, pectus sat liberum, pulsus naturalis, at alvus obstructa. Opii & camphoræ  $\overline{aa}$  gr. viii. in unc. V. mixturæ chamomillæ; Decoctum emolliens pro potu ordinario.

15ma. Cum nulla hucusque alvus posita, gr.  $1\frac{1}{2}$  opii cum unc.  $1\frac{1}{2}$  salis amari in unc. ij aquæ fontanæ pro haustu. Quater inde alvus posita, magno cum levamine; caput & pectus inde libera, major tamen urinæ difficultas, pulsus naturalis, & nulla amplius cardialgia. A meridie liberior respiratio, quam toto morbi decursu; appetitus, at lingua flavescent, ceterum bene se habuit, persistente tamen eadem urinæ difficultate. Mixturæ unc. IV. aquæ chamomillæ, cum elixirio visceralis temperati & syrupi chamomillæ  $\overline{aa}$  nnc. i Extracti chamomillæ, opii, & camphoræ  $\overline{aa}$  gr. V.

16ma. Aliqua adhuc cardialgia, & lingua modice flavescent, ceterum bene se habuit. Eadem mixtura, cum opii & camphoræ  $\overline{aa}$  gr. v. Tota die nulla alvus & urinæ difficultas.

17ma. Bene per omnia, major urinæ facilitas, & thorax liber. Nulla alvus.

18ma. Purgans superius dictum, unde alvus quater posita. Pectus bonum. Cum autem nondum plena urinæ libertas esset, uncia adhuc IV. mixturæ chamomillæ cum unc. I elixiris visceralis & granis V. opii.

19ma. Stranguria; alvus semel posita. Unc. VI. Elixiris visceralis cum opii & camphoræ  $\overline{\text{aa}}$  gr. IV.

20ma. Alvus semel posita; urina copiosior, faciliior.

21ma. Modica adhuc stranguria.

22ma. Per omnia bene se habens ad pristinos labores rediit.

Id quoque in hoc ægro notandum, dolores noctu fuisse exacerbatos. At primarum viarum affectione non magna incommoda tulit æger, sed de difficili solum & sibilosa respiratione conquestus est.

Ultimis morbi temporibus plena alvi libertas, assumpto licet opio.

Venæ sectio breve tantum levamen attulit.

In morbi initio de anxietate pectoris solummodo conquestus est; reliqua colicæ saturninæ symptomata serius, sub usu opii comparuere; imo, omnia illa symptomata, quæ ægrum, ante usum opii, vexabant, il-



lo assumpto brevi disparuerunt; nam quoties illum interrogabamus, semper affirmabat, se nullam capitis gravitatem sentire, sed omnes sensuum functiones esse integerrimas.

Sæpius purgantia salina opio jungere oportet, ut biliosas, acres & induratas faeces, quæ alvo diutius adstricta accumulantur, e corpore eliminemus.

### *Historia morbi VI.*

Pictor 35 annorum, 15es jam colica saturnina laborans, mense Majo 1776 in eundem iterum morbum incidit; a chirurgo, purgante ex manna parato & enematibus, sanatus ad pristinos labores se recepit. Triduo post, cum malum recrudesceret, nosocomium S. T. adiit. Per quinque dies ibi commorabatur; at cum malum intra hoc tempus non esset sublatum, domum rediit. Altera mox die artuum omnium paralyfi corripiebatur, qua per 26 septimanas tenebatur, quin omnia a chirurgo præscripta remedia vel minimum levamen attulerint. Medicum tandem consuluit; remediis ab illo præscriptis, inunctione spirituosa & frictione

artuum inferiorum mobilitas rediit, manente interim brachiorum paralyfi. Durante hoc curationis tempore electricitas etiam tentata est, at malum inde potius auctum, quam imminutum. Mense Aprili thermas Baadenses adiit, quibus per 4 septimanas utebatur; fere perfecte sanus rediit, brachiis solummodo non ex integro sanatis. Continuavit per aliquod tempus priorum remedium usum, & brachiorum tandem mobilitas rediit. Mense Junio 1777 pristinos labores suscepit, eosque per 5 septimanas absque ullo incommodo tractavit. At 5ta Julii lacerantibus iterum doloribus brachiorum & crurum, absque colica tamen, corripiebatur. 6ta & 7ma omnia iterum bona; 9na & 10ma idem dolor rediit; atque hac ultima ab opera sua cogebatur desistere; dolores artuum, præcipue circa genua, magis adhuc lacerantes, & lancinans accedebat dolor ardens dorsi & lumborum.

11ma Nosocomium adiit. Eadem dolorum ferocia; lingua valde flava, abdomen indolens, urina & alvus libera, pulsus durus & parvus. Mixtura chamomillæ cum opii & camphora aa gr. 10.



12ma. Somnus bonus, doloribus subinde interruptus: Mitiores nunc dorsi, lumborum, & artuum inferiorum dolores, superiorum vero iidem, ac heri. Nulla alvus. Jam a priori die stando tantum urinam mittere potuerat. Circa meridiem de vehementi ardore pectoris & regionis hypogastricæ conquerebatur.

13ma. Nox insomnis; cetera eadem ac heri. Mixtura chamomillæ cum opio & camphora  $\overline{aa}$  gr. XII. Cum a meridie eadem symptomata perstarent, dabatur mixtura ex unc.  $i\beta$  salis amari, unc.  $ij$  aquæ communis, & gr.  $i$  opii. Alvus inde termota, cum insigni doloris colici levamine. Urina facilis. Pergebat in usum mixturæ & opii.

14ma. Os pituitosum, urinæ difficultas, & subitanea inter mingendum suppressio. Aliquis adhuc in regione hypogastrica ardoris sensus. Idem purgans & enema, at nulla inde alvus. Utrumque brachium debilius, manus vero utraque paralytica. Idem ardoris sensus. Mixtura chamomillæ cum granis XII opii.

15ma. Abdomen bonum, at brachia debiliora; urina difficilis, vesperi autem liberiora

berior. Hæc die sponte absque purgante remedio aut enemate alvum aliquoties posuit.

16ma. Duplo minus opii assumpsit; at alvus tota die obstructa. Ardor totius corporis rediit. Sera vespere mixtura chamomillæ cum opii & camphoræ ana granis 12.

17ma. Nox bona. Dato enemate alvum magno cum levamine posuit. Aliqua adhuc manuum debilitas, urina liberior, & ardor minor. Mixtura chamomillæ cum opii & camphoræ aa granis XII.

18ma. Nox quieta; mane iterum aliquis ardor; lingua biliosa, & os pituitosum. A meridie sal amarum absque opio, & enema; alvus inde soluta.

19mo. Nox bona; aliquem tamen, cum se moveret, in abdomine dolorem sentiebat. Os & lingua glutine quasi obducta. Hinc omnis cura a regnante tunc constitutione pituitoso — biliosa desumebatur. Dabatur mixtura cum drachmis iiiß arcani duplicati, drachma iß salis ammoniaci, & drachma i tincturæ castorei. Alvus aliquoties inde solvebatur, & nullum amplius dolorem sentiebat.



20ma. Prior mixtura salina cum tinctura castorei repetita; solvebatur alvus, nullus dolor, & minor manuum debilitas.

22ma. Nullus omnino dolor. Et si manibus nunc uti potuerat, nondum tamen sufficiens illarum robur aderat. Æger nosocomium reliquit, antequam perfectam sanitatem recuperasset.

Ab electrica machina paralyxis in hoc ægro augebatur; thermæ Baadenses levamen tulerunt.

In initio plumbum dolores rheumaticos sine colica produxit, hæc enim serius demum accessit.

Opium prius exhibendum est, deinde primum purgantia remedia danda sunt.

Vidimus in hoc ægro alvum a largiori dosi opii sponte solutam, & eadem ratione, qua hæc dosis minuebatur, obstructam, ut nec a sale amaro exhibito moveretur.

Hac anni tempestate colicæ saturninæ, cum colicis biliosis, universim, cum labe biliosa conjunctæ erant, hinc duplex medela requirebatur, quod tamen in hoc casu perdifficile erat. Opium enim bili inimicum, & tamen ad colicam saturninam necessario  
requi-

requiritur; hæc autem purgans remedium non fert, illa vero etiam postulat.

Plures colicæ saturninæ hoc anni tempore se mihi obtulerunt, quas ob temporis angustias litteris mandare non potui. Hæ omnes cum biliosa & pituitosa labe conjunctæ erant, & remedia solventia, emetica & purgantia, interpositis largis opii dosibus, requirebant. Quasdam colicas saturninas solis remediis antibiliosis, absque opio, sanavi, & nisi dolores urgebant, eandem, quam colicis biliosis, medicinam feci. Eadem æstate plures colicas saturninas probiliosis habuissem, nisi pulsu tardo, duro & vibrante, qui in colica saturnina solemnis est, fuisset admonitus, etenim ipsa biliosa colluvies vim venenatam opii, ut videtur, obtundit.

### *Historia morbi VI.*

Vir 62 annorum a viginti sex annis artem pictoriam exercens, sæpius in vita graviter ægrotabat, atque ultimo ante 16 annos; nunquam tamen ex colica saturnina decubuit. Plerumque bis, etiam sæpius



per diem sponte alvum posuit. Jam a tredecim annis, quin causam aliquam resciret, nullum assumptorum saporem habet. Ante octo septimanas, cum ceterum sanus esset, de dolore regionis epigastricæ per vices redeunte conqueri cæpit. Appetitus dejectus, alvus rara, dolores rheumatici artuum & subinde dedolatio totius corporis. Oppressio insuper pectoris, & dum per acclivia ascenderet, difficilis respiratio. Caput confusum & grave. Per 7 septimanas vomiturius frequens, nullus tamen vomitus. 7ma Julii ultimo alvum posuit.

12ma Julii 1777 in nosocomium susceptus est; mox cum intrasset, & priusquam ullum remedium assumpsisset, frequentes epileptici insultus. Hac nocte grana IX opii exhibebantur.

13ma. Nulla convulsio, somnus quietus, alvus nulla, & cardialgia. Ab enematis nullum levamen. A meridie unc. i  $\beta$  sal. amari in unc. iij. aquæ communis. Alvus inde ter cum levamine soluta.

14ma. Idem ventriculi dolor. Vespere, assumpto sale amaro, mox convulsionibus, in lethargum abeuntibus, corripitur. Mixtura

tura chamomillæ cum opio & camphora, resuscitatus.

15ma. Mane convulsiones rediere. Idem remedium exhibitum. In lethargum iterum incidit, cum respiratione valde tarda & stertorosa: Pulsus fortis, plenus, durus. Secta vena, sanguis absque crusta; circa meridiem mors.

Caput, me incscio, aperiebatur, ut nulla mihi nunc esset investigandi occasio.

In abdomine intestinum colon multo aëre distentum & vesicula fellea tenui, flavescente bile turgida.

In cavitate thoracis humor vere biliosus, flavus, chartam scriptoriam colore flavo tingens, & ab illo, in vesicula contento humore, in eo tantum, quod multo tenuior esset, discrepabat. Omnia intestinalia bile tincta; cetera omnia sana.

### *Historia morbi VII.*

Juvenis 17. annorum, tertio nunc anno pictoriæ artis tyro, jam mense Octobri elapsi anni, prima vice ex colica saturnina decubuit, a chirurgo sanatus. Ab illo tempore sat bene se habuit, ad ultimas us-



que ante suum in nosocomium nostrum adventum septimanas , cum scilicet pressio-  
nem ventriculi , & frequentem vomituritio-  
nem conquereretur.

16ma. Julii 1777. hora 8va matutina va-  
lido frigore , dolore abdominis , & respira-  
tione difficili corripitur. Hora 1ma a me-  
ridie calor , & dolor abdominis perstabat.  
Alvus bis posita. Somnus noctu bonus, do-  
loribus ventris subinde interruptus.

17ma. Appetitus dejectus ; frequens  
dolor colicus ; respiratio difficilis. Calor  
incerto tempore rediens. Semel bilem vo-  
muit, alvum bis posuit. Nox priori ma-  
gis tranquilla.

18ma. Mitiores dolores colici. Vix  
ulla respirationis difficultas , & lenior ce-  
phalalgia. Alvus bis posita. Extra lectum  
laborabat. Somnus bonus.

19ma. Nosocomium adiit. Dolor ca-  
pitis & abdominis intensior. Sitis , lingua  
albida ; pulsus plenus , fortis , durus.

Mixtura salina, dein emeticum ; dein  
iterum salia , & tandem remedia ventricu-  
lum roborantia ; atque ita absque opio con-  
valuit.

Juve.

Juvenis hic terendis pigmentis, & cerussæ potissimum terendæ operam impendit.

Pulsus admodum durus & vibrans erat, qui tandem talis, qualis in colica saturnina esse solet, evasit.

Cum pictores plerumque alvum obstructam habeant, venenum plumbi a bile quasi involvi, & obtundi, verosimile est: Bilis autem ipsa colicam biliosam producit. Hinc colica saturnina, tempore æstivo, regnante constitutione biliosa, singularem curationem requirit.

### *Historia morbi VIII.*

Pictor 40 annorum, ante aliquot annos ex colica saturnina decumbens, operæ huic, cum convalesceret, valedixit, at eandem ob res angustas denuo resumpsit mense Majo 1777.

Inchoante Octobri de doloribus artuum rheumaticis conqueri cœpit; alvus subinde dura, & leviores dolores colici.

Elapsis octo diebus nosocomium adiit. Conquerebatur de febre omni vespere exacerbari solita; leviori colica, & doloribus artuum rheumaticis. Pulsus, qualis in co-



lica saturnina esse solet, scilicet vibrans, durus, & quasi chorda ferrea tensa; in reliquis enim colicæ speciebus pulsus potius parvus & obscurus observatur.

Dabam remedia salina, leniora purgantia ex manna, & tandem emeticum. Tremens adhuc & debilis, me invito, domum rediit. Nullus equidem dolor aderat, neque febris; at pulsus colicæ saturninæ solemnis, & malus corporis habitus.

Domi suæ pristinos labores suscepit; post aliquot dies levior dolor abdominis rediit, subinde ardoris sensum excitans; accessit rheuma artuum, sudores nocturni valde copiosi, ut 2—3 vicibus lintheamina mutare cogeretur. Ceterum extra lectum degit.

23ma. In nosocomium rediit. Mox, ubi per scalas ascendisset, in lectum se projicit, & insultu epileptico corripitur. Insequitur apoplexia, convulsionibus epilepticis interpolata. Deglutitio abolita; & eadem adhuc die mors apoplectica.

Dissecto cranio omnia vasa cerebri solito turgidiora. Reliqua sana.

Etiam thorax sanus, præterquam, quod sinister pulmo pleuræ accretus esset.

Ita

In regione abdominis ventriculus ingentis magnitudinis ; intestinum jejunum , & magna pars ilei obscure rubescens , & summe inflammata ; coli transversæ curvatura multis duris , scybalosis fæcibus repleta ; fellea vesicula vacua ; cetera sana.

Constitutione anni inflammationibus amica , facilis est enteritidis cum colica saturnina conjunctio , atque hæc intestinorum inflammatio primam medentis curam requirit.

Colicas saturninas genuinas , atque illas etiam , quæ biliosa labe commixtæ sunt , plerumque facili negotio curamus ; at illæ saturninæ colicæ , quæ partim inflammatoriæ , partim biliosæ indolis sunt , difficillimæ curationis sunt , scilicet tribus his causis seorsim agentibus.

### *Historia morbi IX.*

Operarius 40 annorum , potator strenuus , quatuor circiter annis apud figulum terendo in subtilissimum pulverem lythargirio operam impendit. Hoc tempore sæpius doloribus colicis vexabatur.

Per



Per quinque dies , antequam nosocomium adiret , abdomen leviter tympaniticum. Conquerebatur de sævis doloribus colicis ; vomuit æruginosa ; nulla alvus , atque summa anxietas ; extra lectum nihilominus degebat.

Quinta morbi die , 8va Decembris 1777. in nosocomium susceptus. Mixtura salina uno haustu sumenda. Decoctum hordei cum melle , & enema. Vespera emericum ; magna copia sordium biliolarum *αλω και κατω* cum insigni ægri levamine.

9na Decembris sal amarum & manna in decocto altheæ per vices assumendum. Alvus inde facilis , & vix aliquis abdominis dolor. Pulsus ad hoc usque tempus a naturali vix diversus ; lingua albida ; nullus calor , neque ullum præsentis febris signum. Attamen inquietus , & abdomen tumidulum , & modice *tympaniticum* , a rudiori tamen etiam tactu haud dolens. Extra lectum degens obambulabat.

10ma. absque convulsionibus , subito moritur & inopinate.

Dissecto cranio magna copia aquosi laticis sub membrana arachnoidea apparuit ,  
atque

atque omnia vasa cerebri a sanguine turgabant.

In regione abdominis omentum semi-inflammatum; & tenuium quoque intestinorum inchoans inflammatio, vesicula fellea a crassiori bile distenta, & adjacentia quoque viscera a bile tincta; cetera omnia sana.

*Historia morbi.] X.*

Figulus 50 annorum ab aliquot annis doloribus colicis sæpius vexabatur, qui tamen facile disparebant, si alvus aut sponte aut absumpto purgante aliquoties moveretur. Ceterum bene se habuit.

5ta Decembris 1777 idem dolor colicus per vices, atque intensior rediit; alvus parca & scybalosa; somnus parvus.

6ta. Omnia pejora; dolor magis contorquens & scindens, alvus magis obstructa, & æger laboris impos lecto decumbere cogebatur. Vespera vomuit assumpta, dein biliosa; rediit aliquoties vomitus; nox in somnis.

7ma. In nosocomium venit; de atroci abdominis dolore conquerebatur; lingua impura,



pura, & assidua vomituritio. Vomuit tandem. Ob doloris ventrem contorquentis vehementiam in lecto sese jactitabat; abdomen tumidum, & ab attactu dolens; alvus nulla; pulsus plenus, fortis, durus. Mixture salina. Nox insomnis.

8va. Eadem, quæ heri. Emeticum; magnam inde bilis copiam vomuit, alvus aliquoties mota, magno cum levamine; somnus parvus.

9na. Purgans ex manna. Circa meridiem umbilicus introtrahitur, dysuria, tensio regionis hypogastricæ; æger inquietus; somnus vix ullus.

10ma. Idem rerum status. Decoctum emolliens cum nitro, & venæ sectio. Sanguis crusta inflammatoria tectus. Circa meridiem alvus aliquoties mota, insigni cum levamine.

Continuato per aliquot dies remediorum emollientium usu æger perfecte convaleuit.

Compositus erat hic morbus ex colica saturnina & colica biliosa, bile tamen prædominante. Hinc ab opio abstinui, utpote bili inimico, sed emeticum, & purgantia exhibui.

Dolo-

Doloris pertinacia, anni tempus ad inflammationem proclive, & sordium in intestinis retentorum acrimonia venæ sectionem, emulsiones nitrosas, universim, methodum antiphlogisticam requirebant.

Erat itaque hic morbus, *colica saturnina biliosa, in inflammationem intestinorum tendens.*

### *Historia morbi XI.*

Pictor 23 annorum coloribus parandis operam impendens, antea sanus, anno 1775 ex colica, prægressa vomituratione, singultu, & ructuum explosione, decubuit. Rediit hæc colica trium annorum spatio sexies circiter, atque ex ultimo morbo in nosocomio Fr. Misericordiæ sanabatur; remanserat tamen dolor obscurus manuum, etsi is interdiu tantum ægro molestus esset. Durabat hic sanitatis status usque ad 15mam Nov. quo die elapso dolor ille in manuum & digitorum tumorem mutabatur, ut æger tenendo penicillo impar esset; rigeabant manus, & æger viribus omnibus exhaustus ferme exanimis erat. Ita ferme res se habuit usque ad medium mensem Februarii. Sequentibus tribus septimanis accessit dolor abdominis nocturno tempore exacerbatus, alvusque



vusque rara; temulentia capitis, subinde gravitas, visus debilitatus, appetitus dejectus, & per octo dies vomituritio, subinde tenesmus, alvo licet rara; urina libera; dolor ex dextro latere in sinistrum, inde in pedem utrumque, & tandem per universum corpus migrabat. Respiratio difficilis, pectus oppressum. Hæc symptomata ad 7mam usque Martii durabant; hac die vinum calidum assumpsit, iterumque evomit.

8ma Martii in nosocomium venit. Gravitas capitis; facies flavescent, lingua albidula & pituitosa; pulsus tardus, vibrans, ferme durus. Dextrum brachium sinistro paulo macrius, atque tertium os metacarpi super reliqua aliquantum eminebat. Abdomen molle, & habitu externo naturale; at interne dolor scindens, ardens, contorquens; alvus nulla. Crura ab attractu dolentia, somnus turbatus, vomituritio. Remedia solventia & eccoprotica.

9na Martii omnia in eodem statu, testiculorum insuper & glandis penis retractione. Vomitus, qui pridie primo accesserat, rursus repetitus biliosam & porraceam saburram eliminabat. Ad vomitum hunc sistendum mixtura ex aqua chamomillæ unc. VI, syrup. chamom.

mom. unc.  $\text{ιβ}$ , extracto chamomillæ dr.  $\beta$ ,  
 & extract. hyosciami gr. x. Pro potu or-  
 dinario decoctum altheæ cum syrupo dia-  
 codii. Serius omnia in eodem statu; pul-  
 sus tamen paulo mollior; & minus fortis.  
 Decubitus in utroque latere difficilior, &  
 nox infomnis.

10ma. Omnia in eodem statu, & alvus  
 nulla. Efficacius remedium paregoricum  
 exhibebatur; huic gr. x. opii in mixtura  
 chamomillæ. Cum autem vespera sponte  
 biliosa vomeret, & os amarum esset, opia-  
 to seposito, vomitorium datum, dein ite-  
 rum opium exhibitum. Vomuit bilem &  
 pituitam magno cum levamiane; urina flava,  
 ictericorum more; ab enemate, et si acriori,  
 nulla alvus. Nox melior.

11ma. Omnia meliora. Alvus nulla,  
 urina eadem quæ heri, & capitis temulen-  
 tia. Mixtura repetita, & vespera unc.  $\text{ιβ}$   
 salis amari. Noctu alvus ses posita; minor  
 doloris vehementia.

12ma. Magnum levamen. Mixtura  
 chamomillæ cum opio; vespera enema. Al-  
 vus noctu soluta, dolores mitiores; urina vi-  
 ridescens.



13ma. Vix ullus dolor. Mixtura eadem.

14ma. Eadem mixtura. Vespera sequens remedium exhibitum.

Rec. Aq. chamom. unc. vj.

syr. chamom. unc. iβ.

Arcani dupl. dr. vj.

Opii pauri. gr. vj.

M.

Sumat omni 4hor. sextam hujus mixturæ partem.

15ma. Aquæ menthæ unc. iij. salis amari unc. iβ, syrupi menthæ unc. i. pro haustu; 8. vicibus mota alvus.

16ma. Nocte prægressa dolores subinde artuum; os pituitosum. Ad eliminandas pituitosas colicæ reliquias ob alvum obstructam collectas, decoctum graminis, taraxaci, cichorei, cum arcano duplicato.

17ma. Nullus fere hac nocte dolor. Idem decoctum.

18ma Idem morbi status. Frictiones roborantes siccæ artuum.

25ma bene se habet. Decoctum herbarum amarificantium; inde, perfecte convaleuit.

Notan-

Notandum hic, illa collicæ saturninæ symptomata, quæ in hoc casu remediis obvolventibus & opio sanabantur, probe distinguenda esse ab illis, quæ ab alvo obstructa, aut ab ipso opio, aut a protracto remedium involventium usu oriuntur.

Ut adeo opii usus non semper & ubique innocuus habendus sit.

### *Historia morbi. XII.*

Pictor 36 annorum. spatio 13 annorum bis, nempe ante 4 & ante 6 annos ex colica saturnina in nostro nosocomio decubuit; 24ma Aug. 1776 iterum ad nos venit. Ab ultimo morbi hujus insultu, ex salutari medici consilio, quotidie mane panem butyro oblitum comedit, atque ita sanus vixit, usque dum ante 14 dies colica, & præcipue contorquente dolore circa regionem umbilici corripiebatur; urethra insuper retracta, absque difficultate tamen aut ardore urinæ. Diarrhæa insuper cum vomitu, per vices redeunte, atque æruginoso. Nullum tamen artuum rheuma, neque ullus ardoris sensus in ulla corporis parte. Vomitus & diarrhæa sequentibus etiam diebus con-



tinuarunt, dolore tamen contorquente abdominis per vices remittente. Ante tres dies repente, absque gravitate aut debilitate artuum prægressis, dolore scindente in utroque brachio, manu, & digitorum articulis, atque illarum partium paralyfi repente corripitur. Utrumque genu idem dolor occupat, ut æger equidem sedere, non autem pedibus insistere valeret. Ultima ante adventum suum die alvum semel posuit, bis autem vomuit; cum in nosocomium esset susceptus, os erat amarum, et si lingua haud multum impura esset. Respiratio libera; nulla cardialgia; at dolor contorquens circa umbilicum, dolor & paralyfis artuum. Pulsus naturali celeritate, at durus; calor haud præternaturalis. Mixtura oleosa cum camphora, & decoctum emolliens.

Alvum aliquoties sponte posuit, dolor abdominis intra triduum, cum mixturam oleosam cum camphora sine opio assumeret, penitus disparuit; utroque autem brachio paralyticus evasit. Utramque manum & genua idem dolor vexabat. Pulsus durus, & arteria, tensæ ad instar chordæ ferreæ, vibrans.

28ma Mixtura chamomillæ cum granis IV opii; & eadem adhuc vespera æger aliquam brachiorum mobilitatem sentiebat, ut sibi jam de redituro artuum usu gratularetur.

Cum opium, ut in multis ægris vidimus, alvum pertinacissime clausam, neque ullo remedio aperiendam, solvit, atque alvus etiam continuato opiatorum usu non raro sponte movetur, in mentem mihi venit, an non opium, quod illum quasi tetanum & paralyfin intestinorum solvere poterat, etiam in illa artuum paralyfi, quæ non a vera partium ad motum requisitarum relaxatione, sed a spasmodica potius illarum constrictione oritur, efficax pariter remedium esset? Neque eventus spem meam fœellit.

Sequenti die opii & camphoræ ʒa gr. VI. in mixtura chamomillæ, & decoctum herbarum emollientium. Mirabilis plane vis plumbi, quod alioquin stupefaciendo & contrahendo agit, attamen tam vehementes spasmos in corpore excitare valet! At non minus mirabilis opii vis est, quæ utpote relaxans, in hoc tamen casu laxis & paralyticis artubus novam vitam tribuit.



Ut opii usus eo tutius possit protrahi, venæ sectio ad uncias vj instituta; sanguis crusta rectus.

Sequenti die mixtura oleosa cum opii & camphoræ ana gr. vj; enema, & decoctum emolliens pro potu ordinario.

2da Septembris dextrum brachium, etsi cum aliqua difficultate, elevari poterat. Ceterum neque comatosum quid, neque ulla gravitas capitis ab usu opii. Hac die camphoræ & opii aa gr. vij in mixtura oleosa sumpsit.

Opium præ camphora, in roborandis nervis, & solvenda paralyfi, efficacia ex alio itidem casu patet, ubi largus & protractus camphoræ usus, figuli, ex colica saturnina paralytici statum, nec vel minimum emendabat.

3tia membra paulo liberius movebat. Opium & camphoræ aa gr. viij. Alvus quinquies mota, copiosa, prima vice data, enemate, reliquæ 4 sedes vespera sponte.

5ta Eadem opii & camphoræ dosis in mixtura chamomillæ. Tota die optime se habuit, neque somnolentia, neque ulla capitis gravitas. Facilis membrorum motus, noctu autem per vices delirium. Sequenti mane

mane eadem mixtura absque opio; at tota die somnolentus, & alta voce excitatus tarde ad interrogata respondens. Artus equidem movebat, at cum difficulte. Venæ sectio; sanguis crusta inflammatoria reclusus; emulsio nitrosa. Altera die caput serenum, nullus in toto corpore doloris sensus, artuum autem, quæ vix inchoaverat mobilitas, iterum deleta.

Solus nunc artuum sensus superstes. Emulsio nitrosa continuatur.

9na Opii iterum & camphoræ aa gr. iij. in mixtura chamomillæ. Vespera, solerti instituto examine, an aliquod symptoma ob opio produci solitum adesset, nullum omnino deprehendebatur. Brachia quoque aliquantum elevabat, quod mane non poterat.

10ma Mixtura chamomillæ cum camphora absque opio. Brachia ægro expedita magis & leviora videbantur.

23mo Brachia modice & difficulter movebat. Hucusque ob genuum impotentiam neque obambulare, neque, cum surrexerat, solus se pedibus sustinere erectum poterat, nunc autem solus e sella surgebat & obambulabat. Hucusque quotidie grana v camphoræ

D. d 4



phoræ in libris ij. emulsionis sumpserat;  
hodie camphoræ scrupulum unum in eadem  
emulsione.

30ma Mixtura chamomillæ cum scrupulo  
loī camphoræ.

3tia Octobris electricitas tentata;  
absque levamine.

5ta Sequentibus pillulis uti cœpit:

Rec. Sapon. Ven. unc. β.

G. ammon.

Camphor. āā. dr. ij.

Castorei dr. β.

Syrup. menth. q. s. m. f. pil. gr. ii.

Sumat sexies de die iij. cum sequenti infuso:

Rec. Flor. arnicæ.

— — chamom. āā man. β.

Inf. c. 5 qu. aquæ commun. Colat.

℥. ij. adde.

Syr. menth.

— — fl. chamomillæ āā. unc. i.

8va De doloribus iterum articulorum  
& pondere dextri brachii conquerebatur,  
emulsio cum dr. β camphoræ; at æger tardæ  
sanationis pertæsus e nosocomio dis-  
cessit.

cessit, cum malum hoc largioribus camphoræ dosibus oppugnare animus esset.

### *Historia morbi. XIII.*

Figulus 24 annorum per septem circiter menses lythargirio ad incrustanda vasa terrea utebatur.

Altera jam septimana dedolatio omnium artuum, & per vices dolores colici. Biduo post carnem suillam comedit, & hydromel largiter hausit; dolores evanuerunt, & bene se habuit.

Apparens hæc sanitas paucos tantum dies durabat; dedolatio & dolor colicus rediere, isque assiduus, subinde vehemens ac contorquens, ac si intestina in globum convolverentur; abdomen subinde intumescens mox iterum collapsum, durum, & umbilicus introtractus. Pudenda ægro subinde incrementum videbantur, scrotum enim & penis intumescere. Alvus obstructa. Subinde vertigo caliginosa; calores vagi, horripilatio, & tremor artuum. Urina difficilis, parca & ardens; ab hoc tamen incommodo æger largiori haustu hydromellis se liberare solebat.



Atque ita plus minusve ægrotabat, quo sæpius hydromelle uteretur.

Ante quinque septimanas alvus per totum octiduum obstructa, penis cum dolore retractus, & ardens urinæ stillicidium. Frustra alvum jalappa, scammono, & repetito enemate referare tentabat; larga tandem hydromellis potatione alvum intense flavam duramque magno cum levamine sponte posuit.

Ab illo tempore unicuique tantum paroxysmum, eumque leviozem habuit, quem solito suo remedio, hydromelle scilicet, sopiebat.

23ma in nosocomium venit. Valida artuum dedolatio; dolor contorquens in regione umbilici, per vices exacerbatus, & a biduo intensior; abdomen tumidum & tensum. Umbilicus introtractus; sensus, appetitus, & sapor bonus; alvus per quatuor dies nulla; semel biliosa vomuit. Nox enema injectum; cum nulla alvus sequeretur, sequens opiatum.

Rec. Aqu. fl. chamomill. unc. vj.

Opii.

Camph. aa gr. x.

Syrup. chamomill. unc. i.

Omni

Omni quadrihorio sexta pars assumenda.

Circa vesperam eadem ferme dolorum  
vehementia, umbilicus tamen minus intro-  
tractus, minor quoque abdominis tumor &  
tensio; nulla tamen alvus, & magna urinæ  
difficultas & ardor; somnus turbatus,  
parcus.

24ma Mane dolor abdominis aliquan-  
tum remissior; alvus tamen adhuc obstructa;

Datum est sequens purgans:

Rec. Sal. amar. unc. i β.

Opii puri gr. i.

Aqu. menth. unc. iij.

Alvus inde dura, nigra, & parca; se-  
mel vomuit; reliqua eadem.

Circa tertiam pomeridianam insultu  
epileptico corripitur, aliquoties redeunte,  
donec tandem in profundum somnum in-  
cideret. Elapsis circiter octo minutis æger  
ad se rediit; alvus nulla, urinæ ardor.

Injiciebatur mox enema acre, & se-  
quens mixtura exhibita:

Rec. Aq. fl. chamom. unc. v.

Extract ——— dr. i.

Opii puri

Camph. aa gr. xij.

Syrup. chamomill. unc. i.

Omni



Omni quadrihorio sextam partem huius mixturæ assumpsit.

Balneo insuper calido ex aqua fontana immittebatur. Inter insidendum urina sponte copiose fluxit; alvus pertinaciter clausa permansit. Æger somnulentus evasit, facies torva; pulsus plenus, fortis.

Mox a balneo vena secta; sanguis indolis sanorum. Sera vespera ab enemate alvus copiosa; urina libera, subinde tamen inter mingendum ob ardorem retenta. Somnus noctu parvus, & insomniis turbatus.

25. Minor somnolentia; abdomen minus dolens, & mollius; caput liberum, major pulsuum mollities, & urina absque ardore & difficultate missa. Purgans sequens:

Rec. Sal amar. unc. i β.

Opii pur. gr. i.

Aqu. menth. unc. ij.

A meridie res copiosam alvum posuit aquosam, viridem, semel pituitam vomuit; bis urinam limpidam, copiosam absque incomodo misit. Inde tensio, tumor, & dolor abdominis imminutus; umbilicus minus introtractus, & somnolentia disparuit. In dextro autem thorace erosione quasi sensus, magna artuum dedolatio, in sinistro simul

Simul inguine , & in toto dextro latere dolor quasi rheumaticus. Eadem mixtura chamomillæ cum camphoræ & opii  $\overline{aa}$  gr. XII.

26ma. Sæpius urina mittebatur ardens, at parca; dolor rheumaticus & ardor finistri thoracis persistabant; abdomen tumidulum, caput liberum, appetitus & pulsus naturalis. Mixtura prior continuata. Nox tranquilla.

27ma Caput liberum, sensus exulcerationis idem, abdomen ferme indolens, & umbilicus vix amplius introtractus. Appetitus bonus, sapor non depravatus. Lingua modice flavescens, urina paulo facilior, alvus nulla. Eadem mixtura. Vespera, ab enemate & purgante exhibito, alvus copiosa, mollis, viridescens; urina copiosa, libera absque tenesmo; abdomen indolens, nulla umbilici introtractio, nulla tensio. In utroque inguine dolor, attactum non ferens. Nox tranquilla. Idem remedium.

28ma. Æger per omnia sat bene se habuit; dolor thoracis & abdominis nullus; urinæ libertas, pulsus naturali paulo celerior. De aliqua siti, modico calore, & de iisdem adhuc inguinum doloribus æger conquerebatur. Versus vesperam ab enemate



mate alvus mota, noctu autem aquosa dejectionio : Eadem mixtura cum opio. Nox bona.

29ma Mane aquosa dejectionio, urinæ ardor, & quædam difficultas; ceterum æger bene se habuit. In sinistro annulo abdominis perparvus & dolens tumor apparuit; pulsus naturalis. A meridie alvus rões sponte movebatur, cum insigni levamine abdominis, urina sæpius missa absque impedimento. Tumor & dolor inguinum disparuere, pulsus naturalis, sitis nulla, appetitus. Eadem mixtura cum opii & camphoræ  $\overline{\text{aa}}$  gr. xij Nox tranquilla.

30ma. Nocte prægressa undecim aquosæ dejectiones; de die alvus septies sponte mota; mictio frequens & facilis. Nulla ferme artuum dedolatio, appetitus validus.

Idem remedium. Nox bona.

1ma Julii Mane nulla alvus, a meridie autem bis sponte posita. Cum æger per omnia bene se haberet, mixtura ex amaris & stomachicis remediis, additis x granis opii, præscribatur, cujus sextam partem omni quadrihorio assumebat.

2ma Noctu nulla alvus: repetita mixtura stomachica cum granis vj opii: Inchoans virium restauratio.

3tia Grana v opii in mixtura. Alvus bis posita.

4ta Opii grana iv in mixtura; alvus ter sponte mota.

5ta Sanus domum rediit, viribus usu roborantium restitutus.

Multa in hoc ægro notanda sunt;

*Primo* Certum semper levamen a copioso mulsi (Meth) potu expertus est. An hoc ab analeptica, cardiaca, inebriante mulsi virtute, qua, ad aliquod saltem tempus, opii vices explebat? an vero vis detergens mellis, mucum intestinorum solvendo, ad minimum partem quamdam stimuli saturnini alvo eliminavit? aut an potius utraque vis conjuncta ad dolores mitigandos concurrebat? quis hoc determinaverit?

*Secundo.* Certe persuasus sum, illum graviter errare, qui insultum epilepticum, & secutam mox apoplexiam opio potius, quam spasmis abdominis, sanguinem versus encephalum urgentibus, adscripserit; alios enim ægros in nosocomio nostro vidimus, qui, priusquam ullum remedium assumpse-

rant,



rant, convulsionibus correpti mortem apoplecticam subibant; alii autem, lethargo & epilepsia correpti, non nisi assumpto opio sanabantur. Id tamen concedo, in hoc casu contractionem intestinorum nondum sublatam a remedio purgante auctam fuisse.

*Tertio*, patet ex decursu morbi, quod capitis affectio, auctis opii dosibus, continuo imminuta fuerit, unde novum priori asserto momentum accedit.

*Quarto*, tum in hoc, tum in aliis similibus casibus obstructa & diu retenta alvus sæpe drastice etiam purgantibus non referebatur, nisi largo & protracto opii usu spasmus intestinorum prius solvantur, quo facto alvus aut sponte, aut dato purgante aut applicato communi enemate movetur.

*Quinto*, Opium usum liberam alvi excretionem in hoc casu adeo non impendebat, ut eam potius, ultimis præsertim diebus, cum opium largius exhiberetur, insigniter augetet, neque ulla inde capitis perturbatio, sudor, ardor urens, aut alia symptomata, ab opio produci solita, animadvertantur: ac si omnis opii vis in delendo veneno saturnino fuisset consumpta.

*Histo-*

*Historia morbi XIV.*

Pictor annos 33 natus, spatio duodecim annorum undecies colicam saturninam perpeffus est, absque paralyfi.

A quatuor septimanis dolores in hypogastrio queritur contorquentes, primis octo diebus absque remissionibus continuos, postea per intervalla mitiores, noctu non graviores. Ardor a scapulis ad lumbos usque, auctus ad attactum, vehementior primo, nunc remissior. Ab octiduo brachia quasi ab rheumatismo insigniter dolent; torpor brachii dextri, & artuum reliquorum gravitas, ardor ad pubem. Nuper unius diei ischuria vexabatur, sponte soluta; nulla cæteroquin toto morbi tempore mictus molestia. Dolor premens ad infimum sternum; pulsus fortis, plenus, tardus, absque caloribus.

Initio morbi ea incommoda patiebatur, quæ alias biliosam ventriculi illuviem notant. Ob eam rem potionem ex foliis fenæ & manna confectam domi suæ hausit, unde quinquies viridia vomuit, & aliquoties dejecit. Melius inde habuit, appetit denuo; a scapulis ad lumbos usque, & ab-

E e

domi-



domine mitius doluit. Alvus primis tribus morbi diebus strictior erat, exinde naturalis est, & quotidie responderet. Abdomen molle, umbilicus non introtractus, appetitus, sapor bonus, lingua mediocriter flavescens.

Saturatum totius althææ decoctum, in quo aliquot unciaë mannæ intabuerunt, propinavimus; inde purgabatur ea nocte aliquoties cum omnium symptomatum levamine, subjungebantur emollientia sine purgantibus.

5ta Junii ad vespëram priora symptomata rediere, noctu graviora. Dolet totus anterior thorax, abdomen antè ad pubem usque dolore vario, modo ardente, modo scindente, itemque subinde solummodo premente, aucto per intervalla. Alvus hodie nulla, brachia gravius dolent.

6ta Junii prioris diei symptomata persistiterunt, interdium mitiora, graviora noctu. Sumpto decocto althææ cum manna, alvus mota aliquoties est; pectus bonum, abdomen melius, artus emendati.

7ma Junii præterita nocte abdomen gravius, quam pridie, mitius tamen, quam  
allis

aliis noctibus solebat, doluit. Pectus ea nocte per intervalla tantum infestabatur.

7ma interdiu bene habuit; sub initium noctis gravissimus in abdomine recrudescebat dolor adplicato emolliente cataplasmate mitigabatur.

8va Junii mane levis abdominis dolor; artus & pectus omnino emendati.

Hoc die, aut ulterioris medicationis impatiens, vel vero pristinos resumpturus labores, non confirmatus, ut familiam aleret domi penuria pressam, a nobis discessit.

### *Historia morbi XV.*

Juvenis annorum viginti & duorum, pictor, præterito autumnio febris continua laborabat, ex qua convalescens dyspepsia & vomitibus spontaneis a pastu tentabatur. Sublatum etiam hoc ventriculi vitium remedium stomachicorum ope. A decem septimanis abdomine dolet continuo, sed subinde gravius. Auctis supra modum quodam die doloribus, nosocomium quoddam petiit, ex quo brevi postea, ab intestinorum cruciatu non ex integro immunis, discessit.

Lee

Obam.



Obambulando ægrotabat, & ante ingressum in nosocomium, & post discessum suis semper laboribus functus.

A quatuordecimi vero diebus alvus dura, a quinque vero diebus strictior; fæces nunquam caprillæ.

A imo Junii dedolatio, nausea, dejectus appetitus, leves horripilationes calore fugaci interpolatæ. Dolor circa umbilicum lancinans, noctu gravior; die sequenti dolor major; noctu increscens, vomitio spontanea, biliosa, viridis per intervalla, quæ & sequentibus diebus recurrebat. Nunc artuum inferiorum pondus adest, lingua alba, os siccum, ructus non pravi, nausea tamen; non appetit, sitit; præcordiorum anxietas, pulsus fortis, durus, non celer; nulla paralytis, nulli dolores artuum quasi rheumatici, nec ardens mictus observabatur.

Datum altheæ decoctum cum manna; injectus clyster oleosus; alvus nulla. Vomuit semel, pauca, assumpta. Remediis prioribus adjectum sal amarum est; cataplasma abdomini adplicatum, & clyisma datum est; inde fæces multæ cum levamine magno ejectæ sunt.

Die

Die 6ta gravitas artuum inferiorum emendatur; pulsus fortis, tensus, durusque; dolor in abdomine multo mitior. De brachiorum pondere, aut alio incommodo nunquam querebatur. Repetita eadem remedia sunt.

Die 7ma dolor ut heri; sed accedit superiorum artuum gravitas. Remediis hucusque adhibitis sequens mixtura jungetur:

Rec. Aq. fl. chamom. unc. v.

Extracti hyoscyami,

Camphor.  $\overline{a}$  gr. xij.

Syr. fl. chamom. unc. ij.

M.

Omni quarta hora partem sextam sumat; unde sexies alvum, cum magno levamine, & artuum omnium emendatione posuit.

Die 8va Junii levis per intervalla in abdomine dolor supererat. Usus postmodum æger opio & camphora est, ac die 15ta ejusdem mensis per omnia sanus discessit.

In hoc ægro noctes semper difficiliores fuere.



Curam habui, ne ægri citius, quam fanitas ex integro confirmaretur, a nobis abirent.

### *Historia morbi XVI.*

22 annos natus pictor ante quinque dies, cum pravo antea victu usus esset, semel etiam æstuante corpore perfrigeraretur, appetitum sibi imminui, flatibus infestari multis, & animo præprimis dejici querebatur; dolor nullibi; alvus facilis. Post duos dies, hac ratione peractos, pulverem digestivum vesperi, & sequenti mane purgans ex jalappa sumpsit. Quinquies purgabatur, sed caluit eo die, friguitque per vices; vomiturivit, & corpus quasi fustibus casum questus est. Ea vespera accessere pedum crampi, & dolores eorundem tenui. Ex eo alvus substitit; levis quoque brachiorum dolor, & digitorum per intervalla rigiditas supervenit; umbilicalis quoque regio doluit, moderate tamen.

Quarta Julii, præter hucusque dicta, vomitio crebra ingestorum spontanea, æruginosa, & cardialgia urgebant. Ea nocte

mul-

multum angebatur, & crura acerbius dolebant.

5ta Julii, cum ad nos venit, vomitus spontanei aderant, & alvus stricta, leves in abdomine dolores, graviores in cruribus; summa lassitudo cum ardore cutis per sinistrum abdominis latus, a quinque diebus hucusque persistente. Non febricitat; ardorem in abdomine per intervalla queritur.

Æger hic emulso purgante ex sale amaro & manna aliquoties propinato, cui semper aliquid camphoræ jungebatur, enematis, & nervinis, usum purgantium interpolantibus, intra breve tempus convaleuit.

### *Historia morbi XVII.*

Operarius 25 annorum cum suam pictori operam locasset, cerussam super marmor lævigatum in pollinem per frequenter conterebat.

Is ante 14 dies ventriculum sibi quasi contorqueri sensit; mox fluere alvus cum levamine cæpit.

A septem diebus dolor ventriculi per intervalla gravior, ardens, contorquens;

E c 4

dolor



dolor quasi ischiaticus per externam femorum faciem, ad caput usque fibulæ, decurrebat; mictus accessit stranguriosus. Brachia, præ immani eorum pondere elevare, aut cruribus insistere præ debilitate haud potest.

Die 19ma Julii sponte biliosa vomuit; alvum ab aliquot diebus difficilem experitur, nullum gustus vitium; lingua ex flavo albicans.

Die 20ma Julii datum emulsum purgans est, ex sale amaro & manna confectum, adjecto pauxillo camphoræ; injectum acre enema, & propinatum decoctum est ex herbis emollientibus paratum. Alvus semel & parce mota est; dolor idem.

Altero die sequens mixtura præscribatur:

Rec. Aq. fl. chamom. unc. v.

Opii puri gr. iij.

Camph. gr. iv.

Syrup. menth. unc. j.

M.

Cataplasma ex emollientibus herbis & chamomilla ventriculo adplicatur. Idem decoctum, & enema idem. Alvus bis, & copiosior posita est. Urinæ largior fluxus.

& expers dolorum; ventriculus minus doluit.

22<sup>ma</sup> Vix ullus dolor superest. Alvus una, spontanea. Sumpsit postea sequentem mixturam.

Rec. Ol. amygd. dulc. recent &

frigide pressi unc. 1 β.

Vitelli ovi recent. Nro. 1.

Aq. fl. chamom. unc. vj.

Opii puri

Camphor. ʒ gr. iv.

Syrup. menth. unc. i.

M.

Die 23<sup>ma</sup> alvus unica, facilis secuta est; nullus dolor amplius.

Die 24<sup>ma</sup> caput obtusum est, ceterum bene se habet. Emulsum purgans.

Die 25<sup>ma</sup> Julii bene per omnia se habet. Datae dein pilulae sunt ex sagapeno, G. galbano, castoreo, & camphora, quarum usu intra exiguum tempus perfecte convaleuit.

### *Historia morbi XVIII.*

Juvenis 19 annorum, pictor, ab aliquot jam annis aliquoties ex colica pictorum ægro-



tabat. Ante sex dies cardialgia, ventriculū & intestina per vices quasi contorquente, afficiebatur; vomituriebat simul, nauseabat, alvumque habebat diarrhæicam. Ante 4 dies alvus compressa sponte est, & acutus abdominis cruciatus. Accessit lassitudo omnium artuum, pondus grave, vomiturationes continuæ.

Die 20ma Julii 1776 omnia, ut pridie.

Die 21ma ter sponte vomuit, flava, æruginosa, acida, amara. Alvus stricta; mictus frequens urinæ copiosæ. Lingua pura, os mucosum, ructus sapore salino. vomiturationes, dolores ventriculi & intestinorum contorquentes, modo graviores, mitiores modo; pulsus pleni, fortes, duri, non febriles, eo & sequenti, quo ad nos venit, die, observabantur.

Emulsum purgans, cui pauxillum camphoræ jungebatur, & cataplasma ad totum abdomen præscripta fuere.

22ma alvus nulla; eadem omnia. Hinc mixtura oleosa cum opii & camphoræ granis vj exhibitum.

23ma præmisso heri opio & camphora injectus clyster oleosus alvum emollivit.

Dolo.

Dolores primo nulli amplius, vesperi denuo redeunt, prioribus tamen multo mitiores.

25. emulsum purgans cum pauxillo camphoræ datum, & abdomen oleo chamomillæ, cui camphora commiscebatur, inunctum est; inde alvus semel posita. Dolores exigui, & per intervalla recurrunt.

Noctes toto morbi tempore difficiliores fuerunt; subjungebatur mixtura oleosa; & dein alia ex aqua chamomillæ, syrupo chamomillæ & extracto chamomillæ, qua per aliquot dies usus, & alvi libertatem, & pristinam ab omni abdominis incommodo immunitatem obtinuit, ac die 6ta Augusti sanus discessit.

### *Historia morbi XIX.*

30 annorum pictor hoc anno binis vicibus ex colica saturnina decubuit. Ante 14 dies prima morbi symptomata compa-  
ruerunt; rheumaticus nempe crurum dolor, isque adeo gravis, ut vix incedere valeret. Dolor item in hypogastrio, vomendi conatus, vomitusque spontanei, biliosi. Ructus multi, flatulenti, absque alieno sapore. Oris amaror continuus. Nauseæ, al-



vus difficilis, tensio in cervice. Urina facilis, copiosa, aquosa. Ante 12 dies purgante sumpto decies & quinquies deiecit, ac vomuit ter, absque levamine. Ante quinque dies venam sibi tundi curavit; inde non levabatur. Ante tres dies denuo, hausto pharmaco, alvum quinquies, & sexies vomitum movit. Inde vero cephalalgia corripitur, & caput fieri temulentum coepit. Nocturnae inquietudines, insomnia, pavores. Lingua ad nos venienti biliosa fuit; non appetiit, vomiturivit, nauseavit. Anxietas, umbilici retractio. Dolor circa umbilicum lancinans, cum ardore hypogastrii per intervalla recrudescente; crurum rheumatismus. Alvus a biduo restitans enemate mota est, Pulsus plenus, durus, naturali paulo celerior, absque calore præter naturam. Urina libera, & sanorum instar.

Data enemata fuerunt, & adhibita cataplasmata; decoctum emolliens pro potu erat. Propinabatur etiam emulsum mannae cum sale amaro & pauxillo camphoræ sed sine levamine. Mixtura oleosa cum camphora & sine opio non profuit; caput fiebat magis temulentum.

Dies

Dies 27ma Julii. Intra biduum ternæ sanguinis missiones institutæ sunt, quas pulsus prædurus, capitis temulentia, & instans delirium postulare videbantur; levamen nulum, graviora omnia.

Die 28ma mane artus inferiores convelluntur; lingua porrigitur, multum extra os tumet, & dentibus commordetur. Stupidus, & quasi attonitus est, mentis tota die impos, ἀψυχος, cum tardissimo corporis artuumque omnium motu, ac toto quasi corpore semiparalyticus. Pulsus non duri, molles, naturalibus celeriores; urina sanorum. Hoc rerum statu mixtura oleosa cum opio & camphora exhibebatur; qua assumpta altero die mens, major membris mobilitas rediit. Injunctus acer clyster fæces copiosas eduxit.

Die 30 repetita eadem mixtura; dolor in abdomine exiguus, major artubus. vigor rediit.

Mixtura ex tota chamomilla, adjectis opio & camphora brevi convaluit, ita, ut die 6ta Augusti se æque sanum, ac antea diceret.



Nihilominus diutius in nosocomio retinebatur , ut nonnisi probe confirmatus abierit.

Sub continuato opii usu alvus etiam absque purgante , aut enemate , quotidie una alterave vice respondebat , & artuum vires augebantur.

Noctes magis laboriosæ fuerunt ; interdium mitius habuit.

### *Historia morbi XX.*

32 annos natus pictor a tribus diebus dolorem ventriculi & intestinorum contorquentem , urentemque queritur , ac noctu graviolem. Lotium missurus diuturnum conatum exprimendæ urinæ adhibet , donec ea tandem cum ardore prodeat ; umbilicus modice introrsum trahitur ; tensio hypochondriorum & anxietas ; ardor in exiguo dorsi spatio , item per externam femorum partem decurrens. Scroti corrugatio contractioque præter modum , & testiculorum retractio , rotatio. Alvus nulla ; vomitiones , lingua biliosa , ructus multi flatuosi , & inappetentia adest. Pulsus fortis , plenus , durus absque calore.

Ad-

Adplicatum cataplasma ad abdomen est, datumque decoctum ex emollientibus herbis; clysteres emollientes injecti fuerunt & haustus oleosi ore assumpti.

Inde levamen, sed perexiguum observabatur.

Die 28. Julii mixturam oleosam cum camphora & opio æger sumpsit; eo die, assumptis quatuor opii per intervalla granis, secuta alvi libertas est, & symptomatum omnium emendatio.

Die 31. Julii, etsi hucusque oleosa mixtura cum camphora & opio propinaretur, alvus tamen libera & facilis mansit, nullusque artuum torpor, quin auctum potius eorundem robur observabatur. Caput nunquam sub usu opii temulentum. Nullus ulibi dolor aut ardor.

Usus postmodum camphora, & stomachicis, nervinisque est, & die 7ma Augusti sanus discessit.

### *Historia morbi XXI.*

Tinctor 20 anorum, pigmentis saturninis assidue usus, 1ma Junii præter morem  
non



non appetit, corpore quasso, & artubus dedolatis.

2da Junii 1776 pectus opprimitur; hisce molestiis adauctis, die 4ta Junii dolor abdominis lancinans jungitur.

Die 5ta Junii sensus oris acido austerus accedit, lassitudo, dolorque ventris incrementa cœpere. Umbilicus introrsum trahitur; noctesque molestæ.

6ta. Ardor sternum enormis invadit. Fit venæ sectio. Somni perpauci, laboriosi; & ventris tarditas, & fœces duræ, caprillæ.

7ma Junii rebus in pejus ruentibus purgante pharmaco opitulabatur. Alvo quinque mota commodius habuit, surrexit.

9na Junii ad consuetos labores rediit. At vesperi nauseare, vomiturire, noctemque agere ferme insomnem, & die sequenti

10ma Junii, carebaria, temulentia, thoracis ardore, difficili spiritu, borborygmis, vomituritione, torminibus affligi cœpit, umbilico introtracto, alvoque suspensa; somnus nullus.

11ma Junii, sumpto purgante non deiecit.

12ma Junii ad nosocomium venit vertiginosus, & gressu titubante; oris amaro-rem, pectus oppressum, & sterni ardorem ingentem questus. Tormina, venterque a triduo clysteres eludens. Pulsus, præter morem ægrorum ex colica saturnina decumbentium, perquam mollis. Dabatur sequens:

Rec. Aqu. chamom. unc. V.

Opii puri

Camph.  $\overline{aa}$  gr. viij.

Syrup. chamom. unc. ij.

M.

Omni 4ta hora sextam partem assumat; jecta emollientia, dein & irritantia enemata nil sæcum eduxerunt. Aliquoties vomuit assumpta & biliosa; accessit urinæ difficultas, & tenesmus ad *matulam*.

Horum remediorum usu continuato, præque molestiæ remiserunt, cicuratisque abdominalibus spasmodis.

Die 15ma Junii purgante, alvum hucusque supressam, movimus:

Rec. Sal. amar. unc. 1  $\beta$ .

Aqu. fontan. unc. iij.

Opii puri gr. i.

Syrup. mannat. unc. i.

M.

F f

Se.



Seceffus inde complures consecuti, ingens levamen omnium ferme symptomatum attulerunt, ita, ut, præter quemdam non molestissimum & alvi, & urinæ tenesmum, per vices recurrentem, æger vix quidquam a sanitate alienum conquereretur. Remediis postea stomachicis, & amaricantibus, mentha, chamomilla, foliis aurantiorum, nervis suppetias tulimus, & opii atque camphoræ, singulorum grana quinque diurnæ medicamentorum portioni adjecimus.

Tandem narcoticorum & camphoræ doses in dies minuebamur, solis usi stomachicis & corroborantibus, quibus effectum est, ut morbi reliquiæ sensim diffarentur, ægerque die 24 Junii sanus a nobis discesserit.

Æger assiduo herbarum emollientium decocto pro potu communi utebatur. In hoc quoque ægro, noctes diebus multo difficiliore fuerunt. Purgans opio præmissum die 11ma Junii adstrictam alvum non reclusit; verum narcotico præmisso, & relaxatis intestinorum fibris, præsentem opem serius tulit.

Et si purgantia colicam saturninam non sanent, profunt tamen serius data, & spasmis opio prius compressis; cum sordes ob  
al.

alvum diutius obstructam conclusas, & colicam stercoream, biliosamque secundo induentes, eliminant. Alvus quotidie & sponte respondebat per ultimos morbi dies, etsi quotidie laudano uteretur.

### *Historia morbi XXII.*

Pictor, 53 annos natus, pigmenta, quibus ad labores suos utebatur, ipse in pulverem terens, & ex mala consuetudine penicillum ore detergere solebat, elapsa hyeme 1777 quaternis vicibus ex dira colica pictorum decubuit: antea semper sanus. 3<sup>ta</sup> Aprilis de vehementi dolore ventris & cardiae conquerebatur; vomituritio, & tandem vomitus; testiculi retrotracti, & contorti; artuum dolores, alvus nulla, nullus somnus; urinæ liberum profluvium.

4<sup>ta</sup> Vomitus sæpius rediit, cardialgia vehementior, lancinans & vagus in abdomine dolor, ad lumbos usque subinde ascendens.

Ardor per totum oesophagi tubum; artuum, præcipue superiorum, dedolatio; penis & testiculi retrotracti; urinæ ardor.

Ff 2

Sump-



Sumpſit ſtatim opii gr. i β. in ſyrupo menthæ; dein ſequens.

Rec. Aq. chamom. unc. v.

Olei amygd. rec. & frigide expreſſi, vitello ovi ſubacti.

Syrup. fl. chamom. aa. unc. i.

Camph. gr. vij.

Opii puri. gr. ix.

M.

Injecto enemate ſemel parca alvus, abſque levamine.

5ta Aprilis, cephalalgia, & vomituri- tio; vomitus etiam, rarior tamen, quam heri. Os amarum, lingua impura. Frigus & calor per vices, ſitis magna, pulſus va- rius, urinæ ardor; alvus obſtructa. Injec- tus clyſter; decoctum herbarum emollien- tium; mixtura oleoſa cum granis vj opii & camphoræ.

6ta. Cephalalgia; lingua humida & al- beſcens; oris amaror, & vomituri- tio per- ſtabant; jaſtitabat ſeſe æger per lectum, cum ſingultu; abdomen tumidum, tenſum, vel leviffimi attactus impatiens; artuum ſu- periorum & inferiorum dolor & dedolatio; & totius ſpinæ dorſi dolor; teſticuli retro- tracti; ſtranguria, pulſus inæqualis, ſom-

alvus parcus, alvus obstructa. Eadem remedia continuata, atque sæpius enemata applicata, addito ex sale communi stimulo.

7ma Aprilis, cephalalgia, nullus amor oris, lingua pura, nulla vomituritio, & singultus minus frequens; dolor autem totius abdominis, artuumque pondus & dedolatio perstabant: de cordis palpitatione valida conquerebatur; cum urinam mitteret, penis & testiculi subito ad momentum retraherentur, ceterum fluxus urinæ faciliior; semel alvus copiosa, multos inter flatus, magno ægri cum levamine; pulsus ut pridie; somnus paulo protractior.

Eadem remedia continuabantur acrioribus enematis interpolata.

8va Caput & lingua bona; singultus rarior; dolor abdominis mitior, etsi nondum rudiorum attractum ferens. Minor artuum superiorum dedolatio; ab injecto clystere alvus mota; nulla amplius cordis palpitatio. Cutis totius corporis a rudiori attractu dolens; pulsus celer admodum & inæqualis; octies adhuc alvum posuit; somnus frequentioribus dejectionibus turbata.

Cum alvus etiam emollienti minusque aceri clysteri facile responderet, utpote spas-



mis intestinorum continuato opii usu solutis, & emolliens decoctum, & mixtura oleosa cum eadem camphoræ dosi continuabantur, omisso quamvis opio.

9ma Sapor bonus, dolor abdominis mitior, mictus facilis; artuum tamen aliqua dedolatio; alvus ter mota. Sumebat sequens:

Rec. Aq. fl. chamom. unc. v.

Extr. fl. chamom. Extr. dr. β.

Camph. gr. vj.

Syrup. chamom. unc. ij.

M.

10ma, ab injecto enemate bis alvus mota; bis quoque alvum sponte posuit; somnus bonus; eadem remedia continuata. Usu tandem continuato mixturæ amaræ & stomachicæ perfecte convaluit, & 20ma sanus e nosocomio discessit.

### *Historia morbi XXIII.*

Idem tinctor, cujus morbum nunc descripsimus, ad eosdem labores resumendos dira necessitate coactus, 7ma Maji 1777 nostrum iterum nosocomium accessit. Conquerebatur de dolore contorquente ventriculi, & totius abdominis; frigus & calor cum cephal-

phalalgia per vices. Os pituitosum, subinde vomituritio, artuumque omnium dedolatio. Alvus semel posita, cum tenesmo.

8va Omnia pejora, accedente testiculorum contorsione; alvus nulla; somnus paucus, & turbatus.

9na. In nosocomium receptus. Cephalalgia, mitior tamen, quam præcedentibus diebus. Os amarescens, lingua humida & albescens, & frequens vomituritio; nullus tamen vomitus. Cardialgia vehemens, ab actu externo aucta. Dolor scindens totius abdominis, & cutis totius corporis ab actu dolens. Major artuum dedolatio, & dolentes testiculi contorti atque retracti. Sitis magna, pulsus inordinatus. Dabatur sequens:

Rec. Aq. fl. rhæad. unc. v.

Olei amygd. dulc. vitello  
ovi subacti

Syr. fl. chamom. aa. unc. j.

Opii puri

Camphor. aa. gr. vij.

M.

Præscribatur simul decoctum altheæ,  
roma. Somnus parvus, alvusque nulla;  
artuum noctu dolor major, rarior autem &

Ff. 4

mi-



mitior vomituritio , mitior quoque cephalalgia; os autem amarum, & lingua biliosa colluvie obducta. Cardialgia & dolor totius abdominis ab attactu aucta; dolor artuum & reliqui corporis obtusus; urina, alvus, & pulsus, ut pridie; hinc eadem mixtura, idemque decoctum continuata.

11ma, Somnus bonus; minor capitis dolor, artuumque nullus; nullus etiam in regione ventriculi dolor, & rudiorum etiam ibi attactum ferebat. Dolor in regione epigastrica obtusior, minusque scindens, ac die prægressa, artusque etiam æger facilius movebat; miæctus tamen cum tenesmo. Alvus nulla; pulsus inordinatus, paulo durior; injectus clyster mox iterum, quin alvum moveret, ejiciebatur. Eadem remedia continuata.

12ma, nox inquieta, insomniis turbata; nulla cephalalgia, ventriculus autem attactum non ferens; abdomen molle, ferme indolens; miæctus difficilis. Datum clyster emolliens, dein purgans ex unc. i β. salis mirabilis, opii gr. j; & camphoræ gr. ij. in aqua communi & syrupo menthæ; inde paucam pituitam cum bile vomuit; sexies dein deiecit fæces duras, caprillas; hinc  
mix-

mixtura chamomillæ cum camphora, sed sine opio.

13ma, somnus bonus; caput indolens; ingratus tamen ab attractu circa ventriculum sensus. Cum lancinans dolor abdominis per vices recrudesceret, mictus iterum difficilis redderetur, & artuum dedolatio adesset, prior mixtura cum opio præscribatur. Alvus inde nulla; idem pulsus.

14ma, nox tranquilla; caput bonum; abdomen ab attractu modice dolens; major artuum mobilitas, pulsus inordinatus. Vespera, ab injecto clysmate, alvus copiosa; mictus autem adhuc cum tenesmo.

Prior mixtura cum granis v camphoræ & opii.

15ma, eadem, quæ pridie, somni & capitis conditio. Abdomen ab attractu minus doluit; dedolatio; mictus faciliior. Nulla tamen alvus; eadem mixtura repetita.

16ma, Bene dormivit; minor dedolatio, abdomen attractum magis ferens; artus facilius movebantur; mictus liberior; alvus vero obstructa. Pulsus inordinatus. Eadem mixtura.

17ma, ab enemate alvus semel mota; modicus abdominis dolor; dedolatio, mic-



tus, & pulsus, ut heri. Mixtura chamomillæ cum opii & camphoræ aa. gr. v.

18ma, nulla alvus; ceterum ut pridie se habuit; idemque remedium exhibetur.

19ma, in dextro latere dolor ischiaticus; minor dedolatio; & obscurus abdominis ab attactu dolor; mictus faciliior. Eadem remedia.

20ma, dolor ischiaticus mitior; alvus sponte bis mota, & vix ullus abdominis dolor. Artuum inferiorum debilitas, & articulorum dolor; ceterum bene se habuit. Sumpsit priora remedia.

21ma, Ischias ex toto evanuit; alvus spontanea & facilis; abdomen bonum, omnia symptomata emendata; ægerque convaleuit.

26ma, e nosocomio discessit, continuato usu mixturæ chamomillæ cum camphora & remediorum stomachicorum perfecte restitutus. Ad confirmandas primas vias cortex peruvianus præscribatur.

### *Historia morbi XXIV.*

Pictor annorum viginti natus, a longo tempore sanus, 25 Maji 1778 de dolore per

per vices lancinante hypogastrii conquerebatur. Appetitus erat prostratus, sapor oris putridus, calor magnus. Hæc symptomata sequentibus quinque diebus pejora reddebantur, accedente tandem stranguria. Alvus a triduo obstructa, & valida vomituritio.

3<sup>ma</sup> ad nos venit. Obscurus capitis dolor, oculi caliginosi, lingua albida, puitosa, appetitus prostratus; dolor in regione ventriculi inter inspirandum; dedolatio, vomituritio, & vomitus aliquot spontanei. Per totum abdomen dolor lancinans; mictus frequens, & stranguriosus, cum ingenti dolore. Alvus obstructa, & anus introtracta. Nullum artuum rheuma; pulsus plenus, fortis, durus; clyster injectus a retrotracta & constricta ano mox repellebatur. Mixtura oleosa cum opii & camphoræ granis viij, & decoctum herbarum emollientium.

4<sup>ma</sup> Junii cephalalgia minor, lingua adhuc albida; repetito vomitu vermem rejecit; ventriculus attactus magis impatiens; dolor lancinans ardensque abdominis. Alvus nulla, mictus cum tepesmo, & anus adhuc introtracta. Pulsus fortis, plenus,  
du-



durus. A meridie venæ sectio instituta unc. x, sanguis absque crusta. Eadem remedia.

ada Junii caput bonum. Appetitus nondum rediit; vomituriatio enim, nullus tamen vomitus. Ventriculus & abdomen ab attactu dolens; dolor etiam lancinans supra pubem. Dedolatio perstabat. Mictus difficilis, stranguriosus, dolens. Sumpsit mixturam chamomillæ cum opii & camphoræ aa gr. jx. Omittebatur oleum, cum non semper recens esset, & ob alvum diutius adstrictam facile rancesceret, tum etiam ex hac ratione, quod ventriculum saburra putrida gravatum existimarem.

3tia æger, quod caput & os attinet, bene se habuit, adhuc tamen vomituriatio, & dolor ventriculi ab attactu. Dolor abdominis minus lancinans; alvus obstructa, & mictus stranguriosus & dolens; omnium artuum dedolatio. Sequens remedium præscriptum.

Rec. Aqu. font. unc. ij.

Sal. amar. unc. i β.

Opium puri gr. i β.

Syr. menth. unc i.

M.

Re

Revomuit statim hocce remedium; hinc vespera eccoproticum ex sale amaro, grano uno opii, & granis ij. camphoræ exhibitum; injectus clyster ex hiera picra: bis inde vomuit, & quaternis vicibus dejecit. Lancinans artuum dolor & dedolatio perstabant; abdomen minus dolens, & miſtus faciliior.

4ta. Noſte prægreſſâ quinquies dejecit, ſomnus reficiens; caput & os bonum. Hucusque oculi adhuc caliginofi. Ventriculus haud dolebat, & obſcurus tantum abdominis dolor, nulli dolores lancinantes artuum, aliqua tamen dedolatio; miſtus faciliior, nullus vomitus, neque vomituriſio; ceterum nox tranquilla. Mixtura chamomillæ cum opii & camphoræ  $\overline{\text{aa}}$  gr. vij.

5ta. Levis tantum in abdomine dolor. Artuum dedolatio, & oculorum caligo; alvus obſtructa; reliqua bona. Eadem mixtura.

6ta. Sequens purgans exhibitum.

Rec. Aq. menth. unc. iij.

Sal. amar. unc. i  $\beta$ .

Opium pur. gr. j.

Syrup. menth. unc. i.

M.



ges inde deiecit; dedolatio; nullus dolor.

7ma. Somnus protractus; minor dedolatio; alvus bis posita; ceterum bene se habuit.

8va & 9na omnia emendata; alvus autem nulla.

Hucusque quotidie mixturam chamomillæ cum opii & camphoræ ʒā gr. v sumpsit; postea autem eadem mixtura absque opio præscripta.

12ma. Sub usu continuato remediorum roborantium & stomachicorum perfecte convaleuit.

Binis vicibus eccoprotica præscripsimus, ne impuræ reliquæ retentæ diutius sordium, regnantibus præcipue febribus gastricis, malum exacerbarent.

Opium purgantibus addebatur, ut spasmos, qui alvum adstringebant, solveret, purgante interim remedio optatum ut plurimum effectum præstante. Sæpe largis dosibus opii exhibitis, alvus aliquot continuo diebus sæpe *sponte*, absque purgante, movebatur.

Draſtica etiam purgantia, & clyſteres fruſtra exhibentur, niſi opio prius exhibitō; alias enim emetica evadunt.

Ceterum in ſananda colica piſtonum, ſequentia mihi medici attentionem peculiārter mereri viſa ſunt:

Ille medendi methodus, quæ remediis emollientibus, mucilaginosis, oleosis, plumbi vim venenatam enervare conatur, raro, aut vix unquam, ſola nobis ſuffecit. Nonnunquam emollientibus atque obvolventibus remediis leniora purgantia interpoſuimus. Mitiores tantum colicas ſaturninas, eaſque perpaucas, hac methodo ſanatas vidimus.

Fortiora remedia alvum non movebant; ſed vehementiſſimum vomitum, auctis ſimul abdominis doloribus, ciebant.

Neque in ſolo emeticorum uſu ſalus; etſi ægri ſymptomata maxime bilioſa exhiberent. Mirum eſt, quantum opium profuerit; neque tantum diriffimi inter miſerimos ejulatus ægrorum dolores ab opio ſolpiebantur; ſed vis ipſa venenata plumbi infringeſatur, uti obſervatis conſtabat, ſi diutius, & exiguis doſibus exhibebatur, atque



*que symptomatibus, opii usum contraindicantibus, prius sublatis.*

Contraindicantia autem sunt sequentia:

*Primo*: Biliosa ventriculi illuvies, quam tempore plerumque æstivo, quo bilis potissimum dominatur, in ægris hac colica affectis frequenter observavimus. Si ægri magnam biliosæ saburræ copiam vomitu sponte rejecerunt, mox ad opiata confugimus; spasmis enim abdominis solutis, primæ viæ pertinaciter & diu obstructæ aperiebantur, & dirissimi cruciatus cessabant.

Quibus autem nulli vomitus spontanei, atque magna copia bilis in ventriculo hærebat, emetico prius exhibito, mox opiata præscripsimus.

Ventriculo multa bile laborante, noxius omnino erat opii usus; calorem enim augebat, & febrim biliosam, malignam, putridomalignam excitabat.

Si æger colica pictonum correptus, febre simul bilioso-putrida laborabat, curatio anceps & difficilis erat. Febris enim, pejor colica morbus, opii usum, quem colica postulabat, prohibuit. Hinc tali modo contra utrumque morbum erat pugnandum,

dum, ut modo huic, modo illi maxime urgenti malo obviam iremus.

*Alterum*, quod in initio colicæ saturninæ opium contraindicabat, erat plethora, aut inflammatio. Quodsi itaque abdomen, a continuo plumbi stimulo vexatum, in hominibus ceteroquin robustis, & tempore phlogisteo, hyeme scilicet sicca, siccoque vere, ab inflammatione affici deprehendebamus, opium non exhibebatur, nisi venæ sectione prius instituta, & remediis emollientibus per os & anum exhibitis, & fomentis emollientibus abdomini applicatis; absterfa autem phlogosi, opitata felici cum eventu præscripsimus. Alvus pertinaciter clausa, & purgantibus, atque acribus clysteribus, per plures etiam dies exhibitis, non respondens, usum opii adeo non prohibuit, ut hoc potius remedio, contra ac in aliis ægris contingit, moveretur; spasmis forte abdomen adstringentibus opio solutis.

Extractum hyoscyami opio poterat substitui, tunc præcipue, si venenum plumbi laudano liquido sydenhami, diuturniori, ut videbatur usu assuesceret; atque in eo casu parva extracti hujus dosi id effecimus,

G g

quod



quod a majori etiam opii dosi vix assequer-  
batur.

Nullos ægros vidimus, artuum para-  
lysi multatos; si modo opium prius, quam  
nervi a plumbi veneno destructi erant, ex-  
bitum fuerat.

Alia remedia nervina ad celeriore  
tantum sanationem opem suam contulisse  
videntur, atque inter hæc potissimum cam-  
phora, castoreum, & gummi ferulacea.

---

SECTIO VII.

---

SPARSA QUÆDAM

A D

ÆGRORUM LECTOS EXPOSITA.



SECTIO VII

---

STABIA QUA DAM

STABIA QUA DAM

---

. I.

## DE EXPECTORANTIBUS.

---

**O**pus fuit in ægro nostro medicamento, quod in massam sanguinis posset transferri, quin prius consueta alias via in ventriculum & intestina transferretur. Vis cantharidum movens, glutinosa incidens, attenuans, solvens, talis est, ut per cutis spiracula massam humorum subeat, & destinato fini satisfaciat.

Quæritur hoc loco, an non convenisset citius, & ad initium morbi expectorantia propinare?



Respondeo: pravam esse illam consuetudinem, quæ, sive in vera, essentiali, ac inflammatoria pulmonum inflammatione, sive in hac spuria, biliosa, statim stibiata, moventiaque exhibet. Nam quamdiu in vera inflammatione phlogosis manet, quamdiu actu inflammatio persistit, tamdiu sola viget solvendi, lubricandi, emolliendi, & massam sanguineam diminuendi indicatio. At vero, ubi discussa omni phlogosi materies mobilis facta jam est, sed ob ejus tenacitatem, aut ob vim vitæ nimium dejectam per sputa educi non potest, cumque ex hac causa pulmones hoc alieno naturæ pondere gravantur, convenit medicamento movente, incidente, stimulante, viribus vitæ debilitatis suppetias ferre, ut omnes secretiones & excretiones, quæ ob morbi violentiam, diuturnitatem, prægressas copiosas excretiones languent, admoto expectorantium sic dictorum leni stimulo, resuscitentur. Sed neque in hac nostra pleuro-peripneumoniæ specie convenit, ad initium statim expectorantia propinare; nam moles materiæ alienæ, in primis adhuc viis resistans, in motum fuisset ducta, & ad vias secundas copiosius transiisset; hinc prius pur-

purgare ventriculum & intestina convenerat.

## II.

### *Curæ confirmatoriæ necessitas post morbos biliosos.*

Æger, qui Nro. 15 decumbit ex pleuroperipneumonia inflammatorio-biliofa bene per omnia se habet. Agit 14tum ab initio morbi diem. Datum hodie est medicamentum vias primas leniter abstergens ob sequentes rationes. Morbi biliosi, etsi curati sint, nihilominus magnam relapsus proclivitatem post se relinquunt, partim, quod systema gastricum reliquiis biliosæ materiæ adhuc obsideatur, partim etiam, quod id ipsum systema morbo, & medicamentis evacuantibus debilitatum sit, aptumve, ut paulo post novus sordium apparatus colligatur. Hinc necesse omnino est, primas vias probe ab omni inquinamento, tanquam recidivarum fomite, eluere. At neque hoc solum sufficit, ut felicem curationi coronidem imponamus. Cura enim prophylactica, cura confirmatoria, si unquam in ullo morbo, in hoc certe perquam est necessa-



ria. Hinc repurgatis bene primis viis lenia tonica dabimus, eaque ex classe illorum repetemus, quæ alvum simul apertam servant. Solemnis nobis est mixtura stomachica:

Rec. Aq. fl. chamom.

— menth. aa unc. ij β.

Elixir stomach, temp.

Tinct. rhei aquos. aa unc. i.

M.

Lanquor ex hoc morbo reconvalescens diutius perstat, tardiusque emendatur, quam in iis, qui vera pulmonum inflammatione laborarunt; & si facilis sit pleuritidis veræ recidiva, facillima erit ea pleuritidis biliosæ. Ratio patet: scilicet in vera inflammatione nimium stricta sunt relaxanda, humores nimii per venæ sectiones evacuandi, & excessus sanitatis athleticæ auferendus; at in morbo bilioso, nimium relaxata jam sunt roboranda, materiæ biliosa per vias varias successive eliminanda. At facilius est, nimium stricta relaxare, quam nimium relaxata stringere. Pars antea relaxata, nunc vero medicamentis corroborata, in priorem nimiam laxitatis statum magis inclinat, quam pars antea nimis

mis stricta, nunc medicamentis relaxata in  
statum stricturæ nimiae.

### III.

*Quando purgans & vesicantia in angina  
profint, quando noceant?*

Anginolo nostro vena secta est, datum  
emulsum nitrosum, mixtura antiphlogistica,  
gargarisma emolliens cum melle & nitro.  
Duo sunt omissa, vesicans scilicet ad par-  
tem affectam, & purgantia. Videamus ra-  
tionem:

κατασπαστική, hæc fuit inflammatoria;  
non erat malum mere locale, sed totum re-  
liquum corpus vera laborabat febre *inflam-*  
*matoria*. Duplex ergo est indicatio: par-  
tes solidas nimium strictas relaxare, & san-  
guinem phlogisticum minuere & diluere.  
At vesicantia neutri indicationi satisfaciunt,  
stimulant, inflammant, & in *totum* corpus  
agunt.

Purgans, utut *mite*, utut *antiphlogi-*  
*sticum*, nunquam tamen exhibetur, quin  
major inde humorum motus reddatur. Mi-  
tissimum purgans ex cassia, manna, rheo,



in vias secundas agit, id quod ex urina saturationi, & pulsu citiori constat. Hinc in sensu stricto nullum proprie datur purgans antiphlogisticum. Æque inepte egissemus præscribendo purgans, ac ageretur, si quis in vera, essentiali, & inflammatoria pleuritide purgans exhiberet. Angina inflammatoria idem fere morbus est cum pleuritide inflammatoria: *est scilicet febris inflammatoria universalis cum inflammatione topica, tonsillarum videlicet: pleuritis est febris inflammatoria universalis, cum inflammatione topica, scilicet pleuræ, ut quidam dicunt, vel potius pulmonis ipsius, ut alio loco demonstrabimus.* Hinc, sicut in pleuritide inflammatoria purgans non convenit, omnium auctorum & quotidianæ experientiæ testimonio, ita nec in angina inflammatoria.

At vero, si sit inflammatio tonsillarum, faucium solum *spuria*, depositio serosa, tunc utique conveniet vesicans, humores serosos, & ad certam partem depositos in motum ducens, per vias urinarias eliminans, uti & per diaphoresin, quam stimulus vesicantium promovet. Tunc etiam purgans conveniet eodem fere scopo, movente scilicet &

eva-

evacuante. Probe hæc notanda sunt; cum morbi hi faucium quotidie ferme occurrant, ne, uti fieri sæpe solet, inconsulto, nullo facto mali discrimine, & venæ sectionem, & simul purgantia, & vesicantia, & omnem remediorum sibi contradicentium apparatus adhibeamus. Eo facilius hic erratur in morbis ejusmodi vulgaribus, obviisque, quod minus necessaria mali disquisitio videatur, & quod jam trita via sit, qua omnes nos cæco quodam impetu, & sola solemni & antiquitus iam stabilita consuetudine ducti, inconsulto ruimus. Plures sunt morbi, qui, quo magis obvii, vulgaresque sunt, eo minori cum attentione tractantur,

## IV.

*Remedium expectorans laudanum cum  
kermete.*

Æger noster, qui Nro. 14 decubuit ex pleuroperipneumonia spuria, uti nostis, diarrhæa corripiebatur, circa 7, 8, 9num morbi diem, quam utilem, si moderatior fuerit, & pro evacuandis biliosis reliquiis necessariam diximus. Verum cum alvus  
diu-



diutius ac copiosus, quam par erat, & ægro conduceret, flueret, cum metus esset, ne sputa minuantur, cumque materies sputorum crassa, tenax, glutinosa, & ductilis esset, indicatio viguit, imo: diarrhæam diutius durantem comprimendi; 2do, vires vitæ languentes incitandi, ut materies sputorum promoveri queat; 3tio, materiem crassam sputorum attenuandi.

Primæ & secundæ indicationi opium satisfacit; tertiæ kermes minerale. Datum est ergo medicamentum compositum ex quarta parte grani unius laudani puri, & dimidio grano kermes, hac ratione, ut omni hora pulverem sumat; dein omni bihorio dabatur granum kermes, &  $\frac{1}{4}$  grani unius laudani hac formula:

Rec. Laudani pur. gr. j.

Kermin gr. ij., iij., jv.

Sacchar.

Lapid. cancr. aa. Scrup. ij.

M.

Divide in doses IV.

Hac ratione sputa copiosiora primo, & dilutiora facta sunt, demum purgatis ex toto pulmonibus, & tussis, & sputa conquieverunt.

Quæ-

Quæstio duplex hic nascitur: 1) qua vi agat Kermes, an *specificum sit* expectorans, an peculiari occultaque vi sputa promoveat, tali videlicet, prout cortex peruvianus specifica antifebrili virtute gaudet. 2) Qua vi opium agat, ut hic apta ejus exhibitio fuerit.

Ad primum respondeo: kermetem tanquam medicamentum antimoniale habere vim fibras stimulantem, irritantem, & universim corpori humano molestant. Hinc, si nimia quantitate ingeratur, vim eandem in ventriculo exferet, qua congener tartarus emeticus agit, emeticam scilicet. Si vero ventriculum offendat paulo minus delicatum, atque dosi paulo pariori præscribatur, ventriculus non offendetur, at vero ad intestina ruet, & alvum solvet. Verum, si Kermes a primis viis superetur, atque ad secundas transeat, natura inimicas antimonialis hujus præparati reliquias eliminare conabitur, easque illuc urgebit, ac deponet, quorsum major humorum excrementitiorum nisus, majorque inclinatio est. Hinc ergo Kermes nulla specifica vi expectorante agit, atque plures alias vires aliis in morbis perquam utiles possidet. In doloribus inveteratis



ratis articulorum , ubi materies arthritica ad manus pedesque deponitur , kermes huc quoque a viribus vitæ determinabitur , & motu hoc suo vascula obstrueta referabit , materiem ibi restitantiem reddet mobilem & per vasorum extremitates abiget , quin propterea vim quandam specificam in morbis articulorum possideat. Item in morbis cutaneis inveteratis , scabie , lepra , achoribus , in materia quacunque ad superficiem corporis cum ægri levamine delata , indeque retropressa , kermes egregium erit medicamentum ; illum enim motum humorum excrementitiorum sequetur , qui facilius fuerat , & per quem multa corporis excrementa ad superficiem corporis ferebantur , etsi propterea kermes nulla specifica vi ad superficiem corporis urgente polleat. In scabie retropressa , erysypelate , saturninis adstringentibusque curato , in achoribus unguento & medicamento spirituofo , siccatis , in morbillis , variolis , scarlatina intempestive retropressa , in depositionibus materiæ cujusdam acris tenacisque , in depositione lactea subinde , in materie venerea glandulas obsidente , pulchre kermes minerale convenit , ac præ omni alio medicamento

mento spirituoso aromaticoque , quod et si humores æque potenter moveret, attamen aromate suo inflammante nocet. In variolis confluentibus kermes est potentissimum, & eximie conveniens sialagogum, & salivam copiose ciet. In pertinacissimis viscerum obstructionibus, in rebelli quartana, ob materiam febrilem crassam, pertinacem, non solvendam, non solum sulphur antimonii auratum, sed & huic affinis kermes mineralis egregio cum effectu exhibetur. In omnibus morbis pituitosis, præcipue iis, ubi pituita jam intra vasa sanguifera recepta est, omnino kermes convenit.

Dosis kermetis varia est pro varia ejus medicamenti efficacia, quam aliam atque aliam habet, prout alia atque alia præparatio accesserit. Securissimum est a minima incipere dosi, eamque pro ægri tolerantia identidem augere. Quarta grani pars quibusdam sufficit, plures granum dimidium ferunt, multi granum integrum.

Jungitur cum variis aliis medicamentis, prout indicatio est. Sic in doloribus inveteratis, nodis, tophis arthriticorum, venereorum, efficacissimum medicamentum habet.



habetur in kermete cicutaë & aconito juncto. Efficacissima hæc formula est:

Rec. Extract. cicut. unc.  $\beta$ .

— — — — aconit. dr. j.

kerm. min. dr.  $\beta$ .

fiant pil. gr. iij.

Quater per diem duas, dein tres.

Eadem formula luem inveteratam, mercurio, & omnibus mercurii præparatis rebellem curavit. In scabie inveterata idem summopere prodest; in efflorescentiis acutorum intempestive retrocedentibus cum pulsu humili, debili, cumque tremore artuum, convulsione &c. convenit hæc formula.

Rec. Moschi gr. ij.

Laudan. puri gr.  $\beta$ .

Kerm miner. gr. j.

Lapid. cancr.

Sacch. alb.  $\overline{\text{aa}}$ . scrup.  $\beta$ .

M.

Id præcipue valebit in variolis repente subsidentibus, in morbillis admissio frigore percussis. Si moschus desit, castoreum dupla triplave dosi acceptum idem ferme faciet. In promovenda variolantium salivatione, præcipue circa diem 11. 12. & 13, ubi præ spissitudine salivalis materiæ

ægri

ægri perſæpe vix non ſuffocantur, inſigni cum fructu kermes datur. Cum vero nauſeas, vomituritiones, vomitus, diarrhæas non paucis excitet, juvabit eidem kermeti medicamentum quoddam ſtomachicum, e. g. ex mentha, cinnamomo &c. adungere. Six pulvis granum kermetis continens ex uncia  $\beta$  aquæ cinnamomi, aut ex uncia aquæ menthæ, aquæ fœniculi ſumi poteſt; vel quod omnium erit tutiſſimum, kermeti laudani pauxillum jungi poteſt, ſi modo morbus is ſit, ut laudanum non repudiet. Hinc utile cenſeo, ut explicata kermetis virtute quædam de laudano ſubjiciam, ejusque viribus, ut ubi conveniat, aut non conveniat, aptius judicium ferre poſſemus.

## IV.

## O P I U M

Succus papaveris inſpiſſatus, qui opium audit, heroicum in arte noſtra medicamentum eſt, verum diſpar de opii viribus apud medicos opinio eſt. Antiqui id *refrigerans* ſeu *frigidum*, & quidem in quarto gradu

Hh

de.



declararunt. Quidam recentiorum, re curatius examinata *calefaciens* esse statuerunt. Operæ pretium est, medicamenti, tam excellenti virtute præditi, quodque sæpe unicum est, & usu ferme, quotidiano adhibetur, vires recensere. Ut quotiescunque posthac occasio, & indicatio opium exhibendi est, eo facilius indicati remedii rationes perspiciamus. In posterum ergo, ubi quæstio de exhibendo opio nascetur, semper ea in memoriam revocanda sunt, quæ in præsentiarum de viribus opii dicam. Accedit & id, quod me permovit, ut hancce materiam paulo diligentius, utut strictim solummodo, pertractem; quod ab omni ævo gravissimi circa usum opii errores fuerint commissi, comittanturque. Nolo hic assertionum singularum rationes addere, cum, qui opii historiam legere velint, viresque fusius descriptas, accedant historiæ naturalis scriptores, sed præcipue eos, qui peculiari tractatu de opio egerunt, ut sunt *Wedelius*, Cl. Edinburgensium medicus *Joung*, *Hecquetus* singularis opii fautor, & qui omnium instar esse potest, egregius *Trallesius*.

Opii actionem in corpus humanum si spectemus, patebit;

1) *Opium exhibitum pulsum cordis & arteriarum, adeoque omnem humorum circuitum intendere, & accelerare. Experimentum institui facillime potest.* Quo quis de rei hujus veritate convincatur, pulsus est ad horologii ictus numerandus; sumpto opio frequentior erit, quam ante ejus sumptionem. Vim cardiacam opio inesse tantam, ut opium vix non *unicum cardiacum* appellari mereatur, cordatissimus *Sydenhamus* asserit. *Boerhavius*, in tractatu de viribus remediorum, ad cardiacorum classem, præter vinum, spirituosâ, salia volatilia, aromatica, stimulantiaque, numerat etiam opium.

2) *Opium calorem corporis naturalem auget.* Hoc effatum ex illo priori necessario sequitur. Quidquid enim humorum motum auget, augebit pariter & calorem. Opium gustu amarum, inflammans & urens, uti piper observatur; cuti vero impositum aut rubefacit, aut instar emplastri vesicantis vesiculas excitat, ut adeo meritissimo jure opium ad medicamenta calorem excitantia stimulantiaque relegetur. Qui opio assueti sunt, uti populi orientales, Turci, alique sine opio, cardiacorum maximo, languent,



& si opii copia non sit, ejus loco vinum creticum, tanquam opii succedaneum, assumunt.

3) *Opium sanguinem, humores omnes circulates rarefacit, attenuat, eorumque volumen auget.* Pulsus enim non solum frequentiores fiunt, sed & elatiores, venæ & arteriæ turgent, facies rubet, inflatur, uti eorum, qui æstu, motu, vino incaluerunt.

4) *Opium sanguinem celerius motum copiosius determinat versus caput.* Notum est, ab opio fieri frequentem carebariam, capitis gravitatem, torporem, faciei turgescientiam, eo prorsus modo, quo fieri copiosius assumpto vino, aut spiritu vini solet. Oculi rubentes, protuberantes, feroces ab opio redduntur. Opium morbos capitis sanguineos producit, scilicet stuporem, delirium, meningum inflammationem ac cerebri, apoplexiam. Animalia opio enecata cerebrum inflammatum exhibent. Hominum & animalium mors, opio interemptorum, est *mors apoplectica*, uti a nimio vino, spiritu vini, solis æstu, insolatione. Cura in morbis, a nimio opio assumpto ortis, est summe antiphlogistica, ut adeo vis  
opii

opii necessario inflammans, & apoplexifera sit. Haud raro contingit, ut nutrices infantibus opium, theriacam, dioscordium præbeant, ut somnolenti, & quietiores evadant, sæpissime æterno sopore, & morte vere apoplectica ejusmodi infantes periire.

5) *Opium pacat animum, eumque audacem, alacrem, curis vacuum & hilarem efficit.* Mirabilis hæc opii vis est, & inexplicabilis. Asiaticæ, ut mortis metum instante prælio superent, spernant, opium deglutiunt, unde ipsorum animi efferantur, ferociunt, summo cum omnium periculorum contemptu, ut adeo incurii vitæ in mediam mortem ruant. Idem faciunt, etsi meliori cum successu, quod multi nostrorum militum, qui e potu generosioris vini, aut saltem spiritus vini poculo, prælium imperterriti ineunt. Qui opium refracta admodum dosi, & rarius solummodo assumit, peculiarem animi tranquillitatem, & mentem omnibus curis vacuum experietur; qui vero plusculum opii assumpserit, audacior evadet; vegetior; qui vero dosi excedit, in furorem agetur; qui iterum adhuc plus opii assumit, comatosus, & apoplecticus fiet.



6) *Opium temulentiam & ebrietatem inducit.* Omnes fere populi, quibus usus vini interdictus est, uti sunt sectatores Mahometis, loco vini aliud inebrians in usum trahunt, opium scilicet. Opium eundem in capite sensum, finita etiam ejusdem operatione relinquit, quem vinum largius haustum, & inde nata crapula.

7) *Opium sensum tactus obtundit*, minuit, & si is sensus præter naturam augeatur, exacerbeturque, natos inde dolores sedat. Hæc vis anodyna nullo pariter modo explicanda, vel in vulgus nota est, & sæpe unicum miseris mortalibus solamen dolorum præstat. Paracelsus hoc solo fere remedio, præter, mercurium usus, per omnem Europam vagabatur, & quasi miracula patraret, aut arte magica uteretur, ingentem sibi famam comparavit.

8) *Opium vires motum animale producentes debilitat, si largius, & frequentius usurpetur.* Loquor de motibus illis, qui imperio animæ subjacent. Qui opio multum utuntur, languere incipiunt, tonum muscularium fibrarum relaxatum queruntur, uti qui vino diutius & largius usi, artuum tremore, debilitateque laborant, &  
tristi

tristi necessitate de novo sese ingurgitare coguntur. Turcam opio assuetum videbis tardum, stupidum, & languentem ante assumptam opii dosin; verum utprimum stimulus hic opii in nervos agit, denuo ad aliquod tempus alacrem, vegetum, qui tamen paulo post in maiorem adhuc languorem recidet.

9) *Opium peculiari vi somnum inducit*, qui per omnes gradus usque ad somnum illum letalem & apoplecticum augetur, prout major minorve opii portio deglutitur.

10) *Opium dormientibus insomnia facit*. Somnus opio productus alius ab illo est, quem sibi relicta natura parit. Qui vero usu opii in somnum non incidunt, sed vigiles manent, phantasmatibus, & deliriis vexantur. Si largius & copiosius quis opio utatur, stupiditatem, insaniam, sensuum hebetudinem, dementiam, memoriæ defectum & fatuitatem producit.

11) *Opium venerem excitat*, & primum, si refracta dosi sumatur, aphrodisiacum est. Moschum & ambram opio junctam medicamentum aphrodisiacum præstare, asserit *Etmüllerus & Hoffmanus*. Plures sunt, qui assumpto opio de insomniis



venereis, de tentigine venerea, de pollutionibus nocturnis conquerantur.

12) *Opium est potentissimum diaphoreticum, diaphoresin cum pruritu movet.* Est hæc vis opii indubitata, ac omnium certissima. Sudor opio provocatus papulas rubras valde prurientes, vel in toto corpore vel saltem, idque plerumque, in facie excitat. Præter morficantem hunc in cute sensum, odor sudoris opium redolens subinde animadvertitur, id quod jam *Dioscorides* notavit.

13) *Dum opium diaphoresin promoveat, simul alias excretiones serosas cohibet.* Hinc mucum narium, oris, faucium, œsophagi, excretionem humoris cujuscunque sive naturalis sive præternaturalis in aspera arteria, pulmonibus suspendit, & materiem inspissat; succorum gastricorum, enteriticorum, vim peristalticam vesicæ opium inhibet, & lotii tum secretionem in renibus, quam excretionem in vesica tardiores efficit.

14) *Opium vim ventriculi peristalticam pariter minuit; hinc coctionem tardam, sive bradypepsiam, appetitum prostratum, nauseam, molestum in præcordiis pondus facit.*

facit. Ut adeo opium, saltem sæpius datum, iis, qui imbecilli, delicatoque ventriculo sunt, laxis, mucosis, non digerentibus summopere noceat, vim ventriculi contractilem magis adhuc debilitando.

Hæc vis opii, omnibus opiata vi præditis communis est. Sic nicotiana, sive fumo per fistulam attracto, sive masticata famem sedat, aut potius fallit, delendo appetitum, minuendo motum ventriculi peristalticum. Sic itinerantès, famelici, milites annona & fame laborantes, sucto per fistulam fumo appetitum fallunt. Ob hanc ipsam rationem inordinatus ac præternaturalis fibrarum ventriculi motus opio compescitur, etsi tamen aliqui sint, quibus opium, pilulari præcipue forma exhibitum, primo nauseam, dein lenem vomitum, mox tamen denuo conquiescentem, producit.

15) Opium, ut fibrarum ventriculi irritabilitatem inhibet, sic & fibras intestinorum facit minus sensibiles, minus irritabiles, ut ideo intestina stimulo contentorum sive bilis, sive excrementorum, sive cujuscunque rei irritantis minus obediunt; hinc opium alvinam excretionem suspendit.



Nolo hic singulos recensere morbos, morborum symptomata, ubi opium aut indicatur, aut non indicatur; nam hac ratione nostrum de febribus illarumque divisione differendi consilium interturbaretur, quod tamen non injucundum vobis fore, atque etiam præ aliis utile arbitror, cum multa circa febrium divisionem, rectamque illis medendi methodum apud antiquos recentioresque confusio sit, etsi earum curatio medicum ferme sola exerceat.

Attamen, ubicunque occasio erit in decursu explicationis, identidem, velut in transitu, ad usum vel abusum opii respiciemus.

## V.

*Antiphlogistica.*

In morbo præsentis methodus mere antiphlogistica adhibenda est, solvendum lenissime, liberque humorum motus restituendus. Verum cum hæc methodus, antiphlogistica videlicet, toties adhibeatur, juvabit exactam habere notitiam eorum, quæ  
stric.

strictissimo sensu antiphlogistica adpellari merentur.

Equidem nondum habetur, nec tam facile sperari potest adcurata & genuina inflammationis historia. Verum illud a posteriori videtur esse certum, in quavis inflammatione topica, seu locali esse:

1) Majorem esse humorum sanguineorum affluxum; 2) majorem in parte affecta vasorum, præcipue arteriosorum irritationem, motum, aut ut cum *Baglivio* loquar, crispationem fibrarum; adesse in quavis inflammatione spasmodici quid; 3) sanguinem eductum ut plurimum magis cohærere, crustamque lardaceam, crassamque exhibere; 4) inflammationi obnoxios potissimum esse eos, quibus major humorum quantitas intra vasa sanguifera continetur, quam quæ commode moveri & in circulum duci queat.

Hinc antiphlogistica sunt 1) quæ revelant a parte affecta. Laudant hoc scopo venæ sectiones in parte opposita institutas, ita, ut affecto capite sanguis in pede extrahendus sit. Verum, utut hoc subinde incertum



certis circumstantiis bonum sit, tamen *quasi arcanum quoddam est*, in topicis inflammationibus sanguinem emittere proxime ad locum inflammatum. Hæc methodus emit-  
tendi sanguinis penes ipsum locum inflam-  
matum tam nova non est, uti quibusdam videbatur, cum jam veteribus non paucis in usu fuerit. Hinc in doloribus capitis, ubi venæ sectio prodest, ea in brachio, itemque in vena jugulari, in fronte, aliisque vicini-  
nis locis felicissime non raro fuit instituta. In vera, ac sanguinea inflammatione oculo-  
rum, sive in *ξεροφθαλμία* Hippocratis venæ sectio penes oculum ipsum, id est sangui-  
fugæ circa oculum applicatæ plus efficiunt, quam repetitæ venæ sectiones in brachio, pede. In vera aurium, gingivarum inflam-  
matione sangui-  
fugæ penes ipsum locum af-  
fectum applicatæ, item scarificationes cru-  
entæ miraculi instar prodesse observantur. In apoplexia sanguinea egregius *Valsalva* venam jugularem secuit, itemque in occi-  
pite & nucha, quorsum majorem sanguinis affluxum, indeque celeriores evacuationem ac revulsionem fieri ex anatomicis noverat, cruentas, & profundas scarificationes fecit, remque hanc magni momenti esse arbitra-  
batur.

batur. Ad revellentia pertinent *cucurbitæ etiam siccæ*. Sic in uteri hæmorrhagia *Galenus* applicuit magnas cucurbitas siccas ad mammas, & ad stomachum. Huc etiam numerantur, scopo quasi revellente, *artuum ligaturæ*; in apoplexia sanguinea, in omni hæmorrhagia artus ligare summopere prodest. Sed quæritur, an etiam sinapismi, dropaces, vesicantia antiphlogistica adpellari mereantur, ex eo, quod revellentium classi possint adscribi? Respondeo: hæc omnia in inflammationibus *serosis & topicis* aliquo modo antiphlogistica vocari posse, quatenus serum superfluum ad partem aliquam depositam eliminant, reducunt, & motum febrilem a sero hoc copiosius collecto ortum indirecte tollunt; verum ex sua natura ad stimulantium numerum pertinent, & in morbis non serosis, sed vere inflammatoriis, a sanguine nimio, nimium moto, orgastico, phlogistico, necessario nocent, vasa per se jam nimium irritata stimulando, motumque humorum, per se jam nimis auctum, incitando.

2) Præter revellentia antiphlogisticorum nomine donanda sunt ea; quæ partes  
in



inflammatas, ubi major fibrarum irritatio est, *relaxant, emolliunt*. Hinc denuo venæ sectio, utpote summe relaxans remedium prodest; hinc mucilaginosæ, emollientia cataplasmata, fomenta,

(3 Antiphlogistica sunt, quæ sanguinem orgasticum temperant. Huc nitrum ab omni ævo numerabatur. Nitrum, utrum vera vi quadam refrigerante, & sanguinem nimium motum temperante gaudeat, nondum videtur exacte determinatum. Sapor ille, sensusque refrigerii, quem linguæ imprimat, nihil videtur. Equidem & camphora, spiritus vini camphoratus, olea quædam stiliticia, mentha pipirita, hunc refrigerii sensum in lingua producant, etsi ad calefacientia pertineant. Præterea vi suæ salinæ naturæ inter lenissima solventia, ad lenissima stimulantia, numerari debet. Videtur potius, magna quantitate aquæ dilutum, excretiones omnes & secretiones blande sollicitare; diuresin, diaphoresin, alvum blandissimo suo salino stimulo restituere, quibus functionibus restitutis orgasmus humorum, nimiusque eorum motus sponte cessat; ita ut nitrum nulla *specificæ* vi donatum sit;

ni-

nimia enim quantitate sumptum, uti omnia reliqua salia media, evidenter stimulat.

4) Ad refrigerantium, sive antiphlogisticorum classem *Acida vegetabilia* ab omni tempore referebantur; verum sæpe impar morbo inflammatorio acidum vegetabile est. Hinc alii *acida mineralia* in auxilium vocarunt. Operæ pretium videtur de usu acidorum mineralium paulo latius differere.

Cum emolumento hæc acida jam inde ab Arabum temporibus adhibebantur contra morbos putridos, malignosque. Verum tamen usus eorum largior, & eximia utilitas nostro sæculo videtur fuisse reservata. In morbo maligno vereque putrido, ubi gangrænosa humorum dispositio imminet, *acida vegetabilia* a viribus morbi superantur, atque ipsamet corruptionem putridam patiuntur. Verum *acida mineralia* putredini huic potentius resistunt, & imminuentem gangrænam averruncant. Sed hic non agitur de vi illa antiseptica, sed de ea, qua humorum orgasmum, nimium motum, sanguinisque nimiam rarefactionem temperant, tollunt. Egregius practicus *Tissotus*



tus in more positum habet, ut, ubi inflammatoria sanguinis diathesis repetitis evacuationibus non cedit, ubi vis acidorum vegetabilium enervatur, ubi æstus calorque mordax ægrum torquet, ibi statim ad acida mineralia confugiat. Frequens observatio præstantem hunc practicum docuit, acida mineralia non solum in malignis, sed & inflammatoriis morbis, præcipue rebellioribus convenire. Expendendum restat, ut definiamus, an in omni febre inflammatoria usus acidorum mineralium conveniat?

Respondeo : quamdiu fibrarum nimia tensio ac strictura est, in corporibus hominum robustorum laboriosorum, emollientia, aquosa, tepida, acida, vegetabilia potius convenire. Verum ubi fibrarum nimia crispatio non est, ubi adhibitis licet emollientibus, aquosis, tepidis, acidis, vegetabilibus nil proficitur, ubi æstus increscit, febrisque augetur, ubi a longe imminet mutatio morbi inflammatorii in malignum, in febribus inflammatoriis sceminarum, imbecillium alias, cacochymicorum, scorbuticorum, egregie convenit acidorum mineralium usus.

Un-

Univerſim, ibi auxilium ab acidis mineralibus in febre inflammatoria habetur, ubi ſanguinis miſſio, & potus emolliens ſolvensque effectu carent. Febres inflammatoriæ in principio æſtatis ſæpe ſeptici quid habent; & de morbis æſtatis adultæ & autumnii quid participant. Præterea, ſi febris inflammatoria ipſo hoc tempore æſtivali vel autumnali oriatur, facillime in malignam migrabit, præcipue ſi evacuationes ſanguinis per venæ ſectiõnem nimix fuerint, aut etiam ſua ſponte brevi inflammatoria in malignam abibit. Hinc acida mineralia tunc maxime indicantur, quæ potentiſſima antiſeptica vi gaudeat, interim autem omni inflammante, irritante aramate carent. Camphora æque fors antiſeptica eſt, ac acida mineralia, verum ob vim ſtimulantem, incitantem, ſudoriferam ſæpius nocet, ubi acida mineralia profunt.

Videamus effectus ab acidis mineralibus in corpore humano obſervatos.



1) Evacuaciones omnes, si languent, blande sollicitantur, urina, alvus, diaphoresis.

2) Putredini, quæ etsi in febre inflammatoria non reperiatur, attamen ob motum humorum caloremque auctum imminet, resistit.

3) Modo quodam inexplicabili, sed tamen per observationes certo, sanguinem rarefactum orgasmicumque temperat, & febrem minuit.

4) Vi quadam quasi specifica delirium avertunt, quemadmodum enim aer frigidus liberque orgasmum humorum in varioliantibus temperat, deliria, convulsiones quasi momento abstergit, ut primum is, qui ex insitivis variolis decumbit e cubiculo suo in aerem liberum defertur, ita eadem febrium inflammatoriarum symptomata ob acidis mineralibus auferuntur.

Dosis eorum varia est. Olim, uti & nunc, quidam admodum parci sunt, atque ad mensuram decocti paucas solum guttulas  
audent

audent præscribere. Verum magna quantitate absque incommodo ingeri secure potest. Nos id solum discriminis observamus, ut in morbis inflammatoriis paullo rebellioribus, attamen necdum vere malignis parcius, largius vero in vere malignis acida mineralia præscribamus.

Nostre formulæ sunt:

Rec. decocti hord. Libras IV.

Spiritus vitriol. Drach. ij.

Sacchar. candi, aut thom. q. s.

ut acor temperetur.

M.

Drachmæ ij spiritus vitrioli ferme omnium minima dosis est; præscribitur ad dr. iij. — unc. β. — dr. vj. Saccharum thomæ ex eo præferimus albo, quod hoc ultimum, album videlicet, in sua præparatione & depuratione ultima illud mucilaginosum obvolvens, & saponaceum illud vegetabile omiserit, saccharum vero thomæ adhuc possideat.



Alia formula est,

Rec. Roob. ribes. Libr.  $\beta$ .

Spirit. vitriol. unc.  $\beta$ .

M.

Omni bihorio duo cochlearia, Sic inter 24 horas uncia una assumitur. Nos absque ullo incommodo sceminae maligna febre laboranti dedimus intra 20 horas decem drachmas spiritus vitrioli.

Addimus subinde mixturis antisepticis spiritum vitrioli. Consueta in malignis formula est hæc.

Rec. Rad. serpent. virg. dr. ij.

Infunde cum  $\mathbb{H}$  ij aquæ fervent.  
dein adde

Spiritus vitriol. 3 i — iij.

M.

Assumat hujus infusi omni bihorio dr. ij. Hæc formula utique in solis malignis, cum pulsu humili, vereque debili convenit.

---

---

**A**lbini (B. S.) de ossibus corporis humani, ad auditores suos. 8. 1757. 12 gr. oder 45 kr.

Argenville (Dezaliere von) Conchyliologie oder Abhandlung von den Schnecken, Muscheln und andern Seltenheiten, welche in der See, in süßen Wässern und auf dem Lande gefunden werden. Aus dem Franz. übersetzt, und mit Anmerkungen vermehrt, mit 41 Kupfertafeln, gr. Fol. 1772. 8 Rthlr. oder 12 fl.

Aureliani (Cælii) de morbis acutis & chronicis Libri VIII. c. n. Jo. Conradi Ammani & Theod. Janß. ab Almelooven 4to 1755. 2 Rthl. oder 3. fl.

Baader (F. K.) vom Wärmestoff, seiner Vertheilung, Bindung, und Entbindung, vorzüglich beim Brennen der Körper. 4. 1786. 1 Rthlr. 8 gr. oder 2 fl. —

Bergmanni Commentatio de tubo ferruminatorio, ejusdemque usu, in explorandis corporibus, præsertim mineralibus, 8. maj. 1779. 6 ggr. oder 24 kr.

Bergmanns (F.) Grundriß des Mineralreichs, in einer Anordnung, nach den nächsten Bestandtheilen des Körpers, aus dem Lat. mit Zusätzen von D. J. K. Lippert, 8. 1787. 8 ggr. oder 30 fr.

Boerhave Epistolæ ad Joannem Baptistam Bassand, Medicum Cæsareum, 8. maj. 1778. 12. ggr. oder 45 kr.



Boerhaavens, Beschreibung der Arzneimittel und  
Recepte, die sich auf seine von dem Frey-  
herren von Swieten erläuterten Lehrsätze von  
Erkenntniß und Heilung der Krankheiten be-  
ziehen, aus dem Latein. übersezt. Zweite  
Auflage 8. 1775. 16 ggr. oder 1 fl.

Born (Ign. Equ.) Musei Cæsarei Vindo-  
bonensis Testacea, quæ jussu Mariæ  
Theresiæ Augustæ disposuit, cum fig.  
coloratis, fol. 1780. 30 Rthlr. od. 45 fl.

— — Index rerum naturalium Musei Cæ-  
sarei Vindobonensis. Testacea. Volumen  
primum. 8. maj. 1778. 3 Rthlr. oder  
4 fl. 30 kr.

Carminati (B.) Untersuchungen über die Natur  
und den Gebrauch des Magensaftes, aus  
dem Ital. gr. 8. 1785. 16 ggr. oder 1 fl.

— — — Therapeutische Abhandlungen, a. d.  
Lat. erster Band. gr. 8. 1789. 18. ggr.  
oder 1 fl. 8 kr.

Cranz (H. I. N.) de rupto in partes, do-  
loribus à fœtu, utero. 8. maj. 1756.  
4 ggr. oder 15 kr.

— — Solutiones difficultatum circa cordis  
irritabilitatem, cum fig. æneis. 8. maj.  
1761. 6 ggr. oder 24 kr.

— — Stirpium Austriacarum fasc. III. cum  
fig. æneis. 8. maj. 1764. 2 Rthlr. oder  
3 fl. —

— — Institutiones botanicæ, in quibus ge-  
nera & species plantarum hucusque  
cognitarum habentur. 2 Tomi 8 maj.  
1765. 3 Rthlr. 8. ggr. oder 5 fl. —

— — Classis umbelliferarum, emendata cum  
generali seminum tabula & figuris æneis  
8. 1767. 16 ggr. oder 1 fl.

— — Classis cruciformium emendata, cum figuris æneis in necessarium Instit. rei herbariæ 8. maj. 1769. 16 ggr. oder 1 fl.

— — Stirpium Austriacarum Tomi II. continens fasciculos sex, c. Fig. æneis 4. maj. 1769. 5 Rthlr. 8. ggr. oder 8 fl. —

— — Examinis chemici doctrinæ Meyeriænæ de Acido pingui & Blackianæ aëre fixo & respectu calcis rectificatio; 8. 1770. 16 ggr. oder 1 fl.

— — Materia medica & chirurgica, juxta systema naturæ digesta, editio auctior & emendata, 3 volumina 8. maj. 1779. 2 Rthlr. oder 3 fl.

Fontanæ (G.) Disquisitiones physico — mathematicæ, cum Fig. 4. maj. 1780. 2 Rthlr. 8. ggr. oder 3 fl. 30 kr.

Franzosen Doctor, (der geschickte) oder kurze Anweisung, alle venerischen Krankheiten, vermittelt der von den neuesten Authoribus angerühmten besten Arzneimittel, sicher und leicht auch ohne Beyhilfe eines Medici, zu kuriren, 8. 1752. 8 ggr. oder 30 fr.

Gaubii (H. D.) Institutiones Pathologicæ medicinales, 8. 1771 1 Rthlr. oder 1 fl. 30 kr.

Hacquet (B) Plantæ Alpinae carniolicæ, c. Fig. 4. maj. 1782. 16. ggr. oder 1 fl.

Hacquets Oryctographia carniolica, oder physikalische Erdbeschreibung des Herzogthums Krain, Istrien, und zum Theil der benachbarten Länder, 4 Th. 1778. (mitvielen Kupfern und Karten.) 7 Rthlr. 16 Gr.

— — — mineralogischbotanische Lustreise von dem Berge Terglou in Krain, zu dem Berge Glockner in Tyrol, im Jahr 1779. und 81.



zweite vermehrte Auflage, mit Kupf. gr. 8.  
1784. 16 ggr. oder 1 fl.

Haen (Ant. de) de Magia liber, Editio secunda, 8 maj. 1777. 12. ggr. oder 45 kr.

Hartmanni formulæ Remediorum in materiam medicam & chirurgicam clarissimi ac celeberrimi viri Cranzii. Editio nova, 8 maj. 1779 1 Rthlr. 16 ggr. oder 2 fl. 30 kr.

Heisteri (Laur.) Compendium Anatomicum, cum Fig. 8 maj. 1770 1 Rthlr. 8. ggr. oder 2 fl.

Heisters, Compendium Anatomicum, b. i. kurzer Begriff derjenigen Kunst, welche von den Theilen des menschlichen Körpers, nebst derselben künstlichen Zerlegung handelt, aus dem Lat. übersetzt, mit Kupf. gr. 8 1771. 1 Rthlr. 8 ggr. oder 2 fl.

Hippocratis Aphorismorum Sectiones septem, 24. 1726. 2 ggr. oder 8 kr.

— — — Aphorismi gr. & lat. 2 Janson Almeloven 12 1756. 8 ggr. oder 30. kr.

Huxhami (J) Opera physico — medica, curante G. C. Reichel. Editio aucta, 3 Tomi 8 maj. 1784. 2 Rthlr. 4 ggr. oder 3 fl. 15 kr.

Jacquin (N. J.) Miscellanea Austriaca, ad botanicam, chemiam & historiam naturalem spectantia cum figuris partim coloratis; Vol. II. 1778. 12 Rthlr. oder 18 fl.

— — — Stirpium americanarum historia, cum 185. Tab. illustr. Fol. 1763. 10 Rthlr. oder 15 fl.

— — — Observationum botanicarum iconibus ab auctore delineatis illustratorum IV. Partes cum figuris fol. 1764. 10 Rthlr. 16 ggr. oder 16 fl.

